

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Ejn Schöne Cronica oder Hystori buch, von den
fürnämlichsten Weybern, so von Adams zeyten an
geweszt**

Boccaccio, Giovanni

Augspurg, [am 3. Tag Februarii des 1543. Jars]

[urn:nbn:de:bsz:31-248529](https://nbn-resolving.org/urn:nbn:de:bsz:31-248529)



72 B
549

72 B 549 RH

135

Ein Schöne Croni-

ca oder Hystori büch von den für-
nämlichsten Weybern / so von Adams zeiten an gewesen /

Was güttes oder böses sie durch sy geübt / Auch was nachmaln
güttes oder böses darauß entstanden. Erstlich

Durch Ioannem Boccacium in Latein beschriben / Nachmaln
durch Doctorem Henricum Steinhöwel in das Teütsch gebracht /

Allen frommen Weybern zu einer Eer vnd exempel sirtgemalt / Vnd den
bösen zu einer besserung vnd warnung / Mit schönen figuren durch
auß geziert / Ganz nuzlich / lustig vnd kurzweilig zu lesen.



Gedruckt zu Augspurg / durch Hainrich Steyner / Anno M. D. XXXXIII.

M

72 B 549 RH



2

Vorred.



Der durchleuchtigsten Fürstin vñ fra-
 wē/ fraw Elienori/ Herzogin zu Osterreich 2c.
 seiner genädigsten frawen/ Erbeit sich Hainri-
 cus Steinhöwel vō Weil/ Doctor in der ertznei
 willig zu allen vnderthänigen diensten. Durch-
 leuchtigste Fürstin/ Als ich dz vergangē jar vñ
 mercklich vsach nit anheimisch/ vñ vil nahent s
 sorgen ertzneie gar entladē wz/ gedacht ich mein
 zeit nit gar müßig zūuertreibē/ Dñ nam für mich
 zu lob vnd eere deinen genaden/ vnd allen frawen zūteutschende/ dz büch-
 lin Johannis Boccatij/ von den sünreichen erleuchten weibern/ die von dē
 alten Cronickschreibern vmb jr sonderlich beginnen in ewige gedächtnuß
 seind gesetzt/ Doch vngleich/ wañ etlich durch ire sünreiche güte werck vñ
 geschichten/ darumb/ das weiblichs geschlecht den selbenn nachsölgig seyn
 wölle/ Etlich durch ihr schäntlich mißthün gesetzet werden/ jr gethaten zu
 scheühē/ Als ich aber in mir selbs vorbetrachtet hett/ dises Büchlin an dein
 genad zūkerē/ damit es bey mir nit verlāge/ Sonder mit hilff günstliches
 gelaites/ sicherer in die welt wandlen/ vnd gemeiner sein möcht/ sey d güt-
 te ding/ als Aristoteles schreybt/ je gemainer je besser werdenn / vñnd ich
 auch fand/ dz weder Fürsten noch Herren/ sonder so es allain von frawen
 sagt/ einer erkāntlichen aller sachen/ Gotfürchtigen/ gerechten richterin zu
 senden sein / Hab ich dich durchleuchtigste Fürstin auf gemeinem rhüm
 ein solliche erkenet/ vnd ein liebhaberin aller gütter künst vñ künstner. Da-
 rumb wolt ich disē meine fleissige arbeit / vonn den neünvñdneünzig er-
 leuchtē frawen deiner genaden höher erkāntniß beselhen/ als einem rechre
 strengen Richter zūerkenen vnd vrthailen/ ob sy würdig sey in die welt zu
 wandlen/ vmb übung der menschen sün mer/ wañ grossen nutz/ Demütigo-
 klich bittende/ durch dein hailige gemahelschafft/ in der du für ander frau-
 wen hochgebrisen würdest/ dises mein Büchlin güt mültigklich zu empfa-
 hen/ vnd zūhören vor der vrthail/ Wann ich nit zweiffel/ die tugentreiche
 lobliche starcke werck/ maniger frauwen darinn beschriben/ werden dey-
 nem gemüt freuden bringen/ die vnrainen/ verwundern vñ manung sol-
 liche zūscheühen/ vñ hindan zūschaiden/ inn gleicherweiff/ Als wo man ro-
 sen brechen will/ wiewol die dorn darumb stond/ danocht werden sy hin-
 dan geschaiden/ vñ die rosen gebrochen. Die binen saugen auch nit alle blü-
 men an die sy fliegen/ sy verzeren auch kaine gar/ sonder wañ sy darauf ge-
 sosen haben/ was inen zu dem honig nutzlich ist/ das vberig lassenn sy vn-
 gelezet. Inn sollicher maß leret vns Sanctus Basilius/ solliche Bücher/
 mit gükten vnd schantlichen wercken vermüschet/ also lesen / das wir auf
 den dornen die rosen klauben/ auf den blümen das honig/ das ist/ das wir
 auf klauben/ was vns zu tugentreichen wercken dienet / das vberig ver-
 achtend ligen lassen. Ob ich auch etwañ gröbere wort schribē/ dan deiner
 2 ij genaden

Vorred.

genaden-reinigkeit zugehört zureden oder zühören/beger ich inn dē besten zuernemen/Wan die selben wort/on endrung der rechten meinung nit mochten mit vmbreden gesetzet werden/Darumb vnd besonder das die wort nit vnrain gezelet werdent/wo die vbeln werck nit darbey seind/so hab ich etwan/mit vrlaub reiner frawen/hür gesetzet/das der recht sin be Leib vnuerändert/als von den frawen flora/Leena/vnd etlichen andern geschribē ist/deren vnkeuschen werck/so vnrain waren/das sye vnbillich mit vmbreden beschönet/sonder schnödiglich den wercken zuschmach genestet werden/vnd auch das sich weißlich reinigkeit vor den schnödē wercken dieses namens deßer ehe beschirme.Wan zu gleicher weis/vnnd wye sich weibliche würd auß tugentreichen wercken inn dē gemüt aufferhebt also wirt sy durch misstün getrucket/vñ wer wol billich/für andere ordnung menschlich vnd wol zuleben/das die tugentreiche werck der frawen auch besondere gab der natur oder vngefelles/die der gedächtnuß würdig weren/von jeder frawen beschriben wurden/zügüt den nachkommen den/den gütten nach zuolgen/die argen zumeiden/Alsich von den neun vndneünzig geschriben hab/einer die hundertest stat behaltenden/die billich als ein kron weiblicher eeren vnser zeit/die tugentreiche werck der frawen beschlüsse/Deren lob in allenn gütten gaben so weit erschollen ist/das sy billich inn ewige gedächtnuß zusetzen were.Warumb aber das bis auff dise zeit noch nit beschehē sey/main ich allain darumb sein/das sich die selben werck täglich on vnderlas meren vnnd hauffen/so mercklich/das ich gedencck sy werden zusamen gesparet. Doch zum beschluß dieses büchlin/wer mir genüg/wann ich beschriben hette dise gaben/wie sy von eelicher geburt ein durchleuchtige Künigin/auß künig Jacoben von Schotten vñ seinem gemahel/ainer künigin von Engellande/gebore sey/mit einem roten Löwen verwapnet/zubedeuten ire innbrünstige starckmütige liebe zu Got vnd irem gemahel/mit bekrönter stätigkeit durch die blawen kron bezaichnet/Darzu ir das gelück ein mitt hellend wappen gegeben hat/das alt Osterreich geneuet würdt/fünfffliegend lerchen inn blawer feldung/zubedeuten wie sy sich durch ire fünffsin inn hoher vernunfft allezeit übet/vnd als die lerchen auff gehn himel fliegt/Betrachtent wie sy tugentreiche werck inn barmherzigkeit gütiglich volbringen/darzu ir aber/das güt gelück geholffen hat/durch bescherung eines hochgebornen willfahenden gemahels Herzog Sigmunds von Osterreich zc.meines genädigen herren/der von Göttlicher allmächtigkeit mit besondn gaaben/hoch für ander gesehen ist/Wan in stercke des leibs/an übung vnd geradigkeit werden wenig sein gleich erfunden/Aber in Göttlichen gaabē seines gemütes vñ vernunfft mit loblicher gemaster miltigkeit/mit aufenthalt vñ merung der Gotteszier vñ dienst/aller Gotes heuser/mit einbildung des wort gottes/Pax uobis/das ist/der frid sey euch/des er sich got nachuolgend stätiglich übet zühaiten/vnd auß freündtlicher freyer regierung seiner gepflichten/

Vorred.

ten/denen auß angeborner gütigkeit des hohen stattsens/O sterreych frey
 er zug gegünnet wirt/mit stäter vestigung wolbetrachter wort/der war
 hait on alles wencken für brieß vnd sigel auff das höchst gelobet ist. Wo
 er aber durch sein land/seine Ritter schafft/adel vnd gemeynen man solte
 gelobet werden/wirde mir zeyt zerinnen/eh ich diensfliche vnderthänig
 kait gegen seinen genaden vnd freündliche liebe gegen den seinen erzölte.
 Ob aber grosser reychtumb den menschen sälliger machte/das doch vonn
 den alten weysen in zweyfflung gesetzt wirt/so möcht er wol der sälligst ge
 schätzt werden/durch sein sylber berg vnd aller metallen volkommenhayt/
 durch die Graff Laurentz von Tyrol/den man den starcken Laurin nen
 net/vmb sein grosse reychtumb vnd maacht die sein leüt auß den bergen
 graben/darinn sy auch erdmännlin gehayssen wurden/in gleicher maß bes
 tümet ward/Diß alles iren genaden/durch bescherung Gottes vnd ange
 borne gütigkeit ihres hohen gemahels/wirt vnderthänig gemacht ir hai
 liges leben in wesen zübehalten. Ob sy aber auß gaaben der natur solte ge
 lobet werden/so sünde man das sy Got mit leiblicher wolgestalt also bes
 gabet hat/das sy Marianni in schöne zügeleichen were/in weyßhait Mis
 nerue/inn erbarkait Sulpitie/fürsten hof loblich zühalten der Königin
 Gaie Cyrille/in subtiligkeit der hände werck Arachni/in stätigkeit trei
 wer gemahelschafft Julie/Pompeie Pauline/Arthemisie/in reynen sani
 lung jungfräwlicher zucht/eere vnd scham der keüschhait Lucretie/die
 mitten vnder ihren jungfrawen wollen zaysen gefunden ward / Was
 soll ich sagen? ein fleysfiger betrachter der selben frawen loblicher werck/
 deren ich mein zal züerfüllen mangel habe/sünde das kein lob vonn diser
 frawen beschriben ist/des sy doch nit groß thailhasstig sey/Darumb mein
 büchlin mit beschribnem leben/einer sollichen tugendreichen frawen vn
 ser zeyt züschliessen hab ich gewartet/So ich aber meiner hoffnung bis
 her entsetzet bin/wolt ich dises mein büchlin lenger nit verdilgken lassen/
 sonder deiner fürstlichen genaden als mein erstes ansehen gewesen ist/zü
 senden/als zü der hundertisten durchleüchter frawen ein krone/deren lob
 ich gewartet hab / Wann ich nit zweyffel/so du an vil enden gegenwärt
 tiglich nit gesein magst/dises büchlin werd deine tugendreiche werck
 weyt außbrayten/vnd andere frawen deinen vnd andern loblichen ge
 thaten darinn beschriben/ermanen nachzünolgen. Vnd bitte dein hochge
 borne genad/das inn gütter maynung auffzünemen/als ich gethan hab/
 In hoffnung zü ewigen zeyten in deiner genaden schirni vnd gunst gesetzt
 werden/die Got in sälligkeit lang beschirmen wölle. Geben zü Olm
 auff den xiiij. Augusti/nach der geburt Chusti vnsers erlösers vnd sällig
 makers/im M. cccc. lxxij. Jar.

Register.

Hiernach folget das Register / darinnen ein kurtzer begriff
vnd Inhalt / der Weyber (von denen Johannes Boccatus geschri-
ben) kürzlich zu vernemen ist / Wer ein yede gewesen / was
geschicht vñ gethaten sie begangen vñ volbracht hat.

A.

- A**grippina / Germanici gemahel / starb vor hunger / darnor mocht Tyberius nit sein. Caput lxxxv. Folio / oder am Blat lxxxv
- Agrippina / des Kayseris Neronis mütter / tödtet iren vetter vnd mann / vñnd nam Claudium / Sy bracht iren son an das Kayserthumb / Sy thet vil mörd / Sy ward von irem son getödtet. Caput lxxxvii. Folio lxxxviii
- Amalthea oder Deiphebes die Sibylla / belibe vil hundert Jar keüsch / Verbrante ire Weyssag bücher. Caput xxxiiij. Folio xxx
- Antonia / Marci Antonij tochter / behielt ihren keüschen wittwenstade vñdter dem vnkeüschen zu Wenz. Caput lxxxviii. Folio lxxxix
- Arachnes / das künstreych weyb / des Idomonij Colophonij tochter / hat erfunden das leynwadt weben / Nätz stricken / Sy was ein maysterliche würckerin / Es hencket sich selber auß vbermüt / darumb / das sye vonn Pallade vberwunden ward. Caput xvij. Folio xv
- Argia / Pollynitidis des künigs gemahel / erzaygt ihrem todten gemahel sonderbarliche lieb. Caput xxxv. Folio xxxvi
- Athalia / künigin zu Hierusalem / ließ vmb geysigkeit / ohn eintrag züregieren / als les küniglich David geschlecht ertöden. Ein lere / den gewalt zünerachtent / vñd ein rupffen yeziger regierung der Herren. Caput l. Folio vliij
- Arthemisia / ein künigin in Caria / tranck die ässchen irs todten mannes / Vñd ließ im ein grab machen / das war der syben wunder der welt eines. Cap. lvi. Fo. vliij
- Armonia / Gelonis von Sicilia tochter / erbot sich zü tod in treüwen / als ir junckfraw für sie gethon het. Caput lxxv. Folio lvij

B.

- Beronicas / ein künigin von Cappadocia / tödtet die erwürger irer kind / mit shren aygnen hand. Caput lxxi. Folio lxxi
- Brunichildis / die künigin von Franckreych / hat iren man vñd irs mans ängklim ermorden vñd vmbungen lassen / durch list anderer / des ist sy vñd irem son Glocario hart gnüg gestrafft worden. Caput ci. Folio lxxxv
- Busa Camusina von Napels / gab auß mültigkeit zehen tausent mannen speys vñd zärung. Caput lxxv. Folio lvij

C.

- Camilla / ein künigin Volscorum / ward vertriben mit ihrem vatter / vñnd wider eingesezt / Sie behielt ir raynigkeit / Streytet wider die Troianer. Ein lere von zucht der Jungkfrawen. Caput xxxviii. Folio xxxviii
- Camiola / ein wytreib fraw von Senis / ist gweßt gütter siren / züchtig vñd keüsch / Hat sich in der blägerung der Lyparitanier / des heers noch angenomen / Hat Rolandum / des künigs Frederichs ledigen sone / vom gefengknus erlöst / doch wenig dancks von im darumb empfangen. Caput c. Folio lxxxv
- Cassandra / Priami des künigs tochter / ward vmb ihr weyssagung von Clytemnestra erwürgt. Caput xxxv. Folio xxxvii

Ceres

Register.

Ceres/ein Königin auß Sicilia vnd Göttin der fruchten/hat erfunden den acker
bau in Sicilia/mit aller zugehör mahlens vnd bachens. Cap. v fol. iij
Chloelia/ein Römische Jungkfräw/süret ire gspilen auff einem acker pferd vber
den grausamlichen fluß des Tybers/sie von einer gesellschaft züerledigen.

Caput ii folio xlvj

Circes/der Sonnen tochter/verwandelt die man mit zäwberey in vnnernünff-
tige thier/nach der sabel züsagen. Caput xxxvj folio xxxvj

Clandia/ein Closterfräw/tödtet iren vatter. Caput lvi folio liij

Clandia Quinta die Römerin/gienge mit allen den edlesten Römerin/die ver-
leümbrest auß/vnd die berümpfetest wider heym. Caput lxxiiij fol. lxxij

Cleopatra/ein Königin in Egypten/ermördet iren man/Sy gewan durch vnlaus-
terkayt grosse land/Sy ertödtet sich selbst. Caput lxxxvii folio lxxxv

Clytemnestra/die Königin Mycenarum/ließ iren man ermorden/darinn sy vnd
der mörder von irem son Noreste ertödtet wurden. Cap. xxxviiij fol. xxxvij

Constantia/ein Königin Sicilie/hat geboren Kayser Friderichen im fünffzigsten
Jare. Caput xcix folio lxxxviiij

Die weyber Cymbrorum/das seind Thurwalhen/stieffend shre kind zü tod/vnnd
hanckten sich selbst/eh daß sy in aygenschaft können wolten. Cap. lxxxvij. fol. lxxv
D.

Deianira/Herculis weyb/wolt Herculem zü shr lieb naygen/vnnd tödtet shn.

Caput xxiij folio xix

Dido oder **Elissa**/Königin zü Carthago/stiffet die statt Carthaginem/Sie bes-
hielt raynen wirwenstand bis in den tod. Ein schöne lere zü lob dem wirwen-
stül. Caput xl folio xxxviiij

Drigdiagontis/Gallogreci gemahel/reyniget iren leyb vnd gemüt mit dem haupt
des nochzwingers. Caput lxxij folio lxx

E.

Engeldruda/ein Florentinische jungkfräw/ward von dem Kayser Otto vmb shre
stätigkeit begabt. Caput xcviij folio lxxxviij

Epitavis/ein gefreyete fräw/nach vil marter hencket sie sich selbst/eh sie wolt die
geschwornen wider Neronem dargeben. Caput lxxxviiij fol. lxxxv

Erychrea oder **Eriphila**/ist gewesen ein fast alte Sibylla/hat geweyssagt man
cherlay. Caput xix folio xvi

Eua/vnser aller Wütter/hat vbertretten das eynig gebot Gottes/Vermaynend
erlich/sy hab züm ersten das spinnen erfunden. Caput i folio i

Europa/Königin in Creca/das ist Candia/ward von dem Juppiter verführt.
Ein lere/den Jungkfräwen sich zübehüten vor vil hin vnd her wandern/nach
freyem willen. Caput ix folio viij

F.

Faustina Augusta/Marci Antonij des gütigen gemahel/wz vnkeüsch/vn ward
mit iren bülen blüt/vn jr begird zünertraybē/doch gehaylt. Ca. xciiij. fol. lxxxix

Flora/ein gmahel Zephyri/vnd gar ein reycher hür/sagt ein schändliche Jarzeyt
auff/genandt Florales. Caput lxxij folio liij

G.

Gaia Cyrilla/des Königs Tarquinij Prisci gemahel/ist die häßlicheste Königin
gewesen. Caput xliij folio xxxix

A iij Decuba

Register.

H.

- Hecuba**/ein Königin Troianorum/ward wütend umb ihr ungesell res mannes/
 irer kind/vnd der statt Troia. Caput xxxij Folio xxxij
- Helena**/des Königs Menelai gemahel/vn die schönest im Griechen land/ward von
 Paride dem Griechen empfür/ vn Troia darinn zerstört. Ca. xxxv. fol. xxxv
- Hippo**/die Griechisch frau/sprang in das Meer/ir Keüschheit vor den Räußern
 zübehalten. Caput xxij Folio xlvj
- Hortensia**/Quinti Hortensij tochter/ward deren frauwen vor den dreyen Mäne-
 nern fürsprech/die vn ein schwere Summa gelts angelegt wurden/auf erhays-
 schung Gemaynes nugs. Caput lxxxv Folio lxxvij
- Hypermetra**/ein Königin in Griechen/behielt iren man Limum oder Lincäu/
 im leben/do ire Schwester neun vnd vierzig all ire man ermödtet. C. viij. f. vj
- Hypsiarea**/ein Königin des grossen Meers/ward getödtet von ihrem man/dem
 sie züvor grosse trew erzeygt hat. Caput lxxxv. Folio lxxvij
- Hypsipyles**/ein Königin Lemni/bhielt iren vatter/do alle man von den weyßern
 getödtet wurden/Sy ward darumb vercriben inn das ellend. Ein lere/vonn
 güctigkait der kind gegen den vattern. Caput xv Folio viij
- Hyrenes**/Cratini tochter/ist fast die best malerin gweßt. Cap. lviij. fol. liij

J.

- Johanna**/ein Königin zü Hierusalem vnd Sicilia/ist seer reych an Land vnnnd
 volck gewesen/Hat wol regiert/Hat alle vn sichere weg verschafft züräumen/
 darmit sicher züwandlen sey dem Reychen als dem Armen/Ihre fürnämbo-
 sten am Hof habend sie geförchtet/vnd sich ab ihrer dapffertait gebessert/Sie
 hat vil auffstöß von den Brüdern/die im Regiment waren/erlitten/Auch vil
 Krieg/doch die allweg zü friden gestelle. Caput cii Folio lxxxvij
- Johannes Anglicus**/ein Pabst/wie der nam ein mans außweyßt/aber er ist ge-
 weßt ein weyb. Caput xcvi Folio lxxxvij
- Jocasta**/ein Königin der Troianorum/ließ ihren son Edippum für die wilden
 thier werffen/der selbig het erödtet seinen vatter/vnd genommen sein mütter
 zum weyb. Caput xxvij Folio xv
- Joles**/Euryti des Königs von Eholien tochter/zümet vnnnd weybet den sterckes-
 sten Herculem/zü raach res vatters. Caput xxi Folio xxxvij
- Jfis**/Königin vnd Göttin in Egypten/ward von dem Juppiter gschwecht/vnd
 in Egypten gesandt/do ward sie zür Königin erwölet/wann sie sand das volck
 rauch vnd vihisch/vnnnd leret sie menschlichen leben/Sie hat zum ersten erfun-
 den die Egyptischen büchstabten. Caput viij Folio vij
- Julia**/des Kayfers Caij tochter/starb vor schrecken ab ihres mannes blütige Klay-
 der. Caput lxxxvij Folio lxxv
- Juno**/Saturni vnnnd Opis tochter/ein Schwester vnnnd gemahel Juppiters/der
 hymmeln vnd reychtumb ein Göttin gehayssen/vnnnd für all Göttinen geehret
 der irsal/wehret lang biß nach der geburt Christi. Caput iij fol. iij

K. L.

- Lavinia**/ein Königin Laurentum/flohe in einen wald mit irem son/vnnnd gebat
 darinnen Eneam Syluium. Caput xxxix Folio xxxvij
- Leena**/ein Griechische frau/vnd ein grosse hür/biße jr selber die zungen ab/dar-
 mit sie die heymligkait irer bülen nit möchte offenbaren. Cap. xlix. fol. xliij
 Leuntium

Register.

Leucina/ein Griechische frau/wer die geleertest geweest/wa sie die kunst mit vns
 keuscheyt nit besleckt hatt. Caput liij. Folio. liij.
Libya/ein Königin Libye/regiert so wol/das das ganz Königreich Libya von
 ir den namen behielt. Caput v. Folio. ix
Lucretia/Tarquinij Collatini gemahel/ertödtet sich vor irem vatter / man vnd
 freunden/darumb/das sy sich entschuldiget des bezwungenen Ehebruchs.
 Caput xlvij. Folio. xlvij

A.

Mantho/Thyresie des warsagers tochter/ist ein grosse weissagerin/aber nit auß
 Gote geweest/Den namen hat sie von ir selber. Caput xxvij. Folio. xxvij
Mariannes/ein Königin in Judea/ist schön vnd wolgestalt geweest/ ward von
 irem man Herode vnuer schulde getödtet. Caput lxxvij. Folio. lxxvij
Marselia vnd **Lampedo**/bayde Königin in Amazonia / warend zwo streytpare
 Königin/wie der weyber regierung ein vrsprung het. Caput vi. Folio. ix
Martia **Varronis**/ein Römerin/hat ir reyne junckfrawschafft gehalten bis an dz
 end irs lebens/ Ist die best bildhawerin vñ malerin geweest. Cap. lxx. Fol. lxx.
Medea/ein Königin Colchorum/ist geweest die grössert zaubererin/Sie half Ja-
 soni wider iren vatter den guldin schepfer gewinnen/Sie lieh ihren brüder inn
 vil stuck zerhauen/Sie ertödtet Jasons weyb vnd kinder. Ein güte lere den
 frauen/die augen zuregieren. Caput xvi. Folio. xviij
Medusa/des Königs Phorcys tochter / ist wol erfahren geweest des Ackerbauens/
 ward reich durch ir schöne vnd weisheit/Doch empfäret ir Perseus die reich-
 thumb. Caput xv. Folio. xvij
Megulia/ein Römische frau/ward Dorata gehayssen/das ist wolbegabte/vonn
 wegen irer grossen heymstetor/die doch zu disen zeiten klein wer. Ca. liij. fol. xlvij
Der jüngling Menier weyber/legten sich an irer man stadt/die zum tod verurtey-
 let warend. Ein schöne lere/von rechter liebe. Caput xxix. Folio. xxx

B.

Nicanla/ein Königin von dem ferresten Noenland / ist die weysert geweest inn
 künsten/vnd fast reich. Caput xli. Folio. xxxvij
Nicostrata oder **Carmenta**/Königin auß Arcadia/ein tochter des Königs Jonij/
 ist ein weyffagerin gewesen/Hat die Lateinischen büchstaben vnd Sprach
 zum ersten erfunden. Caput. xxx. Folio. xxx
Nobes/ein Königin Thebanorum/wolt auß hoffart für die Göt geehrt werden/
 darumb starbend ir dreyzehen kinder/vnd ir man Amphion ertödtet sich vor
 layd. Caput xliij. Folio. xliij

C.

Olympias/Königin in Macedonia/gebar durch den Ebruch Alexandrum/Sy
 ward vertriben vñ wider eingesetzt/aber gfangen vñ getödtet. Cap. lv. Folio. liij
Ops/Opis oder **Rhea**/auch **Cybele** genant/ein Schwester vnd gemahel Saturni/
 auch ein Haydnische Göttin/behielt drey sün vor dem tode/den ihr vatter Sa-
 turnus inen zeitlon verschafft hat. Caput iij. Folio. iij
Drychia/deren müter ist geweest **Marthesia**/vnd ein Schwester **Antiope**/ ist ihrer
 streytparer hand halb/dem Herculi vergleiche worden. Cap. xvij. Fol. xvi.

P.

Pamphiles/ein Griechische frau/vñ ein tochter **Platte**/ist ein erfinderin geweest
 des brauchts der baumwollen. Caput xli. Fol. xxxvij.
Paulina

Register.

- Paulina/ein Römerin/hat sich vermische mit einem jüngling/Mandrus' gnafte/
vermaynende/es were der Egyptier Gott Anubis. Caput lxxxvj. fol. lxxij.
- Penelope/des Königs Icaris tochter/vnd ein gemahel Olyssis/bieit ihren bayli-
genn wittwenstand inn stätigkeit ihres mannes / zweynzig Jar wartende.
Caput. xxxvij. Folio. xxxij.
- Penthesilea/ein Königin Amazonum/hat erdacht die wurff beyhel/vnd männlich
gestritten wider die Griechen/Hectori zugefallen. Caput xxx. fol. xxxvj
- Polyxena/Königs Priami tochter/ward von Neoptolemo / auff seines vatters
Achillis grab/enhauptet. Caput xxxi. Folio xxxij
- Pompeia Paulina/des Lucij Annei Senecce/zuchtmaisters Neronis/gemahel
hat wollen mit irem man durch die aderlassen sterben/als ihn Nero wolte töd-
ten lassen. Caput lxxxix. Folio lxxxvj
- Portia/Catonis Utricensis tochter/als sie vernomen/das ir man Decius Bru-
tus im heer erinder gelegen/vnnd zertod geschlagen ist worden/hatt sie ire käh-
len verbrennt/das sie gestorben ist. Caput lxxix. Folio lxxvj
- Proba/Adelphi gemahel/ist so hochgelert gewesen/das sie die Alten vnd neuwen
Le/maisterlich auß den versen Virgilij beschriben. Cap. xcij. fol. lxxvij
- Procris/des Königs Pandionis von Athen tochter / vnd ein gemahel Cephali
berte stätigkeit/ward durch das gold gewaichet/vnnd von irem liebhabenden
man vngesfarlich erschossen. Caput xxxvj. Folio xxxij
- Q. R.
- Rhea Julia/ein Kloster frau/gebart Remum vnd Romulum / die stifter der stadt
Rom/darumb ward sy getödtet. Ein schöne lere / von den Kloster frauen.
Caput xliij. Folio xxxvij.
- Romana ein junge frau/sauget ir mütter/die hungers zertödtet verurteylet was/
vnd durch solche treu ward ir die mütter an die hand erledigt gegeben / sy haim
zuführen. Caput lxxij. Folio lv
- S.
- Sabina Poppea/ein Römerin/Sabini Poppei tochter/was vnkeüsch/vnd ray-
get Neronem darzu/so vyl/das er sy zum weyb nam/vnd doch zülest er töd-
ten ließ. Caput xc. Folio lxxxvij
- Sapphos/die Poetin/was die geleertest in Lateinischen gedichten/vnd allem jais-
ten sp. l. Caput xlv. Folio xxxix
- Semiramira/ein Griechische frau/von Messana der Stat / was vnkeüsch vnd
lüstig/vnd ward in den Obersten rath der Römer genommen/ von dem gesetz
das alle weiber solten gemain sein. Cap. xciiij. Folio lxxxix
- Semiramis/ein Keyserin von Assyria/regiert inn gestalt ihres sons/Sye gewane
Mozenland vnd Indiam/Sy bawt Babyloniam/vnd bezwange die selbigen
widerstännige/Sy het vil man in vnlautekeit/auch iren aignen son/ Sy er-
laubte vnkeüschheit maniglichen/Sy erdachte den frauen nider kleyd zu tra-
gen. Caput ij. Folio ij
- Sempronia/ein Römerin/ist fast gelert gewesen / aber geizig vnnd vnkeüsch/
ward zülest getödtet. Caput. lxxxvj. Folio lxxij
- Sophonoba/ein Königin Numidarum/ deren morgengabe was ein vergyffte
tranck/das tranck sy willig vnerschrocken. Caput lxxix. fol. lxxij
- Sulpicia/Suluij gemahel/ward ob allen Römerin die erwürdigst erachtet. Ein
lere von erbarkeit der frauen. Caput lxxvj. Folio lxxvj
- Sulpicia/

Register.

Sulpicia/ Truscullionis gemabel/ zohet ihrem mann nach inn das ellende.
 Caput lxxxv. Folio lxxxvj

T.

**Tertia Emilia/ des ersten Scipionis Africani gemabel/ was gedultig vmb den
 Lebruch ihres mannes.** Caput lxxxvij. Folio lxxxvij

**Thamiris/ ein Königin Scytharum/ erleget im streyt den mächtigsten König
 Cyrum.** Caput lxxxvij. Folio lxxxvij

**Thamiris/ ein tochter Nyconis des malers/ hat in der kunste irem vatter nach-
 gschlagen/ also/ das sy die bildentz Diane in ein tafel hat gemalt/ so hüpsch/ das
 ir die selbig zu eym lob vnd preys/ lange zeyt zu Epheso/ in gedächtnus behalten
 worden ist.** Caput lxxxviii. Folio lxxxviii

**Theosena/ des fürsten Herodici tochter/ tödtet ire kind/ sich selber vnd iren mann/
 ehe sy in eigenschafft kommen wolte.** Caput lxxxviii. Folio lxxxviii

**Thysbe/ ein Babylonische jungfraw/ hat sich mit ihres liebsten bülen Pyrami
 schwerdt/ der sich züvor erstochen/ auch getödtet.** Caput lxxxviii. Folio lxxxviii

**Triaria/ Lucij Vitelli gemabel/ zohet gewapnet mit irem mann/ für in züstreyt-
 ten.** Caput lxxxviii. Folio lxxxviii

**Tullia/ ein tochter Seruij Tullij/ ließ tödten iren mann/ Schwester vnd vatter/
 vnd für mit einem wagen vber in/ das sy von seinem blüt bespienget ward.**
 Caput lxxxviii. Folio lxxxviii

V.

**Venus/ ein Königin auß Cypren/ hett vil männer/ Erdacht die Frawenheüser/
 vnd bezwang die erbarn frawen darein/ vnd ordnet die jungfrawen den ge-
 sten.** Caput lxxxviii. Folio lxxxviii

**Veturia/ ein edle Römerin/ behielt Rom/ darumb alle frawen mit grossen frey-
 heyt begabt werdend/ die vor wenig von den männern geehret warent.**
 Caput lxxxviii. Folio lxxxviii

**Virginea/ ein jungfraw/ vnd Auli Virginei tochter/ ward von ihrem vatter ge-
 tödtet/ durch falsche vtrayl der bösen Richter.** Cap. lxxxviii. Fol. l.

**Virginea/ Lucij Volupini gemabel/ erdacht ein Tempel weyblicher scham vnd
 ehren.** Caput lxxxviii. Folio lxxxviii

F. Y.

**Vrenes/ ein Römische Kayserin/ regieret das Keych/ vnd kam inn das Kayser-
 thum gen Franckreich.** Caput lxxxviii. Folio lxxxviii

Z.

**Zenobia/ ein Königin Palmirenorum/ was rain in der Ehe/ vnd erlediget iren
 man Odenatum/ mit streytbarer hand/ Drucket die Römer vnd ander König
 Doch zü letst ward sy von ihnen gefangen.** Cap. lxxxviii. Fol. lxxxviii

Ende des Registers.



1
Das künstlich büch Johannis Boc-

cati von Certaldo/so er von den namhaffsten Wey-

bern zu der wolgebornen frawen/ Andream/ Gravin zu
Altenilla &c. geschriben hat.

Von Eua vnser ersten Mutter.

Das erst Capitel.



Geweylich mir zubeschreibe fürtenomen von
den rämlichen wercken/dadurch vil trefflicher Weyber
namhafft vnnnd berümpft worden/wirdt sich am aller bes-
sten gepüren/von vnser aller müter den anfang zünemen.

B Danis

Boccatius von den

Dann die selbigeltest mütter *Eua*/wie sie vnder allen andern frawenn
 die erst/also ist sy mit grossen herzlich gaben/die fürnemste vnd treffens-
 lichest gewesen/auf vrsach/das sie nit/wie andere leüt so in dis ellend/ Bes-
 triebt iamerthal der welt nur in angst/ not vnd arbeit erboren/ werdenn
 auff erden kōmen/auch nit von Got auff selbiger naigung erschaffen/oder
 das sie wie ander menschliche erstgepome kinder/so von stunden ire anhā-
 genden sind bewainen/noch so schwach vnd blōd/inn das sterblich lebenn
 eingangen/Sonder (das kainem andern nie beschehen noch erhōret wer-
 den) als zūvor Got der allmechtig/als der best werckmaister aller erschaf-
 nenn ding/den *Adam* mit aigner hand/auf dem laim des erdtrichs for-
 miert vnd gebildet het / darnach auf dem selben acker/der volgendes *Da-*
mascenus genannt worden/inn das *Paradeis* vnd garten der lustbarkeit
 gefūret/vnd in daselbs senffstiglich macht entschlaffen/nam vnd erschūffe
 er auffs hoher Göttlicher kunst/die ihm allain bekandt/von d seiten vñ ripp
 des schlaffendē *Adams*/die vorgemeldtē *Eua*/schon mit allē dingē vol
 kōmen vñ manbar/die sich als bald ires schöpfers anschawē vnd des aller
 lustigen ortszūerfrewen. Gott der herr machet sie auch vntōdtlich/vñ ein
 gewaltige frawē vnd herscherin vber alle Creaturen / darzū des mañs so
 dazwischē widerumb erwacht war/gehülffen/der jr auch selbst dē namen
Eua geben hat/Was möcht doch ier höhers vnd rümlichers/einem
 gebornen menschen zūgestanden vnd begegnet sein? Ober das/mügen wir
 wol betrachte/dz sy wunderbarer schöne gewesen sey/Wann das ist ye vñ
 dem finger Gottes gemacht worden/dz alle andere ding in schöne nit vñ
 betroffen habe? Vñnd wiewol solliche schöne vñnn der zeyte vergänglich
 ist/vñ oft in dē mittel des blüenden alters/von kleiner franchheit abnimet
 dannocht wirt sy von den frawen vnder iren fördersten gabē erzelt/durch
 die manige fraw vil der eeren von vn betrachter vrteyl der tōdtliche n. ens-
 schen empfangen hat/so ist nit überflüssig dz die schöne zū dē lob vnd schein-
 baren wercken der frawen/als ein förderste zier jetz gesetzt ist/vñ hinfür oft
 gemeldet wirt. Darnach/als sy von gerechtigkeit wege ires vrsprungs / vñ
 einwohnung des *Paradeis* burgerin worden ist/vñ vñngeben mitt einem
 schein vñ vn bekant/vnd mit irem mañ begirlich niessend wz/ die wollust
 der selben stat/da gos der neydig feind ierer seligkeit ein schalckhassten rat
 in jr gemūt/ob sy vberträten das ainig gebot/inen von Gott auff gesetzt/
 so möchten sy grösser glori vberkōmen. Vñnd als sy auf weiblicher leichtfer-
 tigkeit im gelaubet mer/wenn jr oder vñn nützlich were/vñnd vermaimet
 thōrllich höher auff zūsteigen/machett sy vor andern dingē iren mañ durch
 schmaichend lieblosen auff ire mainung beweglich/Vñnd do sye in verach-
 tung des gebots verjūchten/der öpfel des bawmes der wissenhayt gūts
 vnd vñsels/verfürten sy sich selber vnd alles ihr geschlecht/auff künsttigger
 rüwe vnd ewigkeit in ängstlich arbeit vñnd ellenden tod/vnd auff einem
 lustbarlichen vatterlandt / zwischenn premenn / schollenn vñnd schref-
 fenn/Wann da das scheynbare lycht / darmit sie vñn strebenn wārenn/
hūweg

hinweggieng/do wurden sie von irem schöpffer gestraffet/vnnd mit kost-
 sten bedeket/auf der statt der wollüst getribenn/vnd kamenn ellend inn
 die äcker Ebron/Da selbenn ward die frauw durch ire werck namhaufft/
 wann sy erfand zum ersten das spinnen/als von etlichenn gesagt wirdt/
 vnd jr man bauwet das erdtrich.Da ward sy oft der schmerzen der ge-
 burdt empfinden/vnd manig mal durch den tod irer kind vnnd kindskind
 ängstlich gefestiget/vnd vil jar in ellend gesetzet.Vnd so ich der hitz vnnd
 des frostes/auch anders vngemachs geschweyge/so kam sy doch müde vō
 arbeit zū grossen tödtlichem alter.

Von Semiramide der weitberümpften Kei-
 serin von Assyria. Das ander Capitel.



Semiramis ist
 von zweifel eis
 hohēadenliche
 geschlechts gewesen / die
 eltest / ein künigin von
 Assyria her. Aber von
 was fordern sy komien
 sey ist auß langwiriger
 zeit in vergessen komien
 Darumb gefelt den al-
 ten gedichtsweiß zesa-
 gemt / sy sey ein tochter
 des heidnischen Gots

Neptuni gewesen/vnnd geben auß aberglauben für / er sey ayn Gott des
 meeres.Vnd ob das nit zū glauben/so ist doch wol zū gedencken/sy seye vō
 edlem geschlacht erboren/Sy ward dem König Nino von Assyria ver-
 mähelt/vnd gebar jm ein einigen son Ninum geheissen/Aber Ninus nach
 dem er ganz Asien/so der grössst drittail der welt ist/bezwungen/vnd zū
 letst dz volck der Bactrianer ihm vndertäny gemacht het/darnach eins
 schuf gestorben/vnd sye noch jung was/vnd der son ein kind/gedacht sye
 nit sicherlich mügenn/das/so groß mächtig Orientisch reych so waychem
 alter irs sons benehben/vnnd was so großmütig/das sie die land die der
 manlich König mit kriegen vndertäny gemacht/vnnd mit krefftenn be-
 zwungen het/durch aigne kunst vnnd geschicklichait getrawet loblich re-
 gieren/vnd erstlich durch weyblichen list/vnnd angeporne gescheidigkait/
 betrog sy irs abgestorbenen manns heere/Es was auch nit ayn wunder/
 wann Semiramis was von angesicht vnd gestalt obgemeldtem jm leib-
 lichen son Nino ganz enlich vnnd gleich / so was auch ihr weiblich stymie

B ij alters

Boccatius von den

alters halb/der kündliche gemef/Es was auch wenig oder gar kays vn-
 derfchaid des leibs/wann das sy ein wenig grösser was/Solchs nam sye
 zu vorteyl vnd behilff/vnd damit nichts in künsttlicher zeyt zufallen möchte
 das iren list offenbar machet/bekleidet sye sich inn künigliche gezierde / in
 hosen vnd wammas wie ein man. Do aber nun solliche klaidung irem lād
 volck den Assyriern vngewon was/darumb das die neüwerung den ein-
 wonern nit ain verwundern vnd argkwon brechte/ gebot sy allem volck
 solliche klaidung zetragen/ Also ward der gemahel etwann Nini an statt
 des sons vnd die fraw in gestalt des jungenn künigs / mit wunderbarem
 fleys in Küniglicher Maestat gesetzt/vnd vnder dem scheyn / das sy sich
 für ein mann aufgab/hielt sy Ritterlichen stand vnd vbung/vnd begieng
 so tressenlich thaten die von den sterckesten Helden hochzuschätzen wern
 Dann sy jr selbs kainer arbeit schonet/vnd ab kainen sorgklichen dingenn
 erschrecken nam/vnd durch ire vngehörte geschichtenn/menigklicher neyde
 vberwundē het/schamet sye sich mit yederman zu öffnen wer sy were/vnd
 sy sollich durch weyblichen list zuwegen bracht/als ob sy damit anzaygen
 wolte/das nit allemal von nöten were/das ain man müste regieren/ son-
 der der ein manlich dapffers gemüt het/ vnd souil grösser verwunderen
 wenigklich daruon het/ so vil warde der selben frawen Maestat weiter
 erleuchtet. Vnd das ich jr geschichten weitläuffer anzieh/ so beschirmet sye
 nit allain mit den waffen durch jr angenommen manlich gemüt das reich
 von ihrem mann gewonnen / sonder sy erobert darzu Aethiopien/das ist
 das gang Noen land/das sy vor mit krieg ganz verheret mit krieg. Dar
 nach keret sy jr starcke waffen gen India/dahin doch vor/on iren man nie
 keiner kommen was/Darnach erbawet sy wider die ait stat Nembroths/
 Babyloniam/die selb was mechtig zu den selben zeiten in der gegent Sē-
 naat/darumb füret sy ain maur auf gebachnen stainen/sand/hartz/vnnd
 andern gummi gefestiget/so hoch/dick/vnd vberlang das darab zu wun-
 dern wäre. Vnd das wir auf vil anderen irer geschichten/eins das der ges-
 dechnus sonderlich würdig ist/nit verhalten/ so sagt man warlich von
 ihr/ Da sy jr ding zu fryd gesetzt hett/vnd rüwet/vnnd eines tags das hat
 mit sampt irer Junckfrawē kammern vnd nach des lands gewonhait zöpf-
 einflechten lassen wollte/trüg sich zu do sy nit mer dann halb geflochten/
 das jr verkündet ward/ wie Babylonia sich irem stieffson Trebete ergebē
 het/daruon ward sy so seer betrübet/das sy den kam hinwarfe/vn weybe-
 liche werck verlies/vnd zornig auffwischet/vnnd die waffen vmbgürtet/
 vnd mit grossen heer die mächtigen stat belegert/sy lief auch jr vngeslo-
 chen har nit eh gar einflechten bis das die mächtig statt mit langem belege-
 ren wider in iren gewalt bezwungen het/Sollicher manlicher geschichten
 zeügnus warde ein grosse äbryne Saul gegossenn/vnnd inn Babylonia
 auff gericht/nämlich ein frawenn bild/auff der ain enn seytem mit flie-
 gendem

gendem vnd zerstrobeltem haar/vnnd auff der andern seyten mit eynem
 geflochten zopff/Vber das hat sy vil newer stett gebawen vnd grosse ge-
 schicht volbracht/die also von dem alter abgetilcket seind/das wir ohn die
 obgeschriben ire lob nit mercklichs geschriben findenn/Doch so seind dys-
 ding nit allain von einer frawen/sonder von einem yeden strengen mann
 wunderbar vnd loblich/vnd ewiger gedächtnus wol würdig/wan sy nit
 mit vnkeüschler begirlichkeit ihres leibs von jr vermailiget weren/wann v-
 ber das sy auß stättem raytzen der vnkeüschheit brinnend was/so wirt doch
 vō jr gesagt/das sy mitt manchem mann sich vermischet/vnder denen das
 doch mer vñhisch weder menschlich/wirt jr son Vinus auch gemeldet/der
 gleich wol ain gestalter jüngling/der auch vor sein manhait mit der müt-
 ter gewechset/vnd zu den zeiten do sy wider die feynd schon in dem har-
 nasch erschwizet/in der schlaffkammer sein zeit mit faulkeit verschwendet/
 Mer findt man wie jr stieffson Trebeta von jr vmb vnraimigkeit ange-
 strengt/in Niderland kommen/alda er die elteste stat Trier erbawet/O
 sündtlichs verwürcken das ein rüwig Weyb vnder ängstlicher sorgfellig-
 keit/vnder plütuergießenden streiten/vnd dzeym wunder geleych ist/vn-
 der weinen vnd ellend on vnderscheid der zeit/von dem fliegenden vbel/
 dauon die vnberwarteren gemüt gefangen vnd in den tod gezogen/also an
 jren zierden/so schnödiglich soll vermailiget werden/vnd darumb das sy
 vermeynet/durch jrn list/die vn sauberkeit abzewaschen/der sy von leicht-
 uertigkeit entreiniget was/ordent sy ein gesetz/durch das sy frey erlaubet
 allen menschen zewürcken in vnlautekeit was sy wolten/vnd damit sich
 ander frawen vmb jren son nit annemen/erdacht sie zum ersten die nider-
 wadt/vnd verschloß darinn alle frawen die inn jrem Sale warenn/das
 noch bis auff disen tag von den Egyptiern vnd Assyrijs/als man sagt ge-
 halten würdt/Vnd sagent etlich/wie der son nach erkandtnus seiner sünd
 die mütter ihres Regiments in zwey vnd dreissigsten jar tödten lieffe.

Von Gpeder alten Heydnischen
 Göttin ain gemahel Saturni.

Das drit Capitel.

Dis oder Ops/als die alten sprechend Rhea/ist durch glück vnd
 widerwertigkeit namhafft worden/Wann zu den zeiten als die
 Griechen noch vnuerstanden vnd grob waren/ward sy von der
 selben heren Uranio vnd Vesta seiner haufffrawen geborn/Sy was ein
 gemahel vnd Schwester des grossen Gots Saturni/vnd darumb für and-
 frawen groß erhebt das sy durch weiblichen list/jre drey sün Jouem/Ne-
 ptunum/vnd Plutonem von dem tod erlediget/vmb das wurden die selb-
 B ij ben

Boccatius von den



menschen als die größt Göttin/ vnd ein mütter der Götter gehalten/ vnd jr wurdent Tempel/ Priester/ vnd ander hayligkait von gemainem schatz erbawen vnd gestiftet/ vnd nam solcher misbrauch vnd won also fast zü das die Römer zü den zeiten/ als sy wider die von Carthago den anderen schweren krieg fürtenn/ begerten von dem König Attalo zum höstenn/ das er inen ein bild Opus/ als ein heilsame hilff wider ire feind mit irer gewonlicher ordnung sy zü eeren zü sende wolt/ also ward gefürt außß statt Pesinunte geheysenn ein groß vngestalttes steines bild/ vnd zü Rom mit der höchsten eere vnd würdigkait empfangen/ vnd zeletzt in den größttem Tempel gestellet/ vnd als ain fründlich haylthumb des gemainen nutz durch lange zeit/ mit grosser würdigkait von den Römern vnd anderem des selben lands einwonern/ gelobt vnd geehert. Auf disen dingen allenn ist entsprungen/ die fabel oder gedicht/ der synnreychen Poeten/ so die alten waren geschichten/ vnder einem schein den synnreychen menschen/ die das honig auß den plümen saugen künden/ zü ewiger gedächtnuß beschriben haben/ vnd nit so gar lauter als die geschicht schreiber melden/ sonder verblümiter weiß darthünd/ dz sy de Leser dester mer angenē seyen. Wie Saturnus alle seine kind fresse/ on allain den Juppiter/ Plutonem vñ Neptunū/ die vß seine Weyß Ope oß Cybele vor de tod erretet/ behalten wurden/ Wie auch die selben drey sün/ Juppiter dz feür/ Neptunus dz wasser/ Pluto das erdrich/ vñ jr aller Schwester Juno de lufft/ bedeütē/ gepürt sich anderswoho züsagen/ O wie spötlich vñ wunderbare wirckung des glückrades/ oder das ich Bas rede/ plinthait der menschen/ oder betrug vnd arglistigkait des teuffels/ durch des wircken beschehenn ist/ das ain frauw mit langer arbeit bekümmert/ vnd zü letst wie ander leüt alt worden/ gstorben vnd zü äschen worden/ wie ein vnglaubig inn die hell gefarn/ so für ein Göttin gehalten worden/ vnd so lange zeit schier von der ganzen welt/ mit Götlichem lob vnd diensten gewürdiget sein.

Donn

Von Junone die von den alten für ain Göttin
der reichthum auffgeworffen ward.

Das vierdt Capitel.



Juno ei tochter
Saturn vnnnd
Opis/nach der
Poeten gedicht/vnnnd
auf irthumb der Hei-
den/ ist für alle ander
Heydnisch weiber / in
würdigkayt hoch er-
hebt / dermassen das
inn langer zeyt bis her
ihres nammens nitt
vergessen wordenn.

Doch so wöllenn wir

Baserzelen/was jr von grossen gelück zügestanden ist / dieweyl kayn be-
sonders werck von jr beschehen/das der gedächtnus würdig sey. Wann
sy ward geboren inn einer geburt mit dem Juppiter von Creta/ den die
alten durch auß ein Gott der himmel vermainer weys gehalten habenn/
Vnd ward in die Insel Samum inn der wiegen gesendet/vnnnd da selbst
bis auff die mannbare jare/mitt grossen fleyß erzogen/vnnnd zü letst irem
Brüder Juppiter vermählet/nach aufweysung einer grossen saul /die lan-
gezeyt inn dem Tempel Sami/zü gezeugnus gesehen warde / wann die
Sami vermainten inen vnd iren nachkommen wer nit klaine eere züge-
standen/von dem das bey ihnen vermählet were/ Juno ein Königin der
himmel/Vnd dz sy nit leycht auß der menschen gedächtnus getilcket wurd/
so barweten sy ein vber grossen Tempel/für all ander der ganzenn welt
wunderbar/von irem namien Junonis Tempel gehayssen/vnnnd setzten
darein ein byld von marmel gehawen einer junckfrawen / beklaydet mitt
dem klayd das den mannbaren junckfrawenn gewonlich zetragen was/
die man den mannen vermählen solt. Die self Juno/nach dem alls sy dem
grossen König Juppiter zü weys gegeben ward/vnd sein Königreych von
tag zü tag auffnam / vnd sein lob vñ nam weyt vnd brait in den landen er-
schollen/ward sy nit weyt erleuchtet/vnd inn lob erhebt/Auch vonn der
Poeten gedicht/vnnnd vbriger miltigkayt der alten / ein Königin der him-
mel gehayssen/gabenn also ihr/die ein tödtliche Königin was/gewalt der
himmel vnd aller reichthumb/vnnnd besonder glücklicher bescherung der ges-
mahelschafft/vnd der geberenden frawen/vnnnd vil andere ding/ die bas
züuerspotten sein/wann zü glauben. Von sollichen dingen vnd durch den
B ij rath des

Voccatills von den

rath des feyndes menschliches heyles/wurdenn jr zü ehre vil Tempel er-
bauwen/ vil altar/ Priester/ spil/ vnnnd hochzeytlich tag nach der alten ge-
wonhayt auffgesetzt. Vnnnd so ich die andern verschweyg/ so ward sye
doch/nach denen von Samo hochwirdigklich geeret/ von den Griechen/
auch von dem volck von Achaia/ auch von denen vonn Carthago/ vnd zü
letst auß der selben statt gen Rom gefüret/ vñ in dz Capitolum/ in die zell
Iuppiters des grösten/ als zü frem mañ gesetzt/ vnd geneñet der Tempel
Junonis der Künigin. Alda ward sy von den gewaltigen Römern/ aller
welt mit mancherlay würdigkait langezeit hoch geehret. Auch nach der
zeyt als Gott vnser seligmacher auff erdtrich mensch geborn was.

Von Cerere der Göttin der Früchten/ ein Künigin von Sicilia. Das fünfft Capitel.



hat lernen durchschneyden vnd äckern/ vnd den samē darein zü säen/ auch
anweysung geben/ wie man das gewachsen traid schneiden/ auftreschenn
malen vnd bächen soll/ vnnnd das grobem volck die sich darnor allain der
aicheln vnd holzöpfel zü narung beholffen heten/ brot vnnnd ander speys
darauf machen/ Vmb solche treffentliche verdienst/ wiewol sy ein tödtlich
weib was/ vermainet das volck/ sy wer ein Göttin des traides/ zü shenn
von dem himel herab gesendet/ vnd erhäben sy mit Göttlichen eeren/ vnd
maintē sy were ein tochter Saturni vñ Cybeles/ mer sagen sy wie Orcus
8 künig von Molossia zü zeitē der vngestümigkait des meeres/ ihr tochter
Proserpinam raubet/ die sy von jrē brüß Juppiter geboren het/ vnnnd dar-
nach lang süchet/ alls dan ein weiltläuffe/ vñ nuzē sabel dauō gemacht/ Vhs
ist auch ein ande Ceres gewesen/ in der stat Eleusim/ in 8 gegēt bey Athe-
nis/ die gleicherweif alls die vorgemeldet Ceres durch sollich verdienenn
erhebt ist

erhebt ist / vonn der man sagt / wie ihr Triptolemus dienstlich wäre /
 Vnnd darumb das sye bald gleich verdienstlich waren / so seind sye inn ein
 Capitel gesetzt vnnd begriffen wordenn / ob aber ihr bayder synnreychers
 finden zu loben oder zu schelten / waiff ich nit / Wan wer wolt schelten das
 die weyt schwaffenden wilden leüt / auß den welden inn die stett gezogen
 seind: wer wolt auch nit lobē das die vorhin vnuernünfftighen gelebet
 haben / zu besser gewonhait berüfft seind: wer wolt nit preysenn / das den
 leüten / so allain sich der aicheln wie das vich enthielten / mit besserer na-
 rung vnd speyß für sehen / vnd das korn zu bawen gelernet wurdenn / dar-
 durch der leib vil statlicher vnderhalten werden mag: wer solt schelten
 das die grob vnkünne zeyt / inn ordenliche sartzung vnnd leben verwan-
 delt wurd: Wer lobt nit das die trägen sijn vnd vernunfft in klügheyt vñ
 übung bekeret: Wem gefiel nit / das die groben silz so inn den hölzern er-
 zogen seind / zu dem feldbaw vnnd nutzlicher arbeit genommen / durch die
 so vil reych gemeret / so vil loblicher sitten erfunden vnd gehalten worden /
 durch das / das die kunst des trayd gebaws erfunden ist: Vnd so die vñ
 selber güt / wer billich der senig so sie schelten wurde / für vnbesinnt vnnd
 doll zu achten. Herwiderumb / wer kan lobē das ein solliche anzal des vol-
 ckes / das hin vnd her in den welden gewesen ist / vnd der aicheln / holzöpf-
 fel / der milch vñ wilden thieren / 8 kreütlin vñ des wassers gewonet hatt /
 die gemüt ledig aller sorgfältigkeit / benägig an dem gesatz der natur / mäs-
 sig / keüsch / vnd vnwissend der vntrew / allain den wilden thier seynd vnd
 den vögeln / zu sensfter vñ vnertanter speyß berüfft wirt / Auß dē / als wir
 wol merckē mügē / aller vnrat / sünd vñ schand entsprungen seind / die vor
 in der tieffe verborgen lagen / denen ward daruon sicherer weg herfür ze-
 gan auffgethan / darauß ist aber entsprungen das erdttrich mit vnder schi-
 den graben vnnd marcksteinen zetailen / das doch vor dem die grosse sorg
 des ackerbaws entsprungen / vnd thailung des erdtreychs mit grosser ar-
 bait den menschem zu geschidenn / Aber mer so ist meyn vnnd die zwenn
 namen / daruon auffstanden / die do seynde seynd des gemainenn vnnd
 aigen nutz / darauß mancherlay schadens / aigenschaft der menschem /
 krieg / plütvergiessenn / streytt / brennender neyd / inn all dis welt ist aufge-
 flogen / die auch oft machenn das auß den segeßenn vnnd sicheln / die man
 mit arbeit zu dem korn zeschneiden gekrümmet hat / scharpffe vnd spizig
 ge schwert vnd messer gemacht werden / Auß dem ist auffstanden / das
 meer züsaren / vnd das verborgen gestirn / auff vnd nidergang der sonnen
 erkennen / Auß dē ist waiche der lieb / faipre der beuch / zierlichait der klai-
 der / sorgfältigkeit der speiß züberaitenn / scheinliche gastung / hochmütig-
 keit vñ müßig gan entsprunge / Auch mer ist Venus seyder hitziger wordē /
 mit grossem vngemach der ganzen welt / die vor der selbenn zeyt erkaltet
 was / Vnnd das villeicht das best ist / ob etwann ein eynfluß der hymmel
 odder krieges lauffenn / der baw nit wol gerath / zu hand so werdenn
 theis

Boccatius von den

den theürungen aufferstan/vnd härter vnd grösser hunger vnnnd fasten/
wann bey den alten inn den welden se gesehen seynd/vnd voraus inn der
armen heüßlin/vnd offte mit grosser sorgfeligkait der reychen/vnnnd vor
bey den alten inn den welden/alle ding gleych gemain waren. Auf dem
seynd aber entsprungen grymie/mägery/den siechen blaiche farb/vnge-
wise blödigkeit der süßtrit vnnnd der gelider/als mir Henrico Stainhö-
wel Doctori/der dises büchlein vō den erleuchten frawen / mit vonn wort
zü wort/sonder vonn synn zü synn geteütschet hat / bsehen ist/vnnnd vil
ander vnnnd mengerlay vrsache/durch die wir zü vnnatürlichem tode/ehe
wann vns der complex halb auffgesetzt ist/geführt werden/Dise ding
alle angesehen mit anderen vnzalbern vrsachen/wais ich nit/ ja ich wayß
es/das der alten wesen/wiewol sy grob/rauch/vnd wild seind/vnnsere
leben vnd aller welt/billich fürgesetzt werden.

Von Dinerua/die auch Pallas genen- net würdt.

Das sechst Capitel.



Athena / die
auch Pallas
gehayßenn
wirt/wz ein junkfraw
mit sollicher schöne bes-
gabt / das vō den tho-
rechten menschen / des
halb geacht ward / sye
het kein tödtlichen vrs-
prung. Ertlich sagen/
wie sie zü den zeyte des
Küniges Oggi / bey
dem see Tritonio/ nitt
ferre vonn dem thayl des meeres/vmb die klainenn Syrtes/des erstenn
auff dem erdtreich gesehenn vnnnd erkannt seye. Vnnnd do sye vonn
dem grobenn volcke inn Affrica gesehenn warde/vil selzamer geschich-
ten volbringend/die vor nit gesehenn warend/ auch von den Griechenn/
die zü den selbenn zeytenn/die anderen inn weyßhait vbertrassenn/ ward
sy geschätzt auß dem hütenn Juppiters geborenn / on ein mütter vonn
himmel herab gesandt/Vnnnd souil ihr vrsprunge heymlicher was/so vil
ward dem spotlichenn jersal mer glaubens gegeben. Die alten wol-
tenn diser Junktfrawenn keüßche raynigkayt/sür all ander ewigklich be-
haltenn.

Vnnnd das solliches völligtlicher geglaubet werdenn
möchte

möchte/so habend sy erdichtet/wie Vulcanus ein Gott des feüwrs / das
 ist flaischlich jnnbrünstige begirde/lanng mitt ihr gerungenn habe / vnnnd
 doch vonn ihr vberwunden/Ober das/hatt sye die erste das handtwerck
 mit der schaffwollen gefunden/Wann nach dem/ als sie gezeyget hett / wie
 die woll nach dem wäschenn vnnnd erlesenn/mitt dem kammen geleüteret
 werden solte/vnnnd an die gungkel oder rocken gelegt/mit den fingern ze/
 faden gezogen vnd gedräwet/erdacht sy das weben/wie die vor gezeltenn
 fäden durch einander verrigget/vnnnd zesamen gedrungen ein tuch wur/
 den. Vnd zu lob dem selben handtwerck/wirdt offft gemeldet vnd gesagt/
 die mercklich zwitracht zwischen jr/vñ Arachne Colophonía auff erstans/
 den/allshernach komiet. Zu dem/hatt sie die aller erst/das ölschlagen den
 menschen erdacht/wie man die samen vnnnd die kerenn zerstampffen soll/
 vnd darnach außstrucken/vnd vmb des nutz willen/den die menschen das
 raus empfiengenn/behielet sie wider Neptunum/den gewalt der statt A/
 thenis namen gegeben. Die alten wöllen auch/sye haben von ersten die wa/
 genart funden/vnnnd iren gebrauch/vnd das das eysen inn waffen verke/
 ren/vnd mit dem harnasch den leyb zübedecken/die spitz der streitt zü ord/
 nen/vnd wie man daran tretten solle/gesetz vnd leer geben. Sy sagenn
 auch mer/sy hab die erst alle zal gefunden/vnd geordnet/vñ namen gege/
 ben/als inn den hewtigen tag gehalten wirt. Noch mer so machet sye auß/
 eym vogelbain/oder auß den roren der lachen hyrtenpfeysen / vnnnd ord/
 net die nach den stymmen/darauff das grob volck maynet / sy were vonn
 himmel herab geworffenn / vmb das des pfeysenden halb vnd antliz dar/
 von groß wurden/vnd vngestalt / Was sag ich vil von sollicher selzamer
 geschichten wegen/gab jr das irend alter vnnnd thorete menschhayt/den
 namen Göttin der weishait. Darumb wurdenn die vonn Athenis be/
 weget/den namen von jr zü empfangen/vmb das/ das die selbig statt/ge/
 schickt was zü der lernung/kunst vnd weisheyt/vnd Befalhent sy sich inn
 iren schirm/vnd barweten jr/ein vberhohen thurn/vnd einen gar grossen
 Tempel inn irem namen geweyhet/vnd hießen ein bild inn nach geschrib/
 ner gestalt geformet darein setzen/von erst mit krummen augenn/darumb
 das man selten erkennen mag inn wöllliches ende/des weysenn mannes
 mainung stande. Darnach ein helm auff ihrem kopff/darumb das die rä/
 te des weisen mannes/sollen bedecket vnd gewaffnet sein / Darnach ein
 panzer an ihren leyb/darumb das ein weiser man/ gegen allen stichen
 des gelückrades/sy seyen güt oder böß/soll verwassnet seyn / darnach ein
 langen schwancklenn spieß oder geschof inn ihr hand / darumb das man
 mercke/wie der weis man seine geschof der weisheyt/so ferre senden mag.
 Darzū het sy vor jr zü schirm ein Cristallinin schilt/darin eyn tracke kopff
 gefestiget was/zü bedeüten das der weis man/mit lantern vnd klaren rä/
 ten soll bedecket vnd beschirmet sein/vñ doch mit näterschen listen also be/
 waret/das die thorechte leüt vor irer angesicht erstockt stande. Sy setzten
 jr auch

Boccatius von den

Ihr auch zu zehüt ein eylen/wann der weif mann soll sowol bey der nacht als bey dem tag gesehenn. Zu lest ward der selben frauen lob vnd würdigkayt/so weyt vnd so brait/vnd die irrsal der altenn so günstig/das ihr zu eeren vil nach in der gangen welt Tempel gebawen wurden vnd hochzeytlich tag vnd fest auffgesetzt/ so vil das sy zu Rom inn Capitolio zu dem bestenn größten Iuppiter inn ein besonder zell gesetzt wurde/vnd vnder den fordersten Göttin der Römer/mit Junone geleych gehalten. Doch seind etlich groß mann/die sagen das dise vorgeschribne dinge mit alle von einer Minerva beschehenn seyen/das will ich geren verwilligen/darumb das der klaren frauwenn lob deffer weytter vnd grösser an der anzal seye.

Von Venere der Königin von Cypem.

Das sybendt Capitel.



Venus ist eyn frauw vonn Cypem gwesen/ als etlich mayne/ doch ist eyn zweyffel von was vordern sye geboren seye/wan etlich sagen/sy sey vonn Cyro vnd Syria geboren. Etlich von Cyro vñ Dyone der Cyperschen frauen. Die anderen aber gebenn für (wie ich acht) zu lob irer schöne/ sie seye von dem Iuppiter/vnd der vorgeandten Dyone geboren/doch von wem sie geboren ist/so würt sie vnder die namhaftesten frauen gezelet/mer von ihrer außbüdigen schöne wegen/wann vmb kainerlay iren verdienst oder thaten. Dann sy was so schön von angesicht vnd gestalt/vnd erschyne mit sollicher zierlicher byldung/vnd lustbarkeit des leybs/das daruon/die sie ansahend / offft inn falscher maynung betrogen wurden/Wann etlich sprachend/ sie were der recht Morgenstern/der auch Venus gehayssen ist. Die andern sagten/sy wer ein Hymmelische frauw/auf der schos Iupiters/auff die erdenn herab gesandt/Vnd kürzlich zümelden/so wurden alle augen/so sy ansahen/mit finsterem nebel also vberzogenn/das sie die frauwen vonn tödtlichen menschen geboren/ein Göttin schätzten/vnd sagten das so vestiglich/ sie wer ein mütter der vngestüme liebe/vnd aller leyblicher begird vnd ansehung

fechtung/ die Cupido genennt wirt/ Sy wißt auch mit mangelley gebärde vnd künften der narreten man gemüth/ die sy ansahen meisterlich zu ihr bewegen/ so vil/ das sy ein tochter Jupiters/ vnd eine auß den würdigsten Göttin gehalten ward/ vorauf von denen die irer üppiger reizung nicht mochten widersteen/ Sy ward auch/ nit allein in der elstten stat des lands Cypem/ Paphos gehayssen/ mit weyrauch (andern Götten gleich) geehrt sonder mainte sy/ die vnkeusche frawe/ so in irem leben/ zu zeitten der üppigen wollust vnd vnreynigkeyt/ den weyrauch geschmack lyeb hette / solte nach irem tod auch begird darzu haben/ wann er ir geopfferet wurde/ Sy ward auch von anderm volck der landen hoch gewirdiget vnd geeret/ inn sonder von den Römern/ die ir einen Tempel barwen ließen in dem namen Templum Veneris genitricis & uerticorde (das ist der Tempel der gebeterin vnd hertzen verkererin) mit grossen zyerden/ So aber von ihr gesagt wirt/ sy hab vil/ oder mer dann ein man gehabt/ so ist nit gewiß / wölicher der erst gewesen sey/ Doch war sy Vulcano dem künig Lemnoum/ der Jupiters von Creta son was/ zügemähelt. Nach dem Adoni dem son Cynari vnd Alire des künig von Cypem/ vnd bedunckt mich/ das geläublich sein/ nach iren gewonlichen wercken/ wann zu dem/ das der selben frawen natur/ auff vnreynigkeyt geneygt stünde / so was das Königreich Cypem/ mit der vnkeuscheyt one das ganz besleckt/ vnd zu iren wercken wol hülflich/ wann nach Adonis tode/ fyele sye inn grosse rayzende vnkeuscheyt/ das sy ir grosse klarheyt vnd vbertreffenlich schöne vñ liechte augen/ mit manigfaltigen wercken der vnreynigkeyt/ ganz tunnckel machet/ vnd vermailiget. Da das den vmblygenden landen kundt gethan war begryffe sye ihr erster mann Vulcanus bey einem wäpner/ darauf die fabel erdacht ist wie Mars/ das ist der Gott des kriegs/ von Vulcano bey ihr begryffen wirt/ in einer guldin keten zu ir gebunden/ vnd den Göttin gezaget/ zülest das sy vermaint iren bösen berüß vnd lein andt zübeschonen / vnd ir schamröte ein wenig mindern/ vnd das sy die wercke der vnlauterey zymlicher meinet zetreiben/ so erdacht sy zü erst/ das schantlich vnzymlich werck/ der offen frawen heüser/ vnd bezwang die erbarn schönen frawen/ allen mannen/ darinn mit den wercken der vnkeuscheyt züwillfaren/ als die gewonheyt der von Cypem lange zeit her zeügnus gegeben hat / wann es ist lang bey ihn gehalten worden/ das sy ihre iunckfrawen setzten an den weg vnd porten des Meers/ das die frembden man mit ihn züthun hetten/ damit meynten sy Veneri ein wolgefallen erzeygen/ vnd ein oppfer bezalen von ir keuscheyt/ verhofften also dardurch lon vnd begabung zü empfangen/ das doch vnmenschlich ist/ vnd wol hoch züuerwerffen / doch durchgieng die selb böß gewonheyt das land/ bis inn Italiam/ wann man list von den Locrensen/ das sy die selben gewonheyt auch gehalten haben/ auch bis inn die newen Ae/ als Sancte Affre vnd ihrer gespilen leben anzeygen gibt.

E Dos

Boccacius von den

Von Isis der Königin vnd Göttin in Egypten.

Das acht Capitel.



Isis die vor Io
geheissen war /
ist nit alleyn ein
Königin / sonder zū
letzt die heyligst Göt
tin der von Egypten
gewesen / Zū wölichen
zeiten sy aber im leben
gewesen sey / oder von
was Eltern geboren /
wirt inn disen glaub
würdigen geschichtsch
reybern zweyffelhas
tig gemeldet. Etlich sagen sy sey ein tochter gewesen Inachi des ersten kün
nigs in Griechenland / vñ ein Schwester Phoronei / wöliche geregirt habe
zū den zeyten Jacobi der ein son Isaac gewesen / Die anderen halten sy für
ein tochter Promethei / Zū den zeitten als Phorbas Griechenland regieret
das doch gar lang nach der vorigen zeit gewesen ist / Etlich sagen sy sey ge
wesen zū den zeitten Cecropis des künigs zū Athenis / Vnd etlich sagen v
ber das / sy sey zū den zeitten Lyncei des künigs der Griechen gewesen / vnd
setzet yeder besonder vrsach sein mainung zū bestättigen / doch wirt sye von
In allen vnder den durchleuchtigisten frawenn gezelet / als eine der würdigs
ten gedächtnus / Vnd nach der meynung des mererreyls der meyster / so ist
sy gewesen ein tochter des künigs Inachi / vnd ob das der alten Poeten ge
dicht saget / wie sy dem Iuppiter von jr vberschöne gestalt wegen / wol ge
fallen hab / vnd wie er sy lieplich bekennt / vnd darum das sein misset at ver
borgen belibe / hab er sy inn ein kü verwandelt / vñnd wie sy Junoni die ihr
begetet / von ihm gegeben ward / vñnd Argus der kü gesetzt hütter von
Mercurio erschlagenn ward / vñnd die kü eylendt inn Egypten gefüret.
Vnd sy daselbs wider gewan ihr menschliche gestalt / vñnd Isis geheissen /
so ist doch die selb sabel nit ferre von der warheyt / Wann als man saget /
so ward die selb Juncfraw von dem König Iuppiter mit dem eebriuch
geschwecht / vnd durch forcht jres vatters / vmb die volbrachten missethat
mit etlichen ihren Dienern / von ordnung Iuppiters inn ein grof schiff ge
setzt / inn das ausgeworffen pahner eyn küe gemalet / vñnd darumb auch
das schiff kü geheissen was / vnd ward die sünreich fraw manlichs gemü
tes der

tes der Königreich begirde mit glücklichem wind gen Egypten gefüret/
vnd vns ihr schicklichkeit zu Königin des selben lands erwölet / So as
ber nit eygentlich gefunden wirt/durch wölliches jr verdienen/ sy das kün
nigreich besessen hab/ so ist doch gläublich sy funde das volck grob/ vnkün
det/ vnd menschlichs wesens ganz vnwissend/ vnd mehr vrbisch wann
vernünfftlich lebend/ das selbig habe sye mith grosser arbayt vnd höff
licher klügheyte gelernet das erdtrich bauwen/dareyn säenn/das Koren
schneyden/malen/vnd bachen. Ober das sammet sye zusamen in eyn
gemaine das wild volck/weit zerbraut inn den Wälden/ vnd gab ihnen
gesatz/vnd leret sy ordenlich vnd burgerlich leben / Vnd das noch vyl
größer vnd scheinbarer inn eynere frauwen zuschätzen ist/ erfand sy die er
sten büchstaben vnd jr figuren/die der sprach des selben volckes wol tau
gent was/vnd lernet die zusamen setzen/dardurch das volck ire gesatz ver
zeychnen möchte/ vnd die vergessen wider inn gedächtnus bringen/ Die
selben ding/ob ich der andern geschweyg/bedacht das volck so wunder
bar/das sy leicht glauben mochten/ Isis wer nit von Griechenland zu ih
nen komen/sonder von dem hymel herab gesandt/Darumb sy auch jr bey
irem leben Göttliche ere erzeygten/vnd nach irem tod/durch trügtnus des
teuffels/ward sy von dem gemainen volck so gröflich geeret/das jr lob bis
gen Rom erschalle/die jr einen vber grossen Tempel bauwen lieffen/ vnd
jürlich fest nach Egyptischen sitten zubegan darein setzten/ vnd ist gewys
das die selb irsal nahet die ganzen welt durchgieng. Fürbas ist zumercke
das der selben klaren frauwen eelicher gemahel Apis was/von dem die al
ten sagen irent/er sey ein son gewesen Iuppiters vnd Niobis/die Phora
nei tochter was/vnd sagen. Nach dem als Apis fünff vnd dreyszig ihare
zu Griechen regnireret/da verlief er seinem brüder Agialeo/Acharaim das
land/vnd zoch er gen Egypten/vnd regireret gleich mit Iside/vnd ward
auch für einen Got gehalten/vnd Osyris oder Serapio geheysen/ Es
sein etlich die sagen Isis hab zeman gehabt Thelogonum/von dem sy em
pfangen hab Epaphum/der nach dem in Egypten regireret hab/ Doch sa
gen etlich/sy hab den selben vnd dem Iuppiter geboren.

Von Europa der Königin in Creta/
das ist Candia.

Das Neündt Capitel.

Etlich sagen Europa sey gewesen ein tochter Phenicis/aber vyl
mer bezeügen/sy sey ein tochter Agenoris des künigs der Phenicen
inn Syria/die was so wunderbar schön/das der künig von Cre
ta (so jetzt Candia haist) Iuppiter vns jr gehörte/doch vngesehne schö
ne/zü jr lieb heffrig bewegt ward/vnd darumb das er sy verführen mocht
ließ er ordnen schiffung gegen jr zefaren / in der paner eyn weisser stier ge
malet was/vn gieng einer zu jr lüftiglich mit jr zeredē solche schmaichede

C ij wort

Boccatius von den



vñ her nach freiem willen zewerben / vñ allen schmaichlenden Worten der
 jüngling / oder alter Weiber ire oren dar zü bieten / wann oft gehört vñnd
 gelesen wirt / das zucht / scham vñd reynigkeyt der Junckfrawen / darvon
 also besleckt werden / das die masen nymmer abgewaschen / sonder in ewig
 zeit beliben seind / Auf der historien kompt die fabel / wie Mercurius das
 vich Phenicum hab getriben an das gestadt / vñd Europam genommen /
 vñd auff dem meer schwymend in Cretam gefüret / Doch so ist etlich zwis
 tracht zwischen den alten schreybern / zñ wölichen zeiten Europa geraubet
 worden sey / wann etlich schreiben es sey beschehen zñ den zeitten / als Da
 naus in Griechen regieret / die anderen als Acrisius regieret / Die letstern
 sagen zñ den zeiten als Pandion zñ Athenis regiert / Doch so main ich das
 die selbig sag sey von Europa gesagt / die ein mitter Minois ist gewesen /
 die auch von dem Juppiter geschwecht ward / vñd darnach Asterio gemä
 helt der ein künig in Creta was / vñd gebar auff jm Minoem Radaman
 tum vñd Sarpedonem / Doch sagen etlich die selbeñ zwen seyen Juppi
 ters sün gewesen / vñd meinen Asterus vñ Juppiter seien zwen namen eins
 manns / das zñ leütern dienet vns nit fast / wann souil dz dise fraw durch
 leüchtend geheissen wirt / so sy einem sollichen Gott gemähelt ward / auch
 darumb das sy von edlem stam / vñd mercklichs verdienen / vñd grosse tu
 gent bey den iren gefunden / ward so groß dz der dritteyl der ganzen welt
 von irem namen Europa geheissen ist / vñnd des zñ einer gezeugtñuß
 ließ der größt Philosophus Pythagoras ein ährne Saul giessen
 nach irer gestalt / vñd inn der Stat Tarenti auff
 stellen / vñd gab ir den namen
Europa.

Von

Von Cybia der Königin in Cybia.
Das zehent Capitel.

CYBIA was ein Tochter Epahi des Königs von Egypten / von Casiopeia seinem Weyb geboren / vñ wurde gemähelt Neptuno / einem främbden mann / vñnd gebar von im Busiriden / der darnach ein König ward in der obern Egypten / der selben Libye grosse tugent vñ gütethaten / seind vor alter fast verschlossen / aber es ist wol zemercken / das sie gethaten vber groß gewesen sein / so das groß Königreich Libya / von frem namen genennt ist.

Von Marsesia vnd Campedone den Königin inn Amazonia.

Das aylfft Capitel.



MARSESIA od Marthesia vnd Campedo seind schwestern gewesen / vnd beyde zermal Königin der Amazonen / vnd von durchleuchtiger / inn streit ersagten ehernen wegen / nannten sy sich selber Mars tochter des Gots / vñ daruñ das die selbige histori

etwas frembd ist / so wöllen wir weiter darvon sagen.

Das Königreich Scythia / zu den selben zeiten dannocht von wildnuß vnd wüste vnerbawen was / vmbgeschlossen mit bergen vñ dem hochmeer darumb es von frembden volck dester minder zu nöten was / Auf dem wurden / durch böß lüst der öbern von dem land / vertriben die zwen jüngling künigklichs geschlächts / Silistus vnd Scolopicus / mit mercklichem teyl ses volckes / vnd kommen zu dem wasser Thermohodontem in Capadocia / vnd inwoneten Tyriam das land von rauberey / vñnd mercklicher künieruß der landschafft lebende / von denen auch von tag zu tag / durch vntrew vñnd böß feind / vil der einwoner des selben landes wurden getödtet / vñnd also das vil nahent alle mañschafft vergangen was. Da das die frawē in Witwenstül von inē gesetzt / schwerlich trügen / vnd ire mañ innbrünstiglich gedachten zurechen / wurden sye mit wenig der

C iij vbero

Boccatius von den

vberblibnen mannen zu den streytbaren waffen beweget/vnd in dem er-
 sten rausch triben sy die feind auß irer gegent/vnd bewegten darnach iren
 vmbfassen mercklich krieg/Zu lest wurden sy betrachten/ob sy frembden
 mannen widerumb vermähelt wurden/das sy sich erst inn dienstbarkeit
 ergeben/vnd vermainten selber gnügsam vermügen haben mit streitba-
 rer hand zusechten/vnd auch darumb das die vberbliben man nicht senft
 mütiger Götter hetten dann die erschlagne/wurden sy gemainlich alle ze
 rathe/auch die Weiber denen jr mann nit erschlagen waren/das sy die v-
 berigen man all ertöden wolten/Vnd zu hand darnach/ als das mit den
 wercken volbracht ward/kereten sy jr zornigs wüten inn die feinde/vnnd
 durchächten sy so kressstiglich/ire man zurechen/das sy nichts wann fry-
 des von inen begerten/Vnd da der gemacht war/wurden sye vmb hoff-
 nung jr geschlecht züneren/gemainsame mit den vmbwonenden manen
 haben/vnd so bald sy schwanger wurden/schieden sy wider von inen ge-
 gen irer wouung/Vnd wölcher knab geboren ward/den lieffen sie tödten
 oder hinweg senden/die mädlen wurden mit fleiß zu der Rittertschafft er-
 zogen/Vnd in der kindtheyt ward inen das anzeygen des rechten dütlins
 mit sewr oder äzung auß gebrennet/darumb das die/so sy gewüchsen an
 dem schiessenn nicht hindernuß brächten/Die lincken Brust lieffen sye vns-
 uersert zu narung den kinden/die geboren werden solten/dauon sy geheiß-
 sen wurden Amazonas/Sy legten auch nit sollichen fleiß auff ire kind zu-
 ziehen als die vnsern/wann spynnen/näen/vn desgleichen weipliche wer-
 cke/wurden von inen verachtet/vnd in dem jagen/springen/zingen/lauf-
 fen/zilschiessen/wilde psärd aufffahen vnd zämen/vnd desgleichen geübt
 jedem nach irem alter/Das was auch jr stäte übung/darumb das sy man-
 liche werck zütreibenn geschickt wurden/durch solliche kunst sy nit allein
 Tyriam behülten/das auch etwann irer forderen gewesenn was/sonder
 gewünnen sy durch herten streit ein grossen tayl des erdttrichs gegen mider-
 gang der Sonnen Europa geheysen/so vil das sy Schwaben land ver-
 heerten/darumb die einwoner auff den hohen bergen vmb merer sicher-
 heyt jr wouung süchten/Vnd nach dem als sy das land vnderthänigten/
 sagten sy einen künig Senetus geheissen gen Augspurg in dem Rief gelegē
 das zu den selbenzeiten/Vindelica hief/Schwaben land vnder iren Sep-
 ter zeregieren/Der selb gewan auch Ferzerer vnnd Mantuaner lande/die
 von seinem namen Senecia geheissen wurden/vnd raichen dahin/da nū
 Baden vnd Venedig ligen/vnd ward Venecia geheissen/auf wandlung
 des bñchstaben h vn v als der maister Seruius/der Virgilium geschribē
 hat züerkennen gibt/inn dem ersten büch von Enea/vber den vers Ante-
 nor/Sy gewunnen auch vil landes inn Asia/vnnd wurden meniglichen
 forchtsam/vnd darumb das jr grosse macht nit on regierung wer/sagten
 sy für die andern Marsepiam/vnd Lampedonem nach irer mannen ab-
gon

gon zu Königin/vnd er deren regierung der frawen gewalt/ also mercklich gemeret ward wie oben geschriben ist/die selben zwü da sy durch jr rit terlich groß gethät/so hoch geadelt wurden/theylten vnder ihn selber die land/Darumb wann die ein in Königlichem stül belib/das land zu regieren/das dan die ander mit de vbrigen thail ihres heeres sich libete/andere land inen vnderthänig zümachen/vnd also mereten sy durch mercklich nemen vnd gewinien/der land lange zeit ire reich/Doch zuletzt als Lampedo wider die feind inn heeres krafft aufgezogen was/da vberfielen Barbari Marsepian/vnd erschlugen sy mit mercklichem teyl irer junckfrawen/Wie es aber Lapedoni ergieng wais ich nit/dz ich je darvon glesen hab.

Von Tysbe der Junckfrawen/
von Babylonia.

Das zwelfft Capitel.



Tysbes die Junckfraw von Babylonia/ ist von dem aufgang ihrer vnfüligen liebe/ mer dan auf den andern thaten namhafft worden/vnd in ewiger gedächtnus d menschen beliben/vñ wiewol wir irer herkommen vñ geschlechts halben keyn gewysen

bericht von vnsern fordern empfangen/so erfindet sich doch/das sie in der statt Babylonia mit von vnsern öbern oder von was geschlecht sy gewesen sey/doch das sy inn der statt Babylonia in einem hauf gewonet habe/das zu nächst bey einem andern hauf gelegen was/darinn ein knabe wonet ihres alters/Pyramus gehaissen/vnd das sy nachbawren waren/beschach das sy beide vil kindtlicher gemeinsame/vnd tägliche beywohnung mit einander hettenn/vñ wüchß inn ihnen solliche kindtliche begierlichkeit/das sy in den merern jaren/auf kindtlicher neygung inn vber grosser innbrünstiger liebe entzündet wurden/durch die grosse schöne ihrer sayer leib/darmit sy für menigklich begabet waren/Sy wurden auch solliche liebe erwan mit bärden gegē den mañbaren jaren/einander erzeugen/Da aber Tysbes bas gwüchß/wurde ir vater vñ freünd gedencke sy vñ

C. iij künfftige

Boccatius von den

fünffrige gemahelschafft/ das inn hätt vnd in haimlicher zühabenn/vnnd
 als die/das etlich zeyt doch schwärmütiglichen tragen müsten/wurden
 sy ernstlichen süchen/durch was weg sy doch mit einander reden möch-
 ten. Vnnd fundenn inn eyner gemainen wand baider heüser/an ey-
 nem heymlichenn ende ein klunsenn/die vor niemantdt wissendt was/zü
 der sy oft haimlich kommen mit einander züreden/Vnnd bracht die ge-
 wonheyt dahin zü kommen/das sye die klunsen weytern wurden an den
 enden/da es aller mynst zümercken was/durch sy die franckheyt ihres ges-
 mütes/Begirlichheyt/ansechtung/leiden/seüffzen/etwann auch innbrün-
 stige zäher/einander das erzeygenn möchtenn/etwann auch die gemeine
 lieb des gemütes/mit vmbschliessung der arm/vnnd berührung der mün-
 de/inn ganzer treüw ewiger freündtschafft begerende/Zü lest als sy inn
 Brünstiglichen entzündet wurden/bedachten sy weg züsüchenn der flucht/
 vnnd verainten sich die nächsten nacht/so bald sy haimlich mochten auß
 ihren heüsernzügan/inn den wald der nahendt bey der statt lage/zü des
 Künigs Nini brunnen an dem wald gelegen/vnnd wöllichs ee dahin kä-
 me/des andern alda züwarten. Aber Tisbes/wann sy was villeicht inn-
 brünstig/gedacht ee ihres vatters hauf lustiglichen zülaffen/Vñ gieng auß
 käcklich mit einem mantel vmb sich geschlagen/vmb den ersten schlaff der
 nacht/vnd kam durch den monscheyn vnerschrocken inn den wald/vnnd
 als sy bey dem brunnen wartet/vnd als oft sy etwas höret/ir haubt auff
 hüb/Priami zükunfft hoffende/sah sy gegen dem brunnen einenn Lö-
 wen kommen/von dem sy also erschrack das sy inn den busch flohe/vnnd
 des mantels bey dem brunnen ligend nit gedacht/Als aber der Leo vonn
 speyß der thieren gesettiget/vñ der durst hingeleget was/da ward er mit
 seynem schwaissigen maul vnnd klawen mit dem mantel scherzen/vnnd
 in also zerzeren/das er ganz schwaissig vnd zerissen warde/lief er ihn li-
 gen vnd gieng doch hinweg/Inn dem kam Pyramus inn den walde/der
 sein hauf späetter verlassen het/vnd sahe den schwaissigen zerissnen man-
 tel Tisbis/vnd gedacht der Leo hett sy gefressenn/darumb das er inners-
 lich trawren/vnd klagen/sein vngesell vnnd ellend/das er seyner liebsten
 Junckstrawenn vrsach gegeben hette/zü leiden den grimmen tod/vnnd
 verschmahend für das inier züleben/sagt er bey dem brunnen sein auf ge-
 zogen schwerdt an die brust/vnnd viel darein sich selber zütöden/Vnnd
 zühand als Tisbes mainte/das der Leo getruncken hette vnnd hinweg
 were/das sye ihren liebhaber nicht inn verdennen sagte auß zübleiben/
 oder von langem verziehen nit verdriessen näme/ward sy wider gegenn
 dem brunnen schleichen/Vnnd als sy hin zükam/hörete sy als wol/als zü
 gedennen ist/dannocht Pyramum an dem schwert zabeln/vnder schrack
 wänend den Löwen noch alda sey/vnd wer schier widerumb geflohen/
 doch da sy das läget/sah sy bey dem monscheyn das der da ligend Pyra-
 mus was/vnnd da sy eylet zü seinem freündlichenn vmbfahenn/sande
 sy ihu/

sy in/durch die wunden alles sein blät vergossen haben / vnuud nun die seel
 auffgebend / vnd als sy des ersten anblicks traurige seer erschrocken was/
 ward sy zülest mit vber gar grossen wainen vnnurze hilff erdencken / vñ
 die seel inn dem leib / mit küssen vnd freündlichem halsen ein weil zübehal
 ten / Da sy aber kein wort von im haben mocht / vnuud mercket das er ihre
 küß / die im den nächsten tag daruor so empfanglich waren / nun verachs
 tet / vnd das ihr liebhaber also zü dem tod eylet / ward sy mercken das ehr
 im den tod gethan het / vmb das er sye von dem Löwen mainte zerüßenn
 sein / vnd ward durch die liebe sres jüinglinges / vnuud seiner schmerzen be
 weget in bitter beschwerung mit im züsterben / vnd zoch das schwert bey
 dem kilz auff seiner wunden / vnd mit vbergrossen seüßzen vnd wainen /
 rüßet sy an den namen Pyrami / vnuud bat im seine augen auffzühün / das
 er doch sein Tisbem mit im sterben sehe / vnd sres außgeender seel erwar
 tet / das sy bey einander weren / wahn sie kämen. Es ist wunder züsagen
 da der sterbent / vnuud nun von Blödigkeyt des hertzen / wenig vernünfftig
 jüingling / den nammen höret seiner lieben juncckfrawen / mochte er sye der
 letzten gebet nit verzeyhen / vnd thet auff seine / mit dem tod beschwärte
 augen / vnd sahe an die in gebetten hett / zühand setzet sy das schwert bey
 dem kilz auff sein brust / vnd den spitz an jr hertz / vnd viel darauff ein / vñ
 mit vergiessen sres blütes / schiedē jr beyder seel mit einander vñ den leiben
 vnd also mocht das neydig gelückrade nit wören die vermischüg des vn
 säligen blütes / das doch von srem lieblichen vmbfahen nicht vergunnen
 wolt / Wer wolte nit mit disen jungen mitleiden haben / es were ein staine
 hertz / das disem ellenden außgang / doch nit ein zäherlin verlihe / Sy ha
 ben sich kindtlich liebgehabt / darumb das sy tödelich vngelücke nit ver
 schulder haben / der jüingling lieb ist ein schald / doch nit so schwer denent
 die ledig seind / wann sy mügen inn eelichem staate zesamen kommen / Da
 rumb müßenn wir das vngelück schulden / oder vülleicht ihr ellend freünd
 seind des vbels vrsach gewesen / Wann man müß nicht gähnen rigel zwö
 schen liebhabende jugent werffen / sonder sollen sie sittlich gezämet wer
 den / das sy durch gähnes einziehen / nicht inn verzweyßlung vbel getriben
 werden / wahn Veneris sun Cupido ist vberstarck vnd kressstig / ein krank
 heyt vnd ein gemeyne kessigung aller jüingling / Darumb es doch etwas
 züerdulden ist / wann der regierer aller ding hatt naigung gegeben / vnd
 den jüinglingen mehr innbrünstige reizung zü söllichen wercken der nat
 tur / darumb / das das menschlich geschlächtt inn wesen beleib / vnuud nicht
 zergange / also beschehen müße / wa solliche werck gemeynlich wurden
 abgethan.

Von Hypernestra der künigin in Griechen.

Das dreyzehndt Capitel:

Hypernestra

Boccatius von den



Irem vater Belo Perico mercklicher herrschafft gebieten / vnnnd wurt
 denn der ein Danaus / der ander Egistus genennet / vnnnd wiewol die
 zal ihrer baider kinder gleich was / so was doch das gelück der selbenn
 kinder vngleich / wann Danao warenn fünffzig töchtern / vnnnd souil sün
 Egisto / Als aber Danaus etwann inn antwurt der Gótt vernommenn
 hett / das er vonn der hand seines brüders kind solte getódtet werdenn /
 warde ehr haymlich mit grossenn forchtenn geängstiget / wann er kun-
 de nicht wissenn / wóllichen er auß sollicher menge inn argtwon haben
 solte. Es fügt sich da jr beyder kind gewúchsen / das Egistus Danaum
 bitten ward / sein töchtern alle zúgemáheln seinen sünenn / das verwilliget
 Danaus geren / von des grimmen vbels wegen von jm vor bedacht / Vnd
 als die töchtern all seines brüders sünenn allen gemáhelt wurden / der hoch
 zeitlich tag gesezet / vnnnd alle herzigkeyt zúgericht / da ward Danaus mit
 óberstem fleyß sein töchtern flehen vnd bitten / ob sy sein leben fristen wól-
 ten / vnd gútes von jm hoffend sein / das dann jede iren mann in der nacht
 so sy vonn dem schlaff vnnnd wein gebunden vnnnd beschwárt weren / mit
 dem eysen ertódtet / also irem vatter willfarend / verbargen sy jr yede eyn
 scharpffes messer vnder die hauptpfúllen / vnd durch das haissen irs vat-
 ters / ermódteten sy all jr man / die von des tags vberleben nun tieff entsch-
 lassen waren / On allein Hypermnestra / die vermeyliget ire hend nit mit
 dem blút irs gemahels Lini / zú dem die iunckfraw nū jr gemút gestellt het
 als der töchtern gewonheyt ist / das sye inn ersten anblick irs gemahels
 anfahen sy lieb haben / darumb sy auch durch mitleiden von dem schándt-
 lichen vnaússprechenlichen mordenolt nit enteheret werdenn / dardurch
 sy auch inn ewiges lob gesezet ist / vnnnd riedt dem jüngling die flucht an
 die end da er aller sicherest wáre / Da aber die andern alle des morgenns
 von dem trázlichen vatter / vmb das gros vbel vonn ihnen volbracht ge-
 lobt wurden / allein Hypermnestra ward von jm gscholten / vnd zú straff
 inn einen

inn eynem kärke gestoffen/darinn sy etlichzeyt ihr gütig wolthon be-
 wainet/O du ellender tödtlicher menschliche/wie magst du so mit innbrün-
 stiger geyttigkeyt/das zergänglich begeren/vnnd verschmähest den auf-
 gang zu betrachten/vnnd wie du durch so sündlich forchtsam wege/auff
 inn gewalt steigest/mit was vbel du das gewunnenn hanndthabest/
 als ob du mit vnraimen wercken das fliegend gelückrad mügest bestätti-
 gen/vnnd dein kurzes kranckes leben/das doch spölich ist zusagen/durch
 schandtlich schwer sünd vnnd vbelthät/meinest zu ewigen vnnd doch alle an-
 der siehest inn fliegender lauff zu dem tode eylen/warumb rayttest du mit
 so erschrockenlichen rätthen/mit so vnfüglichen bösen wercken/das gericht
 Gottes/vnnd das ich die andern all ytz lasse/so müste ich zeügtnus sollicher
 bosheyt Danaum/der darumb/das er seine zitterende jar ein wenig lenn-
 gern möchte/durch das groß blätnergieffen seines brüders sune/beraubet
 er sich selber der grossen ehre vnnd macht von ihnen erlanget/vnnd warde
 inn ewig schand vnnd laster verleumbdter gesezet/ Der schalckhafft böser
 mensch/vermeynet seine wenige jar seines alters fürzusetzen/den blühenden
 jaren der jugendt seynes brüders kind/Doch weren sy villeicht nutzlicher
 gewesen/wann er sye inn erbarkeyt behalten hett/Aber mit dem blüt von
 sonil jünglingen sein alter zelengeren/ist wider die natur vnnd vnmensch-
 lich zügedenckenn/Zü sollichem vbel das ime noch mehr lasters auffleget/
 bestellet er nicht krieger oder seine diener/er waffnet sein aygne tochter zü
 der vbelthät/das er seines brüders kind mit allain verthylcket/sonnder das
 er auch seine töchter umb den grossen morde mit vermeyligeten henden in
 ewig schantlich trauren setze/die er doch inn gütigkeyt/wol bey eeren het-
 te behalten/Vnnd so er begeret durch missethat/sich in leben zefristen/hat er
 nit betrachtet wie böß exempel/was turstigkeyt/was veruntrewens/was
 auch erschrockenlich vrsach er den künfftigen weibern verlassen hab/durch
 sein vbelthät/zülegen vnnd vnder die füs züknißten/wann als er das sein vor-
 der freündtschafft vnnd lieb/durch die brynnenden kerzen bezaychnet/solte
 inn der vergemaheltenn schlaffkammer geordnet haben/da hatt sy eifine
 waffen zü dem blätnergieffen geboten/vnnd wa wir die kinder zü eherlicher
 liebe vnnd freündtschafft fleißlich vnnderwysen/hatt er seine töchter inn
 tödtlichem haf ihrer mann gehertziget/vnnd one zweyfel das er/inn allen
 nit getödt hette züfügen/so sy gesamelt weren vnnd vnbeschwert/thete er
 ihnen gesünderten/da sy von dem schlaff vnnd wein beladen waren/vnnd
 das ihm bey dem tage erschrockenlich züuersüchen gewesen were/gebot er
 bey der nacht züvolbringen/vnnd das er inn einem feld nit getödt besymmet
 haben/wolt er inn der gemahelkammer volbracht haben/vnnd betrachtet
 nit das er ihm selbst mehr schändlicher/vnerbarer/verrümpet schändt-
 licher jar inn künfftigezeyt behielt/wann er den jünglingen hette durch
 sein bosheyt vnnd vntreuw empfäret oder hin genommen/Vnnd das er
 mit fünfzig tochtermann hochgeehrt werden mocht/der nit mer dann
 einer sey

Boccatius von den

einer behalten ward/der hande doch der grimig alt wüsterich von gerechtigkeit des Göttlichen vrthails nit entrinnen mocht / er müst sein sundtlich blüt durch die vergiessen/zü peen des vbels an seinen brüderu beschehenn/der was Linus/der auch nach ihm inn Griechen mit starcker hand / vnnnd grosser macht regieret / vñ erlediget auf dem kärcker sein Hypermnestram vnnnd gesellet sy zü im inn besser eynunge der gemähelschafft / vnnnd machet sy seiner regierung des Keychs thailhafftig/Die auch nicht alleyn ein Königin des Reichs gesehen ward/sonder vmb jr gros vnd mangfaltig tugent ein priester der Göttin Junonis/in zwoysachen durchleüchtigen eheren vberzierlich ward gesehen/Vnd da ire schwestern inn schnöden läumbden vnd schantlich vbel gefallen waren/ward jr nam inn ewig zeyt in löblicher gütigkeit hoch geadelt vnd gelobet.

Von Niobe der künigin Thebanorum.

Das vierzhendt Capitel.



Niobe ist vnnnder den hochberümppten frawen durch die gemayn auß vast wol bekannnt gewesen / Darumb das sye des eltesten / vnd weitberühmtesten König inn Phrygia Tantali tochter / vnd ein Schwester Peolopis gewesen ist / Die warde gemähelt Am

phioni/dem König Thebanorum / der zü den selbenn zeytten der durchleüchtigst was/zum thail das er vonn Jupiters geschlecht / seines wolredens halben sonderlich hoch geacht war/auch darumb/daser inn werend dem seinem löblichen regiment / auß der selbenn Niobe syben sün / vnnnd sovil töchtern erzeuget / Aber das einem weysen mann zü nutz dienen solt/das raichet ime als dem hochfertigen / vnd vbermütigem zü grundlichem verderben / wann durch die löblichen gestalt irer kinder / vnd hohem adel vnd herkommen der fordern / ward sy also in hochfart vnd vbermüt erhebt / das sy auch den Götten hat dürffen schmachwort züreden. Dann als die Thebaner eines tags fleissig waren / auß anrichten vnnnd beuelh Nantonis der tochter des Weissagers Tiresie / der Göttin Latone genannt / säst vnnnd opffer zü halten / die Appollinis mütter was vnnnd Diane / die auch bayd von alter

von alter her/in würdiger heyligkeyt/nach irem irsal gehalten waren.
 Da sprang Niobe vngestümigklich herfür als ein vnbesinnte/ mit iren kind
 den vmbgeben/vnd mit künigklichem gewand geziert/also schreiend/Wz
 ist die vnsinnigkeyt der Thebanen/der Göttin Latone solche fest vñ wür-
 digkeyt anzürichten/die doch främbd ist/von den Thitanen herkommen
 die auch mer dann zwey kind von dem eebruch empfangen/geboren hatt/
 vnd wöllen die fürsetzen mit irer künigin der tochter Tantalidie inen vier-
 zehen kind mit irem gemahel eelich hat geboren/als ob sye groß würdiger
 wär züeeren dann ich/Darnach inn kurtzer zeit/geschach es das in irn ans-
 gesicht all ir sün in schöner bländer jugent/mit tödtlichem gebrechen wur-
 den hingenommen/bis an einen/vnd Amphion der vierzehē kind vatter/so
 bald durch tödtlich ab der selben/in sollichs laid vnd schmerzen bezwin-
 gen ward/das er sich mit seinen aigen henden mit eynem schwerdt durch-
 stach/dz die Thebani alles vmb rath der geschmächten Gött meinten ihr
 beschehen sein/Aber Niobe/die wittwe vberbliben wz/kam von grossen
 trauren vnd laid/in solliche verstockte hertigkeyt ewig zeschweygen/das
 man sy billicher ein vnweglichen stein/wan ein frau geschätzt hette/Da-
 rum ist von den Poeten gedicht worden/sy sey bey Sipylum/da ihre kind
 begraben waren/in ein staine saul verwandelt/es ist hert vñ vnleidenlich
 hochfertig man/nit allain zü dulden/sonder auch sy zü eheren/stolz vñnd
 hochmütig frawen/aber seind noch vil mer vntreglich/mit dē gar nichts
 anzükönnen/wan sy etwas inn irem hertzen vnd gemüt für fassen.Wann
 die natur hat doch die man in brünstiger werme/vñnd hochmütiger/ge-
 schaffen/wann die frawen/die nur zü freündlichkeit vnd sensstem lebenn/
 wann auff gewaltig regierung/von der selben natur geordnet seind/Da-
 rum ist nit wunder/ob der Gotts zorn vnd vrteyl vber die hochfertigen
 Weiber strenger ist/wann sy das zil irer blödigkeyt vbertreten/als der to-
 rechte Niobe beschehen ist/die durch das wackend Glückrad ward betros-
 gen/vnd nit betrachtet das die gab irer schönen kinder/nit von ir gwesen
 ist/sonder von der natur/von der die leuff der hymel geleyttet werdenn/
 nit nach dem willen des menschen/sonder nach ihrem ansehen/Darumb
 solt sy billich vmb solche gaben/Gott eere vnd danck gesagt haben/wann
 das sy sich selber Göttlicher eerung würdig geschätzt hette/als ob sy die gabe
 der kind von ir selb/vnd nit von Got hette/vñnd darumb das sy in vber-
 müt vnd hochfart/vnwissigklich gewercket hat/schüff sy das sy ir vn-
 gefell im leben bewainet vñnd klaget/vñnd das nach ihrem
 tod/ihre name inn künfftige zeyt den menschen
 hässig bleiben müß.

D Von

Boccacius von den

Von Hypsipyle der frauen vnd Königin Lemni.

Das xv. Capitel.



ter zeit bewisen / sy woz ein tochter Thoantis des künigs der Lemniadum /
in denen läuffen ein solche vnsinnigkeyt der frauen gemüt befeffen het / dz
den maßen ganz nit mer vnderthenig wolten sein / wann in verachtung
des gewalts vnd regierung / des alten künigs / zugen sye inn jr gesellschaft
Hypsipylem / vñ mit vermaintem rat vnd beschluß kommen sy darzü / das
sy in der nechsten nacht alle mañ wolten mit den waffen ertödtē / das auch
beschach nach ihrem fürnemen von allen frauen / on alleyn Hypsipyle / die
selb bedacht so bessers vnd gütigers rates / vnd betrachtet wie gar vnmen
schlich wäre / die hend mit vätterlichem blüt züuermailigen / vñnd öffnet
irem geberer das grausam vbel der andern frauen / vñ von stundan sen
det sy in gen Chium inn einem schiff / das er dem gemainen zorn der Wei
ber entrünne / vnd lief fürderlich einen grossen scheitter hauffen zürichten /
als ob sy iren vatter darinn verbrennen wolte / nach irer gewonheyt / da
mit die frauen meinten sy hett ihn auch getödtet / Vnd da all frauen das
glaubten / sagten die selben mördischen Weyber Hypsipyle in tres vatters
Thron / vnd machten sy zü künigin / on zweiffel das aller seligst vnd gütig
ste werck / weit für andere züpreisen ist / senfftmütigkeit der kind gegen irn
Eltern / Wan was ist züflicher / was gerechter / was loblicher / was mens
schlicher ? Dann denen mit eeren vnd gütigkeit widergelten / von den wir
jung vnd vnuermöglich die narung haben empfangen / von der fleiß wir
Beschirmet sein / von der stätter lieb wir zü vnsern tagen kommen in kün
sten vnd sitten vnderweisen vnd geleret sein / von deren güt vnd ehre wie
auffnemen vnd erhöcht werden / nichts on zweiffel / So aber die ding alle
von Hypsipyle betrachtet / irn vater mit fleiß bewisen seind / so wirt sy nit
vnbillich an die zal der durchleüchtigē frauē gesetzt / Diweyl sy aber also
regiert /

D Hypsipyle woz
ein hochge
rühmte frau
eins tails von gütig
keit wegen irn vater
erzeigt / vnd dan von
dem zufälligen ellend
vñ dem vnseligē tode
des künigs / lemei kin
de jr befolhen / auch
noturfftigen hilff hal
ben so sie iren kindē in
höchster gfar bei rech

regieret/ob das auch von krafft der wind beschehen oder mit fürsatz (als ich nit waif) fügt es sich dz Jason der Fürst mit seiner gesellschaft/so Argonauten genant werden/in die Insel Colchos mit irem schiff faren wolten/Wölliche die Weyber abzütreiben vnderstünden/doch vergebentlich/dann vorgemelter Jason an ir gestadt lendet/der er von der künigin nit allein in herberg/sonder auch an ir schlaffbet freyenlichen auffgenommenn ward/vnd sie gebar nach seinem abschaidt zwen sün von im empfangen/Als nun die Weyber von Lemnia gesatz erwört/müßt sy die selben kind auß dem lande schicken/darumb gedacht sy iren anherren die züsenden/dz der sy ernözen/vnd in tugenden lete züleben/das auch also beschach/Aber die Weyber wurden dadurch erkenen/ das Hypsipyle iren vater behaltē vnd sy gelaichet wāren/darum sy all so vngestümigklich eilten sy züsahen das sy mit not in ein schiff ertrinnen mocht/zü irem vatter vnd kinden inn Chium züsaren/doch ee das sy dahin kam/ward sy von den meerraubere gefangen/vnd in ein dienstbarkeit versüret/vnd also noch vil vnd manigerlay plagung ir angethon/dem König Lycurgo Nemeo zü schanckung gegeben/die er auch wol empfieng/vnd ward ir die wart vnd sorg seines einigen sones Opheltis besolhen/in fleißlich züerziehen/Vnd auff ein zeit als sy im in fleißigen diensten aufwartet/füget es sich/das Adrastus der künig in Griechen/mit heeres krafft gen Thebas ziehenn wolt/die vonn grossen durst geschwecht waren/fragen Hypsipyle vmb wasser zütrinckē Sy verließ den son inn den plānen kurzweylen/vnd zaiget iren ein wasser flüßlin/In dem sy der künig Adrastus fragenn warde ihres wesenns/vnd dieweil sy im das erkennen gab/wurdenn die zwen jüngling Lunoas vnd Thoantes die nun gewachsen waren/vnd mit dem künig Ritter schafft pflagen/mercken das sy ir baider mütter was von Jason geporen bardurch sy bessers glück verhoffen ward/Aber als sy sich zü ihrem kindt wendt/sand sy es in tods nöten zabeln von einem nater bis verlegt/durch ir weinen vnd klagen das ganz heer betrübt ward/vñ als Lycurgus vñ seinen son in zorn vber Hypsipl im erwötet/ward sy im von dem heer entzogen vnd hingefüret/darmit ir leben gefristet ward/aber von irem end bin ich nit ingedenck weder mit wenig noch vil gelesen zü haben.

Von Medea der Künigin Colchorum.

Das xvj. Capitel.

Medea ist der teuflischen bösen zauberi/der sich die alten vil gebräucht haben/das aller grausamest anzaigen/vnd ain tochter Oete des künigs Colchorum Perse suns vñnd seines gemahels Hipsee gewesen/Sy was genög schön/vnd inn der Zauberrey menigklich weit/vbertreffend/wann sy hab elich zü maister gehabt wen sy wölle/so was ir doch die krafft der kreüter wol bekant/ferz für alle menschen/so vil das sie durch die selben vnd ire zauber segen den lufft betrüben kundt/
D ij wind

Boccacius von den



wind auf irn hölern
bewegen / vngwiter
machen / vñ fließend
wasser stellē / tranck
zürichten / die gemüt
zübewegen / vnd ain
ding mit feur inbrün
stiglich verbrennen /
vnd das vil böser woz
ir gemüt was den ar
gen künsten ganz ge
leich / dann was sy ir
in irem schnöden syñ

tunam das dorfft sy mit den wercken volbringen / vñ wo sy zü tranck wa
re inn kriegen züfechten / was ir leicht ein streitbar volck zümachē / vnd vil
künsten desgleichen. Zü den zeitenn was eyn jüngling in Thessalia Jason
genannt / von frumbkait vnd sterck seines gemüts hoch geacht / dem seyn
veter Pelias des lands regierer neidig war / den er bsorgt sich ab seiner mā
hait / das er vileicht dadurch möcht vertriben vnd des lands entsetzt wer
den / Darumb gedacht er den selben jüngling in ein schein gen Colchon zü
enden / daselbst Ritterlich eer vnd lob züerwerben / Nemlich dz guldin fel
eins Widers von dannen zübringen / doch was sein mainung nit / das ehr
solte widerkornen / sonder daselbst erschlagen werden / dadurch er auf so
gen käme / Von desselben jünglings schöne / wardē Medea auß dem ersten
anblick so innbrünstiglich in höchte liebe gegenn im entzündt / das sy all
weg ersüchet / durch die sy vermainet sein gunst vnd genad züerwerbenn /
vnd darumb das Jason seinen willen bas volfürn möcht den guldin scap
ter züerlangen / gedacht sy im zeliē / zwitragt züsäen / vñ vneinigkait zw
schen ires vatters Landvolck vñ vnderthanen anzürichtenn / darumb
dem vatter grof krieg erwachsen / vnd Jason ward stat gegeben / das gul
din fell in sein gewalt zübringen / welcher vernünfftiger mann wolt nicht
grof verwundern darab nemen / das so eins vbermächtigenn künig herr
schafft / durch einen ainigen augblick also solt gemindert vnd schier gar auß
gerewt werden / Da aber Medea durch sollich vbelthat gegen dem vater
vnd allen der iren begangen / freuenlich vmbfahen irs liebgehabten jüng
lings Jasons verdienet hett / gedacht sy ires vatters haus züverlassen / vñ
nam zü ir die bösten klainater des vatters / vnd schätz souil sy maynet von
dannen zübringen / vnd floch heimlich hinweg / Sy hett auch an solcher
grossen missethat nicht genügen / sonder keret sy ir möderisch gemüt noch
inn gröffer verschuldenn / wann sy gedacht wol ihr vatter Oetes wurde
ihm an der flucht nacheylenn sye züsahen / darumb do sy kam inn die In
seln Thomitamani geheissen / in dem wasser Phasidis / durch die ires va
ters

ters weg/was zueilen/lief sye iren Brüder dannoch jungen Absyrta' o-
 der Egeelyum genant/den sy auch darumb mit ir genömen het ertödtē
 vnd zerhawen/darnach die stuck weit von einand in dz feld aufwerffen
 in meinung dieweil d' traurig vater die glied des erbermtlichen kinds wiß
 züsamen samlet/vnd es klagte/auch zü der erden bestättet/so wurd inen
 zeit vnd weil dauon züfliehen/das auch also beschach nach irem anschlag
 Zülest da sy mit irem Jasone durch groß müe vnd arbeit/sorg vnd angst
 in Thessaliam kam/ward sy von irem schweher vberauf wol vnd schon
 empfangen/der auch von so grossen sig seines Jasonis/von so merckliche
 ehüm vnd so durchleüchtiger gemahelschafft/also mit freud erfüllt ward
 das er maint wider in blühend jugent auß dē alter gesezet sein/Zühäd war
 Medea gedenccken/wie sy iren Jasonem möchte in das künigreich serze/vñ
 säet solchen haß vnd neyd/durch ire kunst zwischen Peliam vnd seine sün
 das sy einander tödtlich feind wurden/Doch bracht zü lest die zeit/das
 Jason Medea hassen ward/dasers von im stieß/vñ nam an ir stat Glau
 cam die tochter Creontis/des künigs in Courintha/darumb auch Medea
 in vbermassen vngedult vnd kümernuß gesezt ward/stätiglich wütend
 vnd gedencckend sich an Jasone zürechnen/Zülest erdacht sy sonil durch ir
 böse kunst/das sy die selben Glaucom sampt irem vater den künig Creöte
 vnd ganzem küniglichem pallast vnd herlichkeit durch ein fliegend feur
 verbrennt/vnd in gegenwertigkeit Jasonis/seine kind die sy im geboren
 het alle ertödet/darumb sy gen Athenas fliehend entrünen müste/Da
 selbs ward sy dem künig Aegeo zü gemahelt/vnd gebat im einen son der
 nach irem namen Medus geneit ward/Demnach als sie sich vergebens
 vnderständ Thesum iren stieß son mit giff zütöden/durch das müst sy
 das dritmal flucht nemen/vñ kam wider in Thessaliam/da sy auch wiß
 vmb freündtschafft Jasonis erwarb/Doch ward sy nit lang darnach mit
 Jasone auß allen künigreichen Thessalien vertriben von Egialeo der eyn
 son Pelie was/darumb sy wider heim in Colchos kam/vnd sezet wider
 in sein künigreich iren alten armen vater/wohin sy aber zü lest kommen
 sey/oder in was gestalt sy ir leben geendert/ist mir nit in gedächtnuß/das
 ye gelesen oder gehört habē/Das ich aber dis mercklichs zümeldē nit vber
 gang/so ist zügedencken/das die augen nit zeerlauben ist alle ding züsehe
 wann durch die gesicht kennen wir den schein/daruß wir in begirlich neid-
 gung oder heffigen neid bewögt werden/daruon wir nach vnserm gefal
 len die schnöde loben/vnd vnfauberkeit vnd armüt/vnbillich verdamen
 vnd darumb das die augen vngeleret richter seind/so vrtheylen sy allain
 nach dem schein des empfangnen gesichts/vnd werden offft betrogen/so
 nil das sy schantliche ding den würdigen fürsetzen/vnd erdichtes der war
 hayt vnd trübsal der frewden/vnd sy loben das züschelten wär/vmb dz
 es kurzwerende frewde verheisset/so vergiffstenn sy offft die gemüt mit
 schentlicher vermeiligüg/die hatt widerin außzütülckē ist/sy ziehēt auch

D ij mit

Boccacius von den

mit iren zwingern vnd vnerbern blizenden geberden / die jüngling zü vn-
 erberer rayzender begirlichkeit / dardurch sy inn schantliche werck gezo-
 gen / gefangen / vnd verhasst werden / vnd mer so die augen des hertzens
 thüren seind / so sendet lieblich begirlichkeit iren boten Cupidinem in dz ge-
 müt senffzen ein züblasen / vnnnd das feür gantz anzübrennen / Das hertz
 sendet auch seine zehern trawren durch sy / vnnnd zaigt damit an / das es
 die begirlichkeit gern wolte zü den wercken bringen / vnd on zweiffel wer
 das recht verstünde / er beschlüsse seine augen oder hüb sy gen himel / oder
 truckt sy gen der erden ee er dz ersehe / davon er in vbel bekeret werde mö-
 chte / Ob aber etwo von not wegen solchs züstände züsehen / so sollē doch
 die augen also an dem zaum regieret werden / das nit züweit vmbgailen /
 Darumb hat auch die natur inen ein decke geben / nit allain das sy in dem
 schlaff beschlossen sind / sonder auch das sy dem schedlichen gegenwurff da-
 mit möchte wider stan / wann hett Medea ire augen beschlossen / oder an
 andere ende gekeret / da sy Jasonem so mit innerlicher begird ansah / so
 wäre ires brüders leben lenger beliben / vnd ir keüschlich zierd gantz vnzer-
 brochen erhalten worden / die alle durch der augenn vnkeüschliche blick er-
 bermlich zügrund giengen.

Von dem Kunstreichen weyb Arachne.

Das xvij Capitel.



würcken erfundē mit seiner züghör / durch ir hohe vernunft / Auch die vo-
 gelnetz / fischgaren / vnd dergleichen erdacht züstrücken / Vñ als ir son Clo-
 ster genehet / spyñen erdacht zü dē würcken / macht sy mit denen vnd andern
 werckzeüg so künstlich arbeit vō allē bild werck / mit farbē als obgesetzt / als
 ein maaler

Arachnes vō
 Asia / ist gwe-
 sen von gemei-
 nem volck Idomonij
 des gewands feibers
 vō Colaphon tochter
 wiewol nun die von
 gepurt nit so hoch woz
 so ist sye doch durch et-
 lich ir verdienen hoch
 züpreysen / Etlich der
 alten sagen von ir / sie
 hab zü erst dz leinwat

ein Maler mit dem pensel hett auß gestrichen / das doch wol ein lobliche
 frawen klügheyt gewesen ist / darumb auch etlich jr den preis geben wol-
 ten / für alle die zu den zeytten lebten inn sollicher kunst / Sy warde auch
 von sollicher arbeit inn der ganzen welt gelobet vnd berümet / vnnnd da-
 rumb inn ihrem gemüth also erhebt / das sy darinn wider Palladen strey-
 ten getorft / die doch die selben kunst die erst erfunden het / Aber Arachnes
 ward von jr vberwunden / vnd als sy das inn gedult nit ertragen mocht /
 leget sy jr an den hals einen strick / damit sy jr leben endet. Auf diser war-
 heyt ist den Haidnischen maistern / statt gegeben dem gedicht das sy sagen
 Arachnes sey durch erbarmung der Göt in ein spinen verkert / von gleich-
 heyt der namen vnnnd des würckens / darumb das sy mit stätter arbayt /
 jr ampt nit verliesse / wañ als sy Arachnes haisset / wirt die spinn zu latein
 Aranea genennt / so ist spinnen jr baider kunst / dauon auch die spinn ihren
 namen empfangē hat / sy hangt auch zü gleicherweiss als sich Arachnes er-
 hencket / Doch sagen etlich wiewol sy den strick an ihrem hals leget / doch
 sey sy von den Leharten dauon erlediget / aber sy habe ihr lebtage fürbas
 inn müßiggehen on alle arbeit vertriben / Nun sag ein mañ was mag nu-
 zes kommen auß vbermüt / Arachnes mainet / alle eere vnnnd würdigkeyt
 der ganzen welt allain auff sich zübringenn / darumb sy genideret war-
 de / Hette sie aber Gott dem Herren / der aller ding ein schöpffer vnd geber
 ist / lob / danck vnd eere gesagt / vmb das güt jr Beschähen / so wer er sensst-
 mütig vñ milder gegē jr worden / vnd het sein schoß auffgethan / vnd noch
 mehr künsten inn sy gegossen / Darumb ist dises exempel allen den wolzü-
 mercken / die von Gott vnd der natur für ander begabet seind / das sy sich
 selbs inn vbermüt nit für ander empören / darmit sy nit genidert werden /
 wañ so leicht ist Gott dem geber aller ding / wider zünemen als zügeben /
 vnd ich wolt geren das Arachnes allein vns zum exempel geben were / a-
 ber es seind laider vil Arachnes nun auff erden / den ich jr selbs erkänntuß
 wol wünschen wölt / gemeinem nutz zü güttem.

Don Brithia vnd Antiope zweyen künigen der
 frawen Amazonum.

Das xvij. Capitel.

Brithia ist gewesen Marsespie tochter / vnnnd hat nach ihrem tod
 regnieret / mith Antiope die ihr Schwester / als etlich maynenn /
 gewesen ist / doch ward sy vmb ihr ewige keüschait für all ann-
 der hoch geprisen / Vnnnd vermochte souil inn kriegenn mit ihrer mitre-
 giererinn Antiope / das sy das Keych Amazonum mit grossen eheren vnd
 macht vil erweytert / vnd ward auch durch jr ritterliche thatē / jr lob also
 erhebt / das der König Eurysters von Athenis vermainet / es müß hart
 vngereon / der ihr wolt iren ritter-irtel mit streyt abgewinē / darmit er Hero-
 culem

D iij culem

Boccacius von den

enlein den sterckesten man/durch erbiten an sy schicket jr den gürtel züne-
men/ Ist das nit ein grosse glori vnd eere/das einer sunnckstrawen von ihr
macht vnd streytbarer hand wegē/ Hercules wirt zū gleichet/der doch al-
ler ding ein sighaffter vberwinder was / Hercules rüstet sich zūvolbringē
des er sich durch Euristij bitten hett zūthün angenommen/vnd kam an der
Amazonum gestat/mit neün grossen langen schiffen/zū den zeyten da O-
rithia anderstwa hin in krieg aufzogen woz/vñ wiewol sich die anheimis-
schen dapffer vñ manlich wider in sagten/doch waren jr so wenig vnd so
lünzel geübet/das er leicht sighafft werden mocht / darumb sy sich ergaben
vnd wurden gefangen Menalippe/vñ Hyppolite / die Anthiopes schwe-
stern warē / alda ward Menalippe gescherzt/vmb den ritter gürtel Ori-
thie/damit sy auch erlediget ward/ Da aber Outhia vernam / das The-
seus/der mit Hercule des sygs thailhafftig was/ Hyppolite hinweg gestri-
ret het/rüstet sy an aller Griechen macht/vmb hilff wider Theseum/vñ
zohē auff in/aber vñ vnainigkeit der Griechē/ward sy on hilff verlassen
vō den Athenienser vberwundē/ Darumb sy wider heimziehen müst/ Wie
es auch fürbas vmb sy ergangen sey/gedenck ich nit das gelesen haben.

Von Erythrea oder Eriphila/der vast alten Sibyllen. Das xix. Capitel.



Erythrea oder
Eriphila / ist
ein so gar hoch
berümpfte Sibylla
gewesen / vnder den
zehen/die all mit irem
namē gesondert wer-
den / wann sye all zeh-
nen mit gemeiner be-
deütunisse Sibyllen
heysenn / das ist ein
weyffagerin / Wann
der nam Sibylla/ist
gemachet auß den zwayen Griechischen worten Syos/das ist Gott/vnd
Buli/das ist Rath/Darumb Sibylla ist so vil gesprochenn/ als der rath
Göttlichs gemüts/das sy erkennen/vñ wie man weiffagend man prophe-
ten heisset/also neñet man die göttlichen weiffagerin Sibyllenn/wiewol
sy nun all zehen hoch geeret vñ gerümet seind/so wirt doch dise für die an-
dern geprisen/vñnd sagenn/sy sey etlich zeyt vor der zerstörung Troye/zū
Babylonia geboren worden/wiewol sich sagen sy sey zū den zeytenn Ca-
etaniani des Römische Keyfers gewesen/ir rechter nam war Eriphila/as-
Ber darumb

aber darumb ist sy Erythrea gehaissen worden/das sy in der Insel Erythrea lange zeyt gewonet hat/Do auch vil verser weiffagung gefunden worden/das verdienet irer vernunfft oder gebets andacht/ist auch so groß gewesen vor dem anblick Gottes/das sy durch Göttlich genad vnd einfluß des Hailigen gaites/souil vnnnd so klarlich geweiffaget hat / das she sag das ein Euangelium/wan ein weiffagung möcht gehaissen werden/sy weiffaget auch den Griechen von irer fleissigen Bittens wegen/inn schönem gedicht all ir kimmernuß/vnd zuletst die zerfförung Troie/so lauter vnnnd dentlich/als ob sie alle nachgeende geschicht/vorhin klarer geschennhetze/Zügleicherweiff hat sy der Römer gewalt/vn menigerlay ire künfftige geschichten/inn wenig versen begriffen/vil jar vor der statt anfang vnnnd das nach meinem geduncken noch vil gröffer ist/das die Propheten verborgenlich inn figuren/durch den hailigen Gait geweiiffaget habenn/hat sy klar geöffnet/die haimlicheyt des wortes das zü flaisch ist worden des eingebornen sones leben/vnnnd seine grosse zaichen vnd wunderwerck wie er/verrathet/verspotet/gesangen/vnd schmälich getödt solt werden am dritten tag wider aufferstandenn/sein sig vnd Tryumph/die hymelofart/vnnnd zü letst den Jungstenn tage / vnnnd das künfftig vrthayl aller menschen/das sy alles so lauter geweiffaget hat/als ob es mit ein prophecey/sonder vergangner ding ein beschreybung were/durch solchs verdienen/gedenck ich sy sey Gott vber lieb gewesen/vnnnd für all ander Heydnisch frawen hoch zü würdigen/Etlich schreyben auch vö ir/sy sey in ewiger keuschait beliben/das auch gütt zü glaubenn ist/wann auß einem vermeiligten hertzen mocht nit souil liechtes der weiffagung künfftiger dinge erscheinenn haben/zü wölllicher zeyt sy aber oder wo gestorben sey / das ist vor alter verschliffen/vnd in vergessen kommen.

Von Königs Pharis dochter.

Das xx. Capitel.

Medusa ist ein tochter gewesen vn erb/des aller reychesten Königs Phoreys/wölllicher das vollest laund inn dem Athalantischen meer gelegen ingehabt/ettlich sagenn es seyen die Inseln Hesperidum gewesen/ die selb Medusa was so wunderbarer schöne / das sy nit allein inn leiblicher ziere allen andern vorgienge/sonder beweget sye manigen menschen/sy zusehen vmb ir schöne/vnd ward von menigliche vber der natur vermügen/wunsam vnd wolgestalt geschängt/dann vonn goldgelem haat war ir haubt gezieret/das angesicht sonnderbarer schöne/zimlicher lenge des leibs/vnd vnder andm was die krafft irer augen so gar lieblich vnd mächtig/dz alle mañ die sy scharpff ansahen an ir verglasten/vnnnd nit anderst da stunden/als ob sy vrwöglich werenn / vnnnd
ir selbe



ir selbs vergassen irer
sinn vnwissend/ vber
das findet man von
ir/ das sye vber ander
des erdbawes vil wis
send was/ des halben
war sy Gorgonis mit
dem zünam genennt
dardurch sy anch mit
irer grossen klüghey/
vnd vernunfft/ nit al
lain irs vaters güt in
wesen behielt/ sonder

die selben gröflich gemeret/ sonil das sy mit ihrem schatz die reichthumb/ al
ler König inn Occident vbertrasse/ also ward sy von wegen irer schöne
gröfsten reychthumb vnd klügsten vernunfft/ vnd sinnreichait inn den fer
resten landenn der welt berümpft/ Doch so ward ihr gros lob für andern
den Griechen surgebracht/ vnder den ward Perseus ob anderen zierlich/
vnd der reizenden jugent ein blüender/ durch vernemen ihrer schönhey/
inn so grosse begirlicheyt die schönsten frawē zusehe siele/ vnd die schatz zü
nemen/ das er mit zügerichter schiffung für gehn Occident/ vnnnd saß inn
dem schiff/ das mit einem fliegenden pferd bezaichnet was/ vnd kame v
ber schnell dahin/ vnnnd mit vernunfftiger fürsichtigkeyt/ vnnnd starck ge
wapneter hand bekümmeret er die Königin/ vnnnd beschwäret sein schiff
mit gold/ vnd mancherlay beüt/ vnd für darnach wider heym zü den sey
nen. Auf diser historien ist den Poete gegeben worden zü dichten/ dz Me
dusa mit zaubernus die menschen inn stein verkerete/ wölliche sie ansahen/
vnd als Minerva inn zorn vber sy bewegt/ ir haar in schlangen verwan
delt/ vnnnd wegen das sy ihren Tempel vermailiget/ vnnnd sich darein zü
Neptuno gelegt hett/ von dem sy ein fliegend pferde gebat/ inn dem Per
seus fliegend mit den seinen vber meer in ir land kam/ vnd sy mit schwerdt
vnnnd schilt vberwand/ O du vnstätiges golde/ wa du deinem herren ver
borgen ligst/ so bist du vnnützlich/ Wurdest du aber scheinend an den tag
gelegt/ so gebürst du so vil neids vnd begird/ das du tausentfeltig kümmer
nus bringest/ vñ ob schō niemants der dich fräuenlich begert zü empfüren/
so gibst du doch deinem herren der dich besitzt/ stätwerende angst vnnnd
sorg/ von dir wirt rüe des gemütes vertriben/ der schlaff entzogen/ forcht
eingossen/ trew gemindert/ vnd arckwon gemert/ vnnnd gemeinlich alle
gütte geschäft werden durch dich gehindert/ Vnd wa es/ durch wölliche
geschicht das beschähe/ etwann empfürt wurde oder vergieng/ so wurde
der herr bis inn den tod vor leid gehelliget/ vnd der leüt spot vnd sagmār.
Von

Von Iole der tochter / des Königs von Aetholien.

Das xxi. Capitel:



Iole ist die aller schönste siick frawe gewesen des selben lands / Eurithij des Königs tochter von Aetholia / Die ward liebgeliebt von Hercule / de bezwinger der ganzen welt / vnd als im die Eurithij verheissen het zu vermählen / ward er durch den rath seines

sunns abgewisen / das er im volgendes sollich nit wolt halten / deshalb bewegte er eyn grossen krieg wider ihn / vnd nam ihm land vnd leut / vnd auch das leben / vnd fürte mit ihm sein liebgeliebte Iole / Aber Iole lag allweg mehr inn frem gemüth ihres vatters tode / wann die liebe des von dem ehr getödtet was / vnd ward begierig zu der raache / Doch künde sy das so wol bergen / mit wunderbarem erzeygen falscher erdichter liebe / mit sollichem list vnd gescheydigkeit vnd schmaichlen / mit sonil vnkeuschem raizen zu der liebe / das sy Herculem ganz entzündet / vnd also innbrünstig machet / das er ihr vbel gemüth nit mercken künde / sonnder das sy meinet wes sy von im Begeren würde / des solte sy von im geweret sein / Zühand erzeyget sy sich / als ob sy etwas grausen hett ab seinem rathen kleid / vnd wilde seines wesens / vnd gebote ihm von erst das er hinleget den kolbenn / mit dem er die wilden thiere gezämet / darnach das er abzug sein klaid / das was ein haut die er einem löwen in dem walde Niemeo hat abgezogen / die doch seiner stercke ein scheinbarlich zeychen was / Nach dem das er hinleget / das krenzlin von alber zweig gemacht / das im als eyhem vberwinder zu ein zeichē des sigs auffgesetzt ward / Sy lief auch weder köcher noch pfeyl an im / der er sich vor vil gebraucht het / doch bedacht sy des nicht genüg sein / sonder sy betrachtete stäts / wie sy fürbaß den vngewapneten man lystiglich angienge / vnd mit gar grosser vorbetrachtung sprang sy läcklich an den streyt / vnd zyeret im von erst seine hend / mit fast köstlichen ringen / von gold vñ Edlem gestain / darnach lief sy im sein rauhes haupt / von löcken zerstrobel / sein büersten / richten vnd kämten / vnd mit wolschmeckenden salben sein har bestreichen / vnd sein angesicht zieren / vnd setzet im auff sein haupt weibliche zierd / vonn gebende / hauben vnd spangen / den Junckfrawen zugehörēde / vnd leget ihm an seinen leib.

Boccacius von den

nen leib weibliche klaiden / von purpur vnd andern kostlichen tüchern / als die frauwenn inn hohem stand zütrogen inn gewonheyt hettenn / Vnd was ihr für betrachte meinung / wa sye einen sollichen starcken vonn seyner mannheyt gezogen / inn sensstes leben vnd weibliche waichmütigkeit führen vnd verwandeln möcht / das sy durch das grösser lobe vnd eere erzogte / vnd iren vatter wol gerochen hett / vnd bass / wann ob er vonn ihr mit dem schwerdt getödtet worden wer / von meniglichen solte gehalten werden / Dannocht meinet sye nit / das irem vnwillen gegenn ihm damit genüg beschehen were / vnd bracht den weibischen mann dermassenn inn leichtfertigkeit / das er vnder andern frauwenn sitzend / mit weiblicher gestalt inen sein arbeit erzelt / das ist / die vber grossen geschichten seiner mannheyt von ihm begangen / Er span auch die wollen vonn der gungkel / drauwet den faden / zwirnet vnd lindert seine finger zu der weiblichen arbeit / inn den starcken jaren / die er vor in der wiegen ligend zu der mannheyt gehört hette / mit denen er die zwü schlangen zerknisset / wer dise ding an wil sehen / vnd recht verstan / der findt wie groß die blödigkeit der menschlichen natur ist / vnd dagegen das der weiber list vnentlich / durch die der sterckest manne weibisch gemacht ward / vnd Ioles ired vatters rach volendet mit listigkeit / grösser / wann kein mann se mit dem schwerdt gethün mocht / oder vorgethan hett / mit ewiger verflainung des lobs Herculis / darumb auch Ioles inierwerenden des lob in gedächtnus zusetzen erworben hat. Wann dem vberwinder der welt / auch der wilden freysammethier / hat sy mit ganzer macht vnd starcker hand / on widerstand krefftiglichen angefigt / dise schwere vnreine krankheyt (thouchter liebe) sonnst gewonlich nur an die senssten / vnd vberflüssig zart erzognen junckfrauwen / auch die müssigen waicherzognen jüngling / wan Veneris kind Cupido / ist ain widersagter feind / aller arbeit / aller starckmütigkeit / vnd vernunft vnd weisheit / vnd besleift sich allain zu gellen / zu sensstem gutem leben / wollust / freud vnd liebschmaicheln / darumb so das selb kind inn das vber hert hertz Herculis schiessen mügen / ist vil ein grössers wunder / wann das er für sich selber ye volbracht hatt / Darumb soll dise geschicht nit ein klein exempel sein / denen die ir eygen hail geren betrachten wollen / wann ein yeglich mensch mag wol darab erschrecken / so wir doch dise feind alle zeyt vor augen sehen / deshalben sollen wir vnser hertzen krefftigen / vn starcke brustweeren darfür bauwen / vnd dem ersten sturm wider setzen / wann wa Cupido widerstands entpfindet / da verleürt er sein stercke / vber erst solle sie die augen zämen / das sy vppigkeit nit ansehen / die ohren verstopffenn als die natern / vor dem beschwerer / das die schmachheit nit gehört werden / lastheit des leibes mit arbeit zwingenn / Wann dis kind erzogt sich gegen aller welt fraintlich vnd schmeichlend / vnd ist des ersten anblicks jedermann gefellig / vnd annemlich / vnd wirt in den ersten eingang begirlich vnd schon empfangen / vnd gibt rat den leib zu zieren / gut sitzenn

züerhalten/erbet geberd zü haben/güten wandel/lüßlich red/sagen vnd
 singen/sprüch vnnnd gefang/freud/kürzweyl/schlechtmeilin/vnnnd vil des
 gleichen süchen vnd erdencken/Wann es aber den menschen in sollicher
 torheit bewärt vnd wolbeseftigt/vnnnd das frey gemüt nun vndertänig
 macht/so zwingt es mit herten banden/vnd bewegt seüßzen vnd klagen
 der nacht/so man rüwen solt/vñ macht mangerlay festigung des gemüts
 von argkwon/vnd mangerlay list/in vnbesünter weis züerdencken/vnbe
 trachtend/was wol oder vbel gethan sey/So es nu seinen willē volbrin
 gen mag/vñ wer jm auch darwider einerlay strung oder widerstād thüt
 der wirt vnder die feind geschriben vnnnd gezelt/Es ist auch jnnbrünstig
 klich entzündten menschen/kein mäh züwil/kein arbeit beschweret sye/
 sye werden inimmer müd/weder vonn hinn noch widerlauffen dieweyl sye
 das ersüchen/zü dem sy begirig seind/vnnnd wie oft sy das anblickenn/so
 wirt das brinnend sewr des hertzen/nach jnnbrünstiger/vnd wo sich et
 wann die statt seines willen nicht begeben will/so kommen die zäher/vñ
 werden alda kupler gesücht/vnd vil gaben verheissen/vnd auch gebenn/
 wann welliche hertzen von müt vnd gab nit gewaicht werden/die seind
 hörter wañ marmelstein/durch gab wirt man gefellig/gab verkeret alle
 recht/vnnnd werden die beschirmer vnd hütter leicht durch sye betrogenn/
 das die liebhabende/durch willig verachtung der hütter/züsamenn kom
 men innzymlich wollust/alda wirt dann die röty der weypliche scham
 hingeleget/vnd der sünden ratgeb empfangē/der eeren klaid abgezogen/
 vnd schäntlich verwicklung der vnfauberkeit/den schweinen/die sich inn
 dem kot vmbkeren/zügeleiche angenommenn/alda wirt messigkeit hin
 geworffen/Ceres vnd Bacchus die Gött der wollust/mit der jnnbrünsti
 gen Venere/angerüffet/vñ geeret/auch tag vnd nacht mit der stinckendē
 vnlautekeit vertriben/dadurch dannoch das brinnet wütenn/nit ver
 triben wirt/sonder oft in vnsinnigkeit gemeret/Darauf kompt das die
 manlichen gemüt oft in weyplich vnderthenigkeit fallen/als der sterckst
 Hercules/sy vergessen deeren/sy vergeiden jr güt/sy werdē häßig/vñ oft
 so tretten sy in tödtlich sorg/vnd selte on grossen schmerzen des gemüts/
 darzwischen erheben sich mengerlay krieg vnder jnen/dann wirt wider
 freid gemachet/dann wider argkwon/dann kippeln/vnd aber entschuldig
 ung/so vil das sollich in liebe verstrickten menschen oft von anfechtung
 vnnnd festigung des gemüts/in verzerung jrer krafft vnd tödtliche frant
 haiten fallen müssen/Wo aber sollich begird nicht mag erfüllet werden/
 so wirt die vnuernünfftig liebe se mer vnnnd mer/mit Cupidinis sporen
 gereyzt/vnd meren sich sorg vnnnd angst/hauffnet sich begirigkeit/vnnnd
 wirt vntreglicher schmerz geborenn/dem kein ärzney hilfflich ist/wann
 seüßzen/wainen vnd klagen/dem auch oft der tod nachfolget/Dann
 werden die alten zauberin angerüffet/denenn krafft der zauberkreütter
 bekant ist/Oft werden die senfften schmach wort in vntrew bekert/vñ
 E wirt

Boccatius von den

wirdt offte versucht/ob mit gewalt beschehen möcht/das vor gütter will
nit erwerben hat mügenn/Offt begibt sich/das man einen schilt so man
darvor hoch geprisenn hatt/Darumb gedencck ein mensch züsüchenn die
stätten liebe Gots/die nimmer abnimpt/darein kein rewen komien mag/
die sich alweg loblich endet/vnd mit keinerlay vnslätigen wercken mag
besfleckt werden.

Von Deyanira Herculis weyß.

Das xxij. Capitel.



Deyanira des
Venei des kün
nigs Etholos
rum tochter/vnd Me
leagri Schwester/wz so
mit grosser schöne be
gab/das von wegen
irer huld Achelous vñ
Hercule/dern jeder ee
lich vmb sie warb/ein
kampff zwischen inen
versprochen ward/als
so das sy dem/der sig
hafft wurde/zügemähelt werde solte/Da sy aber Hercules in kampff be
hielt/ward durch ir schöne Nessus der Centaurus/also zü ir in liebe genei
get/das er Herculi nachuolget/da er sy auß Calidonia heim fürt/vnd als
sy an den flusß Ebanum kamen/sunden sy den selben von wassergüssen/so
groß gewachsen/das nit leicht darüber zükommen was/Nessus/vmb dz
er wol beritten was/erbot sich Herculi vnder dienstlich/er wölt im geren
Deyaniram auff seinem pfärd vber das wasser füren/Als aber Hercules
das verwilligt/in mainung im nachzschwimmen/eylet Nessus vber das
wasser/als einer dem nach seinem willen gelungen was/vnd für hinweg
mit deren die sein hertz het lieb gehabt/Do aber Hercules mercket/das er
in züsüß nit mer ereyle kunt/schoß er mit einē vergifften Pfeyl/Da es Nes
sus empfandt/vnd wol achtet das er dauon sterben müß/gab er zühandt
Deyanire sein gewandt/das von dem blüt der wunden benetzt was/vnd
sprach zü ir/Wa du schaffenn magst das Hercules dise klaiden anleget/so
magst du in damit von aller främbden frawen lieb ziehen/das er dich al
lain lieb haben wirdt/Den selben worten gab Deyanira glauben/vñ nā
von im das klaid für ein sonderliche gab/Vnd behielt es etlich zeit verbor
gen/Da sy aber marckt/das Hercules Omphalen oder Iolem so inner
lichen

lichenn lieb hete/sendet sy im das flaid heimlich bey seinem knecht Lycha/
vnd vermaint (wie gemelot) widerum lieb vnd gunst züerwerben./Als
er aber das angelegt/vnd von feüchtigkeit seines leibs/der vergiffet scho
waiffe ergieng/dagiengen die vergiffen tempff durch die schwaiflöcher
inn in/darvon er also vnfinnig vnd wütend ward/das er sich selfs inn ain
sewr warff vnd verbrennet./Vnd also war Deianira in trawrigen wit-
wen stand gesezet/da sy mainet iren mann in liebe züverbinden/vnd dar-
durch auch Nessus gerochen:

Von Jocasta der Königin Thebanorum.

Das xiiij. Capitel.



Jocasta die Kö-
nigin Theba-
norum/ist mer
vmb jr grosses vngel-
fell in mercklicher ge-
dechnus & mensche
seliben/wann vmb
hohes verdienen od
gewaltige regierug
ihres altes herkomē
was von der nam-
hafften erbauwen &
stat Thebe/vñ war

gemahet Layo dem künig/da seibs von dem sy empfieng/vnd gebat eyn
son/Doch müst sy den selben son den wilden thiere zü fressen fürwerffen
lassen/von gebots wegen ires manns Layo/der auch soliche antwort der
Götter empfangen hett/wie er von seinem son solt getödtet werden/wie
wol nun das die müter vngerer thet/dannoch lief sy in vmb gehorsame
des manns hinwerffen/vnd als sy vermainer die thier hetten in zerrissen
da was er dem künig in Chornithia gebracht/der in auch für ein aigē kin-
de ziehen/neeren/vnd lernen hieß/vnd ward Edippus geheissen./Als er
aber gewüchß/inn Rittertschaft geübt/vnd kreffrig ward/schicket in der
Künig auß inn ein krieg wider die Phocenses an seinen vnerkante vatter
Layum/daselbs gerieth es vngfarlich/sacht mit dem selben/vñ schlug in
zütödt./Vnd erwarb hinnach die witrwen sein aigen müter zü beiden tai-
len eins dem andern vnsekant/die gebar vonn ihm zwen sün/Etheoclem
vnd Polinice/vnd so vil töchtern/Ismenam vnd Anthigonam/Vnd

als sye

Jocastis bon den

als sy nun vermainet/sy wäre ganz glückhafft vnnnd selig worden vnnnd dem Königreich/vnnnd iren kinden/ Eins mals als sy antwort nes wesen begert von den Göttin/ward jr durch sy kundt gethon/das der ihz lieber son were/den sy für iren eeman gehalten hett/vnnnd wiewol das der frauwen gemüt schwärllich bekümmert vnnnd betrübt/doch vil mer ward er in jammer vnnnd laid gesetzt/so fast das er vor grosser scham der volbrachten fund) des ewigen todts begeret/stach jm selbst seine augen auf/vñ gieng von seinem reich hinweck/Darumb die brüder seine kind vneins wurde vnnnd bewegten krieg vnnnd in selber/Vnnnd wiewol sich Jocasta offft darzwischen leget in grossen vnnmüt/in mainung sy zürichten/Doch waren sie so grimmig im haf gegen einander bewegt/das sy beyd mit iren aigen henden/einander im streit erschlugen/vnnnd also todten für die mütter getragē wurden/von dem leyd vnnnd schmerzen/ward die vnsälig mäter vnnnd anstraw/also bewegt in irem gemüt/das sy jr vnsal nit anders wann mit dē eisen wüfste zenden/vnnnd verlief beyd ire töchtern inn dem glückrad verwicklet/vnnnd iren brüder Creontem regieren/vñ vollendet sy jr angst vnnnd not mit dem tod des schwerts/damit sy jr seel (als sy danocht ein zimlichs alter erraicht het) auf irem leib tribe/Wiewol etlich sagen sy mocht solch widerwertigkait nit so lang verdulden/sonder so bald sye sahe Edippum iren son jm selber seine augen aufstechen/do wüttet sy auch in sich selbs mit dem schwerdt/das leben züenden.

Von Amalthea oder Deyphebe der Sibylla.

Das xxiij. Capitel.



Amalthea die
Miltfraw/nē
nendtt etlich
Deypheben / Glanci
tochter / Die hat iren
ersten vrsprung vnnnd
der eltesten statt Ca
marum/inn Campa
nia gelegē/sy ist auch
ein Sibylla gewesen
vñ hat gelebt zū dē zeitē
der zerstörung Troie/vñ
ist so alt worden/das
sy die zeit Tarquini
Prisci

Prisci des Römischen Königs erlebt hat/ als vil der Alten weisen warlich mainen/ vnd darzü sagen/ das ire keüschheit so rein vnd lauter was/ dz sy souil hundert jaren die sy lebt/ von keinem man nie vnzimlich berürt ward/ Vnd wiewol der Poeten gedicht fürgeben/ sy sey von dem Got Apolline ließ ghabt/ vnd darumb von im begäbet mit langē leben/ vñ heilig gemacht/ das ist doch recht zünerstan natürlich/ das sy vnder dē besten einflüssen der Sönen geborn sey/ wenn Appollo bedeutet die sonnen/ darnm̄ ir ein gūte Complexion zū grossen dingen geneuyt gegeben ist/ inn wöliche die war sonn so allen menschen diser welt erleuchtet/ ein wars licht gegossen hat/ durch das sy Got erkennet/ vnd vil geweissaget hat/ mit des hilff sy auch ewige keüschheit behaltē/ Die selb Sibylla hat ein besonder wesen gehabt/ an dem gestat Baiano bey dem see Auerni/ da sy ir götlich weissagung geöffnet/ vnd bis auff den heüttigenn tag den nammen vonn ihr behaltē/ vnd wiewol das selb berhaus von grossem alter vnd verlassen/ heyt fast zergangen ist/ so mag man doch auß den noch stenden stüzē/ vñ schwaiffen vnd mengin der wercklich gebawen stain/ wol mercken/ inn was grossen eeren/ vnd wellicher Maiestat das gewesen ist/ souil/ das die es auff disen tag ansehen/ gros verwundern darab nemē/ von der selben Sibylla sagt Virgilius in dem sechste büch von Enea/ wohin sy in füret/ das las ich inn seinem werdt besteen/ Man schreibt auch von ir sy hab dem künig zū Rom Tarquinio Prisco fürgehebt ir. bücher irer weissagung für die ir Tarquinius nit geben wolt/ dz sy fordert/ deshalbē nā sy die drey bücher vñ verbriet sy vor seinen angficht/ dē nächstē tag darnach/ begert sy von im/ vñ die sechs vbrige bücher/ souil gelts/ als sy vor vñ die neüne begert hett/ vñ sagt dabey/ wo er ir dz nit gab/ so wolt sy in seiner angficht die andern drey bücher auch verbriēn/ vñ den dritten tag die letsten/ also gab ir Tarquinius das sy darumb begert/ vnd nam vō ir die bücher zū handē/ in denē die nachkomende alle geschicht d̄ Römer klärlich vorhin ge weissagt befundē haben/ Darum̄ in künsttlicher zeit behielten die Römer/ die selbē bücher mit ganzē fleiß/ in hohē eere/ vñ wie oft sy begertē/ ir besche rung zū wissen/ hettē sy besonder mercken/ auff das anzaigē d̄ selbē bücher zū gleicherweiss/ als auff die antwort d̄ Götter. Man findt von ir dz sy in Sicilien/ den letsten tag irs lebens beschlossen hab/ da auch lange jar her nach/ ir grab gezeit wordē/ Auß disem magstu merckē/ dz kein mensch vō ainicherlay sach durchleüchtiger werden mag/ wañ von fleissiger lernung mit Götlicher gnad/ die beide niemant versagt wordē/ wer sich darzü mit Bitten vnsig macht/ wer aber das wol betrachtet/ der findt/ wie kindtlich der alt vnwissent kunstlos man in toechter gestalt vnd versammus d̄ lernung/ zū dem grab getragen wirt/ Zū dem allē so wir sehen/ das ein Weib mit so fleissigem lernē ir natur durch Götlich gnad/ also geübt hat/ das sy zū dem herzn dadurch zū solcher Götlicher hailigkeit vñ weisheit komen ist/ noch vil mer so sollen sich die man darzü fügeun/ vnd geschickt machen

Boccattius von den

denen schneller geschicklichkeit von der natur/das ist Got selig/das zuer
werben geben ist/wo sy anderst die tumbheit von ihnen treiben wollen/Da
rumb solten billich alle mann wainen/trauren vnd in vnmut verschmorn
denen solliche gab/von wege ihrer verstockten vnkündigkeit/entzogē wirt
die sich selber billich vnder den lebenden leuten/vnbeweglich feisen schä/
zen sollen/als beschehenn wirdt/so sy ir missthan stillschweigent bekennē
müssen.

Von Nicostirata oder Carmenta der Königin auß Arcadien.

Das xxv. Capitel.



Nicostirata /
die darnach
Carmenta
von de Italianern ge
heissen ward/ist ge
wesen ein tochter Jo
ni des künigs in Arca
dia/vnd ward/als et
lich mainendt/Pallā
ti dem künig von Ar
cadia vermähelt wor
den/die andern sage
sy sey seins sons weib
gewesen/die seib ist nit allein von dem künigtlichen stamē durchleuchtend
erschinen/sonder auch darumb/da sy in Griechischer zunge/so vil künend
was/von hohen sinnen vnd künsten/sich zu allen zeiten übend/das sy inn
Weissagung gerümpft/für ander strawen der selbenn zeyt/eyn Prophetin
gehalten wardt/Vnd so man etwann sollichszüsagenn vonn ihr Be
geret/gab sy antwort durch schöne gesezte reden/die zu Latein Carmina
heissenn/Darumb ward ihres nammen Nicostirata vergessen/vnd Car
menta genennet. Sy ist gewesen ein mütter Luandri des Künigs inn
Arcadia/vnd sagen die alten sy hab ihn von dem Gott Mercurio em
pfangen/doch soll man dz recht verstan/nit das du mainest/die Göt ha
ben vnraine werck mit d frawē volbracht/sonder das solliche kind geborn
seyen in dem besten einfluss Mercurij des Planeten/vō de die kind also ge
boren/sinnreich/vilkündig/findeig/vnd fast wolgespräch gefunden wer
den/als auch inn dem nechsten Capitel gesagt ist/der selb Luander vmb
das er seinen rechten vatter vngesfarlich getödet het/ als etlich der alten
sagen/die andern wollen/darumb das ein auff lauff vnder seynem volck
was

was auffgestanden/ ward er vertriben auß seinem reich Arcadia / vnd durch verheiffen seiner mütter in weiffagung / ob er irem rath folgte/ das doch groffe macht von im entspringen wurd/ so er an die stat käme von ir gezaiget / saß er mit einem tayl seines volckes auch sein mütter mit im/ auß die schiff darzu geordnet/ vnd kam glücklich vnd bald mit güttem wind mitt der hülf seyner mütter/ die des wegs ein fürerin was/ an die Porten da dz wasser Cyber in das meere laufft/ vñ giengen auff den berg Pallantinnum/ den er nach seine vatter Pallantē/ auch seinem sun Pallantem also neñet/ auß dē er auch die stat Pallantē/ in der er mit seiner mäter läge zeit wonet/ von grund erbawē ließ/ an dern stat/ darnach vber vil jar/ die mächtig stat Rom gesetzt ward/ Als aber Carmenta die inwoner des selben landes/ rauch/ groß/ vnd vnwissend befand/ menschlich züleben/ sond vñhisch vil nabet den wilden thierē zügleichen/ wiewol sy Saturnus/ der auß Griechenland flüchtiger zü inen kōmen was / lang darvor des korenbarws etwas vnderricht hett/ doch on erkāntniß Griechischer schrifft/ oder mit gar wenig gewonheyt der selben/ erkēnet sy in Göttlichem gemüt/ weit künfftige ding für betrachtend/ vnd billich sein/ das die groffe herligkeyt/ geschichten/ macht vñ wunderwerck der selben stat vñ gegend/ damit sie von Got fürsehen/ durch ein frembde sprach vnd schrifft / solte in künfftig zeit Bezeichnet werden/ vñ bedacht in fleissiger übungē irer innersten vernunft mit ganzer krafft aigne spraach vnd schrifft/ die von allen andern gesunder wer/ dem volck züerfinden/ Got w3 auch irem fürnemen beistādig/ wann durch sein gnad ward es volbracht/ vnd die büchstaben also erfunden/ durch wölche sy das volck leret lateinische sprach/ vnd waren der selben zum ersten nit mer dan̄ xvi. büchstabē/ So vil auch Cadmus ein erbawer der stat Thebe/ vor langen jaren den Griechen erfunden hett/ deren sich noch die Römer vñ wir/ bis auß den heütigen tag also gebrauchē vñ sy lateinisch büchstabē neñen/ vñ seind vns dermassen vō ir gegebē/ wie wol etlich d̄ altē weysen vō vrsach wegē/ etlich mer büchstaben hünzū gesetzt habē/ vñ wiewol d̄ selbē frawen weiffagen/ wunderbar vō menglichē gesehē ward/ so was doch solch finden d̄ büchstaben vñ der spraach zü hoch vnd groß von allem volck in Italia geachtet/ dz das grob volck nit maintē/ Carmentam ein mensch/ sonder ein Göttin sein/ vom himel inen züge sandt züleren/ Darumb sy auch nach irem tode/ wiewol sy ihr zü lebenden zeiten/ Göttliche ehre bewisen hetten/ inn irem namen einen Tempel bawen lieffen/ aller vnderst an dem berg Capitolini/ da sy vor her lange zeyt ir wohnung gehabt het züewiger gedächtnuß/ Vnd die vmbligende güter wurden nach irem namen Carmentalia genennet/ das die stat Rom/ da sy nū groß gebawen ward/ nit wolt lassen vergan/ sond da sich vō des gemainē nutz notturfft wegen begab/ dz die Römer an die selbē end/ ein porten der stat serzē woltē/ lieffen sy die selben Carmentale portā / vō irem namen heysen/ die auch den selben namen lange jar behielt/ Italia das land

Voccatiūs von den

vnd darnach jr hauptstatt Rom / ist etwann mit grossen gaaben für an-
dern stett aller welt plüend / vnd mit himilischem liecht / alls man sprechen
möcht scheinend gewesen / wann von Asia kam dahin die gröst reichthum
vnd Küniglicher schatz vnd klainater / vnd adel des geblüts / Vnnd wie
wol von den Griechen des selben merckliche merung beschehen ist / so ist
doch der anfang von Troya dahin komen / Arithmetica vñ Geometria
am die kunst / haben die Aegyptij dahin geben / Philosophia vñ Rhetori-
ca / das ist ordenlich aussprechen / vñnd nahend alle handtwerck seynd
von den Griechen genommen / Aber bew der zu den selben zeiten / wenig
leüt kündig waren / bracht zu erst Saturnus / auß dem land Griechen da-
hin alser vertriben ward. Der Götter vnsälige eere vñ anruffen / hat sich
von erst erhebt von Etruscis / vñnd kam von Numa Pompilio / die ges-
mainen recht haben von erst die von Athenis gegeben / vñnd darnach die
öbersten gwält vñ Keyser geweytert / vñ nach den leüssen der zeyt gesezt
Die höchste priester schafft / vñ nach rechter ordnung geistlich wesen / ist von
Jerusalem dahin komen durch Sanct Peter / die ritterschafft / vnd kriegs
künsten seind von den Römern in grosser macht erdacht worden / wann
sy suchten mit krefften des leibs vnd der waffen / den gemainenn nutz zü-
meren / mit ganzer trew vnd liebe / damit sy auch der ganzen welt regie-
rung vberkämen / So du nun auß den vorgeschribnē stuckē versteen magst
wie vns Carmenta die schrift gegeben hat / so soltu darbey abnemen / das
sy auch in anfang der Grammatica geleret gewesen ist / vñnd wiewol die
am ersten nit so wol vñnd gang von ihr mocht gesezt werden / so hat sy
doch solchen samen die erst gesäet / der durch die nachgehenden alten me-
ster / also gepflanzt vñnd gebawen worden ist / das ein grosser thail der
Hebraischen vnd Griechischen zungen vnd leer / durch die in büchern mit
tinten vnd federn geschriben wirt / vnd vil nach das gang Europa durch
alle seine gegend / sich deren gebraucht / auß der man findet bücher inn al-
len künsten on zal geschriben / durch die / das lob Gottes vnd seine wunder
werck / die geschichten der menschen / vnd anders in ewige gedächtnis ge-
setzt werden / vnd wes wir auß künfftige zeit inn vergessen kämen / dessel-
ben wissenheyt / erhalten vns die büchstaben / durch die schickē wir vnsern
willen inn brieffen inn andereland / vnd empfaben auch durch sy geläub-
lich / der abwesenden mainung / wir machen auch mit denen / ferren willen
vnd freündtschafft / die auch durch wächselgschrift vnd antwort bestäti-
get wirt vnd behalten / sy gebend vnns auch (so vil das möglich ist) Gott
zü erkennen / sy zaigen vns den himel / die erd / das meer / vñ alles das leben-
dig ist / es ist auch nit möglich dasichts auß erdtrich sey / das du durch sye
nit erkennen mügest / vñ dasichs kürzt / was du in gedächtnis nicht behaltē
oder begreifen magst / solt du ihnen beuelhen / dann das wirt von ihnen
treulich bewart / Darumb das wir nit vndanckbar vmb die grossen gab
Carmente befunden werden / so sagen wir billich lob / danck vñnd ewige
eere ihrer

seere irer geschicklichheyt nach vnserm vermügen / als sy wol wütdig ist.

Von Procri der gemahel Cephali.

Das xxvi. Capitel.



Procris Pan
dionis des kün
nigs tochter
vonn Athenis / ward
vermähelt Cephalo /
des Königs sunne E
oli / vnnnd zü gleicher
weis / wie sy von den
keüschenn adelichenn
frawen gehasset wirt
von wegen ites vber
mässigen vnd vnordē
lichen eifers / also ist sy
den mañen annütig /

so durch sy manger frawen vnart wirt geöffnet / wann zü den zeytenn als
die zway gemähel / in freüden / gütigkait / vnd rechter freündtschafft / züsa
men verbunden / ward ein wunder schöne fraw Aurora geheysen / in der
liebe Cephali / inbrünstigklich enzündet / Doch vmb die begirlich liebe die
er zü seiner Procris trüge / mocht sy in lange zeit zü ihm willen nit bewegen
Darinn sy einsmal zornig zü im sprach / es wirt dich gerewen Cephale / dz
du so inbrünstigklich Procrim hast lieb gehabt / wann du befinden solt / das
sy die liebe des golds / wirt höher achten dan dein liebe / wo das nur recht
an sy verücht wurd / Do das Cephalus vernam / zü hand ward er begy
rig das züerkunden / vnd gleichsent als wolt er ein weite raif thon / schiede
damit von ir ab / vñ als er nit ferz geritten was / wendet er sich vmb / kam
verborgē wider heim / vñ ordnet einē jüngling / der durch gabe Procrim vñ
auffstrenge bey ir anhielt an ir stätigkeyt verüchte / vnd wiewol sy lang
zeit stät vnweglich alles erbietē des golds vñ gaben verachtet / doch zületst
ward sy durch gmerte gab vñ vil versprechens also erwaicht / dz sy dē jüng
ling seins Begerens gweren wolte / wa er die versprochē gabe mit im bräch
te / darzū ihm statt vnnnd zeit ward gesezet / Zühand öffnet Cephalus inn
groffem vnmüt vñ trauren Procri / wie er hette dise ding zügericht / das er
ire fräsele lieb erkennen möchte / darumb sy inn solliche scham vnnnd schres
cken ward gesezet / vnd ir angesicht mit röte vberzogen / vnd vom gewis
sen irer schuld / inn dem gemüt also beweget / das sy one verziehen / von ge
meinsamē der menschen / in die einöde der wäld vñ wüstin hinweg flohe /
allain daselbs züwonē / Aber der jüngling Cephalus mocht sein liebe gegen
ir nicht

Boccatius von den

ir nicht enthalten/vnd on ir begeren/Berüffet er sy wider zū im inn genad mit vergeben aller missethat/doch ist ablas der sünden nicht kressstig/wa das gewissen nit lauter ist/darumb ward Procris seer inn ihrem gemüth betrübt/zweyflend was sy thäte/vnnd sorgend/so Aurora inn ihres mannes liebe entzündet/vor ein stüfterin ihres versüchenns gewesen were/vnd das golde darzū gegeben hett/das solliche genad vnd widerberüffen/auch nit im inn rechten trewen erdacht wer/Darumb widersetzet sye sich seines begerens/vnnd floch von dann vber felsenn/berg vnnd thal/durch die wildtnus/vnd folget ir Cephalus fleissiglich nach/mit einē sāger sye wider im zūbringen/Nun füget sich vngefärllich/das sich Procris bey einem gemösf/in ein wildes gerödrach verschlossen vnd verborgen hett/vnd als Cephalus an dem sūtreyn ersach/das sich das rödrach beweget/meinet er es het sich wöllen ein wildes thier dahin verbergen/vnd in das selb zūtressen/spanit er auff vnd schof Procrim zūtod/also vergieng sie. Zū solchem waif ich schier nit was ich sagen solle/ob nichts auff erdttrich mächtiger sey dann das gold/oder seye das ein grössere thorzheyt/wann das ein mensch nach dem sücht/so im nur rew gebern mag/wan ers findt wie dises ainsältig weib wol bewert hat/darumb sy sich selber mit einem vnabweschygen spot/inn ewig zeit beslecket/vnd auch den tod verursacht den sy funden hat/vnd doch disen wenig beget/Das ich aber die vnmäßlichen begirde des goldes sein las/zū dem alle thoren gezogen werden/Bit ich die so inn sollicher begird erstockt seind/mir zūsagen was nutz/wz ziert was lobes/was glori sy darvon empfaen/fürwar nach meiner bekāntnis/so ich solche begird nit anders lauter/wann ein spöliche kranckheyt/des gemüts auß leichtfertigkeit entsprungen/vnd wirt allayn bey denen befunden/die liederlich leiden mügen/das alle andere menschen/wölche die seyen/für sy gesezet werden.

Von Argia Poliniciis des künigs gemahel. Das xxvij. Capitel.

Argia die Griechin ist von dem eltesten edlen Küniglichen stam der selben land herkommen/vnd Adrasti des Künigs tochter gewesen/ein fraw grosser ansehlicher schöne/vnnd zū gleicherweiss/wie sy durch ir anschawen meniglichen zū freuden bewegt/also hatt sye auch den nachkommenden/ewig vnd namhaffte ware zeugtnus/rechter eelicher liebe verlassen/vnnd ist bis auff Unser zeyt ihr edler nam/mit fürnemlichem rām durchleüchtet/in herlicher gedächtnus blißen vnd geeret/Die selb ist vermähelt worden/Poliniti dem sun Edippi/des Künigs Thebanorum/der seines lands entsetzt vnd vertriben warde/bey dē sy auch ein sun gebat Theffand gehaissen/auff ein zeit als sy mercken warde/wie ir vatter vō d vbermäßigen vntrew seines bräders schwärlich in seinem
seinem



seinem gemüt betrie-
bet / vnd bekümmert
wz / gedacht sy seiner
ängsten vnd trübsal/
auch wöllen mitleidē
haben / vnd thailhaf-
tig zu werden / tröstet
demnach ihren alten
vatter / stercket vnd
raizet in mit wainen
vnd bitt Ethioclem
zū bekriegen / der zū de
selben zeyten durch ei-

gen gewalt wider alle recht / vnd auffgericht verträg vnd büntnus seinen
brüder außgeschlossen / vnd das Königreich Thebanorum regnirer / vñ
darumb das die ding sürgang gewinnen / die auß antwort der Göt zūbe-
schehen angesehen waren / vñnd nit geminderet wurden / wolt sy vber
die gemain natur der strawen mit gesehen werden / vñnd schencket unge-
betten / Euridicen der hauffrawen des warsagers Amphiarai das kost-
lich klainat / das doch den strawen von Thebe etwan vnglückhafft gewes-
sen was / durch die gab ward Amphiarai / der verborgen lag von seinem
weiß gezeyget / vñnd von seines weissagens wegem / ist er gehn The-
be sampt andern Königen vnd Fürsten mit heeres krafft gezogen / doch
zū seinem tödtlichen schaden vnd vngesäll / Wann vast nach grossem tod
schlage / da er vnd schier all ander herin waren umbkommen / vñ Adrastus
aller hilfentblöset / vnd in die flucht gewendt ward / belyb der tod leich-
nam Polinitis / vnder andern stinckenden cōpeln auff dem feld ligen vñ
begraben / vñnd da sein laydige hauffraw das erhöret / macht sy sich auß
dem Königlichen sal auff / vnd warff von ir die scheinbarlichen zierd / vñ
adenlichen schöne klaiden / legt auch gantzlich hin alle weibliche schwacheyt
vnd forcht / vnd zoch mit wenig geferten auff die walfstat / da die schlacht
beschehen / sy lief auch weder feind noch kainerley vngheüre / sich darvon
erschrecken / vnd das noch grösser ist / hat sie das gros gebote des Königs
Creontis der den sig behalten hett nit abgewendt / darinn er verbote bey
kopff abschlagen / auff die walfstat niemant zūgeen / noch etwar daselbst
zū begraben / aber sie lief sich nit irren / sonder gieng mit innbrünstiger lieb
doch traurigem gemüt zū mitternacht an das end / der erschlagen stincken-
den leichnam / vnd kert vmb jez disen / dan ein andn / so lang vñ vil bis das
sy mit einem kleinen liechtlin des ellenden anblicks tres liebste mañs erken-
net / O wunderbares werck diser strawē / dz verwundet angesicht vō den
waffen / von vnfauberkeyt der erden / vñ des staubs entrainet / vñ er stock-
tem schwayß vberzogenn / das auch meniglichem vnerkannte was / sich
vor dem

Boccatius von den

vor dem getrewesten gemahel mit verbergen die vnrainigkeit / des ver-
mayligten angesichts / Kunde auch jr freündliche küß nit abtreyben / Ihr
mocht auch das gebott Creontis nit wören jren willen zünolführen / wann
nach de / als sy mit jren manigsaltigen begirlichen halsen vn küßen / an sey-
nen mund begeret die seel in dem leib widerumb zübewegen / vnd alle gli-
eder mit zäheren vbergos / darumb das sy kein trew noch fleiß an ihm zü-
thün vnderliesse / leget sy den todten leichnam inn das sewr darzü geord-
net / vnd samlet nach seinem verbrennen die äschen inn einenn krüg / vnn-
d lief in nach jrer gewonhait / nach Königlichem eerenzü der erden bestäte.
Es ist wol offft beschehen / das die frarwen jrer man frantckhait / gefänck-
nus / armüt / vnn- mancherlay vnfal / bewainet habenn / doch alweg inn
hoffnung bessers gelücks des sy warten waren / vnn- end des vngesels /
Wiewol nun auch das zülöbenn ist / danocht mag es nit ain solche vr-
kund geben der höchsten liebe / als die dienstbarckait Argie jren man / durch
so grosse gefärlchheit erzaiget / wann sy gieng auff die walstat / do sy jhren
mann in dem hauf wol möcht bewaint haben / dz sie wol het anderen zü-
thon beuolhen / Sy lief in bestäten nach Königlichem eren mit dem feüt
vnd wäre doch nach gestalt der sachen / vnd der zeit genüg gewesen in die
erd zü begraben / sy bewainet in mit heülē vnd schreien / das sy stillschwey-
gend wol vbergangen hete / vnn- stünd jr doch kein nutz darauff züwar-
ten von dem vmbziehen des ellenden cōrpels / sonder lag jr grosse sorg vñ
dem feinde vor den augen / Aber also züthün ward jr von warer liebe / vñ
ganzer trewe der hailigen gemahelschafft / vnn- vnuermaligter keüsch-
hait gerathen / darauff sy billich zü loben / zü eeren / vnn- mit durchleüch-
tenden würden züerheben ist.

Von Anthone.

Das xxviij. Capitel.



Antho ist
gewesen ein
tochter Ty-
resie / des grösten war-
sagers d stat Thebe /
wölcher zü den zeyten
des Königs Edippi /
vnd seiner sün in gros-
ser achtung gehalten
sy was auch so sähi-
ger sün vnd vernunfft
das sy Pyromancia /
das ist die kunst wars-
sagens /

sagens auß dem feur (die vor alten jaren von den Caldeyen/als etlich wollen/die anderen von dem König Nembroth / gefunden was) also gänzlich von irem vatter lernet/das zu iren zeiten niemandt funden war der auß bewegnuß der flammen/noch irer farb/oder dem bratzeln / vñnd vil andern dingen/ich wais nit mit was teufflicher hilff/baß künftig dinge gesagen kunde. Zu dem/waren ir die ingewayd der schaff vñnd der stier auch aller andern thier/so wolbekant/das sy durch die mit ander hilff vñ kunst/als man von ir sagt/offt die vnreynen geyst bezwang zu ihr rede vñnd antwurt auff ir frag zu geben/Vñnd nach dem als die Griechischen König die vor der stat lagen die zügewinnen/erschlagen wurden / vñnd Creon der König die stat gewaltigklich züregieren vñderstanden het/zü fliehen den newen künig/kam sy in ein teyl der welt Asia genant/do sy auch die ersten Tempel des Abgots Darij Zippollinis stiftet/der hinfürt vber köstlich gebawen vñnd geeret ward/da selbs gebar sy Mopsim/den größten warsager (die wir Propheten oder weissager nennen) doch findt man nicht von was vatter sy in geboren habe/Aber etlich ander sagen/das sie nach dem Thebanischen krieg/mit etlich andern lang vmbgezogen seye/vñnd zületzt inn Italam kommen/vñnd Tiberino gemahelt/vonn dem sye empfangen vñnd geboren hat einen Sön Citheonum/der von etlichen Byandres geheissen ward/mit dem sy herauf kam vber das gebürg inn Lampartenn/oder Heneciam/gen Benacum das wasserig lande/vñferz von dem see/wann sy mainet die selben stat ihrem thün füglich sein / vñnd darumb das sy ire vbrige zeyt alda verzeret/lief sy mitten inn dem Weier ein wouung auff pfäl vñnd stützen erbawen/da sy auch nach irem tod begraben ward/Vñnd an die stat/lief ir son Citheonus nach irem namen Manthnam bawen / in der/auff disen tag Margraffenn regieren. Doch seynd etlich die warlich mainen sy hab ewige keuscheyt behalten/das doch heilig vñnd hochzüloben wäre/wo sy die mit den bösen künsten nicht verschmirbet/sonder Gott dem herren/dem aller keuscheyt opffer empfangklich ist/vngelezt behalten hette.

Von den gemäheln der Mängling Menie gehayssen.

Das xxix. Capitel.

Die namen vñnd an zal der frawen Meniarum seind alter halb inn vergessenheit kommen/das sy von den schreibern nit beneset werden/vñnd doch vnbillich/wann sy durch ihre werck wol verdienet haben/das sy zü den hocheleuchten frawen gesezet werden/Vñ wiewol inen das neydig glück solchen abbruch zügefügt/so sollen sy doch nach vnserem fleiß vñ vermügen vmb ir loblich thaten gepreist/geert vñ auß vergessenheit

S

gessenheit

Boccatius von den



gesellenheit / inn ge
dächtnus der nachkö
menden / vmb jr ho
hen verdienst willen
gbracht werden / Me
nie die jüngling / seind
nit von den schlechte
sonder dem höchsten
adel / der gesellschaft
Jasomis vnd der Ar
gonautē / durchleichte
ted gewesen / Do die
selben / nach volbrach

ter fart auß der Insel Elichida / widerumb inn Griechennland anhaym
kommen waren / verliessen sy jr alte wohnung / vnd erwölten jr wesen / bey
de Lacedemonē zūhabē. Sye wurde auch nit allain vō inē wol vn̄ freunt
lich empfangen / sonder alles gewaltstheilhaftig gemacht / vnn̄ vnder
die regierer vnn̄ vorsteer des gemeinen nutz auffgenommen / Sy warē
zū den selben zeiten fast reich vnd hochedel / nicht allain. von vätterlichem
geplüt / sonder auch darumb / das sy bey den obersten geschlächten der La
cedemonen sich beheirat hetten / dadurch jr adel gemeret vnd zwifach er
leuchtet / wann vnder andern / heten sy die schönste Weyber / des edelsten
der Lacedemonier burger geschlächts / das doch in weltlichem bracht nit
das geringst stuck geachtet wirt / Darzwischen schlugen sich vil des gemei
nen volcks in jr vnder dienst / das alles namen sy nit auff als were es von
gunst wegen beschehen / sonder mainten man müst inen von irs aigen ver
diensts willen also inn die hend sehen / darumb fielen sy in torechte begird
zehersehen / vnd vndstünden sich vn̄fürsichtiglich / alles gwalts des lands
vmb die missetat / als sye geöffnet ward / legten die gewaltige sy in härte
gefängknus / vnd erkanten mit vrteyl sy zū ödten / als des gemainem nutz
schedlichsten feind / durch die obersten gericht / vn̄ ward gesetzt / solcher vr
teyl nachzukömen / die nächst künfftig nacht / nach der alten gewonheit d
Lacedemonen / Da dz jr traurige Weyber vernamen / giengen sy zū rat /
vn̄ erdachte ain vnghörte hilf / jrē verurteiltē mañen zūerzeigē / vn̄ volbrach
ten auch mit den wercken / dz sy bedacht heten / Sy legte an böse klaid ver
hanckten jr wainende angesicht / Vñ als die soñ wz vnd gangen kamen sie
zū de kærcker / begerten also jrē sterbende mañ zūsehen / vn̄ darūß das sy die
edelsten waren / von d ganzen stat / ward in vō de hüttere solchs leichtlich
vergünt / Da sy aber zū inen hinein kamē / vertribē sy die zeit nit mit traw
ren vnd klagen / sonder offenbarten inen den anschlag / vnd wechselten jrē
kleider mit den mañen / verhülten jrē angesicht nach Weybischen sitten vn̄
giengē also die jungen mañ in den frawen klaidern wainend / in trauriger
geberd

geberd/mit geneigten augen gegen der erden/auf der gefängnus/ darzu
 nen auch die vinsternus der nacht hilfflich was/vnnd die würdigkait der
 frawen/durch das die hütter leicht möchten betrogen werden/das sy die
 verdammten/zü dem tod vnwissend außschliessen/vnd die frawe für sye
 behielten/Dise geschicht war auch nit geoffenbart/so lang/bis die vollens
 der der vrteil kamen/die zütöden die verurteilt ware/Erst funden sy die
 Weyb/an der man stat in der gfängnus ligē/dz ist on zweifel grosse trew
 der frawen/vñ vberhohe inbrünstige liebe gewesen/Vñ dz ich geschweig
 wie die hütter der verurthailten so wercklich gelaicht vnd in gespöt gsetz
 wurden/wie die gefangen erlöst/was die gewaltigen darumb erkanten/
 vnd was darauf entsprungensey/so will ich allain ein wenig sagen/vonn
 den kresften der rechten liebe/in dem heiligen Kestandt/vnd wöllend et
 lich/das auß dem ersten gesatz der natur/die nicht geendert werden kan/
 kein schedlicher noch veröblicher haß/nach feintschafft entsteen mag/wen
 auß vneinigheit der Geleit/Also herwiderumb/mag grösser liebe nit ge
 funden werden/wann der freündlichen einhelligen gemahelschafft/dan
 das sewr der vernunfft Brennet nit auß vnfinnige weyß/sonder enzündt
 auß wolgefallen/vnd verbint die herze also zusamen/das sy allweg in ge
 leiche mainung/wöllend vnd nit wöllend/vñ wenn die lieplich gwonheit
 darzwischen komet/so last sy nichts vnder wegen/dauon sy ganz beleibē
 vnd gekrefftiget werden mag/sy thut nichts nachlässigs/sonder allweg
 schnell vnd vnuerdrossen/vnd ob sich etwann widerwertigkait begibt/so
 erbut sy sich vngebeten/mü/arbeit vnd küniernus (damit der sach hilff
 vnd rath gefunden werd) zü leyden/Die selb gefellig/süße/vnnd bewerte
 liebe/zwischen den gemahelt Meniarum bezwang jr gemüt/das sy solche
 gescheidigkeit vnd klügen list erdachten/da jr man in höchsten sorgen wa
 ren/zü denen in sonst zü komien nit müglich gewesen/mit ordnung der kleid
 mit faren der rechten zeyt/vnd mit aller fürtrachtung/dz sy die gsehende
 hütter plenden möchten/Darumb legten sy hin allen wollust vnd strowde
 vñ brauchten hohe vernunfft/gedenckend von inerkeyt irs hertzen/nichts
 vnuerfücht vmb heil des freunds/zulassen/darumb sich gütigkait auffe
 hüb in jem gmüt/durch die sy trostlichen jr man versüchten zü erledigē/dz
 sich durch getrewe ganze gemahelschafft erfrewt wurden/vnd mit dem
 leben wider begabet/die durch das oberst gericht waren verurteylet/dye
 härt in dem Käcker lagen/die verlassen wurden/die nun den henden der
 nachrichter waren beuolhen/vnd dz aller gröst/das der oberst gwalt da
 durch geschmähet warde/alle gesaze verachtet/vnd der will der ganzen
 gemain/durch sy verhindert vnd vernichtet/vnd das sy jr man erledigē
 legten sie sich selber in tödtlich sorg/vnd in den gewalt der verspotten vnd
 gelaichten thürhüter/Ich kan nit gnüg verwundern/von d grossen trewe
 vnd so hoher liebe das bekenn ich darbey/wan wäre die liebe klein vñ kalt
 inn ihnen gewesen/sy möchten wol vngestrafset mit gutem glimpff da

S ij heym be

Boccacius von den

heym beliben sein/das sy solliche grosse ding nit versücht hettē/ Aber das ich vil mit wenig worten beschliesse/so mag ich sy wol manlich/teck vnnnd war mann nennen/vnd jüngling Weyber heysen/inn deren gestalt sye aufgiengen vnd erlöft wurden.

Von Penthesilea der Königin Amazonum.

Das xxx. Capitel.



Penthesilea die jüctfrau ist gewesen ein Königin der Amazon vnnnd hat regiert nach Orithia vnnnd Anthiope/Von was geschlecht sy aber geborn sey/habe ich nit gelesen / sy verachtet jr vbergrosse schöne/vnd leget von jr das waich Weibisch gemüt/vnnnd legt Kü-

riß an/nach gewonheit jrer vordern/vnd setz ain helm auff jr goldfarbs hat/den kocher an die seiten/vnd pflag nit Weybischer forcht/sonder streger manlicher ritterschafft/mit dem streit wagen vñ zü ros/sy erzeigt sich auch für ander Königin wunderbar/in kressen vnd kriegs künsten/Sye müßt auch sinnreich sein/wenn man list von jr/das sy die erst sey/die mordarten erfunden hab/die vor jrer zeit der welt waren vnbekannt/darvñ Horacius schreibt inn Odis/Die selb Penthesilea/als etlich wöllen/da sy vernam/die vngehörten stercke/des allertreffentlichsten heldē Hectoris noch vngesehen von Troya/ward sy in als begirlich verlangen/so inbrünstiglich liebhaben/vnd so begirlich darzū thun/das sye von im ein erben jrer Königreichs empfaben möcht/das sy mit grossen heer/im zühilff gen Troya wider die Griechen zoch fast wol gerüstet/Vnd wiewol die Griechen weyt vnd hoch vmb jr stercke vnnnd kriegskünsten gerümet warend dannocht darumb das sy Hectori/vmb jr krafft vnd schicklichkeit zü dem krieg/vnd in schöne möcht wolgefallen/dz sy emffig wider die feind vner schrocklich züfechten/vnnnd die offft mit ihrer lanzen/von den pferden zü boden rannte/offft mit dem schwerdt tödtlich verwundenn/offft mit irem geschürze die fliehenden durchächten/vnd so vil manlicher werck erzaygen/das Hector selber gros verwunderen darab name/Zülest do sie mit den sterckesten feinden manlichen vnnnd lang sachtenn/vnnnd sich zü

zñil vnder sy einließ/das sy frem so starcken Bülen/sich würdig erzaigen
möchte/wurden der iren vil erschlagen/vnd sy also hart vnd erbärmige
lich verwundet/das sy miten vnder den feinden/die von irer hand ersch
lagen waren/todt belib/Doch sagen etlich sy sey nach dem tod Hectoris
erst gehn Troya kommen/vnnd also da belyben/Es möchten etlich mais
nen vnmüglich sein/das Weyber zu sollicher manheyt kommen solten/a
ber das wundern mag in gar leicht entzogen werden/wann sy gedencken
das die gewonheyt ains seden dings zñletzt in die natur verkeret wirt/vñ
die von geburt Weyber seind/durch ir übung/manlich vnd streibar wer
den/Zñgleicherweyß als etlich die mann geboren seind / durch müßig gan
vnd sensstes leben/Weybisch werden/vnd als die hasen in dem harnasch
erschrocken sind.

Von Polixena des Königs

Priami tochter.

Das xxxi. Capitel:



Polixena die
fückfraw ist
gewesen des
königs zu Troia pri
ami vñ Hecube tocho
ter die was von blü
ender schöne so vber
treffentlich / das sye
mit dē flammen Cup
pidinis dz hertz Achil
lis entzünd so sunbrin
tiglich/dz sy durch
vntrewē vnderweyß

sung Hecube irer müter / im einig verzüet / zñ ir beyder nacht zukommen /
in den Tempel Appollinis Tymbrei / darinnen er von Paride schendlich
vnd vnredlich erschossen ward / Von des todts wegen / als der Troyaner
krafft zurgangen / vnd die statt Ilium zerstöret ward / sñret sye Neoptole
mus auff seines vatters grab / daselbs an ir zñ rechen den tod Achilles / vñ
als sy sahe den grymien jüngling sein schwert aufziehen / vñd alles vmb
stends volcke vmb sy wainet / Do bot die edel juncckfraw / so mit starckem
gemüt / so mit vnzitterdē angesicht ir vnschuldigen halß zñ dem tod / dz
die standhafftigkeit irs gemüts / nit minder zñuervundern den mensche
wann das streng rechen Neoptolemi von wegen Achilles seines vatters /
das ist on zweyffel der gedächtnuß wol wirdig / das ein solchs waichs al
ter / Weyblichs gschlächts ain so sensst erzogne künigliche tochter / in ver
wandlung des glücks / also ir gemüt zwingen vnnd enthaltenn mügenn /

f ij vñnd

Boccatius von den

vnd voraus vnder dem Schwerdt des sighthafften feind / vnder dem doch
offt die mannlichen hertzen der starcken mann in vnmüt vnd zitter ver-
wandlet werden. Es ist züglauben / das sollichs von einer hochgeadelten
natur kommen sey / das sy erzeygte / durch das verachten des todts / wye
sie ain so manlich dapffer Weyb worden / wañ jr das glück mit so gar wi-
derwertig wer gewesen / vn̄ als jung auß disem jamerthal genominen het.

Von Hecuba der Königin Troyanorum.

Das xxxij. Capitel.

Hecuba die durchleüchtigste Königin Troyanorum ist durch ab-
fall ires hohen glücks ain mercklich exempel vn̄ anzeigen gewesen
der zergenclichkeit alles zeytlichen gewalts / vnd verwandlung
desselben in ellend vnd trübsale / Cipsens der künig in Tracia wz jr vatter
vnd ward gegeben zū Weyb / dē durchleüchtigsten künig in Troya Priam
mo / von dem sy gebar neünzehen kind / sun vnd töchtern / Vnder denē wz
die oberstzierd der Troyanischen herrschaft Hector / des lob vn̄ rüm in so
strenger Rittertschaft / so klar was / dz er nicht allain sich selber erleüchtet
sond auch alle seine fraind / vn̄ das vatterland mit ewiger glori adelt / Sy
ist auch nit allain namhafft gewesen von seligkeit des reichs vnd vile der
edlen kinder / sonder auch des allergrößesten jamers vnd trübsals wegen
den je das glück alle dise welt regieret züsendet / warde sie weyt vnd biayt
meniglichen erkennet / wann den todt ires liebsten sones Hectoris / vnd
des jünglings Troili der grosse manhait erzaigt / wann seinem alter zimo-
lich was / die beyd von der hand Achillis erschlagen wurden / auff denenn
die grundfeste des Keychs gestandē was / wainet sie vn̄seglich / Auch Pa-
ridē von Pyrrho ellendiglichen erwürgt / Deiphebum dem oren / mund
vnd nasen abgesehritten wurden vnn̄ also getödtet / der gangen Stat
Ilium verbrennen / ires sones Politis sterben / der in der schoß Priami sey-
nes vatters getödtet war / ires mannes Priami erstochenn bey dem al-
tar / zū dem er vmb freyhait geflohenn / iherer tochter Cassandre / vnd ires
sons Weyb Andromache / vnd jr selbsgefäncknus von den seinden / iherer
tochter Polixene auff dē grab Achillis enthaupten / Astyonactis ires enig-
kinds auß einem hol gezogen mit einem stein zerknüschten / dz alles die ellend
fraw selber sahe / vnd zülest fand sy iren jüngsten son Polidorum auß der
vntrew 8 Thratier Polymnestors getödt / vn̄ bey dē gestat Tratie Begra-
benn / darumb sy in vnmüt inniglichen trauret / durch solch vber groß vn̄-
säglich kümernus vnd trübsale / sagen etlich wurd sy vn̄besint vnd lieff in
Tratia auß dem feld / wütend vn̄ heülend als die hund bis an jr end / vn̄
nach

nach irem tod ward sy begraben / vnd an das gestat so von ihr Cinosentia gehaissen / Bey dem meer Hellesponticum / Etlich sagen / sy sey mit den andern gefangnen frawen / von den feinden hinweg gefüret worden / Vnd das sy kain ellends vnd kummernus gestreyet were / so hab sy zu letst gesehen / nach dem als Agamemnon getödt ward / ihre liebe tochter Cassandram erwürgen / von heysfens wegen der Königin Clytemnestre.

Von Cassandra der tochter Priami.

Das xxxij. Capitel.



Cassandra waz ein tochter priami / des Königs in Troia vnder die alten sage sy habe den gait der weyffagung gehabt / ob aber das gewesen sey von irem fleyffigē studieren / oder auß genad Gottes / oder des teuffels betrug / nuff / ist etwas vngewis /

Das sagt man doch von ihr / wie sy lang darvor / ee das beschah / die fraydigkait Paridis Helena zuraubē / d̄ Griechen zukunfft gen Troia / dz lang belegern der stat / vnd zuletst der selben zerstörung / vnd des Königs vndergang / mit lauterer stimm vnd bedeutlicher beständtnuff geweiffaget hab / Vnd vmb solliche weiffagung ist sie von irem vatter vnd brüderent hart geschlagen / vnd auff ihr sagen nichts gehalten noch geacht worden / Auß dem ist von den Poeten die fabel genossen / wie sy von Appolline gebület wurde / vnd sy im versprach seines willens zupflegen / so ferz er sy mit der kunst der weyffagung begabet / vnd da sy des von im geweret warde / wolt sy im nit halten / was sy zuuor verhaissen het / vnd als er ihr die gab nit wider nemen mocht / legt er ir darzu / ob sie schon weiffagen möcht / solt ir doch niemandt desselben glauben geben / als ob es ein thörin gesagt het / Sy ward gemähelt einem edlen jüngling / wölcher Chorebus gehaissen / den sy freündtlich entpfienng. Aber inn laid vnd trauren / ward er ir entzogen in dem krieg vor der stat / Vnd zuletst nach dem verlieren irs vatters vn̄ and freünd / ward sy als ein gfangne Agamemnoni zū tail an d̄ beürt / Vñ als sy vñ im gegen d̄ statt Mycenae gefüret ward / weiffagt sy im auß dem

f iij weg / wie

Boccatius von den

weg/wie Clytemnestra sich gericht hette in 3^{er} / 4^{ten} / aber jrē weyffagen was Agamemnon nit gelaubig vnnnd nach mangerlay sorg / angst vnnnd not des meeres / kamen sy gen Micenas / vñ ward von seinem weib getödtet / vnd darnach Cassandra erwürget.

Von Clytemnestra der künigin Micenarum.

Das xxxiiij. Capitel.



Lytemnestra ist gewesen Ti dari des küniges von Oebalia tochter / auß Leda geboren / vnd ein Schwester Castoris / Pollucis / vnd Helene / vñ ward gemahelt Agamemnoni dem König Mycenarum / Wiewol die self / vmb jr hohe geburt namhafft was / so ward sy doch vmb jr fräuel angenoniene missethat vil weiter beschrait wañ zū den zeitten / als jr mann Agamemnon vor Troya / das Griechisch volck / als ain Hauptmann regieret / vnnnd sy ihm nun vil kinder geboren / siel sy inn vnzimlich begird vnd böse liebe / des müffiggengers vnd verzagten jünglings Egisti / der ein sun Thiestis was auß Pelopeia geboren / vñ sich von sarlässigkeit wegen von der ritterschafft gezogen / vñ zū Priesterlichem ampt gefüget hett / vnd durch die hilff vnd rādt Vauplij des alten künigs / der etwan Palimedis vater was / wurden sy einander irer vnzimlichen begird zūwillen / auß dem groß vbel ist entsprungen / von forcht der zükunfft des künigs / der sie als dann vngezweyffelt straffen wurd vmb jr missethat / vñ durch den rath jres bülen / vnd villeicht auch durch den vnwillen / den sy darab empfangē / das er Cassandram mit im gen Micenas gefürt het / darumb das keckfreydig weib / als jr gemahel der künig Agamemnon wider haim kam / für sie zū / mit schalckhafftigem gemüt vñ waffen gerüst / wider iren man zūwüiten / dan als er vil des meeres grosse vngestümigkeyt erlitten hett / ward er auß irem falschen hertzen inn gleichsinnung grosser lieb vnd freündtschafft hoch von ihr empfangen / vnder gestalt begyrlicher zükunfft ihres mannes / vnnnd als sy geessen hetten / vnd er von güttem weyn gesettiget ward / schüffe sy mith ihrem bülen Egisto / als etlich wollen / der haimlich inn dem Sal verborgen lag / ihn zütöden.

Die an

Die andern sagen / als er sich saß / was er beklaidet mit dem gewande / das er durch sigtlichen krieg gewonnen hette / Darumb das er den Griechischen die hochzeytliche tag klärer beweiste / Vñ dz ward im sein weib die eebrecherin / schmaichend zureden vñ bitten / anndere klaiden anzulegen nach des lands gewonheyt / die sy im in seinem abwesen hette machen lassen / vñnd bote ihm den rock mit ermeln / on das hauptloch / den sy in der bösen maynung geordnet hett / Er gienge an ein ort / dahin brachte ihm das weib ein hembd / oben zügenäet / wöllliches mit fleiß darvor zu seinem verderben zugericht / vñd stiesse die arm inn die ermel / vñd warf se es vber den kopff / vñnd süchet das hauptloch / Dieweyl er aber also hin vñnd her rancket süchend / wincket sie dem eebrecher Egisto in zütöden / dieweyl er noch verwickelt wär / das auch leicht beschehen mocht / Also ward er heymlich ermödet von Egisto / der auch nach seinem tode das ganz Königreich mit Clytemnestra tratzlich mit gewalt sieben jar regniet / Aber mitlerzeit was Horestes der sun Agamemnonis vñd Clytemnestre erwachsen / der seine freind vor dem fraisamen wüten der mütter beschirmet hetten / der ward behertziget auff die raach seins vatters tod / vñ süchet bequemlich zeit / seinen fürsatz zünolbringen / vñnd tödtet sye Bayde / wiewol sollichs baider seyts grosse vbel seind / waif ich doch nit / wölches das grösser ist / ob das vbel des eebruchs grösser sey / oder die vber gross gedurstigkeyt / den durchleuchtigen König vnverschuldet zütöden / Doch find ich etwas das dannocht an diser sacht zülöben ist / die starcken tugent Horestis / der seine hend gegen dem mord von seiner mütter begangen / nit lenger enthalten mocht / das er seines vatters vnschuldigen tod / an der schuldigen wütenden mütter / vñd an dem eebrüchigen priester nit räche / dz die schuld auff denen erleitert wurde / mit irem tod / von deren haiffen vñ zühün / der vatter sein blüt vergossen het.

Von Helena der schönen auß
Griechenland.

Das xxxv. Capitel.

Helena (als vil der alten mainend) ist durch vnkeüscheyt vñ von dem langwirigen grossen krieg / von irent wegen erhebt / der ganzen welt / für ander wol erkandt gewesen / Tyndari des Königs Oebalie tochter / auß der schönsten frawen Leda geboren / vñd Menelao dem König Lacedemonum gemähelt / Der selben Helene schöne / als alle Griechisch alt geschichtschreiber vñd Poeten / vñ nach inen die lateinischen sagenn / was so zierlich vñd vber scheinbar / das sy leicht der schöne / aller weiber fürgesetzt werden mocht / Wan Homerus müdiget sein gemüt der doch Göttliche sinnreichait vñd vernunfft hett / ich geschweyg der anderen / ehe das ehr mit seinem künstlichenn gedichtenn / souil ehr gehört hette je

Boccatius von den

hette/ir schöne künstliche beschreyben möcht/Ob das/haben all die besten
 maler vnd bildhawer/sich vnderstanden/mit gro^ßem höchsten möglichē
 fleiß/mühe vnd arbeit/ein gleichnuß des aller schönsten/wolgestalltesten
 weibs zümachen/das die selb doch den nachkomenden auch bekant würd/
 vnd de maistern ward bestellet vō den Crotonienser/der best vñ vertim-
 test vñ ein grosse sum̄ gelts/Zeuxis Heracleotes gehaißen/der sy zūfor-
 mieren vñ malen mit dem benschel/alle seine krafft/sin̄ kunst vñ vernunfft
 übet/Da aber der selb maler kein andere vorbildung het/wan̄ die gedicht
 Homeri von irer schöne beschriben/vñ dz gemein lob alles volcks/darauf
 er nit genügsamlich nach seinem bedunckē/ir ggestalt in̄ sich bildē mocht/son-
 derlich wie sie von angesicht gesehen/vñ vō gliedmaß geschaffen wer/geda-
 chte er ir schöne/auf andern wolgestalten fraven vñ knaben/zūsam̄en/da-
 rum̄ das er irer Götlicher schöne von ggestalt des angesichts/vnd der besten
 glyedmaß/dester baß nach möcht kom̄en/vnd in̄ sich bilden/dardurch er ein
 bild machen möcht/das in̄ künsttrige zeit/etwas gemāß ir ggestalt/gezaiget
 wurde/Also wurden im̄ fünff die schönsten baßgestalten/von gebārd vnd
 gliedmaß fürgehebt/die man gehalten mocht/auf denen allen er ein ggestalt
 versammelt/von jeder das best vñnd schönest genommen/noch dannochte
 mocht er mit aller seiner kunst vñnd krafft/nit genügsamlich ein bild zūsa-
 men bringen/das ihr recht gleichen möcht/nach dem gemainen lob ihrer
 schöne/Ich wunder auch nit darab/wann wölcher möcht mit dem pensel
 mit den farben/oder mit dē grabmesser die frölichen augentres angesichts
 lieblichait/ir gefellig schmollen bezaichren/vñ mangelray zierlich gebārd
 nach verwandlung der wort vñnd werck geänderet/so das allain werck
 seind der natur/vnd nit der maister/Darumb macht er/das er vermocht
 vnd das von ihm gemacht ward/verließ er den künsttrigen/als ein himi-
 lische bildung/Auf disem haben die sinnreichen maister ein sollich ge-
 dicht von ir genommen/das sy vom̄ wegen ihrer brinnenden augen/als
 der morgensternen erleichtend/vmb sollichs liecht/das von keinem tödt-
 lichen menschen vor nie gesehen ward/vmb den mercklichen scheine des
 ganzen angesichts/vmb ir langes goldfarbes/vnd vmb die schultern flie-
 gendes har/vmb ir süsse stim̄/vmb iren loblichen wandel vnd gut gebārd
 vmb iren rosenfarben wolgeschickten mund/vmb ihr gleiffende sternen/
 ir weisse kelen/als das helffenbain/vmb vngefehne lustbarckait der brüß-
 lin/das sie auch von dem Gott Juppiter auf Leda geboren/der sich durch
 ir liebe willen in ein schwanen verwandelt/vnd Ledam schwengert/das
 sie leget zway air/Auf dem einen ward Helena/auf dem anderen Castor
 vnd Pollux/die bald vntödlich wurden/Auf dem sy wöllen zeygen/das
 der selben Helena schöne/von keynem menschen/mit penseln vñnd farben
 mag bezaichnet werden/so sy der oberst Gott Juppiter selb formiert habe
 mit aller schöne on abgāg vñ gebrechē/Durch die wundbare schöne ward
 Theseus bewegt von Athenis auf in Laconas zūziehen/vñ zū den zeitten
der grōß

S größte freude/aller Königlichē ritterschafft/raubet er sy fründlich mit ge
 walt dz jung zart iunckfräwlein/vñ furt es heim/vñ wiewol er jr vber dz
 küssen vnd halsen/nit zūfügen mocht/dannoch ward sy etwas an jr kei-
 scheyt mit argkwō verlainert/vñ kurtz darnach/als Theseus nit anheim
 was/begerten ire brüder/das sy wider gegeben wurde/das auch von der
 mäter Thesei/Aethia gehaissen beschah/on widerred/Niewol etlich sa-
 gen/Protheus der künig vō Egypten/brachte sy wider zū land/Darnach
 als sy mañbar was/ward sy zūgemähelt Menelao dem künig Lacedemo-
 niā/dem sy gebar die einig tochter Hermionā gehaissen.Nach disen dingen
 vber etlich jar als Paris wider in die statt Iliū komen wz/8 von des trau-
 mes wegē/seiner schwangern mäter 8 Königin Hecube/durch haissen sei-
 nes vaters Pyrami in dē wald Ida/den wildē thiern fūrgeworffen ward
 vñ darnach sein vnertānter brüder Hector/von im an ringen vnd sechten
 vberwunden/vnd von Hecuba bey der wiegen/vñ andern zaichen jr eig-
 ner sun erkent vnd auffgenommen ward, da sieng er an zūgedencken/der ge-
 lūbt des schönsten weib Veneris/vō wegen seins vithail/das er jr als der
 schönste/die gaab des gulde apffels zūgsprochē het/vñ nach dē als er grosse
 schiffzūg in dē wald Ida zūmachē geordnet het/für er vber meer mit künig
 Eliche heer belaitet in Griechen land/vmb Hesionam sein schwester wider
 zūbringen/die etwan von Thelamone hingefuret ward in dem ersten ge-
 wiñen 8 stat Troya/vñ kam gen Lacedemonien/alda vō Menelao herz-
 lich vñ wol empfangē ward vñ Beherbergt/da er aber Helenā ersahē/mit
 himlischer schönē leuchtend/vñ in Königlichē gwand sich frech erzeygen/
 vñ in auch etwan begirlicher ansehē/ward er gfangē in dem gemüt/vñ ge-
 wan hoffnung auf iren leichtfertigen sitten/der springelden augē/inbrün-
 stiger gebārd der liebe/mit denen sy die brinnenden flammen der begird gena-
 zlichen inn sein hertz festiget/Zū disen dingen gab auch das gelück seinenn
 gunst/wan es füget sich vngefärlicher weis/das Menelao gebürt in gros-
 sein geschäfte/inn Cretam zūfaren/die wir nun Candiam heysen/vnnd
 verließ Paridem in seinem sal/darumb sy machet/das die baide innbrün-
 stigliche in vnsliger liebe entzündt/sich von Lacedemonier erhüben vber
 meer gen Troia zūfaren/Bey der nacht mit einem grossen tail/des künig
 Elichen schatzes Menelai/also bracht Paris in die statt Ilium/die wir nun
 Troiam nennen/die brinnende sackeln/mit der die statt verbrennet ward
 als 8 traum Hecube/da sy sein schwanger gewesen was/vor bedēitet het/
 Doch sagen etlich and/das sy Paris auf Cithera 8 nachgelegē Inseln rano-
 bet zū den zeiten/da sy nach der landsgewonheyt jr opffer in dem Tempel
 verbracht/vñ furet sy inn schiffung so darauff gerüst was/mit vil sorg vñ
 angst gen Troia/da sy vom künig Pryamo mit besond eere vñ würdig-
 keyt empfangē ward/wan er maint die schmachait so im von Thelamone
 bewisen/8 im sein schwester Hesionā hin gfurt het/damit habē abgetilgt/
 Aber es ergieng vil ands/wan er kā durch dz in zerstörtig seines reichs/da
 alle Griechen von der schmachait der frawē bewegt wurde/vñ ward Pa-

Boccatius von den

ridis schmachait / vnd sein vnrecht theten / mer vnd höher von den Grie-
 chischen fürsten geachtet / wann die leichtfertigkeit Helene / darumb als sy
 offtmals begeren lieffen / sy wider haim zugeben ihrem mann Menelao /
 vnd das nit beschehen wolt / schwüren sye all zusamen einhälliglich / die
 statt Troia zu erstören / vñ mit mer dan tausent schiffen / mit wolgewap-
 neten mannen geladen / süren sy an das gestatt / zwischen den zwaien ber-
 gen die für die andern landtschafft hinauf inn das meer reichenn / deren
 einer Sigeum / der ander Rethem haisset / mit gewalt / das in kein wy-
 derstand geschaden mocht / Dabey kundt Helena wol mercken / wie groß
 ihr schöne was da sy von der stattmauren / alles gestatt des meeres / sahe
 belegert sein alles voller feind / alle vmbliegende gegend mit feur verheert
 das volck inn tödtlich gefar sich wagen / vnd von ihrent wegen eynander
 stätigs zu tod schlagen / vnd von Troischem vnd Griechischem blüt / al-
 le ding entrainet werden / Sy ward auch also inn der hært fürgenossien /
 spennigkeit zehen jar den Griechen vorgehalten / mit so manigfaltigem
 todtschlag vnd vergießung vil edels blüts baiden seyt / offft begeret / doch
 nie gegeben / darumb auch das belegeren stätiglich weret on verziehen /
 Inn der zeyt ward Hector von Achille erschlagen / vnd Paris von dem
 fraidigen jüngling Pyrho getödtet / vnd vermainet Helena / wenig gesun-
 det haben / das sy Paridem genommen hett / vnd name nach seinem tod /
 Deyphesam den jungen brüder Paridis / Zulest als die Griechen gedach-
 ten mit veräterey zu wegen bringen / das sy mit langem belegeren nit vol-
 lenden mochten / ward die vrsacherin alles vbel begirlich volbringenn /
 was sy wider die Troianer gedenccken mocht / darumb das sy wider inn
 genad ires ersten mannes gesetzt wurde / als auch beschach / wann als die
 Griechen inn lüstigkeit / den abschied von dem belegern der statt gleichnes-
 ten / vnd nun mer / die Troianer erschrocken / vnd von arbeit vbermüdet
 warn / vñ von den newen freüden vñ hochzeytlichem wolleben der speyß /
 etwas von dem schlaff betruckt / ließ Helena groß sackeln entzündenn / inn
 der höhe / in maß als ob sie freüden tanz mache wölte / damit sy den Grie-
 chen eyn freyden gab widerumb zuwenden / als sy mit ihn verlassen hette /
 Da die wider kamen / funden sy die statt inn halbem schlaffrü / die thor ge-
 öffnet / vñ freyen eingang on widerstand / vnd nach dem die stat angezünd-
 et ward / vnd Deyphesbus ellendiglich erschlagen / in dem zweintzigsten
 jar / als sye Menelao genommen was / ward sy im wider gegeben. Etlich
 sagen / Helena wurd nit mit irem willen von Paride hinweg gefürt / son-
 der mit gewalt / darumb sey wol billich / das sy der man wider begnadet /
 Als er aber mit ir widerumb begeret inn Griechen zufaren / ward er von
 vngewitter vnd vngestüme des meers / bezwungen inn Egypten zufaren
 da er von Polybo dem König wol empfangen ward / vnd erst nach zehen
 jaren nach zerstörung der statt Ilium / füre er wider haim inn Lacedemo-
 niam mit seinem wider brachtem gemahel / Wie lang sy aber darnach ge-
 lebt / vnd

gelebt / vnd w3 sy begangen hab / oder wohin sy kommen seye hab ich nie gelesen.

Von Circe der Sonnen tochter.

Das xxxvi. Capitel.



Circes vō iree zauberey we genn bis auff den heütigen tag eyn weyt berühmte frau / nach der Poeten anzaigen / ist gewesen d Sonnen vnd Perse tochter der schönē Nymphe deren vater Oceanus gewesen / vnd ihr brüder Metes künig in Col-

chon / doch nach d warheit ist sy darumb der Sonnen tochter geheissen worden / dz sy mit wunderbarer schönē zierlich erleuchtet / vnd jr die kraft der kreuter für ander kantlich / vnd inn allem thün vñ lassen fast vernünftig war / die ding alle gibt die Sonn / den künden die in irem besten einfluss geboren werden / als die Astrologi sagen / Wie sy aber die Insel Colchos verlassen hab vnd inn Italam komen sey / gedencck ich nit das ich daruon gelesen hab / Aber die alten Historien bezeugen / das jr wonung sey gewesen auff dem berg Volscorum / der auff disenn heütigen tag Circeus / dz ist Circis berg den nammen behalten hat / Vnd so man von der hochberühmpten frauwen / nichts anders dan was Poeten gedicht haben / findt / so seind doch die selben nach der warheit souil wir mügen auflegen / das die lesenden ains grunds vndericht werden / Man sagt von jr / das alle schiffleüt die vngesfahrlich von vngewitter / oder mit willen vnd fürsaz an den selben berg kōmen / der etwann ein Insel gewesen ist / sez ein vorgestat des meers / von jr mit zauberey durch segen vnd träck in mancherley wild freissame thier verwandelt wurden jegklicher nach seinem wesen / Vnder den wann auch Ulixis des klügesten künigs gesellen. Aber benenter Ulixes ward beschirmet durch den rat Mercurij / er bezwang sie auch mit dem schwerdt vnd trewen des todts / das sy seine gesellen widerum in jr menschlich gestalt bekeren müßte / er bliß auch also ein ganzs jar inn jr gmeynsame / vñ gebar auß jr einen son Thelogonum / vñ schied do von jr / begabet mit grossem rath vnd weisheit / Vnd wölchen verdunckelten worten

S ist meus

Boccatius von den

ist meins erachtens/diser nachfolgend sin vñ verstand begriffen/ Die frau
 was mächtig/an güt/an schicklichkeit/vernunft/worten vñ wercken / mit
 fer: vö der stat Caieta in Campania geseffen/daselbs wurde ire vil durch
 irer schöne vnd schmaichend lieblich sitten vnd gebärd bewegt sy zusehen
 mit denen/sy sich also erzaigen vnd halten kunde/das jeder hoffnung het
 sonñ gunst vnd lieb von jr züerwerben/vnd was keiner dē mit leicht wā-
 re jr gebot zūvolbringen nach irem willen/Doch stānd allweg ihr gemüt
 sie am narren sail fieren/vnd zūbehalten des leibs rainigkait vñnermeils
 get/darumb sy gedacht ire liebhaber mit geboten von jr zūsendē / das sye
 mit vberwunden wurde/ Verschafft darauff etlich auf das meer zūfaren
 vnd zūrauben/die selben hielt man als ob sie weren inn wölff verendert/
 vnd gebot etlichen kauffmanschaz zūtreiben/darumb sie inn hund ver-
 wandlet geacht wurden/wann alle kauffleüt lernen vil schwāzen / vñnd
 geschray treyben gleich als die hund pellen bis das sy ire güter vertriben/
 darumb auch der kauffleüt Got Mercurius mit einem hunds kopff gma-
 let wirt/Etlich gebot sy Kitterschafft vmb iren willen zūpflegen/die nun
 fraidiger vnd stercker sich erzaigten wann in jr eigne natur gegeben het /
 darumb sy in Löwen verwandelt gesagt wurden/Dē andern gebot sye
 bey jr zūwonē/die warn Ulixis gesellen die sy schon nach aller wollust hal-
 ten lief/vmb begird die sy zū Ulixihett/darüb sy in schwein verwandelt
 gesagt wurden/wann sy zū allen zeiten in vberflüssiger wollust trabtem
 als die schwein/vñ vil ander desgleichen gebot sy iren liebhabern/die nach
 dē wesen irer gebot inn dise oder andre thier verwandelt möchtē gschāzt
 werden/O leser vnd hörer diser geschicht/vermerckt wievil noch sollicher
 Circes vnd zauberin auff erden sein/die noch heüt mit iren vnkeuschen ge-
 bärden vnd vnzymlicher zier/die mann rayzen zū irer bösen lieb vñ gefal-
 len/vnd doch darbey frum geheysen sein wöllen/dz doch mit gang lautter
 ist/wann vnkeusche gebärd geben böse werck/O wievil der mann vnd
 jüngling die all tag in Löwen/hund/schwein/affen vnd gauch verwand-
 let werden/die billich jr oren verstopfen dz sy der Syrenē schmaich gefan-
 gen mit hören möchten/wolten sy vnverwandlet bleiben/als auch Ulixes
 thet/durch die weyffhait von Mercurio im gegeben/mit der auch sein ge-
 sellen von im erledigt wurden nach der Historien aufweisung. Man sa-
 get auch von der selben frauen sy sey gewesen ein gemahel des künigs La-
 tinorum Pici der von Saturno geborn ward/vñ hab in geleert künfftige
 ding sagen auf der vogel gesang/vnd vmbdaser die juncfrawen Pano-
 niam bület ward sie eysern/vnd verwandelt in in den vogel Picū seines
 namens/der zūteütsch Zigelstein heisset/vnd das darumb daser hett eyn
 heymische Alster/auf deren bewegnuß vnd geschray er künfftig ding für-
 sagt/darumb saget mā in verwandelt sein in den selben vogel/wo aber
 wie oder wann die selb Circes tod sey/hab ich nie gefunden.

Von

Von Camilla der Königin Volscorum.

Das xxxvij. Capitel.



Camilla die hochberümpft jückeraw wie diger gedächtnus/ ist gewesen Methabides eltesten Königs Volscorum tochter vñ Camille seiner hausfrawen die an der gpurte desselben Kindes jr leben endet/ vñ jr zügedechtnus thet er den Buchstaben s. vō jr

namen/ das sye Camilla geheissen wurd/ Der selben juncfrawen von dem tag jrer gepurdt was das glück hart vñnd vngewegen / wann vnlang nach der mütter tod ward Methabius durch ein' aufflauff vnder seinen mächtigsten herren vñd Burgern auffstanden/ auß seinem reich gähling vertriben/ vñd solcher eilender flucht halben nichts mit jm nemen/ wann allain sein Elaine tochter/ die jm doch für alles güt lieb woz / vñd darumb seinen vnfall deßer minder klaget/ das er sie mit jm ins ellend führen mocht. Als aber der betrübt man züfüß entrunnen was/ vñnd sein ainige tochter auff dem arm trüg/ kam er an das fließend wasser Damascenam genannt/ das auff die zeyt von grossem regen also angelauffen was / das er mit seiner tochter mit darüber schwimmen mocht/ vñd von Götlichem eingeben/ das so ein künsttliche weit berümpft edle juncfraw mit solt eins sollichen schmähen tods im wasser ersterben/ bedacht er sonil / das er sie inn rinden mit past umbwand/ vñ Band sy an ain stangen die er vngesfarlich mit jm trüg/ vñd gelobt das kind der Göttin Diane ob sie es im leben behielt/ vñd schof die stangen mit dem kind auß ganzen krefftens seins leibs so ferz er mocht in das wasser vñd schwam er hinach/ Vñd da er es durch die Gottes hylff vngelert wider begryff/ ward er dardurch eines thails inn seinem ellend erfrewet/ vñnd gyeng mit jr inn einen wilden wald inn einer hülle wonend/ darinn er sie mit on grosse arbeit mit wilder thierenn milch erneret/ Als aber die selb Camilla bas gewachsen was/ ward sy jr leib bedecken mit den fellern der wilden thier die sy selb mit dem Boge geschossen hett/ darinn sie sich auch täglich über/ desgleichen mit werffenn auß der schlingen/ vñnd die wylden thier jagen vñd fahen/ vñnd für alle

G ij ding

Boccatius von den

ding bedencken rainigkait sres leibs zū behalten/die liebe der jüngling ver
spottend/vnd die gemahelschafft der grösten herren ganz vernichtē/dan
sie sich ganz in der Göttin Diane dienst/nach dem gelübt sres vatters er
gebē/Durch solche übung ward die juncckfraw also in arbeit gefestigt/dz
sie von den landsassen/wider inn jr künigreich zū regieren gefordert vnd
berüfft ward/Das selbig regiert sie auch krefftiglich vnd forchtsam/das
sy widerstands von meniglichen vertragen wz/Zuletzt als Aeneas nach
der zerstörung d stat Troye in Italia komen was/vnd Laviniam des kün
nigs Turni tochter zum Weys genommen het/darumb sich auch krieg zwis
schen im vnd Turno dem künig Rutulorum erstgemelt erhebt/vnd sy zū
beyden teylen vil kriegsuolcks bestelten/vnd vō meniglichen hilff beger
ten/kam auch Camilla mit grossen volck Turno zūhilff wider Eneam/
wann sye im mit von sypp vnd freüntschafft wegen günstiger was/vñ als
sy offrt wolgerüst wider die Troianer gescharmüszelt vnd gefochten het/
vnd auff einen tag krefftiglich streyend vil gefelt/zuletzt henget sie be
girlich auff Chorebum der Göttin Cybelis püester/wann sy begert seinē
harnasch vnd waffen von im zūnehmen/da ward sy von einem feind/vnd
jr Brustlin mit einem pfeil tödtlich verwundt/vnd mit grossen laid vnd
schaden Rutulorum in den todt gefellet/also vnder der verwapnetē Rit
terschafft vollendt sie jr tag des zeitlichen lebens/Ich wölte dz dise juncck
frawen die jez leben/Camillam ansehen/wie sie nun manbar vñ betagt
jez das feld/jez die wälde/dann die forst vnd hōle nach wilden thier/vñ
zogen vnd ersucht hab/vnd mit stätter arbayt die waichmütigkeit vñ be
girlichen ansechtung des fleischs vndertrückt vnd gezemt lustlich/vnd er
wölt gedānck fliehende auf fastem starckem gemüt/der jüngling betrug
lich halsen/auch ihre schmach wort aufschlahend/das sie do bey lerneten
was in dem väterlichen hauf zūthun wer/was in den Tempeln/wz
bey den tānzen vnd andern freuden/do sy von menigliche geurtailt vñ
gesehen werden/das sy den leichtern personen jr oze mit darbieten ire wort
zūhörn/dz sy jr münd mit schweigen bezwingen/das sy ire augen nit leicht
fertiglich lassen vmbschwawffen/das sie güt sitten behalten/vñ erbere ges
berd/allweg fleissig sei/müssigkeit/schleckmeülē/vberig freud/zū vil tānz
vnd der jüngling gemeinsame allweg verschmächten/vnd gedennen/dz
alle lustperkeit volbringen wöllen/zū der keüschheit wenig dienē ist/darüß
dz sy nachmalen durch vernunft mit loblicher keüschheit geziert/in die hey
ligen gemahelschafft mit rat der freünd frölich mügen gesetzt werden.

Von Penelope Olixis gemahel

Das xxxviij. Capitel.

Penelope des künigs Icari tochter vnd Olixis des strengsten vnd
klügsten künig gemahel. vnuermeiliger zierde/vnd vnbesleckter
rainester keüschheit/ist dē erbern weibē ein heiligs exempel vñ vor
bild



bild mit irer zucht vñ
 einzognem wandel in
 ewigkait wesen/8 sel-
 ben frawen stätigkeit
 ist härtiglich vñ läge
 von vngesell versucht
 wordē doch on sūrgäg
 aller der jenigen so ge-
 beten vnd verhaft ha-
 ben/ wann in jr jugent
 vñ jr wunigklich schö-
 ne billich vber lieb ge-
 habt/war sy Olixis dē
 künig. Vnd zu den zeite als die Griechen in Troia zohen Ilium zūgwūnen
 gebar sy im einen son Thelemachum genennt/ Zūhand darnach war Olix-
 is in den krieg berufft/ vnd eins teyls darzū bezwungen/ darumb er Pene-
 lopen/ vñ dz klein kind bey seinem vatter Laerte/ vnd seiner mütter Anthi-
 clia genennt verliesse/ In den jaren als sy vor der stat lagen/ erledt sy vber
 den zehen jährigen witwen stat/ nit vil vngemachs/ aber nach dem als die
 stat Ilium inn Troia gelegen zerstöret was/ vnd die fürsten vnd herzen
 widerumb haimwertz keren wolten/ jeder inn sein aigen Fürstenthūb vñ
 Land/ gieng ein gemain gschrey (als dann war war) wie etliche schiff der
 obersten herzen von dem vngewitter an die felsen getriben alda verdoxte
 vnd zerknust waren/ Etlich in anderelant weit geworffen/ etlich gar mit
 leib vnd güt versenckt/ Etlich/ doch gar wenig/ wider zū land kommen/
 aber von Olixis vnd seiner gesellen schiffung/ wohin die kommen waren
 wist niemant nichts zū sagen/ vnd nach langem wartē vnd grossem zwei-
 sel wohin er kommen wār/ ward er todt geschätzt/ darumb sein mütter
 Anthiclia/ in sollich trawren/ laid vñ vnmüt siel/ dz sie sich selber (des sch-
 merzens damit abzūkommen) an einen strick erhencckt/ Aber Penelope/
 wiewol sie das abwesenn ihres manns hart vnd schwärlich trüg in frem-
 herten/ doch war sy noch vil mer gepeinigt von den sorgen/ dz er nit eins
 vbelstods erstorbē wār/ Vñ als sy nach manigfaltigē weinē vñ trawren er-
 kennen ward/ dz alles vnnützlich vnd on hoffnung beschehē/ befestiget sye
 jr gemüt zwischen iren alten schweher Laerten/ vñ dē son Thelemachum
 iren witwen stand in ewig zeit/ kerosch vñnd reyn zū beschienenn on allen
 argkwō/ doch in folgender zeit/ wurde jr löblich wesen/ jr über grosse schö-
 ne/ Bewärte sitten/ darzū jr hoher adel vñnd manigfaltige tugendt/ vilen
 edlen jüngling auß Ithaca vnd Cepholenia vñ Etholia/ bewegte zū irer
 begirlichkeit vnd liebe/ von den sye stätt bekümmert/ geraitzt vñnd ange-
 langet wardt/ vñnd she minder hoffnung was zū dem leben Olixis / yhe
 grösser ward das werben vnd bitten vmb sy/ souil das der alt Laertes 8

G iij selben

Boccatius von den

selben bälern vngestüme nicht lenger gesehen mocht/ vnd zoche ehe auff das land hinauff/ die vnräw züermeiden/ Zühandt besassen sy den sal Olixis vnd liessen nit von dem stätten werben vñ bälern jeder nach seinem vermügen/ das er sie zum weyb haben möcht/ Als aber die erber keüsch frauw besorgt das jr icht gewalt an irem eerlichen sünemen beschäh/ vnd keinen weg verziehens oder versagens auß flucht findē mocht nach irem Begern erdacht sy durch Götliche einfluss ainen list/ mit dem sie die anhaltenden jüngling lenger auffzuge/ vnd begert jr souil zeyt vnd zyl noch zübedenckē zülaffen/ von den tringenden werberen/ das sie ihres manns so lang warten möchte/ als sy das wepp das sy vndern handē het/ nach Küniglicher gewonhait/ vol aufwirckē möcht/ Da jr die edle jüngling solchs leicht vergünten/ alles das sy mit emssigen fleiß/ den ganzen tag het gewürcket/ dz thet sie inn lüftigkeit/ die jüngling damit züverziehenn/ des nachts wider auff/ mit dem vergieng souil zeit/ das sye vil des güts Olixis in sal verthe ten/ mit dem stätten zeren vnd wolleben/ vnd jr dannocht nicht mochten hilfflich sein/ vnd sie dannocht grosse sorg trüg/ das nit vülleicht irs keüschē rainen hertzens fürsatz bewilligt wurd/ wann sy wißt fürbas/ keinē wege in zü entrinnen/ Doch beschah von der Götlichen genad/ das Olixes kam gefaren auß dē Künigreich Phenicum/ nach dem xx. jar seins weg ziehes menigkliche vnsekant/ vñ gieng einiger in sein land Ithacam/ vnd fraget die hüttern alle gestalt vnd wesen seines lands/ er gieng inn betlers weis/ darumb er durch barmhertzigkeit von eim alten man Sybotes geheissen der etwan sein Portner was gewesen/ gar schon empfangen ward/ vñnd aller sachen seins lands wesen/ vnd seiner keüschē Penelope bedrang vñ den werbern/ ganz vnderichtet/ In dem fügt sich vngesarlich/ dz er sey nen son Thelemachum von dem künig Menelao reyttend ersah/ den er durch den Portner erkennet/ den berüfft er vnd offenbaret jm alle heimlichkait/ vnd was züthün jm vermaint wär/ also ward er heimlich vnbe kannter von Sybote/ in sein land vnd sal gefüret/ Vnd als er ersah/ wie die bälern sein güte also verschwenden vnd vnnützlich verzere/ vñ wie Penelope irem ansüchen so krefftiglich begert widerstand züthün/ ward er in grossen grimmen wider sich bewegt/ vnd mit der hilff seins alten Sybotes vnd Philicie seins hirtē/ vnd Thelemachi seins sons/ nach beschliessen dthüren des sals/ vñnd stünd er die jüngling zütöden/ als die ob dem tisch sassen/ in freuden lebend/ do ward von jm erschlagen Eurimachus d son Polybi/ Anthinous der son Amphionis/ Crysippus vñ Samia/ Agelaus vnd ander/ der keinen er/ nach manigfaltigem Bittē begnaden/ ob jm sein lebē fristen wolt/ Er lief auch Melantheum seinē gaifhürtē ertöden/ vñ alle die frauw vñ man die seinē widersachern/ gegē d frauw beistand gethō ob mit inen freünd vñ wollust gepflegen hetten/ damit er sein liebe Penelope/ auß angst vnd sorgen d bälern erledigt/ die in erst zületzt nach diser geschicht/ doch hart erkennen/ vnd mit grossen freuden/ höchster eeren vñnd

würdige

würdigkelt lieblich zu jr empfieng/darumb sye zu ewigen zeitten durch ih
so lang vnd oft versüchte/vnnd behaltne raimigkeit/inn gedächtnus der
menschen tief geschriben/zü vnderweisung der andern witwen/Wiewol
sy Lycophon der newest vnder den Griechischen Poeten/inn seinem ge
dicht etwas schuldiget/vnd gibt für sie durch des alten künigs Nauplij (d
damit seines suns Palamedis tod/zürechnen vor hett) vberredenn bewegt
worden/des sie gleich wie ander Griechisch künigin / so von ih verfürtt/
sich inn ain offentlich geschray vnd hürenleßen Begeben/vnnd mit etlichem
werden jr darzü gefellig/vil vnkeüschet werck getriben/darinn ihm doch
gar nit glauben zugeben/dieweyl sonst all ander treffentlich geschichtschrei
ber vnd Poeten/das widerspil halten/vnd alle welt wider in hülff bezeü
gen/darauf wol abzänemen/das er ihr vnbillich solche schmach vnd ver
nachtailung zümist/dan es ye wunderbarlich zühören/vnd noch vil mer
vn menschlich zü glauben wer/das sich ein solliche lang inn eheren bewerte
scaw/leichtlich vermailigen lassen solt.

Von Launia der Künigin Lau rentum.

Das xxxix. Capitel.



helt/vnd groß geachtet, in gedächtnus der menschen beliben ist/von den
Kriegen vnd streyten Lene wider Turnum/von irent wegen beschehen/
wann von ainigerlay ander iren loblichen getäten/Die self Launia auß
fürbündiger zier irer schöne/auch darumb das sy ihres vatters Reichs ain
niger erb was/warde von Turno dem fraißigen König Rutulorum
innbrünstiglich begert/ihm die zum eelichen weyb zugeben/Darzü gab
ihm Amata der Junckfrawen mäter/güte hoffnung vnd gunst/darumb
das er jr tochter sun wz/doch von ein andern vatter/Aber Latinus auß

L aunia die kün
igin Lauren
tum/von dem
König Saturno/
auf Creta/die nu Cas
dia haisset/herkommen
ist gewesen ein ainige
tochter Latini/des kün
nigs/vn Amate seiner
hausfrawen/die war
de zülest dem hochbes
rämsten fürsten Lene
vonn Troia zügemä

G iij Übung

Boccatius von den

Bang künstige ding / für zu wissen / hett auß antwort der Götter sovil ver-
nommen / das sein tochter einem frembden Fürsten solt gemahelt werden /
darumb er die hinzugeben stätigs auffzug süchet / Vñ zühand als Eneas
flüchtiger von Troia was / in Italam kommen was / vñ von Latino freunt
schafft vnd frids begert / des er auch von im gewert warde / vnd vmb sein
hochgeadelt herkommen / auch darumb dzer sölich in fürbetrachter weissas
gang erkennt hett / gabe er sein aynige tochter zu eelichem weib / Darumb
gar grosser krieg zwischen Enea vnd Turno erwächs / vnd als durch her
te streyt mit mancherley blütnergießen vñnd todtschlege der edlesten / die
Troianer zulest oblagen / vñnd ganz gesigten / ward Enee mit hochzeyt-
lichem fest Latinia zugelegt / Darumb Amata in sollich trauren vñ laid ge-
setzt ward / das sy mit eym strick ihr leben endet / Doch sagen etlich sy sey
ihm vor dem streyten zugelegt worden / Aber wie dem / so ist doch wissen-
lich das Latinia von ihm geschwengert ward / vñnd ehe sy des kinds ge-
nass / erranck Eneas inn dem wasser Numicus geheysen / vñnd vnder-
wand sich Ascanius der sun Enee des Reichs / aber Latinia besorget sich
vor ihm / wann er was ihr stieffson / darumb floch sie / schwanger von sei-
nem gewalt in ein wiltnuß / darin sy einen sun gebare / den sy Iulium Syl-
uium nennet / Inn kurzer zeit darnach / erzaiget Ascanius sein gütigkeyt /
gegen seinem brüder vñnd stieffmüder / vñnd entwich ihn vngebeten auß
Alba der statt / die Eneas im selbs gebawen het / vñnd verließ Latinie ih-
r väterlich erb vnbesümmert / Daselbs auch die hochgeborene frau auß vä-
terlichen synnen / mit oberster vernunfft wol vnd löblich regieret / so lang
bis jr sun Syluius erwächs / inn jaren vnd weisheyt taugenlich das Kün-
nigreich zubesitzen / Doch sagen etlich / als sy wider auß den wälden berüf-
fet was / wurd sy Melampo zugemahelt / vnd Syluius ward von Asca-
nio inn brüderlicher trew freündtlich erzogen.

Von Dido oder Elissa der Kün- igin zu Carthago.

Das xl. Capitel.

Die vor Elissa geheysen / ist die erst bawerin / vnd darzu vol-
gents Künigin der mechtigē stat Carthago gewesen / Der selbē fra-
uē lob / müß ich ein wenig mit meinē schreibē weiter begreifen / da-
rum das ich den verdacht vñ bezüg jres witwenstands vnbillich vñ etliche
zugesessen / dest stattlicher ablainen müg / vnd von dem anfang zusagen /
so seind Phenices das hoch vernunfftig sinnreich volck / vñnd den ferre-
sten Aegypten / vorzeiten inn Syriam vber meer gefaren / da sy vil herli-
cher stett haben gebawen / Vñnder denen was der oberst regieret / künig
Agenor / der nit allain zu seinen zeyten / sonder auch bis auff vnns / durch-
leuchtend / vñ weyt berümpft gewesen ist / von dessen geschlächtt hatt Dido
jren vñ



sagte/ Elisam sein Schwester gaben sy zu weib/dē oberste nach dē künig bey
 den Tyriern/8 Aterbas oder Sicheus geneint/vñ des obersten amptsder
 priesterschaft Herculis verweser w3/die auch einand heyligklich in der ee
 lieb heten.Pygmaleon aber was für all ander tödtliche menschen von der
 geyzigkelt also beseffen/das er von gold nymer trawet gesettiget wer/
 den/ So was Aterbas vber reich am golde/ Aber als er seines schwa
 gers geyzigkelt erkundet/hielt ers also verborgen als er mocht/doch kund
 er das gemain geschray seiner reichthumb nit vertrucken/durch das Pyg
 maleon weg süchet/wie er des golds bekommen möcht/vnd ließ in hainlich
 vnuerarckwonet/ermorden/Da es Elissa innen ward/trüge sy den tod
 ihres gemahels so vnleidennlich schwer/das wenig vber ward/sy were
 sampt ihm gestorben/Da sy aber vil zeyt mit ihren zähern vertriben het/
 vñnd iren liebsten man Aterbam/offt vnuerfengklich berüffet/vñnd iren
 Brüder schwärlichen zu allēzeiten verflüchet/raach Begerend/warde sy in
 dem schlaff gemanet/als sy auch oft vor wachend weiblich bedacht hett/
 von ihrem Brüder züfliehen/das sy vmb seiner grossen geyzigkelt wegen
 nicht auch getödtet wurde/Darumb leget sy hin weibliche weichmütig
 kelt/vñnd festiget ihr hertz mit manlichem gemüt/deshalb sie dardurch
 nachmals den name Dido empfangen hat/das ist souil in irer spraach/als
 eyn manlich weib/vnd ward vor allen dingen gedencken/wie sy die für
 sten der stett/die von irem Brüder inn mangerlay weg beschwärt vnd bes
 schediget waren/an sich zug/inn ir fürnemen züwilligen/Da das beschach
 ließ Dido allen schatz ihres manns/vñnd souil sye dem brüder empfüren
 mocht/hainlich tragen in die schiff/die er sy zünerschicken zügericht hett/
 Vnd mit wolbedachter gescheidigkelt/ließ sy vil der seck vnd trüchlin mit
 sand gefüllet/vñnd wol beschweret/zü gleichsynen/das ihr schatz darinn
 weren/auch inn die schiff offenlich tragen/vñnd für also von dannen mit
 allem volck

re. vrsprüng empfangē
 Vñ als ir vater Belus
 die Inseln Cypren be
 zwungē hett/endet er
 sein tag/vñnd befaldh
 das junckfrewlein vñ
 ihren brüder Pygma
 leonem / der nun eiter
 was / den herin vñnd
 burgern des lannds /
 die in zühand darnach
 inn dem künigklichen
 thron seines vatters /
 das Reich zü regieren

Boccatius von den

allem volck / das jr mithellig was / dem grössern thail vnwissend / was jr
 fürnemmen were / Aber so bald sy auff das hoch meer kommenn waren /
 do schüß sy die selben beschwerten seck vnd truchen darein zuwerffen / da
 rab meniglichen verwundern het / wer jres geheims nit vndericht wat /
 Vnd auff das redt sy zu den mittschiffendenn also. Nun will ich den tod
 geren leidenn / des ich oft begert hab / so mir nun so güt wordenn ist den
 schatz in das meer zuversencken / vmb den mein liebster gemahel von dem
 geizigen Pigmaleone gestorben ist / Aber ich hab mitleiden vnd erbermd
 vber euch / wann ich waif wol / keren wir widerumb zu meinem geizigen
 brüder / das er euch all mit mir eins grimmen tods / nit last vngefestiget /
 so er mercken wirt das der schatz versencket ist / vñ das zuwenden / so hab
 ich mein gemüt gefestiget / nit mer zu meinem brüder zukommen / vñnd er
 beüt mich nach meinem vermügen / allen die mit mir wollen redlich vñnd
 hilfflich zusein wohin wir kommen / vñ sie nimmermer zuerlassen / Do dz die
 schiffleüt hörten / wiewol sy jr väterlich wonung vngern verliesen / dan
 nocht vmb sorg auff den tod / des sy von Pigmaleone warted waren / ver
 willigen sy leicht in die frembde mit jr zufaren / vnd werten jre schiff vnd
 kommen durch der frawen vnderrichten in die Insel Cipern / Do funden sy
 die junckfrawen nach jrer gewonhait an dem gestat sitzen / den gestē lieb
 liche freud vñ kurzweil zūmachen / zū eere Veneri der Göttin / vnd beson
 dern opffer / damit sy das menschlich geschlācht in wesen behielten / Die
 nam sy all mit jr / vnd den obersten Priester mit allem seinem haufgesind /
 von dem sy vil künfftige ding vernam / die von jrer flucht wurden erstan /
 Also farend verliesen sy Candiam hinder in / vñ Siciliam zu der gerech
 ten hand / vnd kommen an die gestat Africe / da sy maineten jrer grossen
 arbeit wol rüe zūfinden / vnd sicherheyt der schiffung / vñnd lenden das
 selbs / zūhand ward ein grosser zūlauff von dem nahend gelegnen volck /
 vmb begird der frāmbden gest zūsehen / vñnd etlich brachten speis / etlich
 ander kauffmannschaz / als dan gewonlich ist / dardurch sy zu baiden tay
 len gemeinen willen vñ gunst erholten / vnd auß freündlichem zūsprechen
 wurden sy erkennen / das der einwoner güter wille wäre / das die gest bey
 in beliben / Darzū auch die inwoner vñ nechstgelegē stat Urica rietē / die sel
 ber etwan von Tyro auch dahin gefaren warn / Vnd wiewol sy vernam
 das jr brüder sich rüstet wider sy zukriegen / danocht belib sy vnerschrocken
 vnd bedacht an den selben enden sich nider zūlassen / vnd das sy nit wurde
 verarckwonet / grosse ding zūvndersteen / so begeret sy souil lands / darauf
 sie ain siz vnd wonung barwen möcht / als sy mit einer ochsenheit vmbge
 ben künd / vñ als jr souil bodens verkaufft ward / lief sy die haut in so klai
 ne riemlin schneiden / das sy vil mer lands damit vmbfieng / wann die ver
 kauffer inier gedacht hetten / vnd sienge daselbst an den grund zū graben /
 da fand sy bald ainen roßkopff / das von auflegung der warsager bedeu
 tet / das ein gewaltige / streitpare statt der end gebawen würd / vñnd nen
 net die

net die statt Carthaginem / vñ dz schloß darin Byrsam / vñ d ochsenheüt al
 so gehaissen / Da lief sy erst jr mitgeferten recht sehen den schatz den sy vor
 verborgen het / ermanet vñ behertziget sy zu freuden / vñ d güter hoffnung
 künstiges gelücks / Zühand ward durch willige arbait / menigklichs / der
 tempel / die meüren / die gemainen beüw der statt / vñ die anders schnell
 ligklich auff gericht / da wurden dem gemainen volck Recht gesetzt / vñ d
 ordnung gegeben / burgerlich vñ wol inn ainigkeit zu leben / Durch das
 auch vmb jr vber grosse schöne / adeliche gebärd / hohe tugent vñ stätige
 keyt / ihrer eeren ward sy also erhebt / das ihr lob in dem ganzen Affri
 ca ward außgestraitet / Durch den rhüm / wañ alle mann von Affrica zu
 schneller blödigkeyt vñ d leiblichen lust genaiget seind / ward der König
 Musicanorum innbrünstigklich bewegt zu ihrer lieb vñ freunt schafft / vñ
 vermainet sy durch trawözuerwerben / vñ empot dem oberste vñ d statt /
 Es wer dan sach / dz sy im die Königin gebē zu ein gemahel / so wölt er die
 stat zerstöre / Als die aber dz vernamē / wardē sy seer betrübt in iren hertze /
 Wañ sy wistē dz eerlich vnbeweglich fürnemen der keüscheyt ihrer frawē /
 darwider besorgte sy dē König / wa sein will nit für sich gienge / dz sy ganz
 von im vertilget wurden / Vñ als die Königin fragen ward ihres traw
 rens vsach / getoisten sy die warheyt nit sagen / vñ erdachten einen lyst /
 mit dem sy jr fürnemen möchten volbringen / vñ sprachen / Des Königs
 begeren wer / sy solten eins vñ d der zweyen erwölen / das sy im etlich der
 besten senden wölten / die ihn vñ sein volck nach ihren gesagen leben ler
 ten / wañ er sein fräuels vnlöblichs wesen wolt hinlegen / oder aber das sy
 zerstörung der statt durch krieg erwöleten / Nun waren sy vnmütig da
 rumb / das sy nit wisten wölichen sy darzu ordnen solten / wann kainer vn
 der in wolt geren sein wonung verlassen / vñ zu dem fraissamen wütrich
 kommen / in zülernen / Das edel blät mercket nit was vntrew inn ihrem
 worten verborgen lagen / vñ keret sich kecklich gegen in vñ redt also / O
 jr mañlichen burger / was leichtfertigkeit ewers gemütes ist das / O was
 tragheyt des leibs / Wissent jr nit das wir vnserm vater vñ dem vatter
 lang geboren werden / vñ d das kainer burger namens würdig ist / er ge
 thür dan vmb gemeinen nutz nit alleyn vngemach leiden / sonder auch den
 tod / wa es sich also begäb / vñ nit andst sein möcht / Darumb gant frölich
 vñ macht euch keyner sorg vñ d erwürffig / damit jr verheerunge des lands
 müge fürkominen / Durch dise red maintē sy die Königin gnügtsamlich gefä
 gen haben / wañ so jr rat were / von gemeines nutz wegen sorg züleyden /
 so wer gar kleyner schad / das sy auch das zühalten / einen mañ neme / vñ
 eröffneten jr des Königs begeren / Als sy aber mercken wardē / wie sy sich
 selber durch iren eygen rath bestriekt het / getoist sy sich sollicher vntreuwe
 der iren nit widersetzen / vñ erseüffzet seer inn irem gemüt / vñ gedachte
 wie sy iren fürsatz der keüscheyt irem mañ zu behalten / festigen möchte / vñ
 fand auch das sy darzu mainet bequemblichst sein / Vñ d gabe ihn solliche
 antwort

Boccatius von den

antwort/so ferz/dañ jr will wer/das sie heiraten solt/wöltten sy jr dan zu
 geben/so wölt sy wider in die ee treten/dz ward jr geben/Vnder den wei-
 len kam Eneas auf der zerstörten stat Troia flüchtig/vngesährlich freud/
 an jr gestatt/der auch wol von irem mann zu behalten/als jr stäter fürsatz
 was/vnd ee den tod erwölen/wann den selben willen brechen/lief sy inn
 der obersten höhe irer wouung von dürem holz ein hauffen zusamen tra-
 gen/nach ihrer gewonheyt in aim schein/als ob sy irem mann Sicheo jar
 zeit began wolt/darzu sy auch alle opffer vnd hostien mit geordneter zeit
 beraiten lief/Nach dem gieng sy auff den zügerichten paw/vnd sprach zu
 iren burgern/die sie darzu berüfft het/vnd mit verwundern ihres fürnem-
 mens zülügen/lieben burger/erw begeren ist/das ich wider in die ee kom-
 me/darumb o Sichee/Sichee/Sichee/so Beger ich/vnd will zu kaynem
 wann zu dir/Mit disen kurzen worten setzet sy eyn messer/vor darzu ge-
 ordnet/vñ haimlich vnder den klaidern behalten/an jr hertz/vnd viel gä-
 ling darein vor irer aller angesicht/vnnd ehe sy jr gehelffen mochten/ver-
 goß sy sonil raines blütes ihres keüschhen hertzen/das alle hilff vmb sonst be-
 schach/vnd gieng also inn den tod/O vnuermailigte zierd der rainigkeyt/
 O ewige/erwürdige/vnbekrenckte schöne des wittwenstands Didonis/
 alle wittwen sollen sonderbares auffsehen zu deiner sterck haben/vnnd al-
 lermait die Chrißlichen frawen/wie du dein aller reynests blüt/deynem
 gemahel trew zühaltten vergossen hast/sollen sy innerlich anschawen/vnd
 inn sonderheyt denen/die nit allain zu dem anderen mann zukommen leicht
 gewesen ist/sonder auch zu dem dritten oder noch mehr/Was werden sie
 sprechen? sag mir/Bitt ich dich/zü der zeyt des Jüngsten tags/wann alle
 menschen rechenschafft vor einander geben müssen aller menschen/so sy se-
 hen werden die Saydnischen frawen vor ihn stan/der auch Christus nam-
 men was vnbekannt/die jr rainigkait vmb zeitlich lob/mit so stättem ge-
 müß/mit so starckem hertzen behalten wolt/das sy lieber inn den tod von
 irer aignen hand gethan geen wolt/wann inn die anderen eelichen gema-
 helschafft/Doch möcht eine vnserer weiber/die behend seind lüftig aufre-
 den/irer geschicht zü süchen/also sprechen/Mir was wol ein ander man zu
 nemen/mir waren vatter vnnd brüder gestorben/ich was ganz von me-
 niglichen verlassen/ich hette von niemandt weder rath noch hilff/Dar-
 zu so habenn mir der vnnd der sonil güttes zü gesagt/so bin ich auch blüt
 vnnd flaisch als ander/vnd kundt mich nit mehr den gebeten widersetzen/
 ich bin doch nit stainin/O was spötlicher vrsachen/Zü wölichem freünd
 mocht Dido jr vertrauwen setzen/was hilff oder züflucht het sy/jr aigen
 brüder was ihr nit alleyn vnhilfflich/sonder auch ihr schedlicher seynd/
 Hett nit Dido vil Künigklicher häler/was nit Dido auch blüt vñ flaisch
 hüpscher wann keyne heüt lebend/dannocht ee sy jr keüschhe stättigkeyt bes-
 flecken lief/das sy mit stercke des leibs nit gefliehen mocht/vberwand sy
 mit irem sterben/aber wir gelaubigen dürffen nit sprechen/das wir ohne
 hilff ver-

hilff verlassen seien/wann vnser gütiger vatter Christus ist allweg bey vns/hilfflich allen denen die zu im fliehē/meinst du mit der die kindlin in dem bünnendē offen behalten hat/der Susānam von der falschen gezeitig knuff erledigt/der müg dich auch wol beschirmenn/wenn du es begerst/neig de ine augē gegen derdē/verschop die orn/vñ stell dich festiglich wid die sturmgüß der schmaichenden büler/vñ ter den mantel gegē dem wind so wirst du behalten/villeicht komit ein andre vñ spricht/Ach ich het große reichumb/vil d ligendē güter/schöne heüser/künigliche haußrat/gold vnd silber vberflüssig/das wolt ich nit geren erblos zergan lassen/darum hab ich den andern mann genomēn/das ich erbē von mir verlasse/O törlliche begird/hett nit Dido ein ganzes künigreich on leiplich erben/het sye nit künigliche reychumb/dannoch wolt sy nit mütter werden/wañ sye gedacht auß obrister weishait/das nichts törllicher geschehen mag/wann im selb zerbrechenn vnnd eynem andern bauwen/wie möcht sie dan die reynigkait (res herzen vermeyliget haben/darumb das sy frem landt ein herren vberkām/vmb das hastu vil güts/verleür es nit/sonder gib es den armen Gottes kindern/damit du dir einen sal bawest in der ewigkait/dē keyn seind zerstörenn mag/darmit du kressstgliche deyn reynigkayt vnangefochten beschirmen vnnd behaltenn magst/so kompt die dryt vnnd spricht/Ich byn vonn meinen freündenn bezwungenn/mein vatter wolt nit anders/mein mütter hieß mich es/es ist aller meiner fraind gemainer rath/ich hett je sonst keinen andern mañ genömē/Solch wort möcht man den vnuerstendigen fürhalten/wann wär eigne begird vnd gaile nit dar bey gewesen/sie möcht alle red/vatter/mütter vnd aller freünd mit einem nein wol verworffen habē/Dido wolt lieber sterben wañ besleckt leben/vnnd du wilt lieber schamrot leben wann neyn sprechen/Es möcht dye vierdt komē/die sich spitz weyser bedeuicht vnnd sprechen/Ich was jung so ist wissenlich/wie das jung blüt seüdet/dem ich auch nicht widerstand thün möcht/so spricht d zwölffbot Paulus/es ist besser widerüb gmähelt werden wañ bünen/so hab ich seine rat gefolget/O wiewol wär dz geret wen ich die keüschheit vnserer weyber nit erkant/Wz nit Dido anch in büle der jugent des warmē blüts/do sy jr gemüt festigt/die reynigkait stat zü behaltē/O grosses vbel dz du dē heilige rat Pauli dein vnkeüschheit zübedeckē herfür zeüchst so du d selben mainüg/darüb d rat gebē ist/nie geachtet hast vñ wär löblich/zübedenckē/so wir verlorē kressst des leibs/sittlich mit güter speiß/emsiglich bedencken wider zübringē/souil dz fast darumb dz blüt etwan erhizigt in begirlichait/dz wir also das wütend ansechtend geplüt mit arbeit vnd miderung d speiß/zü mern vñ erkülden von d hiz/dz Heidenisch frewlin/die do mocht vñ zü mliche eer dē wütendē blüt widstan vnd es bezwingē/warum solte dz ein Chrustenliche frauw nit vermüge/vñ ewige eer vñ glori züerwerben/aber laid/so wir weg süchē vor Got züerbergen dise missethat/dē doch alle ding sind offenbar/so enziehē wir vns die

5 zeitlich

Boccatius von den

zeitlich eere vnd die ewigen freud / vnd zwingen vns inn die tieffe zu fallen
 auß dem niemāt mag auffsteigen / Darumb werden sich Billich schāmen alle
 die den todten leib Didonis ansehen / vnd voraus wann sy die vrsach ires
 tods betrachten / das sie vō einē Heydnischē Weyb / mit loblicher keuscheit
 sollē vberwundē werde / Es sol auch kein witwe gedencken / dz sy ir mān
 gnüg gethon hab / damit dz sy in weinet / vñ ein schwarzes kleid vñ breite
 sturtz tregt / ir gemeinelieb soll wern bis in dē tod / wil sy irē mān in rechter
 lieb vnd freuntschafft versprochen sein / vnd gedencken mit fürbaß in ander
 hochzeit zegā als mange thūt / mer darūß dz sy ir böse leibliche wollust vol
 bringe / wañ vñ heiligkeit dē ee / vñ wöllen lieber in verlassenheit gemerckt
 werden / wañ dz lob dē reinigkeit behaltē / Ich beken zūnil wider die witwē
 geredt haben / aber wer mag sich allweg wid die bewegnuß des gemüts
 bezwingen / Darūß bit ich mir die lesendē zūnergebē / woz ich zūnil gschribē
 hab / so wil ich wid kōmen auß mein fürnemen. Die burger klagtē ir todte
 künigin Didonē / vñ begiengē sy auch mit allein nach menschlichen eern / son
 der auch mit zierden vñ opffern / die nach irer gewonheit den Götten bes
 schaben nach allē irn vermügē / vñ mit allein zū den selben zeitē / sond ward
 ir solche eere jārlich dieweil Carthago stünd zūgeaignet / sy ward auch zū
 andern zeiten stättiglich als ein Göttin von inen geeret.

Von Nicaula.

Das xij. Capitel.



Nicaula ist auß
 dē festē No
 renlād gebor
 ren / vñ vmb dz sy auß
 einē wilden vnartigē
 rauhen lād / an sitten
 vnd wesen des volcks
 inn so grosse weisheit
 kunst vñ hochwirdig
 kait kōmen ist / wirt sy
 billich für and weit ge
 rāmt / Sy ist gwesen
 zū dē zeitē als die Pha
 raones in Egypten abgiengen / vnd ist auch von irn geschlecht her kōmen
 Man sagt auch vō ir / sy sey ein künigin gewesen in Ethiopia dz ist dē No
 renland / in Egypten vnd in Arabia / vñ darzū grosse reichumb gehabt in
 der Insel Neroe / da dz wasser Nilus fleisset / darūß sy auch sonil güts het
 von gold vñ silber / dz sie geschätzt ward meniglich in aller welt damit v
 bertreffend / Doch war sy in sonil reichumb nie müßig / noch in weiplicher
 waichmütigkeit gefunden / sonder allweg in übung dē weisheit vñ künste
 zūlernē

zülernen fleißig vñ vnuerdrossen/souil das sy in 8 Götlich geschriffte gerde
met wirt/vnd ist die so man Saba neinet/Als sie aber hört durch weiten
Berüff d welt/von 8 größten weyfhait des künigs Salomonis/het sye so
groß verwundern darab/dz sy sich vil nahe/vö ende der welt erhüb/ir kü
nigreich/Egypteland vñ dz rot meer verlief/durch die wüste Arabia mit
künigliche heer in grossem kofen gen Jerusalem kam/in zusehen/souil dz
der reichst künig Salomon/ab diser frawē großmechtigkeit verwundn
nam/Als die aber nach künigliche eere mit grosser würdigkait vö im em
pfangen ward/vnd etlicher fragen von im wol bescheiden vñ vndruchtet/
bekenet sy offentlich seine weyfhait aller menschen kunst sin vnd weisheyt
weit vbertreffend sein/vñ on zweiffel nit/aus menschliche lerne/sond von
der götliche gnad geflossen/Nach dē vereeret sy dē künig Salomonē mit
manigerlay herlicher gaben/vnder denē waren Balsam sämlin/die Sa
lomon hinnach zu dē weier Asalidis pflanzē ließe/sy empfieng auch wid
umb gaben vö dē künig/vnd wendt darnach den weg in ir künigreich/Es
sagen auch etlich/sy sey gewesen die künigin Neroe/die man hinnach Can
daces neiet/von der alle künig in Egypten Candaces langzeit geheissen
wurden/zügleicherweiss als sy vor Pharaones genant waren.

Von Pamphile Platre.

Das xliij. Capitel.

Pamphiles ist ein Griechische fraw gewesen/aber von welcher ge
gend/hat das alter hingefürt/Wiewol sy nun von irē gschläch
hoch züloben nit gefunden wirt/so hat sy doch den gemeinē nutz
etwz gemert/darumb sy auch billich etwz lobs empfaen soll/wan es ist
nichts so klein news erfunden/das mit ein zeichen sey subtiler synn/darum
der mensch zü eeren ist/So dan diese Pamphiles die erst gefundē hat bau
wollen auf den knöpfen züschelen/die zopffen/kenien/spinen/vñ tuch das
rauf machē/dz alles/vor irē findē d welt wz vnbeät/sol sy auch billich zü
andn sinreichen frawē gsetzt vñ mit zimliche lob geeret nach irē verdienen.

Von Rhea Iliä.

Das xliij. Capitel.

Rhea Iliä ist etwann vmb ir adelichs geblüt für all ander frawē
in Italia hoch berümbt gewesen/wann sy hat iren vrsprung von
den künigen Sylujs/die nach dem tod Enee des eltesten Fürstē
von Troya/der selben die letsten seind gewesen zwen brüder/Amulius 8
jünger/vnd Numitor der elter des tochter sy gewesen ist/Dieweil sy aber
noch ein klain mädlin was/Begab es sich das Amulius innbrünstiglich
Begeren ward allain zü regieren/vnd wider alle recht durch eygen gewalt
vertrib er seinen brüder/vnd doch/das er nicht zühart wütend/vnd inn
S ij seinen

Boccacius von den



seinen brüder gar er
würgt/ zwang in so
nachend gspischaft
des geblüts/dz er in
doch müßiggehend
in dem gā wonend
lief/ aber seinen son
Lansum hieß er ellē
diglich ertödtē/ da
mit er on sorg were
das er ihn mitt auch
künd widerum auf
treiben / vnnnd das
reich seinem vatter

zūgeben/das junckfrewlin Lansu Schwester lief er bleiben / doch das er
dest gewiser wäre/das kainerlay frucht von jr geborn wurd / durch die
eintrag in künfftig zeit beschāhe möchten/er gab sy in gaislichen orden &
Göttin Veste/vnd versperrt sy zū andern junckstrawen in jr kloster / darin
sye wigē keuscheit gelobē müß/ Aber da sy bas erwüchs/ ward sy mit fraw
Venus begirlichkeit geraint/ doch in wölchen weg weiß niemants/dz sy a
ber zū manlichem vmbfahen kōnnen sey/war jr grosser leib beweisen/wan
sy gebar einer geburt zwilling Komulū vnd Kemū die anfenger / stifter
vñ vätter der mächtigsten stat Rom/vñ solch verschulden/wiewol sy ein
kūnigliche fraw wz/wurden die kind hingeworfen in die wildnus & thier
vñ nach dē alten gefazē die mütter lebendig vergraben/vñ wiewol d leib
begraben ward/ so ist doch jr nam durch die grossen geschichten per kind in
ewiger gedächtnus hoch gewirdiget/den doch der wüterich gern vertilgt
het/Wann ich dise Rheam betracht/vnd sihe wie die geistlichen kleyder
souil der werck Veneris vnkeuscheit vnd büberey bedecken/so mag ich nit
enthalten/das ich ire vngestümigkeit mit verspote/Es seind etlich geitig/
die ire kind vnd gestalt der andacht in die klöster zwingē/andere elter aber
die jungern in kindlichen tagen so hart ziehen/das sie hinnach durch gūts
eingeben sich bereden lassen/vnd in hoffnung senfters lebens/gerner dar
einkōmen/vnwissend was sie thünd/vnd sagen sy habē dem Allmechtigē
ein kind geopffert/das durch sein gebet vō Got den todten vnd lebenden
vil gnad erwerben soll/damit vñ des gleichen wölle sy jr arglistig fürne
men beschōnenn / O vnbesinnte heüpter / wissen sye nicht was müßige
Weiber in des dienst Veneris betrachten/wie begirig sy seien irer Ritter
schafft zūpflegen/souil das sy oft das streng leben der gemeinenn Ritter
schafft Veneris/dem Klosterlichen orden fürsetzen/Vnd als oft sy von ge
mahelschafft hören/wann sie weltliche kleyder ansehen / guldine kleinat/
spengelin/gürtel/ring oð dē gleichen/pfeiffen hörn/hochzeiten/höflin oð
tanzlin wissen/so erseuffzen sie tieff auf irem hertzen/vnnnd klagen jr vñ

gefell das sy der freuden sollen beraubt sein/dann verflüchten sye kütten vnd den schapler mit dem weil/vatter/müter/vnd alle die hilff oder rat darzü geben haben/vnnd ist jr stätt gedencken wie sie mit süg wider auß dem Closter kommen/oder aber wie sy ihre Bülen verstolen zü in bringen möchten/darumb so in die offen gemahelschafft verschlossenn ist/das sye doch fraw Veneri heimlich bitt jrer Ritterchafft züereren mit inen bringē das seind der jungen frawen Chorzgang/vnd jr andacht vñ abend gebet nit jr aller (das ich nit zeweit gange) aber eins grossen teyls/durch löblich gebet/werden jr vatter vnd müter/vñ andere die darzü hilff gethon (vñ in ein solche gefängtnuß sie gelegt haben) haben/gen himel steigen/als ein kñ in ein mausloch/O jr ellenden freünd/wann jr betrachten was eüwer frucht seie/darumb jr die kind in Clöster stossen/so findet jr vil mer vbels euch selb darauff entspringen/wan jr güts gehoffen mügē/euch erwachsen oft vnreine ofensbare werck vñ keüschheit/eerlose geburt/vertragne kind so ich auch deren geschweig/die heimlich getödt werden/vnd durch boßheit vertriben/darvon ich nit reden will/vnd oft flihend sie schantlich auß den Clöstern/die jr nicht mit der hailigenn Le versehen wöllen/Darumb sollen die thoren mercken/auß främbdem vbel/künfftigen schaden fürzükommen/ob sy anders fürnāmen/wann kain kind soll vnwissenlich noch gar jung/noch vngezwungenlich in ein Closter getrungen werden/wann sollich offer solcher keüschait seind Got dem hern vnannāmlich/Sy sollend in jres vatters haus von kinds wesen auff/erberlich mit güte sitten erzogen werden/vnd darzü kommen sein/das sy in jrem gemüt wol erkennen mügen was sy thünd/vnd sollen mit gütem vorbetrachtem willen/das joch ewiger keüschheit/armüt/vnd gehorsame auff sich nemen/vñ ob sollich gar selten gefunden wurden/so wäre doch vil besser junckfrawen ein klain zal inn den Clöstern/wann ein grosse/deren/ von denen die heiligen stet geschmehet vnd enteert werden.

Von Sana Cyrilla.

Das xliij. Capitel.

Sana Cyrilla/wiewol ich jres herkommens vnd geschlechts halben kain sonderere meldung befind/vermüth ich / sie seye ein Römische edle fraw/oder aber auß Serruria erborn gewesen / auß vrsach das sie des Römischen künig Tarquinij Prisci lieber gemahel sein solle/so sinnreich/wiewol sy eins Römischenn künigs Weyb was/das sye müßig gand inn jrem Küniglichen sal nimmer gefunden war / sonder als sie sich zü der arbeit der woll geben het/das zü den selben zeiten den Römischen edlen frawen eerlich was/ward sie sich darinn so fleyßig erzeigē das jr namn bis auff den heutigen tag geert wirdt / vmb jren heüßlichen

S ij fleiß/

Boccatius von den

fleyß/ sy ward auch bey iren lebenden zeiten also gewirdigt/ Zu den zeitē da alles Römisch volck jr eere vnd wirdigtait verfahren/ vnd vō menig Elichen ward lieb gehabt/ das sie ein offen gebot sagten/ wölche newe gemahel/ das erstmal/ inn jres mannes hauß gefüret wurde/ das man sy vnder der haufthür fragen solt wie sie hieß/ vnd sy als bald darauff antworten solt/ sie hieß Gaia/ zu einer ermanung/ das sie auch der selbē Gaia solten nachuolgen/ wiewol nun das von den vnwissenden klein gescherzet wirt/ so ist es doch den weysen ein grosses anzaigen/ hoher weyßhait vnd vernunfft der löblichen frawen/ darumb jr billich nit vergessen wirt.

Von Sapphos der Poeten.

Das xlv. Capitel.



Sappho Lesbica von der stat Mytilena geboren ein gar treffentlichs Weybs Bilt/ wiewol mā vō irem herkonien vnd geburt/ nichts ands find/ wen wir aber jr kunst vnd bücher ansehen/ die sy gmachet hat/ vnd doch den merern teil von

dem alter verschliffen sein/ so mügenn wir wol darauff samlen das sye von hoher vernunfft auß adenlichem geblüt entsprungenn ist/ wann kein Beirische geschlächet möcht ihre werck nimmer versucht haben/ sonil das sie nit allain bemühen wolt haben an dem büchstaben zu lesen/ vnd in außsprechen/ zūsamen thün/ sonder auß innbrünstigem willen zu der lernung fügt sy sich zu den höchsten meistern/ grüntlich die kunst der rechtē Rhetorica nach ordnung zülernen/ aber also das sy für ander meyster/ in solliche künsten/ auch inn Musica/ vnd übung aller seyttenspil hoch geprißen vnd verrümbt ward/ nit on sonder grof verwündern der oberstē meyster/ wen es in schwär zūschätzen was. Umb solche hohe kunst vnd vernunfft/ ward jr ein eeren bild zū lob auffgesetzt/ nach iren namen Sapphos saul geneñt vnd sy vnder die besten Poeten gezelt/ solliche eere mag nit leicht werde die Kayserlich noch Päpstlich kron/ weder Bischoff hüt/ noch siglich palmen zweig/ die man den vberwunden pflegt zugeben/ Aber solten wir alten schrifften glauben geben/ züglicher weyß/ wie sie wol vnd seliglich gelernet hat/ also ward sy von vnßaliger lieb eines jünglings hart gefangē/ vnd

vnd darinn also behafftet / das sy sein abwesen vber die maß vngedultig /
 klich getragen mocht / Vñ dem sy auch traurige / newe maisterliche gedicht
 machet / die noch vñ irem erfinden her auff den heütigen tag / irem namen
 nach Sapphica geneit werden / darinn sy iren vnmüt vnd ellend erklagt
 te / vnd ist gewesen zu den zeiten Ezechielis vnd Danielis / das ist von an-
 fang der welt vier tausent / sechshundert vnd xxx. jar.

Von Tullia.
 Das xlvj. Capitel.



Tullia die
 von wege
 irer merck-
 lichen vbelthaten
 vrsach geben hatt /
 das Römisch reych
 von eigenschafft / in
 freyheyt zusetzen /
 ist gewesen ein tocht-
 er Seruij Tullij /
 sechsten künig nach
 Romulo / auß seinē
 gemahel des fünff-

ten Königs Tarquinij Prisci tochter geboren / Sy was hochs gemüths /
 vnd von scharpffen sinnen wol zu loben / wa sy die nit auff mordlich vbel
 gekert hete / Wann zu den zeyten / als ir vatter Seruius Tullius durch ge-
 meinen gunst des Römischen volcks / vnd ordnung des Königs Tarqui-
 nij / vñ seines weibs Tanaquil zu König erwölt ward / als inen vor / mit
 dem brinnenden haupt des selben kunds Seruij / dieweyles inn der wey-
 gen lag / bezaichnet was / darumb er im darnach sein tochter gabe / waren
 zwen brüder Aruntus vñ Lucius / von dem Königlichen geschlecht Tar-
 quiniorum geporen / die selben zwen besonder / Lucius trügen die regierüg
 Seruij vast schwermütiglich / vñnd vermainten von erblichem rechten /
 das Reich solt im vil billich zu regieren zugehört / vnd bedachten darnor zu
 sein / das er nit regierte / vnd rathschlagen ob besser were Seruium zütöd-
 ten / oder den König / vermainten sy zu irem fürnehmen / besser sein den kün-
 nig hinzurichten / Wan ob Seruius sturbe / so funde der König einen an-
 dern tochterman / dem er das Königreich zuschibe / vnd inen empfindet
 vnd ordneten zwen hütter / die mit dem beyhel zuwerffen / wol geübt wa-
 renn / für den König zu gehen / Inn gestalt einer zwoytracht des rechten
 begerende.

Vñnd als der König sich zu dem eynenn keret / sein sach
 zuernemenn / warffe der annder dem König seynenn beyhel nach /

S iij inn das

Boccatius von den

inn das haupt/vnd lief den inn im stecken./ Die künigin Tanaquil gebot
 allen zühand/ allen den aufzügen die nit darzü gehörten/vñ beschloß den
 küniglichen saal mit grossem fleiß betrachten/wie die wunden ihres lie-
 Gen gemahels versehen wurden/ zü gleicher weis/ als ob grosse hoffnung
 seines lebens were/ Die möder wurden gefangen/darvon besorgeten A-
 runtius vnd Lucius ihr vbel wurd geöffnet vñnd gerochen/ vñnd flohen
 auß Rom inn die Statt Pometiam/die raach zü vermeiden/Die künigin
 betrachtet auch andere hilff/ob sy die hoffnung seiner gesuntheit verlies-
 se/sy berüffet Seruium vnd sprach zü ihm/ Sein gerechte hand hebend/
 du sichst meinen man vil nahet gestorben/Bit ich dich/das du den tode dei-
 nes schwehers nit vngerochen/vñnd deine schwiiger ihren feynden züge-
 spöt nicht werden lassett/wann das reych ist deyn/ob du eyn mann bist/
 nit deren die mit frembden henden/das mordtlich vbel volbracht haben/
 darumb heß dich auff vnd volge den Göttern/die dich künig bezaichnet
 haben mit dem feüwr/dein haupt vmbgebend inn der wiegen/vnd be-
 tracht wer du seyest/nit dein gepurt von wannen du kommen bist/Dies
 weil ward gar ein groß geschray von dem pöfel/mit vngestüme begirde
 den künig züsehen/vor dem küniglichen palast/das man den hart vor
 dem volck enthalten mocht/Also stieß Tanaquil jr haupt von hohem sale
 zü einem venster auß/vnd sprach zü in/Ir söllent güts müts sein/wañ der
 künig ist von dem vngewarneten gähen wurff hart erschrocken/ aber dz
 waffen hat ihn nit tieß gewundet/er ist auch nun wider zü in selber kom-
 men/so wir auch die wunden geseüßeret haben/so seind alle zaichen hayls-
 sam/inn hoffnung/jr werdent in bald sehen/damit ward ihr vngestüme
 gestillet/vñnd gebote dieweyl dem volck/Seruius vnderthänig zü sein/
 vonn haissen des künigs/Also regniet Seruius/etlich zeit inn gestalte
 als wer er verweser des künigs/der doch tod was/Aber sein sterbenn
 was dem gemeynen Mann ganz vnwissend/Vñnd als sein tod geöffnet
 ward/het sich Seruius mit freunden vñ gemainem gunst also gefestiget/
 dz er durch dz haissen des volcks/mit willen des ganzen Senats/künig
 verkündt ward/Als er nu gewaltigklich regieret/gedachte er nit zü rechen
 seines schwehers tod/sonder vermainet er besser sein/mit gütigkeyt/wañ
 mit scherppff vnd straff den feind vberwinden/Vnd zoch die zwen flüchti-
 gen brüder in sein freuntschafft/vñ gab inen zwo töchtern/beyd Tullia ge-
 neit/doch vngleicher sinn vnd gemüth/als auch die zwen brüder waren/
 vnd ward Arunti dem gütigen die elter listiger schwester Tullia/vñnd
 Lucio dem scharppffsinnigen bößfündigen menschen/ward züweib die senft-
 mätiger jünger schwester Tullia/nit destmünd betrachtet Lucius stätig-
 klich/durch mangerley lüst/wie er zü dē reych kommen möcht/aber sein weib
 die elter Tullia was vber frech/klagend/die waichmütigkeyt ihres manns/
 das er keyn hertz hette/aber Lucius wer ein mann vnd von küniglichem
Blüt

Blüt geboren/vnd hasset jr Schwester/das ihr ain sollicher mann von dem
glück geben was/vnd sy so weichmütig/vnd ihm so vnhilfflich were/So
aber böß dem bösen gang anmütig vn süglich ist/ward sich gleich zu gley-
chem gesellen/als gewonlich beschicht/vnd kam der anfang alle ding zübe-
trübē von den frawen/vñ als die frech Tullia allē gehaim tres schwagers
Lucij vernommen het/ward sy kainerlay wort vor im enthalten/von irem
mann vnd seinem weib/Vnd sprach sy hette einen postützler/der mit man-
nes wert wer/ains waichen gemüts/So hett er eyn waichmütig vnwisa-
send weib/vnd were ihm weger ein münch zü sein/wann das er seine tag
mit einem weib/die im vngeleich an synnen wer/verschliessen sölt/sy wölt
vor langem/regierung des reyches inn ihrem hauf gehabt habenn/das
auff dise zeit bey ihrem vatter war/wo sy ihn zu mann gehabt hett/Vnt
lang darnach beschach/durch jr baider einmütigkeit/das Aruns vnd die
die jünger Tullia bald nach aināder (durch vergebē) starbē vn zü grab ge-
tragē würdē/vñ baide bößlüstige gemüt in witwenstand/dadurch gesetzt
einand gemahelt würdē/mit wissen des künigs/aber nit mit seinem willē/
Allda ward erst d neid gegē dē künig se lenger se mer wachssen/dan Tullia
seyret wed tag noch nacht/irn man dz reich zü bekömen/stätiglich rayzēd
vn sprach zü im/du waist wz ich vor lang beklagt hab/dz ich nit einen man
vō starckem gemüt gehabt hab/Des gleichē dein weib dir mishällig an sin-
nen gewesen ist/darumb sy baide gestorben sind/das aber das selbig nit
vn sonst beschehen sey/so betracht dz mein klag gewesen ist/das ich ainen
man hab gehabt/der sich des Reichs nit würdig schätzet/Au hab ich dich
grofmütigen männlichen/dem das reich nach ist/wan du betrachten wilt/
das es dir zügehört/wan du des gschlechtes Tarquiniorum der nechst erb
bist/darumb solt du nit träg sein/ob du anderst der mann bist/dem ich
vermain gemahelt sein/vnd wöllest lieber das Reich setz besitzen/wan inn
hoffnung sein künfftiger regierung. Ob du aber inn deinem gemüt ver-
wandelt werest/so wurden erst alle ding vil böser/wann du waichmütig
nach dem begangen vbel sein wöltest/darumb bis männlich betrachten/
das dir das Reich von den Götten erthaylt ist/vnnd von dem geschlecht
Tarquiniorum erblich zügehört/das ich die Künigin nemenn müge/Mit
disen vnd vil andern Worten straffende/rayzet sy den jüngling stätiglich
so vil das er gedacht/haimlich das volck an sy zü bringen/inn manigerlay
wege setz sein künigklich herkommen/vnd erbliche gerechtigkeit erzelend/setz
den künig verunglimpfend/setzund die jüngling mit müß vn gab zü stechē
dan auff künfftige zeit vil verhaiffend/so lang bis sich sügliche zeit begabe/
sein vbels fürnemen züvolbringen/vñ auf einen tag wol versehē mit meni-
gem der seinē/kam er in den sal/vñ saß fräuenlich auf den künigklichen stül
vnd gebot allen vātern des Senats/vñ den obersten auff den pallas zü-
kommen/Etlich die vor den anschlag wisten/waren behend/wan sy des on-
das gewertig waren/Die andern so dise ding nit wisten/kömen vor for-
chten

Boccatius von den

chten/etlich vmb die selzamen fürnemen zübesehen / Vnnd mercket doch
 meniglich/das es vmb den König Seruium beschehen w3 / Als aber dz
 volck besamlet was/sieng Lucius Tarquinius an zü klage vber Seruiū/
 mit langer rede/mancherlay klagend/das volck wider ihn zü bewegenn/
 Do dz der König gewar ward/er lieff zühand in den sal schreiend / Tar
 quini was dingist das/mit was gedürstigkeit getarst du dieweylich leb/
 die vätter beruffen/od meinen Königlichen stül zübesitzen. Tarquinius
 antwort truglich/er besäff seines vatters Königlichen erbstüle /inn den
 er(ein geborner eigen man) gewaltiglich durch ein weib wid recht einge
 trungen were/darinn er durch verträge / genüg lang des Königlichen
 blüts gespot het/ Da ward von baiden partheien eingeschray/inn gestalt
 das der stercker regierenn wurd/Vnnd kam die letst not / yede thayl sein
 mannhait züerzaigen/Aber Tarquinius was der mächtiger/vnnd sprin
 gend von dem Königstül ergreyff er Seruium hoch auff hebend / vnnd
 warff in von der obersten stoffeln der stiegenn gar hinab / Vnnd zühand
 keret er sein macht auff den Senat zübezwingenn / der König Seruius
 keret sich in dflucht mit seinen dienern/das er also kranker inn seyn hauf
 käme/aber vnder wegen ward er vöden dienern Tarquinij erschöch/als
 inen von seiner vbeltätigen tochter Tullia befolhen was/Zühand für die
 selb sündlich Tullia auff einem freunden wagen für den pallast/beruffet ir
 mann/vnd nennet in die erst König/als er sy geheissen het/Do sy aber wi
 dervmb inn jr hauf keret/vnd zü der gassen vicum Cypriū genehet / Kom
 men waren/wendet der fürman die pferde/vnd in grossen schrecke zaigt
 er der frawen/den erschlagnen Seruium /iren vatter do ligend/Vñ einer
 schnöden vnmenschlichen sünd/ewige gedächtnus züsetzen/ ward die selb
 gas sceleratus uicus/das ist die schändliche gas / genennet/Wann das v
 bel vor an ihrem eygenn mann vnd schwester/vonn jr beschähen/rayzet
 sy kain vbeltat zümeiden/vnd wirt von jr gesagt/sy schüsse mitt dem für
 man/vber den todren leichnam ihres vatters mit dem wagen züfaren/vnd
 beschach das der wagen vonn dem vätterlichenn mordes/auch ihre eig
 ne klaider bemayligt wurdenn/Vloch mer mordtlich/übel/neydigs hertze
 vnd vndanckbarkeit der empfangen gütthaten/baß zü erzaigen/woltē sy
 baiden nit/das jr aigner vatter vnd schweher/nach Königlichen woluer
 dienten eeren/zü der erd bestättet wurd/Sonder geboten sy in schmäch
 lich vnbegeben ligen zülaffen/vnd sprachen spötlich/ Romulus der statt
 Rom stüfter/hatt kain grab gehabt/der doch von Göttlicher geburt bes
 ser was/darumb bleibe diser von einer dienstmagt geboren/auch wol vn
 begraben/Also wurden sy durch eigen gewalt/so vbermütiglich regnie
 ren/on alle fürbetrachtung weiser rath/allain auf bösen angebornen lü
 sten/das er Lucius Tarquinius Superbus/das ist der hochfertig vö me
 niglichem ward genennet/vnnd gehaiffenn/Doch nach vil vbels von i
 nen begangen/vnnd das böflich notzwingen ihres suns Sexti Tarquinij
an Lucre

an Lucretia begangen/entrinnen sy inn das ellend/vnd starben vnſäg-
lich/O mortlichs vbel wider die natur/Wie möcht in ain weiblich gemüt
ſollicher böſer anſchlag wider ein vihe kommen vnuerſchult / ich geſchweyg
eins vaters/der doch mit vil güthait ſeine kind/allzeyt hett geliebet/ Aber
kein ſünd geht einig on anhäng der andern/vñ gewonlich wa ein vbel nach
willen ſeynen außgang nymet / ſo bringet es zū gröſſerem vbel ſtäte ray-
gung/darumb nach dem vbeln mord/ſres mannes Aruntis vnd der ſch-
weſter/ward ſy fräuenlicher vber ſres vatters tod/vmb das iſt der anfan-
ge vbels zūmeyden/wañ die pfüz der ſünden iſt lettig vñnd ſumpffig/wa
man dareyn kompt/iſt gar hart wider herauf zū geen/Das aber diſes v-
bel deſter gröſſer geſehen werd/ſo will ich nach diſer vntrew / groſſe trew
vñnd ſtättigkeyt der reynen Lucretie/die von dem bemeldtem hochfer-
tigenn geſchläch an dem leyb geleyt ward / doch an dem gemäth vn-
uermailiget.

Von Lucretia.

Das xlvij. Capitel.



Lucretia iſt
ein vorgeer
in Römisch
er keüſcheyt / zucht /
vñnd erbarkeyt der
ſrawen / vñ ein hey
lige hohe zierd aller
rainigkait/iſt gewe
ſen ein tochter deſ
edlen Römers Lu-
cretij Spuriij Tri-
ciptini gheiſſen / vñ
ein gemahel Tar-
quinij Collatini/Vnd iſt ein zweyſſel ob ſy mer von ſrer ſchöne deſ leibs/
oder deſ gemüts für all erbern Römern/ſolle gelobt werden/Dañ als zū
den zeytten/Tarquinius der hochfertige König vor der ſtatt Ardea lage /
die zügwinnen/nit ferz von dem flecken Collatium/zohe ſy dahin auß der
ſtatt inn ſres manns hauß/Vnd als ſich nun das belegeren lang verzoge /
wurden ſich ſe die Königlichen jüngling / in die geſellſchafft zūſamen ſam-
len/vnder denen was auch Collatinus/als ſy nu eins tags wol gelebt het-
ten/vñnd villeicht der wein inn das haupt ward riechen / trüg ſich vnder
andern reden auch vngefärllich zū/das ſie von ſren weiberen ſagten/Vnd
als gewonlich beſchicht/ain jeder die ſeinen inn züchten vñnd erbarkeyt/
die höchſten ſchätzet/wurden ſy ainhälliglich zū rath/ſelbſt inn eyl geht
Rom hinein zū reytten/vñnd vngewarnter ſach zū vberfallen / vñnd
it aller

quinij Collatini/Vnd iſt ein zweyſſel ob ſy mer von ſrer ſchöne deſ leibs/
oder deſ gemüts für all erbern Römern/ſolle gelobt werden/Dañ als zū
den zeytten/Tarquinius der hochfertige König vor der ſtatt Ardea lage /
die zügwinnen/nit ferz von dem flecken Collatium/zohe ſy dahin auß der
ſtatt inn ſres manns hauß/Vnd als ſich nun das belegeren lang verzoge /
wurden ſich ſe die Königlichen jüngling / in die geſellſchafft zūſamen ſam-
len/vnder denen was auch Collatinus/als ſy nu eins tags wol gelebt het-
ten/vñnd villeicht der wein inn das haupt ward riechen / trüg ſich vnder
andern reden auch vngefärllich zū/das ſie von ſren weiberen ſagten/Vnd
als gewonlich beſchicht/ain jeder die ſeinen inn züchten vñnd erbarkeyt/
die höchſten ſchätzet/wurden ſy ainhälliglich zū rath/ſelbſt inn eyl geht
Rom hinein zū reytten/vñnd vngewarnter ſach zū vberfallen / vñnd
it aller

Boccacius von den

Ir aller weiber erkunden/wie sy sich hielten inn abwesen irer mann / Als
 das beschach/wurden sy voraus den schönsten vnd jüngsten/in zierlichayt
 gefunden/bey anderen jungen frawen inn freunden lebend/mit rängen vñ
 andern kurzweilen/Zühand wandten sy ire pfard/vnnd rittenn inn den
 flecken Collatium/zübesehen das wesen Lucretie / Die selben funden sye
 mit kainen hochzeitlichen klaidern gezieret/sonder in schlechtem gewande
 vnder andern arbeitenden frawen sitzen / vnnd wollen beraytem/ des
 halben ward sy von meniglichem/vnd billich die erwürdigest geschätzt
 Collatinus als er durch sein hochgelobte hauffrauen gerümet ward/ge
 dacht er sy widerumb zu eeren/vnd beruffet die Königlichen Jüngling /
 all inn sein hauff / Vnnd inn dem / als sy nach freündlichem empfahen/
 wol vnnd ehrlich mit genügsamer speiß gesettigt wurden/ward Sertus
 der sun Tarquinij / des hochfertigen Königs/sein vnkeusche augen in die
 erbern schöne der keuschen frawen/begyrlich werffen/vnd durch das vn
 ordenlich feur also entzündet/das er ihm sein gemüt fürsatzt / irs leibs wol
 len thailhafftig werden/vnd ihr lustige schöne vermailigen / Vnd ob das
 mit willen nit beschehen möchte/das es dann durch gewalt an sy gelegt
 iniste volbracht werden/Inn kurzen tagen darnach/als ihn die bemeldt
 vnsumigkeyt/aber innbrünstigklich rayzen ward/erhub er sich haimlich
 bey der nacht / vnnd ritt auf dem leger gen Collatium/in das hauff Lu
 cretie/von der ward er eingelassen/vnnd schon empfangen on allen argt
 won ainichs vbel/vmb das er irs mañs nächster vetter was / Als aber
 Sertus mercket/das alles sein hauffgesind gestillet was/vnnd nun mith
 dem schlaff beschwert/gieng er in die schlafkamer Lucretie/mit aufgezog
 nem schwert/vñ sprach also. Vor allen dingen Lucretia sag ich dir das/ob
 du einen schray auß deinem mund lassen wirst/so wirstu erstochen / Dar
 nach so wiß das ich innbrünstigklich von deiner lieb entzündet bin/darum
 Beger ich/das du meinen willen freüntlich volbringest / ob das nit gürtlich
 beschehen mag/soltu doch darzu bezwungen werden mit dem schwerdt/
 Als er aber durch träwen das nit bekommen mocht/wañ sy besorget sych
 nit vor dem tod/wa sy nur damit ihr weibliche zucht vnd ehre beschirmen
 hett mügen/erdacht er ein verdampfte lüstigkeyt/ir rainigkait zu beflecken
 vnd sprach/Ob du meines willen se nit pflegen wilt/so ertödt ich dich / vñ
 ein knecht zu sampt dir/vnnd sage darnach/ich hab euch bayde im werck
 des eebrechts bey einander begriffen/vnnd von schuldiger freündtschafft
 wegen/hab ich ewer beyder vbel vnd missethat gestrafft / Von sollichem
 worten ward die keusch fraw noch mer betrübet/vnnd gedacht inn irem
 laidigen gemüt/Ob ich also getödt wurd/so were niemand/der mich sol
 licher beschuldigung verthädigt noch versprach/darumb ist es besser/
 den leib dem eebrecher zulassen/das ich darnach mein vn schulde / mit eyg
 ner straff erzeugen müge / Da er aber seinem vnflätigen wollust/genüg
 gethan hett/schied er von dannen mit freunden/ als ob er nach seinem be
 duncken/

buncken inn einem streit gesigt het/ Aber Lucrecia was vmb so sündlich vbel traurig vnd hart beschwert/ vnd so bald der tag anbrach/ sendet sy nach irem vatter Tricipitino/ vnd nach Bruto ires mans Collatini nächsten freünd/ der sie allweg lieb het/ auch andere ire freünd/ ließ sie bald be-
 wiffen/ vnd iren man/ Als die kamen/ erzelet sy vor ihnen alles traurig vnd auch wainend/ was Sertus die nächst vergangen nacht/ an ir begangen het/ Als aber ir fraind/ yeder vnd all gemeinlich wurden die weinenden frawen trösten/ zoch sie herfür ir scharpffes messer zü solcher that geordnet das sie vor mit den klaidern bedeckt het/ vnd sprach/ ob ich mich der sündē entschuldiget/ so bin ich doch der straff nit erlediget/ so soll auch keine nimmer kein Exempel von mir nemen/ dz sy in schandē leb/ noch vbel thū als ich/ mit disen Worten/ stache sie das messer in ir vnschuldigs hertz/ vnd dar auff fallend inn angesicht ires vatters vnd mannes/ endet sie ir leben/ O vn-
 selige schöne dises Weybs/ O lantere reinigkeit des gemüts/ wer mag dich genügsam erlobenn/ odder so hoch erheben als du wol würdig bist/ nyemand/ wann ders betrachten kan/ woz du gethan hast/ wie groß du Weypliche eer geachtet hast/ wie starck die ee/ in heiligkeit gehalten/ du geschätzt hast/ was straff du deinem leib vñ vermailigung gethon hast/ vnd doch dein reines gemüts nie gewencket.

Von Thamyri.

Das xlvij. Capitel.



allain in selber leben/ vnd sonst schier allen andern landen vñ völkern seind vnbeant/ so ist diser künigin vrsprung dester minder klärlich beschriben worden/ Aber darumb ist ir nam auffgebraut/ das sy ein sollich rauch vngezäm/ wild volck/ so gewaltigklich regieren möcht. Zü den zeiten als der mächtig künig der Persen Cyrus/ die künigreich Asien inhielt/ siel er

Thamyris
 eyn durch-
 leüchtig kün-
 igin gewesen der
 Scythier/ vnd da-
 rum dz dz selb volck
 in einem vngebarwē
 vnfruchtbaren/ kal-
 tenn land wonend/
 nach bey den bergen
 die Riphei vnd Hi-
 perborei geheissen/
 gelegē/ Das sie auch
 J in begirō

Boccatius von den

In begirlichkeit des künigreichs Scythiam auch zügwinen / mer vmb welt
 lichen rüm / wann vmb merung seines keiserthümbes / wenn er het wol ge
 hört / wie Scithe arm vnd vihisch leüt weren / vnd doch von den grösten
 künigen nie vberwunden mögen werden / vñ sollicher begird / samlet er ein
 groß heer vber die küniglichen witwen Thamyrim züziehē / Als sy aber
 sein zükunfft vernam / wiewol er ganzem Asien / vnd vil nach der ganzen
 welt / ein forchtamer eyser woz / vmb seines grossen sighafften streits wil
 len / vnd starcke regierung / dannocht floch sy nicht / als erschrockne Wey
 ber thünd / in die höler / sy begert auch keins mitlers den fride züsüchen / son
 der samlet sy alles volck gebietend / sich zürüsten / den feinden widerstand
 zühän nach irem vermügen / Vñ wiewol sy im züschiff den eingang in ir
 land wol möcht gewert haben / dannocht verhenget sy im / das er mit allē
 seinem volck in ir land kam / vnd vber das wasser Araxem zoch / wann sy
 meinet er wär vil leichter vberwintlich zübestreiten / in irem land / dz ir
 heer bekandt wer / wañ aufferhalb / Do sy aber durch gewisse kuntschafft
 vernam / das er in ir land komen was / ordnet sye einen jüngling iren einige
 son / mit einem drittail ires volcks / im entgegen züziehē vñ züstreiten / Cy
 rus als er sein zükunfft vernemen woz / Betrachtet er das wesen des volcks
 vnd des lands / vnd besinnt / das er sy baß durch list vnd practiken / wann
 mit dem schwert möcht vberwinden / vñnd lief alle legerstet genügsam
 lich mit den besten kosten vnd speisen zürichten / vñ voraus mit dem sterck
 sten wein der dem selben volck vor was vnbeant / Nach dem gleichfnetē
 sy ein flucht / vnd als der jüngling mit seinem volck an das ort des verlas
 sen legers kam / fand er keinen feind / darumb er herzlich erfrewet war als
 einer der mit starckem sig die feind in die flucht gewendt het / vnd verliese
 sen ir ordnung zü dem streit / vnd luffen zü der speyß / als ob sie zü einē mal
 mit zü einem streit geladen wären / vnd füllten sich also mit dem vngewö
 lichen wein / das sie darvon in härten schlaf bewegt wurden / vnd alle mā
 hait vergassen / So bald Cyrus des gewaret / wendet er sein heer auff sie
 vnd ward der jüngling mit seinem volck biß auff ein erschlagen / Da war
 er beherziget fürbaß inn ir land züziehenn / on zweyffel künfftigs sigs.
 Thamyris aber da sie hort / das die iren erschlagen waren / wiewol sy vñ
 den tod ires einige sons seer bewegt war / doch gebaret sie mit vngestümig
 lich / mit weinen vnd mit schreyen nach weylichem sitten / wann sy be
 zwang das selbig leid mit dem zore vnd begird zü der rache / vñ rüstet sich
 mit dem vberigen volck wider Cyrum züstreitē / vñ mit der selben künst in
 zü vberwinden / mit deren er iren ainigen son erlegt het / vñ ob er die wal
 stat mit verliesse mit speyß / als er vor gethon het / dannocht was sy in hof
 nung im an züsigen / Vnd als die beyde heer zü dem streit gerüst waren /
 het die fürtrachtig Künigin vor bedacht / auch ein flucht zügleychnenn /
 doch also / das sie den begirlichen Künig üppiger glori nach ir eylendē / ver
 füret inn die rauhen wilden vnerbauwen berg vnd wyldnuß / irem volck
 wolbekandt / aber Cyro vñnd den seinen ganz vnwissend / darinn sy ihn

allenthalb umbzoh/vnd ward durch solchen anschlag das volck Cyri vñ
innen erschlagen/Cyrus mocht auch nit entrinnen/sonder die küniglich
witwe erfüllet iren grymen zoren an seinem blut/vñ lies Cyri todten leich
nam süchen vnder allen cörpern/seinen kopff abschlagen/vnd in ein küffen
vol blüts offermals einstossen/vñ sprach darzü / Trinck dir jez des blüts
genüg darnach dich so hart gedürst hat/Vmb solliche geschichten ist dise
witwe Chamyris/Billich in der menschen gedächtnuß züsetzen/vnd souil
höher/als das Keyserthumb Cyri gewaltiger gewesen ist.

Von Leena der huren.

Das xliij. Capitel.



Leena wie ich
achte / ist eyn
Guechisch fra
we gewesen/vñ wie
wol sy verscheint wz
doch mit vrlaub d̄ s̄
mē frawen/künigin/
fürstin vnd andn/sez
ich sye auch in die zal
dern die namhafftig
gshichten für ander
begäge habe wen vil
der mercklichen gshi

chten/seind oft vñ den bösen gleich so wol als gute mannē volbracht wor
den/darumb wiewol sy schantlicher werck gepflegē hat/so soll danoch jr
manlicher thatē nit vergessen werden/Wan zū den zeiten/als in Macedo
nia regiert d̄ künig Amyntas/erhaben sich die edlen jüngling/Armonius
vnd Ariston/das land züerledigen von dē zwang des wüttrichs Hyspar
vnd nach dem als sy in getödt hetten/ward ein erkunden vnd fragen be
schehen/von seinem nachkommen/ob man erfarenn möcht/wer das gethō
het/darumb auch vil gefangen wurden/vñ vnder andern die selb Leena
wann vil der jüngling hetten wandel in jr hauß zū freüden/darumb sie
verarckwonet ward/das sy vmb sollich anschleg wissen solt haben/Vnd
als sy hart gepeynigt war mit mangelley marter/das sy dargebe/wölche
sy der that schuldig wist/wiewol sie vestigklich fürnam ee züsterben/wen
dise jüngling züerzaten/danoch von sorgen wegen/dz sie icht durch pein
gewaichmütigt wurde züersehen/auch betrachte/wie eerlich vnd löblich
der nam rechter freütschafft wer/nach starckem längnen vñ meirung der
marter/auch zünemung d̄ blödigkait des leibs/siel sy in ein sterckers man
lichers gemüt/vñ darüß/das sy ob jrē fürnemē vest bleiben möcht/Bis sy jr
selber die zungen ab/vnd spib sie auß/das sy mit dem einigē hoch gerümtē
J ij werck/

Boccatius von den

werck/alles redē jr selb benām/damit sy nu wistē menglichen von jr vnueriaten blißē/wer wolt sagen das Leena/die so starcks gemüts was/in sollich schantlich leben möcht gesetzt werden/wann durch grossen vngesell des bösen glücks/on zweifel welcher spricht/das die frawen allein dz verschweigen mügen das sy nit wissen/der hat dise frawen nit erkant/vñ für war dise fraw ist in leichtfertigkeit gefallen/nit auß rer natur/wen die ist gut gewesen/sond auß müßiggan vñ trägheit/als noch mangel geschicht welche von iren müttern nit zu zimlicher arbeit gezogen werden.

Von Athalia der Königin zu Jerusaleim.

Das I. Capitel.



Athalia hatze
frech vñ grī
mig gmüt i
Dauidsgschlecht dē
Syren vñ Egyptiē
kind gmacht/wann
wiewol jr fordn vō
mangerley sūntliche
blutuergiessen schāt
lich besleckt warē so
hat sy dochterkūnig
lichen krone bösen
rūff zūgelegt/damit

sy den namen Athalia mit vbelthaten weyt außgebraut/Sy ist gewesen ein tochter Achab des künigs von Israhel/vnd der künigin Jesabelis d al ler schalckhafftigen frawen/vnd gemahelt worden Joram /des künigs Josaphat sonn Hierusalem /Vnnd darnach als sein vatter Josaphat starb/auch sein elterer Bruder Ozias/der nach seinem vatter regiert/war jr man Joram zu künig in Hierusalem gekrönt/vnd wolt auch/das sein gemahel mit im regieret/dē selbē küniglichen stül ward mit scheinbarlicher eher vnnd reychtumb/grosse würdigkait zūgelegt/durch seins schwehers Achab sterben vnd sein regieren/Aber vber ein zeit /starb auch ihr man Joram/vnd nach mangerley künierneyß vnd vngesell/ward jr son Ochozias in seines vaters küniglichen stül gesetzt/darum sy in grossen eern vñ freuden jubilieret vñ klar erleichtet/Aber mit lāg darnach war Ochozias mit einem pfeyl erschossenn/darumb sie inbrünstiglich das künigreych zūregieren entzündt ward/vnd erdacht ein vnmenschlich vbel/darmit sy nit allain irn son zūberwainen vnderließ/sond auch grösser wainē schmerz lich bewegt/wann ee das vergossen blūt irs sons/auff dem erdttrich eyn trucknet/ließ sye alles geschlacht Dauids mit dem schwert ertödtē /so lāg vnd vil darinn wüttend/bis das kein mans namen noch person des selbē geschlechts

geschlächts belibe vngetödt/on allain Joas der klein son Ochozie/der ist heimlich entzogen ward von irer tochter Josabe Ochozie Schwester/den sy in irs manes des fürsten hauf der priester Joadam genennt/erziehent lieffe vnd beschirmen/Also kam dz dürstlich Weib / mit sonil vnschuldige blätnergiessen/in besizung des reichs/vnd ordnet alle künigliche geschest nach irem willen/wann die jr Billichenn widerstand gethon hetten/was ren alle vonn ihr getödt/Was wolten wir fürbas wundern ob wir hör ten/Atreum/Dionysium/Jugurtham oder irs gleichen hochlistig man/ vmb begird zü regieren/etlich getödet haben/von denen sy vermeinten gehindert zü werden/so doch dis Weib vmb begird zü regieren/das ganz küniglich gschläch hat ertöden lassen/auch jr nächst gesipte freünd/Also ist Athalia weit erschinen/vnd doch erkandt/mer vmb jr purpurleid/dz sie mit sonil edlem rosenfarben blät besprengt hat/wann vmb keynerley mercklicher gütter regierung willen/Aber zü gleicher weys als sy inn die vnschuldigen seelen Davids geschlächts gewütet het mit dem schwerdt/ also möcht sie die iren wol gesehen haben/von främbdem volck getödet sein/vnd vbel gestorben/als jr brüder Joram der künig von Israhel/auf dem acker Nabaoth vor den bösen hunden lag/vnd durch tausendt wunden sein blät vergof/vnd jr müter Jezabel/in küniglicher zierd von einem hohen thurn abgeworffen/also zertreten vnd zerknisset von menig klichen mit gan/reyten/vnd farn/das nit ein zeichen des bösen leichnam/sonder als mist vnd kot gesehen ward/ desgleichen wurden jr sibenzehen brüder auff ein stund von den Samariten erschlagen vñ ire heüpter vor Hierusalem auff hohe pfel gesteckt/vnd desgleichen alle ander ire freünd wurden getödt/Vnd zü letst als dise ding volgiengen/das sy vnd jr mortlich blätnergiessen nit vngestrafft belib / ward irs sons son Joas/den sy nit inn leben wußte/durch hilff des fürsten Joadam zum künig auff geworffen/vnd sie auß dem küniglichen palast vnd thron gezogen/vñ durch das gschrey alles volcks wider sy rüffend/nachdem als sie die sibenzehen regiert hett/getödt/vnd ward die vbelthäterin durch sollichen weg zü den todten gesandt/als sy mangel vnschuldigen eeliche man vor auch gesendet het/dz seind die werck der gerechtigkeit Gots/vñ ob sich ein weil die blif der sünden verzeicht/so strafft sy doch darnach dester hörter/sonder in denen die sich nach langem beiten nit zü besserung schicken wöllen/vñ so wir das nit betrachten oder gelauben wöllen/so wir keiner straff achten/sonder mit noch größern schulden vns beschwären wölle/so wir aller minst darnach gedenccken vnd sorg tragen/so werden wir von dem wütendē wäl len des grundlosen meers verschlunden/do weder wainen noch schreyen vmb vnser sünd hilfflich ist/schändlich vñ vberschmächlich ist alle begirlicheyt zü regierenn/ohn rechtlichen eingang/wann on recht seind zwe weg darein zükönnen/die beyd fräuel vñ schwär seind/durch vntrew oder mit gewalt/zü der vntrew/müßt du brauchen böflistigkeit/seindt

J ij schafft/

Boccatius von den

Schafft/meineyd/verreterey/vnnd alle Bosheyt/Zu dem gewalt wurdst du von vbermüt/auffrüt/freissam/wütterey vnd desgleichen alle zeit gefestigt/vnd wann du dich solchs gewalt gebrauchen wilt/so ist dir not 8 bösen menschen dienst/der selben knecht müst du dann sein/wilt du zu dē reich kommen/des du begeren bist/Wan du dann das land gewinnst/so wirt dir erst not sein deine oren züerst stopffen/vnnd die augen vnder schlahen/das du wainen vnd klagen nit hörest noch sehest/vns tausent selziges vbel/todtschleg/morderey/bunst/diebstal/junckfrawen schwachen frawen schmähen/vnd desgleichen on zal/durch dich beschehen/alles mēschlich lob vnd eer/wirt dir in vbel verkert/von not wegē müß dein hertz steinin werden/alles vbel vertragen/gütigkeit darauf geschlossen/freissame eingelassen/vnrecht gesücht/vermunfft vertribenn sein/aller gwalt der gerechtigkeit genommen/vnd der eigenmütigkeit gegeben/schlecht frümkeit verspotter/bosheit geehret/das doch von den genadē Gotes in vnser teütschen Fürsten höf selzam ist/rauberey/frässerey/groß sauffen/vnkeüsheit/Got schmähe/ist nu des adels zierd/nit hie ich main enthalb des meers/Barmhertzigkeit wirt getruckt/lob komit durch blütvergiessen der frömbsten vnd der bösten erhebung/deren so die junckfrawē irer eem entsetzen/die tugent scheühen/die new sind arm leüt vol zünerderbē erdēcken künden/wann die selben sind nun die höchsten an der herren höff/ich main als enthalb des meers/vñ gemainlich welche den Frid wol vertriben künden/vnd auffrüt stiftend/werden hoch gelobt/O du Fürstlicher eingang/in den gewalt durch mortlichs blüt vergiessen/Betracht was darauß erstande zühand nach sollichem eingang/werden durch den arckwō die obristen getödt oder in das ellend verschicket/die reichen verderbt/die alten freünd vertriben/Brüder/schwesteren/kind/kindskind/alles vnder getruckt/kein trew ist dan alda/kein gerechtigkeit/kein heiligkeit/alle heiligung zu allen zeitē/hart schläff/schwär treüm/on sorg magst du nit ein mundvol essen/wann du hast die frommen gedämpft vnd vertriben/vnnd müst den bösen dein leben Befelhen/nach sollichen eeren stellest du hertzgedencke ob dir ich besser were Genügnen zu haben an dem deinen/das du Fridlich/eerlich/Götlich/on einträg/on sorg des lebens besizē magst/wan zu gleicher weyß als grosse ding mit blütvergiessen gewonnen werden/also müssen sy mit grosser sorg vnnd angst behalten vnd beschirmet beleiben/vnnd offft beschicht/das durch die bösen gewonnenes güt/wider schantlich vnd böflich wie es herkommen ist verloren wirt/vnnd velleicht vergät das leben mit dem güt/durch zühunden ren/die es geholffen haben böflich gewinnen.

Don

nambaffsten Heybern.
Von Chloelia der Römischen Junck-
frauen.

XLVI

Das ij. Capitel.



Chloelia Die
namhafte rö-
misch Junck-
frawe/vonn
wölchen eltern sie er-
boren / ist aindtwe-
ders vonn vnnsē-
ren vorforderen nit
beschribenn/oder a-
ber durch lenge der
zeyt verloreenn wor-
den/doch ist genüge-
sam zūuermüttem /
das sie auß trefenlichem geschlecht jr herkommen gehabt / dieweil ihr edels
gemüt solchs für sich selbs bezeügt / vnnnd das sie auch sampt andern edlen
Römischen junckfrawen zū Gysel geben worden / Sie was zū den zeitten
als Tarquinius der hochfertig König / ward vonn Rom aufgetrybenn /
wan vmb dz groß vbel seines suns Serti / das er an der edlen Lucretia be-
gangen het / erhäben sich zwischen den Römern vnd im grosse krieg / vnnnd
kam von seiner gebet wegen Tarquinio zū hilff / Porsena der König He-
truscorum / doch ward ihm die vberfart geweret von der frünikeyt Ho-
rati Coclitis / das er vber die brucken Sublitium genant / nit kommen
mocht / vnd wurden von danen getriben durch die keckheyt Nucci Sce-
nole / darumb sich Porsenna mit den Römern richten ließ / das die Römer
zū bestätigung des frids / im zū gysel setzten vil edeler junckfrawen vonn
Rom / Vnnder denen ward ihm auch Chloelia gesezet / Darnach füget
es sich inn eyner zeyt / das Chloelia hoch betrachtet / das einem söllichen
Commun vnnnd gemainem nutz nicht ehrlich were / schwäre pfand so vyl
junckfrawenn eynem frembdenn König zūsetzenn / beweget also ihr
Junckfräwelich gemüth inn mannheyt / vnd gedacht bey nacht von den
hüttern / mit etlichenn ihrer gespilenn zūkommenn zū der Tiber / an den
enden / da sy aller minst besorgten / alda fand sy ein pferde grasent auff der
waide / auff das saß sy / vnnnd füret eine nach der anderen vber das vnge-
stüm graüsemlich wasser / ohn alles mißlingen / vnd bracht jede wider ihr
ren freündenn / Als aber morgens frū Porsenna des gewaret / ließe ehr
das den Römern klagen / vnnnd begeret an sy / alle die widerumb zūsenden
J iij die also

Boccatius von den

die also von ihm entrinnen were / Do wurdenn sy zu rath / das die sacherin die des ein anfang vnd volbringer was / ihm solte widerumb geantwurt werden / doch mit dem geding / das sy inn einer zeyt widerumb gelassenn wurdenn / Als aber der König Porfenna die Junckfrawen ansah / het er groß verwundern von ihrer tugend vnd hochgefallen / von ihrer dapfferkait / vnd verwilliget jr mit allain widerum zu iren freunden zu gan / sonder auch das sy all widerumb mit jr fürte / die sy wolt von den geyselenn / die beliben waren / da name sy all mit jr die nit manbar warē / darumb dz kain vnrecht an ihn begangenn werden mocht / von des wegen damit ihu danckbar kait wie billich erzaigt wurd / haben sy die Römer mit vngwölicher eere der frawen gewürdigt / vnd jr zu eeren ein bild aines raißigen auff die höhe des hailigenn wegs gesetzt / zu ewiger gedächtnuß / die man doch allain vmb ritterlich thattenn vnd Triumph den vberwinderen sonst allweg setzet.

Von Hippone der Griechischen frawen.

Das 14. Capitel.



Hippo (wie man auß alte verzeichnussen der geschichtten / vernemmen mag) ist ain Griechische fraw gewesen / aber von was fordern / das ist nit auß vns kommen / doch bey ainer ainigen that / die wir von jr lesen / mügen wir gedencken / wie grosser manigfaltiger tugent sy vol gewesen sey / so ich doch kaum glauben kan / das sy dergleichen tugendliche tümlicher werck nit mer geübt hab / doch ein einige schwalb kainen somer macht / so wirt jr billich nit vergessen / Eins mals als die Hippo von den meerauserern gefangen vnd hinweg gefürt was / mercket sye wie die rauber anschlugen / sy zubekrencken an den eeren / wann sy was vber schön / da aber die zierlich keuschait kainē weg von ihnen zu entriñen finden mocht / das sy iren schändlichen gewalt fürkam / sprang sy inn das vngestüm meer / vnd mit verlust des lebens behielt sy jr keuschait / Wer möcht den strengē rath diser strengen frawen / nit größlich loben / die mit den vbrigen (vileicht wenigen

nigen Verlorenen jaren ihres lebens/ ihre reinigkeit behalten wolt/ vnnnd inn ewige gedächtnuß löblicher werck sich selber hat gesetzt/ das ihr lob doch auf den gedencbüchern/ nimmer mehr vertilget wurde/ der leib/ da er ein zeit von dem meer vmb getriben ward/ kam an das land Erythreum geneniet/ da ward er von erst schlecht von den Erythreern begraben/ als an der erruncken cöpel/ da aber das geschray kame der ursach ihres sterbens/ lieffen sy jr ain kostlich grab/ mit grosser würdigkait an das gestat bawen/ zu langwüiriger gedächtnuß ihres keüsches gemüthes züerkennenn/ das der leichte scheyn der tugendt von keynerlay widerwertigkayt/ mag bedunckelt werden.

Von Megulia.

Das liij. Capitel.

Megulia als ich main/ ist eyn edle Römerin gewesen/ vnd zu den hailigen zeyten der armüt dieses wesens der welt/ ehe wann die Ritterschafft inn hochmütige/ scheinbare kostliche zierd der klaidet/ vnd ander wollust gefallen was/ warder sy von den alten Römeren Dotata geneniet/ darumb das sy von den geiden ihrer freunde/ wunderbar hoch für ander junckfrawen/ nach gewonhait der selben zeyt zu frem man begabet ward/ wann Dotata ist sonil gesprochen als ain begabte/ Darumb belib mange jar gewonhait/ wann ein junckfraw vber den gemainen lauff begabet ward/ das man sy Meguliam Dotata nennet/ vnd was doch ihr zu gelt nit mer/ dan etlich tausent kupffer pfeüing/ O güte einfältigkeyt/ o lobliche armüt/ wie ist der wunderbar/ etwann spölicher lauff/ nun zu dyesen zeyten so gar gemain worden/ wann wir haben vberal/ so vil das recht zil getretten/ das nun mer hart/ weder ledergerb/ schüchmacher/ zimmerman/ schneyder/ kauffman/ oder ritter gefunden wirt/ der ein weib haim wölle füren mit sollicher gas/ als diser Megulie gegeben ist/ die so hoch begabet genennet ward/ vnnnd ist auch nicht wunder/ wann die gemaynen frawen haben sich Küniglicher wat angenommen/ vnd ist kaine sy wölle von samiat/ von gulden gürtlen/ von spengen/ von ringen/ von edlem gestain/ vnd andern nach Fürstlichen beklaidt sein/ vnd tragen die nit alain vnbeschämpt/ sonder auch vppigklich inn grosser hoffart vnnnd vbermüt/ vnnnd waif laider nit/ ob sich sollicher vbermüt darumb erhebt hatt/ das die menschen einander zünil/ oder von vnser sünd wegen/ auch gas glauben will/ wann nach vnserem begeren werdenn vnser hochtragende gemüt nimmer erfüllt.

Von

Boccacius von den
Von Veetria der Edlen
Römerin.
Das liij. Capitel.



cke hand / Cariolos das vest schloß Volsorum / vor dem die Römer lagen
gewonnen ward / gaben ihm die Römer den zünamen Coriolonum / mit
sollichem lob vnd eere / das er zu allen wercken der ritterschafft / für ander
Berümbt war / vñ vber ein zeit / als die Römer grossen mangel hetē an speiß
vnd durch die hilff der eltesten Römer / die man verweser der land neñet /
vil korens auß Sicilia dahin gefürt ward / verbote er mit scharpffer red /
das sollich korn / der gemeyn nit solte außgetheilt werden / ee wann sy dem
adel wider geben die eere vnd würdigkait / die sy inen genossen hetten / vñ
on zweyffel / nach dem das pöuel hungerig was / heten sy die vngestümen
hand an in gelegt / wañ inen zunftmaister ainer / im mit einen tag vor dem
rechten sich zünerantworten angesetzt het / daselbst die verbots zü erzelen /
Aber inn grossen vnwillen zü dem pöuel / kame er nit auff den bestimpten
tag / darumb ward er inn das ellend züschicken verdampt. Er wick aber
nun zü den Volsis / die kurz darvor sein feind gewesen waren / von denen
er auch wol vnd freündlich empfangen ward / wañ frümmbkēy ist noch
vberal inn grosser würdigkait vnd kostlich gehalten / sy wurden auch alle
durch ihn vnd ihren Hauptmann Accium Tullium inn neirwe fechter
beweget wider die Römer zü ziehen / Vnd ward der selb Coriolanus
Hauptmann des volcks gesetzt / vnd zohen inn heeres krafft bis an einen
graben der statt Rom / vnd brachten die Römer darzū / das ihr oberster
rath / botschafft ordnet dem Coriolano zü schicken / den sy in das ellend ver
dampt hetten / frid von im zü begeren / nach seinem willen vnd gefallen /
aber benannter Martius Coriolanns sendet sye wider haim / mit schmä
her antwort / darinn sy aber zü dem andern mal zü ihm gesandt wurden /
vnd aber

S Eturia die
altedel Kö
merin / hat
mit ir grossen that
die jar ihres alters /
wider grüend ge
macht / sy het einen
sun Gneius Mar
tius gehaissen / strög
vnd starck von leib
vnd gemüth / vnd
vmb das durch sein
frümmbkayt / grosse
weishēy vnd star

vnd aber vbel empfangen/vnnd vnwirsch hinweg gesandt / Am dritten mal giengen die gaislichen/der oberst püester mit den andern / vnder ihren inseln/vnnd andern gaislichen klaydern demütiglich frid begerend/ aber alle arbeit was verlorn/darumb die ganz statt inn verzweyfflung gesetzet ward: Die erbarn frawen von der stat/kamen täglich mit mancherlay klag/zü Veturia Coriolani mütter / vnnd seinem weibe Volunnia genennet/waynend ihre not züerzelen / vnd hilff begerend/durch das sy auch von ihnen erwurben / das sy bald mit grosser menge der erbaren frawen außgiengen inn der feind leger / mit zäheru vnnd gebeten frid züerwerben/vndren son zü gütigkeit zübewegen/vnnd den Römern zü personen / wann doch die statt mit dem schwerdt nicht möcht beschirmet werden. So bald aber Coriolanus seiner mütter zükunfft vernam / wiewol er grymlich wider die Römer bewegt was/dannoch bezwang er sein gemüt/gegen der zükunfft seiner mütter/vnnd stünd auff von seinem stäl/vnnd gieng auß seiner zelt/die mütter zü empfangen / Veturia nam zü der eynen seitten seinen gemahel/zü der andern seinen Son/vnd ehe sy zü ihm kame/leget sy hin alle sensftmütigkeit/vnd beweget sich inn zorn wider den Son/vnd was sy in dem außgeen bedacht hett/demütiglich von ihm zü begeren/das verkeret sy alles inn herte straffwort / Da sy in das heer kam/vnd als sy in nu sehend was gegen ir geen/sieng sy starcke müt in kranckem leibe/vnd sprach/Steck still du vbel geratner jungling/ich will wissen ee du komest zü meinem vmbfahen / ob du zü mir gangest als einen gefangnen seynd zü empfangen/ich main das sey deyn mainung/wehe mir seind das die freuden darumb ich dein beger zü lebē/das du verschickt in das ellend/vn̄ darin ein seynd des gemainen nuzes von mir gesehen werdest. Ich bitt dich kenne / in wölllichem stäl du also gewapneter sizest/kenest du woz landes du vor augē habest/erken ob du es vor nit waisst es ist die statt darin du empfangen/darin du geporē/darin du mit grosser arbeit erneret vnnd erzogenn bist / mitt was gemütes / oder durch was Bewegnuß/möchtest du deinem vatterland / streittbar krieg bewegenn/du hast nit betrachtet was dir zimlicher eere/von deiner mütter in dem anfang deines lebens/vnd kündlichen saren erzeyget wurde/dich hat süßigkeit deines gemahels nit gemanet/vnnd gütigkeit gegen deinen kinden ganz verachtet / vnd dz er bieten der obersten deines vaterlands woltest nit empfangen/dein herts hertz hat kainerlay erbitten gewaichen mügen/das du den zoren lieffest/den du doch schuldiger inn dich gefasset hast/do du dise statt ansahest/gedachst du nit dz ist mein väterlich hauf / da seynd meine Gött/die ich eeren soll / da ist mein gemahel / da sind meine kind / da ist mein vnßalig mäter/durch mancherlay vngefelle/die bestē Römer / die eltestē väter / die oberst püesterschaft / haben dein stainin hertz nit erweichtē mügen / dz du dz jenig/durch gebet / thün wöltest / so du doch vō rechts wegen schuldig bist / vnnd vngebettenn thün soltest / ich müs mein ellend

klagen

Boccacius von den

Klagen/wann ich erkenn/das ich durch mein geberen/mir selber vnd dem
 ganzen land widerwertig gewesen bin/Wann ich erhoff einen son/vnd
 gütten burger geboren haben/so habe ich einen so gar vnſäligen ſteynhertē
 feinde/der ſich nun inn kainen weg bewegen laſt/Vil beſſer wer/ich hett
 nie kain kind gehabt/wan durch mein vnfruchtbarkeit/mocht Rom vor
 ſolicher not/darinn ſie yetzt ſteckt/wol beliben ſein/vnd ich arm alts weiſ
 were in der freyen ſtatt geſtorben/ſo ich alſo ſampt andern beſorgen müſ/
 ich werd inn dienſtparthey hinweg geſürt/doch mag mir kein laid geſche
 hen/das dir nit ſchändlicher ſey/wan mir ſchmerzlich/ſo mag ich auch in
 meinem vnſäligen ellende nit mehr lang leben/betracht du was deynenn
 künden künſtig ſeye / die müſſen eynes vnzeyttigen todes ſterben / oder
 aber inn langer eygenſchaft beleiben/Nach diſen Worten folgten inner
 liche zäher vnd gebet ſeines gemahels vnd der kind/mit begyrlichem vn
 ſehen vnd groſſem geſchray/aller erbern ſrawen ſeiſſzen vnd biten/Alſo
 beſchach was durch der oberſten Römischen legaten Maieſter / durch der
 höchſten prieſter würdigkait nit ſein mocht/daſſelb durch mütterliche eere
 erlangt ward/vnd der groſſe zorn deſ grünen fürſten gebrochen / vnd ſein
 fürnemen verwandelt/damit er ſein heere wider wenden/vnd abziehenn
 lieſſe/nach gemachtem fride/Auf dem iſt entſprungen den ſrawen dancks
 barthey zü erzeygen/durch ſchaffen deſ Senats/das auff die ſtat/da Ve
 turia iren ſun erwaichet/ein tempel vnd altar gebawen würd/zü ewiger
 gedächtnuſ deſ gütten von Deturia volbracht/der geneuet ward der al
 tar deſ weiblichen gelücks/vnd wiewol der faſt alt/ſo iſt er doch biſ auff
 vnſer jetzige zeit noch beliben gang vnd ſtarck/Mehr ſo ward geſezet/das
 die man gegen allen fürgeenden ſrawen auff ſolten ſtan/den doch vor der
 ſelben zeyt/kain oder gar klaine eere/von inen erboten ward/vn auff dem
 weg weichen ſölte/das noch auff den heütigen tag von dem ſelben anfang
 her/gar nahet durch alle welt in brauch gehalten wirt/Mehr ward inen
 auch vergunt hauptgezierd vn hargebänd/guldin beſchleg/purpurklayd/
 halſband/ring/vnd häſſlin von edlem geſtain/vnd gold zütragen /das
 vor allain den ſrawen in Orient gewonlich was/sampt dem das volgen
 der zeyt / die ſrawen auch erben möchtenn / das doch vor gemeynlich
 durch geſetz verboten was/Ob aber ſollicher vergunſt yetz den mannenn
 gefellig ſeye/laſ ich inn ſeinem werd beleiben/wann durch ſolliche zyerde
 der mannenn geſehen/biſ zü armüt vnd verderben/vil gröſſers vnd mehr
 vngemachs eruolgt/auch etwan darauf deſſen ich vmb huld der ſrawen/
 zübehalten geſchweigen will/doch möchte ich gar vil ſcheltwort in Detu
 riam werffen/vmb die groſſen hochſart auß diſem gſatz/vnder den frau
 wen auſſerſtanden/wann die ſtat Rom nit erledigt were / vnd aufrecht
 beliben/doch mag ich die vbrigen freyheyte der ſrawen/vn merung der ſel
 ben von tag zü tag nit geloben/wan es wer an minderm genüg geweſen.

Von

Von Chamyri der Malerin.

Das lv. Capitel.

Chamyris ist zu iren zeiten die best malerin gewesen/sy lebet in der neünzigste Olympiade/ein tochter Myconis des malers zu Athenis/sy verließ alle weipliche werck/vnd gab sich auff ires vatters kunst/darin sy so verstanden vnd geübt war/das sy zu den zeiten Archelai des künigs in Macedonia/die obrist kron vnd glori solcher kunst behielt/durch ein tassel daran sy Dyanam het gemalt/die auch lange zeit für ein klainet behalten vnd gezeigt ward/zü langer vnd loblicher gedächtnuß/solcher kunstreiche frauen/es ist auch der gedächtnuß wolwirdig gegen der guncel vnd spinnen der andern frauen züschätzen.

Von Arthemisia der Königin
inn Caria:

Das lvj. Capitel.



Arthemisia ist ein künigin gewesen in dem land Caria/eins hohē starckē gmüts heiliger vñ gar selzamē liebe zü irn gemahel/vñ so fester keüschheit in irn witten stand/dz ir gedächtnuß billich ewigs exempel/den nachkommenden witten fürgebildet wirt/vnd hat zü man gehabt den edelste künig in Caria Mausolam/den sy in seinem leben so lieb het/das sy nach abgang desselbē sein dannocht nicht vergessen mocht/des gibt zeüctnuß sein wunderbares grave/wann da ir liebster gemahel den letzten tag beschloffen het/ließ sye den todten leichnam/nach den aller höchsten küniglichen eeren bestätten/vnd nach dem verbrennen des leibs/auf irer alten gewonheit/ließ sye die äschen nit inn guldinem krüg vergraben/als andere künigliche äschenn/sonder mit oberstem fleiß samlen vnd schon behalten/wann sy vermeinet

Klein

Boccatius von den

kein ander saß füglich sein/die aschen würdiglichenn zübehalten / wann
 ir eygne Brust/darinn die flammen alter liebe/auch nach seinem todt/nim
 mer verleschen solten/vnd zü ewiger gedächtnuß des vergangen lebens/
 vermischet sye allweg zü jedem trunck ein wenig seiner äschenn / so vil das
 nichts darvon vnuerzert beliß/die vbrig zeit all in wainen vñd trawren
 vertreybend/so lang bis das ir natürlich feüchtigkeit verzert ward/vñ sy
 zü frem man als sy vermaint/frölich in den todt gieng/Doch volbracht sy
 grosse werck in dem witwen stand/wann es was ein alte gewonheit/dē
 künigen nach frem tod köstlich greber auffzürichten/dadurch die man/die
 liebe der gemahel inn dem leben erkennen möchtē/darumb erdacht Arthe
 misia/einen wunderbaren köstlichen baw/daran kein kosten gespart war
 darinn sy auch nit an einem/noch schlechten werckmann/benügen haben
 wolt/sonder sendet sy nach vieren den hoch berühmtesten meystern/die in
 allem Griechem land/vnd der ganzen welt gefunden wurden / Scopas/
 Briares/Timotheus vnd Leothares genent/deren geleich auff erden
 nit lebten/denenn befalch sie/frem mann ein wercklich grab Mausolum
 zemachen/nach irn höchsten künsten/vnd von solcher arbeit inn marmel
 stein zühawenn/das irs lieben manns gedächtnuß/durch sollich wunder
 werck geewigt wurd/Vnd ist nit vnbillich/so das alle bew der ganzens
 welt in kosten vnd künsten vbertrossen hat/vnd vnder den sibem kunstrey
 chisten wunderwercken der welt eins gezelt wirt/dases auch inn sonder
 hait schriftlich von vns gemeldt werd/wann durch den gemeinenn ruff
 wirt das werck wider gromen/vnd der durchleüchten frauen eerlichs lob
 geleütert/Also wurden die werckmeister/bey des lands Carie hauptstat
 Salicarnaso/durch das gebot der Künigin formieren/machtem sye das
 dreyvñdsechzig schüch lang/die andere waren kürzer/die höhe ward ge
 spitz/vierzig vñ hundert schüch/vñ war mit sechs vñ dreysig marmeln
 seülen vñzogen/vñ der teyl von Orient mit seiner zierd/ward Scope be
 folhen/von Miternacht Briadi/vñ Occident Leothari/vñ der viert
 teyl Timotheo/die alle vier so vil kunst erzeugten vnd fleyß brauchte/mit
 Historien zühawen/zügraben/vnd anders darzū gehörend/das sie vom
 meniglichen für lebend bild geschätzt werden mochten/mit höchsternst
 vnd fleyß der meister/wann jeder wolt für dē andern sein kunst beweisen
 vnd gelobt werden/in den wunderwercken/Doch verschloß Arthemisia
 ire tagee dz werck volbracht ward/danocht verliessen die meister dz wer
 cke nicht/sonder zü ewiger gedächtnuß irer sinnreichen künsten/vñd zü
 nutz den nachkommendenn/volbrachten sy das gar/also mit wüderlicher
 meisterschafft/das gleich das ganz werck/nun als ein einiger stein gesehē
 ward/darinn manigerley gewölß gehawen waren/vnd holer also/das
 kein mensch mit dem andern so leif reden mocht/inn welchem gewelß dz
 wäre/man höret es in den anderen allen/Das hoch vñd weyt berühmpt
werck

werck/ward also volbracht/zü eeren dem künig Mausolo/von des name
 es Mausoleum geheissen ward/Dannen komit das alle künigliche greber
 noch zülatein Mausolea genent werde/Auf disen dingē ist die trew vñ lie
 be Arthemisia Billich hoch gerümpft/vnd durchleichtend erkennt/nach hō
 her vnd klärer/die stättigkeit ires wirwen standts/vnd vergiessen der zā
 her on vnderlaf/nit minder/ir reiner leib/in dem die āschen ires mañs ge
 nossen/als in einem köstlichen grab rüwend was/Die selb Arthemisia ist
 nit allain auf disen dingen in lob züerheben/sonder auch von irer starckē
 tugent/manñlichen gemüts vnd keckheit/Wann in den Ritterlichen wer
 cken/was sye wol geübt vñ vil künend/vñnd zierlichs nammens irer
 Maiestat/durch erfochtnen sig/Man findt von ir das sy nach dem tod ires
 manns/etlich mal iren vnmüt/dieweil auff ain ort glegt/vnd die streitba
 ren waffen an sich genommen/in sonderheit aber ein mal/das sye beschir
 met das heyle ires lands/das ander mal/ward sy gemanet vmb hilff ires
 pundtgenossen/Wann nach dem todt Mausoli entpörtē sich die von Rho
 dis wider sie inn verachtung/darumb das ein Weyb das Künigreich Ca
 riam regieren solt/dieweil sie aber nit ferz vō Halicarnaso der haubtstat
 ires lands gefessen waren/gedachten sy mit gewasneten schiffen dahin zü
 ziehen/in hoffnung die zügewinnen/Die selb stat Halicarnasus/ligt abn
 dem gestadt des meeres Carium genennt/vnd ist nit von der natürlichen
 gelegenheit wolbewaret/vñnd hat zwü porten/die ein gat inn die stat/
 doch durch ein enge einfart/vnd also verborgen/das man auf dē künig
 lichen schloß an der stat gelegen/wol darein heimlich bringen mag was
 man will/von den burgern der stat/auch vor der stat meniglichen unge
 sehen/Die ander port vñ grösser/geet bis an die stat mauren/Als aber Ar
 themisia durch kundschaft vernam/das die Rhodiser in die selben kom
 men wolten/machet sie ain solliche anschickung/dz alle streitbar mañ die
 sy haben mocht/wol gewāpnet züschiff vñnd zülant gerüstet/sich in das
 küniglich schloß still vnd haimlich samleten/defgleichen auch in der min
 dern porten/Mit den Burgern der stat schüß sy/wann sy die feind komē
 sehen/das sy sich/dann auff den zinnen der maurn/nit widerwärtigerzei
 gen solten/sonder irer zükunfft von hertzen Begeerend/vnd sy zü der stat zü
 kommen berüßten/sich züergeben mit der stat/vnd ob sy möchten bis an
 den marckt ziehen/die ding beschaben nun alle nach irem anschlag/vñnd
 zühand kam die künigin mit dē verborgen volck auf der mindern portē/in
 das weit meer/still vnd heimlich von den feinden ungesehen vnd vnuer
 merckt/Vnd so bald sy zeichen nam/von den burgern ab der mauren/das
 die Rhodiser inn die stat kommen waren/vnd die schiff verlassen hetten/
 in der stat iren gewalt erzaigten/als ob sy gewonnen wer/lief sye ir volck
 hinden an sie ziehen/auch inn der stat mit aller macht/die verborgen bur
 ger der stat/erzeigten sich auch manñlich züfechten/vnd wurden die feynd
 an allen orten angewendt/vnd hart getruckt/inē was auch kein weg der
 K ü flucht/

Boccatius von den

flucht/vnd wurden all erschlagen/vnd beliben all schiff der Rhodiser/ also gerüst steen/zühand gedacht Arthemisia auf hohen synnen manlich taten züvolbringen/vnd rüflet die selben schiff mit iren wäpnern wol bestättigt/vnd ließ sy zieren mit lorber stauden/vnd andern zeichen des sigs/vñ für schnelligklichgen Rhodis/Die hütter der porten vnd der stat/wurden erfrewet als sy ire schiff kommen sahen/mit den zeichen des sigs/vnd öffneteren alle porten des meers/vnd der stat/so mit frolocken/das sy nie vermarckten die feind für die freünd eingelassen habenn/bis das sy mit starcker hand/die vnbewartenn burger bezwang/vnnd die stat behauptet/do ließ sy den herren der stat ertöden/vnd zü einem ewigen zeichenn des siges/gebod sy sigsäulen auff züsetzen/an mitlen marckt/da wurden gemacht zwü ährin säulen/die lang hernach auch gestandē seind/auff der einē ein frölich sighasst frawen bild nach ir selbst gestalt vnd gleichnuß/auff d andern ain traurigs bild mit bedecktem angesicht die stat Rhodis bedeutend/mit angehengter schrift der mercklichen geschichten/vñ wie die Insul erobert/also machet sy ir die stat zinsbar/vnd wendet iren weg wider haim in ir land/vber das als Xerxes der gewaltigist künig Persarum/zü land vnd auff dem meer/wider die Lacedemonier zoch/inn mainung sie vnd alles Griechenland zü zerstören/ward Arthemisia vmb hilff angeriffet/die kam auch mit aller macht/vnnd vberwand sein volck streitbarlich auff dem land/zühand für sy manlichen gegen des künigs schiffung / vnd facht so kecklich/dz man billich sprechen mocht/Xerxes/hat sein manhait mit dem Weyß gewechselt/wann het er sein gemüt vnd starcke band gebraucht/als dz Weib/er dörfte seine schiffung nit inn dflucht gewent haben/irer hand zü entrinnen/also zoch sy wider heim/die vbrigen tag ires lebens in liebe ires manns traurigklich verzerend.

Von Virginea der juncckfrawen.

Das lvij. Capitel.

Virginea die juncckfraw von Rom/gütiger gedächtnuß leüchtend ist gewesen/eins erbern manns tochter/doch vonn dem pöuel vñ Rom Virgineus geheissen/vnd wiewol sy von güter neigung vñ natur/so hoch geziert was/dannoch ist ir namm/vmb das selbig nit so weit gebraytet/als von der schwären geschichte ires härten vatters gegen ir/vnd die vblen liebe/des innbrünstigenn bälers/Wann zü den zeitē als die zehen mann die Statt Rom regiirtenn/nun zwey jar regiirt hetten/da ward die selb juncckfraw/von irem vatter/einem gar strengē jüngling zü gemähelt/Lucilius Icilius Tribunicius geheissen/vnd vmb gschäfts willen der kriegs läuff/war Virgineus vñ dē Römerē aufgesant / damit die hochzeit verzogē ward/Dieweyl das also stünd begab sich zü vngefell
der juncck



der junckfrawen/dz
einer der zehen man
Appius Claudius /
der allein mit einem
seiner gesellen Spu
rius Appius genant
in der stat zuregiern
beliben was/ durch
ir grosse schöne so in
innbunstiger lieb be
wegt ward / das er
weder müß/arbeit/
noch kosten sparenn
wolt/sy zübekommen/Als er mercket/das zarte / sältig junckfräwlich ge
müt/weder mit schmaichrede/gebeten/noch mit trewen/auch durch müß/
noch grosse gab/mügen gewaichet werden/auch betrachtend mit gwalt/
so sollichs nit züthün sein/ward er se mer vnd mer/inn ir liebe bestammet
vnd besynnet zübesüchenn/wie er sy durch böß list gehalten möcht / vnn
schüß mit einem seinem mitheller Marcus Claudius geheissen/so bald er
schicklich möchte/das er auff der gassen die junckfrawen ansiel als sein ey
gen mensch/die von im empfuret vnd geflohen wäre/vnd sy also inn seyn
hauß füret/vnd ob ihn semant daran iren wolte/das er dann rechtes für
in begerte: Inn kurzen tagen darnach/ergriff sy der trutzlich mann/vnn
saget sie were sein/Sy ward schreien/vnd widert sich nach irem vermü
gen mit hilff der andern frawen die mit ir giengenn / vmb des gebrächts
willen/war grosser zulauf des volcks/Vnder dem kam auch Icilius ir ge
mabel/vñ nach vil wechsel Worten/kam es darzü/das sy für dē richter / d
sy lieb het geführt ward/do mocht sy hart erwerben mit iren freündē / das
das recht bis auff den nechsten tag verzogen wurde/ire freünd züberüssen
vmb beystand zü dem rechten/Also schickten sy eylent zü dem vatter / vnd
wiewol der falsch richter den hauptleüten des heers geschriben het / Vir
ginio nit züerlauben/ob er vrlaubs begeren wurde/dannocht kam er bald
beystand züthün seiner tochter/vnd gieng also gählingen vngezierdt/mit
seiner tochter vnd tochterman Icilio/vnd mit andern seynen fraindē für
gericht/vnd stünden gegen Marcus Claudius/der begert d junckfrawen
als er seinen/die im empfindet wäre/zühand ward sy im von dem fal
schen richter zügeteylet/als ein flüchtige von irn herin/also das Virginei
teyl nie verhört wardnoch werdenn mocht/Als sy aber Marcus nemenn
wolte/vnn sich Virginius seer vonn Appio klaget/behüb eht schwerlich
durch vngestümen zoren/das er doch vor mit der ammen die das kind ge
saget vnd erneeret het/reden mochte/ob es nicht verwechselt wäre/da

K ij mit er

Boccatius von den

mit er doch Marco/sy deſter leichter volgen lief/Vnd ſo bald ſy von dem
richthauß kamenn/vnſer zu den Tabernenn/die mann doch wol bey dē
hauß ſehen mocht/zoch Virgineus ſein meſſer auß/vñ ſprach/Ziller liebſte
tochter/ich ſich das ich dich vor dem ſchwären richter inn freyheit nicht be
halten mag/ſo will ich doch der eigenschafft dich entziehen / Mit diſenn
wortenn ſtach ehr das meſſer inn das junckfrewlich herze/mit ſo groſſem
ſchrecken/jammer vnd leyd aller beyweſender leüt/dauon die rein/vnge
lückhafte junckfrawe/bald zu der erden ſiel/vnd gieng jr die ſeel auß mit
dem keüſchen blüt/Alſo war nun die ſchantlich hoffnung/des vnkeüſchen
Appij/vnnd des falſchen richters/durch das vergießen des vnſchuldigen
blüts/vernichtet durch die geſchicht/vnd anbringen Virginei vnd Iclij
an das gemain volck der Römer/beschach es/das die zehen man bezwun
gen wurden/ſren gewalt des Römischen reichs regierung auffzūgebenn/
vnd die ſtat vnnd alles volck wurdenn wider inn freyheit geſetzt/ Nicht
lang darnach ward Appio Claudio der ſach halben ein recht tag geſetzt/
durch das werben Virginei/der nun regieret/vonn dem gemainen volck
erwölet/Vnd als Claudius antwort gabe/ward er durch das gebot Vir
ginei inn den kärke gezogen/vnnd alſo mit den ketten behaſſtet/das er
dem verſchuldten todt/vmb die falſchheit ahn dem reynenn hertzenn be
gangen/nicht entrinnen mocht/Vnnd bald hinnach/ward er mit dem
ſtricke/ſein ſeele auß dem leibe zwingen zu den hellen/aber Marcus Clau
dius ward nicht geſtrafft nach ſeinem verſchulden/wann er ward durch
die flucht beſchirmet/doch ward jr beyder güt in den gemainen ſchatz ge
theylet/Was iſt böſer wann ein vngleicher falſcher Richter / wann als
oſt er gedencet vnrecht zū thūn/ſo iſt not das er alle ordnung des rechten
vertere/vnnd der gewalt der gſage wirdt verachtet/vnnd alle tugend
gekrencket/vnnd alles güt mit dem gemaynen nutz vnnder die füß ge
treten/vnd ob das nit offenbar wäre/ſo wurd es doch durch die geſchicht
des vngleichen richters Appij/wol an den tag gelegt/wann darumb/dz
ehr ſeiner böſer begirlichkeit willfaren möchte/wolt er ein freye junckfrau
wenn/mit ſeyner falſchen vrtheil,inn eygenſchafft gegeben habenn / auß
einer junckfrawenn ein ebrecherin/auß einem gemahel ein keüſweib ge
machtet/vnnd hat vrsach gegeben/durch ſein vbel erkennen/das der vat
ter ſein aygen hend/inn ſein liebſte tochter/gewaffnet hat/das väterliche
gütigkeit inn freyſame verkert ward/vnnd ſein aygen vnſchuldig kind er
tödtet/das er es dem gwalt des böſen richters möchte entziehen/durch dz
ward geſchray in der ſtat auſſerſton/auſſrür/ahn allen enden/zwittracht
des volckes/vneinigkait des Adels vnd des pöuels/ſomil/dz durch ſolchs
vbel/leycht der ganz Römisch gewalt zerſtöret wäre / O du Berämpter
richter/das du an andn ſolteſt geſtrafft haben/hastu dich nit geſchäm
ſelber zū thūn/O der armen/wie oſt werdenn wir durch ſolliche gebre
chen gekrencket/wie oſt werdenn wir vnuerſchuld
beſchwäret/wie oſt
mit

mit schwerem joch getruckt / wie oft des vnsern entsetzet / auch getödtet durch bezwancknuß der schalckhayt / was ist das / das alle gerechtigkeit / alle tugend / so gar on alle Gottsforcht inn boßhayt / vnnnd verschämpte vnkeüschhait so gewaltigklich sol verkeret werdenn / vnnnd so die erberen richter vnnnd regierer / solten inn gleicherweiff / das gemüt vnnnd die augen / züchtiger sitten haben / hailig vnnnd schwermütig gebärde / sensst- mütige red vnnnd rayne hend von den frawen vnuermayliget / so haben sy nit allain vnkeüsche gebärd / sonder werden sy oft in thorechter schnd- der vnreynigkheit vnbesinnt / das sy oft sich selber nicht erkennend / ob sy die vouggen seyen oder nit / vnnnd fürbaß die recht verachtend / sich inn der schndden Kiffianer wesen Begeben / sy werden hochmütig / vnd wirt alle sensst- mütigkheit hin geworffen / es sey dann / das sein sündlicher büle an- ders gebiete / oder sein zorn mit gold gelinderet werde / Sy nemen auch nicht allain die erbotten gabe / sonder trucken sy das gold auf den sechern als den wein auf den traussen / wöllen sye recht behalten / Also werden sye ausleger der rechtlichen gesatze / vnd künden die also wenden zünersteen / das der thail recht behebt / des gold hinzeühet auff der wag / oder zü dem seines bülen gunst grösser ist.

Von Hyrene Cratini tochter.

Das lviij. Capitel.

HYrenes ob sie ein Griechisch weib gewesen sey oder nit / desgleichẽ zü wölichen zeytten sie gelebt / stehet man inn zweyffel / wiewol sie für ein Griechin gehalten wirt / das ist aber gewis das sie ge- wesen ein tochter Cratini des Malers / vnnnd würdt souil höher gelobet vnnnd gewürdiget / als vil sy kunstreicher vber den mayster vnnnd vatter selbst worden ist / wann ihr name würdt noch von den malern gerümet / Der selben Hyrene grosse maister schafft beweyset / ein junckfrawen bylde an eyner taffeln von ihr gemalet / inn der Statt Eleusina inn Griechen land gelegen / desgleichen ein bylde der alten Calipso / vnd Theodoro des sechters / auch Abstiteni des springers / die alle mit söllicher meyster schafft gemacht waren / das es von einer frawen frembd zü hören ist / vnd vyl lange jar für die künstlichsten werck gehalten wurden / darumb ich sy vns gelobet nit fürgeen wöllen.

Von Leuntio.

Das lix. Capitel.

A iij

Leuntium

Vocatius von den

Lentium / ob ich es recht betracht hab / ist ein Griechisch weib ge-
west / zu den zeyten als der groß Alexander regniet / hoch gewir-
dig / doch war sy vil höher geeret worden / von wegen irer scharpf
sinnigkeit / wann sy weybliche scham zucht vnnnd keüschait darzu behal-
ten hett / Die alten schreybē von ir / sy were so hoch geleret in allen künsten
das sy durch weyblich getürstigkeit / oder villeicht auß besonderem haf-
truglich wider den höchsten natürlichen meyster zu der selben zeyt lebenn /
Theophrastum genant straffbarlich schreiben getorft / in vnnnd seine kunst
zu setzen vnnnd bekrencken / So aber sollich ihr schreiben / durch so vil jar /
bis auff vnser zeyt kommen seind / ist wol zügedencken / das sy grosser kün-
sten / meysterin gewesen sey / wiewol sy neidig was / vnnnd nit auß nyderm
stam / sonder adelichem blüt geboren / Aber ir vneerlich wesenn / hatt ihr
scheinend geschlecht / vnd erleuchtende kunst bedunckelt / wann sye was der
vnrainen vnkeüschait ganz ergeben / O vnflätigs vbel / ihr gemeine wo-
nung was vnder den freyen büßen / rissian / schalaz knaben / offen eebrechs-
ern / gemeinen frawen / entmitten inn ihre schentliche heüser gesetzt / darin
nen alle weibliche zucht / leiblich rainigkeit vnder die füß getreten würdē.
O wie vil wer das zu klagen vnnnd zu jammern / wann solliche grosse edle
kunst / durch solliche vnflätige hertzen möcht vermailigt werdē / das doch
nit ist / Aber ein grosse frag wer / ob die selb Leuncium stercker züschätzen
seye / das sye durch leiblich anfechtung / so hohe natürliche kunst mit ir inn
so ein sündliche statt ziehen mocht / oder die Philosophhey so blöde / das sy
sich so inn ein vnkeüsch hertz ließe beschliessen.

Von Olympiade der künigin inn Macedonia.

Das ix. Capitel.

Olympias ein künigin inn Macedonia / durch mangerlay tittel
erleuchtend / ist gewesenn ein tochter Neoptolemi / des küniges
Moloscorum des edelstenn geschlechtes aller Griechenn / auch
aller welt / des blütes Latis / sy hett einen brüder Alexandrum / den kün-
ig Epyri / vnnnd ward gemähelt dem künig inn Macedonia Philippo.
Vnd gebar doch nicht von Philippo / einen son den vnüberwündelichsten
sighaftigsten Kayser den grossen Alexandrum / des geschichten so merck-
lich vnd wunderbar sein / das vor ihm keiner was / noch nach im geboren
wirt / der im in weltlichen eeren gleichen möcht / dz doch seiner müter nit
kleinen schen züleget / wann je die mütern von den kindē erleuchtet würdē /
doch mocht der schein nit so ganz beleiben / er wurde etwas durch ihren
weichenn müt vertunckelt / wann doch eyner sollichenn künigin nicht
schäntlicher widerfarenn mocht / wann das der gemain arckwon was /
Alexander



Alexander were durch den eebruche von jr geboren / auß dem Philippus also so berueget warde / das er sy nitt allain des eebruchs offentlich schuldiget / sonder auch von ihm verstieß vñ auftriss vnd nam an ihr stat zu weib Cleopatra des Königs Ale-

xanders zu Epyro tochter / wie schwärlich aber Olympias das aufstreiben trug / erzeygetenn ihre gebärde / wann ohn das einig vbel / was sye allweg ein hochwürdiges Königin gewesen / vnd ward darnach durch mancherlay misethat / weyt inn alle welt gebraitet / wann man findet von ihr das sy den edlen jüngling Pausaniam / von Horestis geschlecht geboren zu dem tod ihres mannes Philippi bewegt hab / auch mit wissen Alexandri ihres ledigen suns / das auch wol glaublich ist / wann nach dem alls Pausanias vms das tödten Philippi gecreuziget ward / fand man den nechsten tag anff seinem haupt also an dem creuz hangend eyn guldine kron / die ihm von ihrer ordnung auffgesetzt ward / vnd inn kurzen tagen darnach / ward sein leichnam von dem creuz genommen / als Olympias geschafft hett / vñ nach Königlichem eeren vnd wörden / auff der aschen Philippi verbrennet / als inn Macedonia gewonlich was / vnd zu der erden inn einen zierlichen krug bestättet / Sy lief auch das schwert / mit dem Pausanias Philippum ertödt hett / opffern inn den tempel Appollinis zu gedächtnus / mer ward auff irem anrichten getödt mit ein stein / die tochter Philippi / die im Cleopatra geboren het / vnd lief für sich führen Cleopatra die Philippus nach jr genommen het / vnd schalt sy mit sollichen schmachwortenn / das sy sich selber durch laid vnd verzweyfflung mitt dem strick erhencet / Vnd zuletzt als ihr sun Alexander vil lands sigklich gewönnen het / vnd bey Babylonia durch vergiffet getödt ward / vñ jr brüd Alexander bey de Lucanen erschlagen / begeret sy wider von Epyro in Macedonia zu komen / aber jr ward der eingang lang geweret / von dem König Arideo vnd seinem gemahel Eurice / die zu den selben zeyten Macedonia regierten / doch darnach durch hilff der alten / vom adel so ihr günstig ware / ward sy empfangē zu Königin / vñ der König Arideus mit seinem gemahel getödt / regieret also vnd behielt das reych lange zeit inn wirtwē standt / doch vnuergeffen der geschichtē an jr begangen / darinn sy sytlich wüngen ward / in dz blüt der edlen vnd gemeines volck in Macedonia / die ihr verhin-

Boccatius von den

verhinderlich gewesen warē zū dem reich komē/vñ als ein freisams wil-
des thier wüttet vmb sich/darumb sy von Cassandro belegert ward / inn
der statt Epidua vñ hert bezwungē/dz sie durch gebrechē aller notturfft
in sollichen hunger gedrungē kam/dz sy sich vñ alles volck mit geding/an
in ergeben müsten/da dz beschach/wurden die freünd/deren die vor vō jr
ertödt waren gedenccken die erschlaggen freünd zūrechen/vñ raizen Cas-
sandram so vil/dz sy zū dem tod verurthailt ward. Da sy dz erkenet/vnd
die festiger zū jr eingiengē/kam sy inen vnerschrocken entgegē/wol geziert
mit irem frawen zymier/vnd ward von jr weder wainen noch klagen ge-
hört/sunder zū dem tod gerüstet/bot sy iren leib den schwerten der seynd/
züglicherweiss als ob sy den tod ringe achtet/der doch von mangem star-
ckem mann erschrockenlich geschätzt ist/mit dem sie gnügsam erzeyget ihr
mannlich gemüth/durch das sy wol die recht mütter des grössen Keyseris
Alexandri/mocht gesehen werden.

Von Claudia der Closter frawen.

Das lxi. Capitel.

Claudia muß man glauben/von edelsten Römern geboren seyn/
wann man jr vber grosse gütigkeit ansieht/gegen irem vatter be-
weist vnd erzaygt/wann auff ain zeyt als jr vatter von dem Sen-
nat zū Rom ein hochzeitlich fest begieng/erhüb sich einer von den
obersten rittermässigen/vmb besonder neid/vnd wolt ihn von dem was-
gen/darauff er Triumphieret/fräuenlich geworffen habē/Als aber Clau-
dia die junckfraw vnder andern zusehern das ersah ward sy durch gütig-
keit gegen irem vatter also bezwungen in trauren/vnd vnmüt/das sy ihe-
rer weibligkeit/vnd gepür des gaislichen ordens/damit sy beklaidet wz/
gantz vergas/vnd zwischen allem volck hinzū trang mit feckhait/irē vater
manlich zūhelffen/So vil/das er vnuerferet auff das Capitoliū komē
mocht. O süsse liebe/o vnzerbrochne gütigkeit/wie grosse kraft habet
jr zū gelegt/dem schwachen leib diser junckfrawen/die irē vater nit mocht
sehen mit vnrecht vnder trucken/der sy von kindswesen bis auff ire tag so
senftmütiglich vnd wol erzogen hette/vnd alle gütigkeit erzeigt/Aber da-
von seye gnüg gemeldet/Sag mir einer/wer wolt dise gaisliche frauwen
darumb straffbar schätzen/das sy inn sollicher gütigkeit/vnder die auff-
rür des volcks sich vermischet hett/wer wolt sy bezeyhen/den öbern ge-
walt geschmähet haben/so sy ein sollich schön/vätterlich/gütig werck be-
gangen hat/des inn ewigkeit wol zū gedenccken ist/vnd grösser zūschätzen
wann hette es der sterckest Sun begangen/so vil das ich nit wais/ob der
vatter grössern sige inn das Capitoliū mit im geführt hab/oder die tocht-
er inn den Tempel der Göttin Veste.

Von

namhaffsten Weybern.
Von Virginea Lucij Volupini
gemahel.

LIII

Das lxij. Capitel.



Virginea ist bey den Römerenn der hochgeereten frauē eine gewesen / vnnnd doch ein ande / wann die obgeschribē / wie wol sy baid gefessen burgerin zu Rom warn / doch was deren vatter von den gewaltigen vberherrn adel / vñ sie was vmb das verdienen irer skätigkeit / für ander frauen / so der selben zeit lebten billich züerheben / vnnnd darumb will ich eine ihr geschichtenn beschreiben / doch so schöne vnd so löbliche / das man auß der einigen / alles ir leben mercklich erkennen mag / darumb sy billich der hochgemerckten frauen eine gezelet wirt / Wissenlich ist wie zu Rom an dem vich marckt / nu Rotunda gehaißen / ein Tempel was / Herculi zu lob gebawen / inn dem ein besonder Capell / inn der eer Patritie Pudicitie gemachet / das ist der mütter stäter rainigkeit edler frauen / Inn den selben allain die edelsten Römerin / vomm den eltesten geschlechten / die auch darinn belyben / vnnnd sich an gemahelschafft nicht genyderet hetten / ihre sünd züklagen / vnnnd sich zü raynigen gehen dorfften / auß besonderem gesatz von den gewaltigsten regierern der statt / also gesezet / doch inn all annder Tempel mochten die anderen frauen wol gehen / ihre hertzen zü erleitern / vnnnd gebet zü ihren Göttin zü thän. Es füget sich das Virginea mit den anderen opffer zü bringen / inn die Capell gieng / darauff sy vñ den anderen frauen getryben warde / darumb das sye einem mann vomm der gemeyn gemahelt was / der doch das nächstvergangen jar Consul / das ist Burgermeister vnnnd oberster regierer gewesen was / Lucius Volumnus gehaißen / darumb sich etwas weiblicher aufftrire inn dem tempel erhäb / die doch darnach grösser gewachsen ward / wann Virginea bewegt in ir gemüt / gieng auß vñ sprach / Ann bin ich an eeren stät / vñ vomm dem höchstē geschlecht / ich würd vnbillich außgetryben von disem Tempel / darumb das ich einem von der gemein vermähelt bin / der doch durch sein früm

Boccatius von den

sein frömmkeit vnd gütthaten sonil erworben hatt/das er zu dem höchsten gewalt diser statt kam vnd erwölet ist./ Zu disen worten volbracht sy ein vber löblich werck/wann als sy heißer het bey einander ligen/inn der langen gassen/darinnen sy wonet mit frem mann/Betrachtet sy an einem ort so vil zu ordnen/als zu einem sollichen Tempel not were/den selben thail sündert sy von den vberigen heißern/vnd stisset darinn einen altar./ vnd berüffet zu ihr die erbern frauwen von der gemain./ vnd erzelet ihnen die vbermütigkeyt der edlen/vnd beklaget sich der schmacheyt ihr bewysen./ vnd redet darüber also. O ihr liebsten/ich bitt euch dienstlich anzusehen/wie die mann von diser statt inn allem vermügen/nach tugent vnd eeren täglich streben/das ihr auch also/nach der obersten frauwen zierd/das ist weiblicher eere vnd stäter rainigkait/ernstiglich stellend/fleiß darzu thüend/vnd mannlich darnach streyten das diser Tempel vnnnd altar/den ich der Göttin Pudicitie der frauwen von der gemein gebawen hab/hoch gerümpft vnd gelobet werd/ehere vnnnd rainigkait zübehalten./ vber den tempel der edlen/das man auß ewerm güttem vnd reinem leben mercken müge/das die hailigen seelen/nicht allain inn die edlen leib gegossen werden/sonder inn meniglichen/wölliche anderst nach vernunft jr leben zu güttem richten wöllen. O würdige vnd hailige wort diser edlen frauwen/o löbliche vnwürsche vnd güts erdencken./ das billich bis inn die himel mit frolocken zü erheben ist/sy süchet nit auffrür der weyber zümachen wyder ire mann/sy süchet nit des leibs schöne vnd zierliche lustbarkeyt./ dardurch die mann gerätzet/vnnnd die frauwen waichmütig werden/sonder begeret sy sölllicher einigkeyt/durch die der Junngling leichtfertige begirlicheyt vnnnd ihr vnkeusche augen gezämet wurden/vnnnd der schein ihrer eignen glori der zierlichen keuscheyt bis inn die himmel erleuchtet./ Durch dis löblich vnnnd hailig anfaben/kam es darzu vnnnd weret auch langezeyt./ das kaine inn dem selben tempel/opffer bringen mocht/sy were dann ganz on alles args verdencken/hochgelobt inn eeren/vnd vnbeleümbdet./ vnd nit mer dann einen mann gehabt het./ Vnd also lebend/das sy durch ihr wesen/der edlen Pudicitie Tempel billich geschätzt wurd/vnnnd on zweyfel/wann man die verleümbten frauwen von dem opffer des altars trybe./ so wurden noch vil der eergirigen frauwen funden/die sich von der vermailigten leichtfertigkait zugen/vnd ein eerlicher leben an sich nemen/die also vngestraft darinn beleiben.

Von Flora der huren/dem gemahel

Zephyri.

Das lxiij. Capitel.

Flora ist gewesen ein Römerin/vnd als vil der schändlich gewynnen/ ihrer weiblicher zierd hat abgenommen./ so vil hat das gelück iren namen weyter außgebraytet./ Sy ist so ein vberreiche frau gewesen/als all

sen/als alle alte meyster sagen/aber wie sy das güt gewoñen habe/ist miß
 belligung/ Etlich vnd die rechtern sagen/sy habe alle zierd vñ schöne irer
 plüender jugent/des lustigen lebens/vnder den gemainē frawen/Riffian
 vnd andern verlassen thoreten jünglingen/mit schantlicher vermailigung
 des leibs entrainet/vnd nu dise dan die andern/mit schmaichendē freünd
 holden worten vnd vnreinen wercken/als dann solcher diernen gewon-
 heyt ist/zü jr gereyget/damit sy innbrünstiger wurden/inn böser liebe /so
 stercklich/das sy von inen leicht alles jr güt gereissen mocht/vnd so bald ei-
 ner zü armüt kam/ward er verlassen/vnd ein andern fürgenommen/dar-
 durch sy so vber grosses güt gewan/das jr wenig gleichen mochte/ Aber
 die andern wolten ein teyl erberlichen von jr reden/vñ setzend ein schimpf-
 liche geschicht/wie zü Rom der oberst hüter des Tempels Herculis/zü ei-
 ner müßigen zeit im selber spilet/vnnd Herculi/vnnd solte gelten ein güt
 nachtmal/vnd einen schönen bülen/Bey im die selben nacht züschlafen/
 vnd was er mit der rechten hand wurffe das solt nun Herculi gelten/vñ
 der wurff der lincken hand im selber/Es füget sich nun das Hercules ge-
 wann/vnd darumb do bracht im der hüter Floram/vñ richtet im ein köst-
 lich mal/Als aber Flora in dem Tempel schliesse/kam jr für in dem traum
 Hercules/als ob er leipliche werck mit jr pfläge/vnd darnach zü jr spräche
 den lon von diser nacht/würst du empfabē von dem/der dir des morges
 am aufgang/der erst begegnet wirt/Als jr aber der nächst jüngling Fanu-
 eius geheissen begegnet/ward sy innerlich von im ließ gehabt/vnnd heim
 inn sein hauß gefürt/bey dem sy also wonet in schmaichender liebe so lang
 dz er sy erben setzet alles seines güts/vnd lebet mit lang darnach/also war
 sy gereicht/wiewol etlich sagen/Accia Laurencia/die Romum vnd Ro-
 mulum erzogen hat/sey also gereicht worden/da ligt aber nit an/so wir
 wissen das Flora ein vberreiche hür gewesen ist/vnnd da die zeit kam des
 tödelichen zyls/vnd sye keine son verliesse/vmb begird auß weiplicher lust
 iren namen vnd gedächtnuß zü ewigen/setzet sy das Römisch volck zü er-
 ben/aller iren ligenden vnnd farender güter/doch mit solliche geding/dz
 alle jar ein hochzeitlich fest des tags irer gepurt/mit den gemeinen frawē
 begangen wurde/vonn den selben jm verlassnen güt/Sy mocht auch dz
 liecht erwerben durch jr güt/vnd ward auch jarlich begangen/mit schant-
 lichen geberden/vnd wollust der hüren/der buben vnd andern leichtfer-
 tigem volck/vnd kam darzū das sollichfest jarlich/inn vnkeüßcher wollust
 vnd stränden begangen ward/als ob es das heiligest were/vnd ward dz
 fest Florale geheissen/von der selben Flora/dz weret so lang/das sich der
 Senat solcher schantlicher seyren schämen ward/vnnd süchet weg durch
 gestiffte ding/die abzüt hün/doch wider des rauhenn pöfels willen/wie
 auch das beschach/ist vns Christen nit stiftlich züschreiben/darumb will
 ichs außlassen.

I Von

Boccatius von den
 Von Romana der jungen frawen.
 Das lxxij. Capitel.



Romana
 ist ein süge
 fraw gewe
 sen zu den zeiten sere
 gros gürtige gethatē
 darumb sy billich zu
 den hochgeerten fra
 wen wündiger gedā
 chtnuß zūsetzen ist/
 wiewol der nam̄ iro
 geschlächtes vor al
 ter verschliffen ist/sy
 hett ein mütter von

erberem geschlächte/aber vngesellig/wann sy ward vor dem Richter/ich
 weiß nit vmb was verschulden zu dem todt verdammet/vnd ward von
 den oberstenn drey mann den hüttern inn die gefäncknuß gegeben /das er
 sy bey der nacht richten solte/wann sy was edel/aber der hütter als er sy
 tödten solt/gewann er etwas erbärmdb vber die adeliche frawen/das er
 sy mit seinen henden nit tödten mocht/vñ schloß sy lebendig in ein gefänck
 nuß/in meinung sy hungers darinn zütöden/ füget es sich das Romana
 durch betlich erwerben zu jr inn die gefäncknuß gelassenn ward/doch vor
 wol ersüchet/ob sy jr keinerley speiß brächte wider das verbot/da gab die
 gürtig tochter der hungerigen mütter zūsaugen jr milch/der sy die selbē zeit
 vil het/wann sy kurz darvor kinds genesen was/dasthat sy täglich / so
 lang das der hütter wundern ward/wie die verurteylt fraw so lang lebē
 mocht/vnd wartend was die tochter bey der mütter begünd/sahe er wie
 sy jr mütter auß jrn brüsten erneeret/vnd saget dem drey man̄ die grossen
 gürtigkeit der tochter sere mütter/der dreymann saget das fürbaß dem Pre
 tor/der selb Pretor oder burgermeister sagt es dem ganzen rat/vnd war
 einmütiglich verwilliget/das die schuldig verurtheilt mütter der tochter
 vmb jr gürtigkeit ergeben ward/O grosse gürtigkeit diser tochter/wañ ein
 burger dem andern in den streiten entschüttet/vnd jm des lebens behalß/
 so ward er von dem hern löblich mit einigem lob gekrönet/was lob wir
 aber finden mügen/das genügsam sey/dise frawen zūkrönen/die jre müt
 ter mit der milch sere brüst erneeret hat/wais ich nit zūsuchen auff allenn
 baummenn/die ist nit allein ein heilige/sonder ein wunderbare gürtigkeit/
 vñnd ist auch nit allain zūgeleichen den natürlichen gaben/sonder fürzuse
 gen/

gen/wann die natur leret vns die kind zarter jugent vmb jr plödigkait er-
neeren/dise enzeucht dem tod ire mütter/darumb sy billich als ein vorge-
gen in der gütigen kinder wirt geehret:

Von Marcia Varronis.
Das xv. Capitel.



Marcia
Varronis
die ewig
junctfraw ist sonl
vber auß junctfraw
wen zu erhebe / als
vil sy von irn eigen
freien willen vnges
nöt inn stäte keusch
heit sich ergebē het
nit als vil der ande
re die in die tempel
Veste d Göttin od

Diane gestossen werden/oder durch gelübd darein kossien / vnd also inn
gesegneten Kleidern reingkeit behalten müssen/Dise Marcia het auf gan-
zem müt den scharpffen angel des reizenden fleysches/vberwunden/dē
doch offft die fürnämsten mann nit gestreiten mochten/vnd het iren leyß
vnuermeiliget aller besleckung bis inn den tod behalten/vnd ob dise Mar-
cia vmb solliche stätigkeit hoch gelobt wirt/so ist sy doch vonn übung irer
synn vnd vernunft/auch grosser kunst/vñ bräuchen irer hend nit minder
züpreisen/wann woher das kommen sey/vonn den meistern oder der na-
tur/weist man nicht/darumb das sy Weybliche wenig nütze werck ganz
verachten/hat sie sich auff bild schnitzen vnd malen so ganz ergeben / das
sy mit dem pensel zūmalen/vnd auß helffenbain bild zūschneyden/Sopo-
lim vñ Dionysium die besten maler/der selbē weit vbertreffent w3/vñ ob
man auch zūzeiten güt maler fand/so ward doch keiner gesehen der selben
kunst so fertiger/als sy was/das doch gröffer zūlobē ist/irer kunst grosses
erkünden gab ein bild/das lang zeit nach irem tod behalten ward / daran
sy ir eigen gestalt also bezeichet hette/mit aller glidmaß vnd farben/das
niemant/der sy se gesehen hette ir gestalt nit erkennet/vnd das ich auch et-
lich ir besonder sirtē erzöle / so hett sie inn gewonheit allein frawenn bild
zūmalen oder inn Helffbain zūschneiden/vnd selten oder nimmer manns
bild/vnd ich gedencke Junctfrawliche scham/sey des ein vrsach gewesen/
wann von alter her was gewonheit fast nackend bild zūmachen/was ir

L ij meinung

Boccatius von den

meinung ob sy die nackenden mañs bild nicht nach rechter gliedmaß machte/so wurde sy gemerckt der vnwissenheit/wurden sy aber an allen gelideten von jr wol gemacht/so müste dieweil jrer junckfräwlicher scham vergessen werden/vnd darumb das sy inn deren vnzimlichkeit keine fallē möchte/bedaucht sy besser sein beide zülaffen.

Von Sulpicia dem gemahel Fuluij. Das lxxi. Capitel.



Sulpicia/ets wann die hochwirdigste frawe auß zeuck auß aller edelste Römerin/die jr keüschheit vn eere/ mit minder bestatigung behalten het/wann Lucrecia die sich selber tödtet/jrer keüschheit des hertze zeüg knuß zugeben/Sye was Seruij Patriculj tochter/vnnd ein gemahel Fuluij beyd von dem edelstenn Römern/Vnd auff ein zeit als der Senat durch die zehen mañ geschafft hetten ein bild zuweihen der Göttin Veneri der hertz verkererin nach gesatz der Bücher Sibylle/darumb das die junckfrawē/vñ auch ander frawen/sich nit allein von der vnkeüschheit ziehē möchtē/sond auch darumb dz sy dester leichter weypliche zucht vndeere erwurbe vnd behielte begert er nach ordnung der zehen mann/das eine die reinesst vnd keüschest frawe aller Römern/dz selbig bild weyhen solte/vnd wurde auß vber grossen menge dedlen/erbern Römern hundert die hochgelobsten erwölt/Vnder den wz Sulpicia auß den selben hundertē zehen die erberste/vnnd den selben was Sulpicia/Zu lest durch heissen des Senats/auf den zehnen/durch gemeine wal der frawen/ward eine erwölet einhelliglich/die was Sulpicia/vnd ob das gar ein hochwirdige eere zu den selben zeiten gewesen ist/Veneri das bild weihen/so ist doch vnmaßlich vil schöner/dz sy durch die grossen mengy aller frawen/die durchleüchtigist aller eere ist geschätzt worden/vnd in stäter keüschheit allen andern frawen fürgesetzt vnd von meniglichen angesehen als ob sie ein Göttin von himel kommen wäre/wann sie het an jr/für ander ganz was einer hochgeehrten frawen zugehöret/wann einer ganz erbaren frawen/ist nit genüg das sy sich

sy sich hütte vor dem vmbfahen ander mann/oder beyligen/wan manige wirdt also behütet/das sye es zwingenlich nit gerhün mag/darumb das ein fraw ganz erber geheissen werd/so müß sy jr weitschwaiffende vnkeusche augen zämen/vnderschlahen/vnd mit hülltüchern einbergen vnd behüten/Sy soll auch jr zungen/mit allein zü erbereworten zwingen/sonder zü wenigen vnd notürfftigen reden/Müßig gan ist der vnkeuscheit schedlichster feind/der für ander züfliehen ist/Vö schleckmeilung/soll sich eynerbre fraw ziehen/wann on vberleben vnnnd wollust der speyß/erkaltet Venus/Singē/tanzen vnd springen seind zümeidē/als raytzer der leichtfertigkeit/vnd vnkeusche der müßigkeit/vñ abbruch der wollust/soll mā den das hauf versorgen vor vbrigem redē/vil schwäzen vnd märlin sage soll man die orn verschoppen/vor vil vmbgan hüten/vbrige zierd der kleider verschmähen/böf gedencck vnd schedlich begünd bald vnder die füß treten/heiligen wercken vnd gedenccken/wachen/vnd das ich nit alle ding erzele/so soll ein lobliche hochgeerte fraw/mit öbrister liebe iren mann eeren vnd meniglichen hinder in setzen/doch in brüderlicher trew/lieb habē/sy soll auch nit on röte vnd scham des gemüts/zü dem vmbfahen tres eygen gemahels kommen/vnnnd allweg in hoffnung sein vonn im geschwengert werden/darumb die We gesetzet ist/vnd so sollich vmbständ vñleicht inn den andern allen/in den hundertten/auch inn den zehnen/mit so lauter vñ ganz als in der einigen Sulpicia gefunden seind/so ist sy billich den andern in lauterkeit fürgesetzt.

Von Armonia Gelonis von
Sicilia tochter.
Das lxxij. Capitel.



den zeiten als das Syraculisch volck ein auff lauff machet/vnd vnsinig
L ij klich

Armonia vñ Sicilia ist gewesen ein tochter Gelonis des künigs Syracusans brüder Jeron geheissen/vnd wiewol sie von durchleüchtem adel geboren was so wirt sy doch vil mer vñ jr grosse getrewgütigkeit in gedechtnuß gesetzt/Wen zü

Boccatius von den

Etlich wider den künig vnd alles sein geschlächht blindtlich wütend/ irē tod zūsamenschworn hetten/ vnd nun die drey künigliche jüngling/ Hieronymus/ Adronodorus/ vnd Themistius von inen getödt waren/ vnd auch die tochter Jeronis des künigs Damaratam/ vnd Heraclian sūchtē zū tödten/ auch Armoniam Gelonis tochter/ mit blossen schwertern gerüstet auff ir sterbenn/ Do beschach durch ordnung der zuchtmeisterin/ das ein andere hoff juncckfrawe inn aller zierde bend vnd gewand/ Armonie der künigin ward angelegt für sy zū sterben/ Sy erbot sy auch willige alle ding zū volbringen/ souil/ das sy vnerschrockne der tödter scharpffe schwerdre nit fliehen wolt/ auch nit sagen wolt das sy die nit were/ die sy sūchten zū tödten/ auch die verborgen Armoniam für die sy getödt ward nie gezeigt/ sonder stillschweiget vnd vn bewegt/ empfieng sy die tödlichen stiche vnd starb selig inn grossen trewen/ vn selige böses todts/ Aber die lieb Armonia/ als sy verborgen was/ sahe sy dannoch die trewe stättigkeit vnd schuldigen juncckfrawen vnd ir starckes gemüt/ bis inn den tod/ durch die wunden irs keüsches blätuer gießens/ darab sy billich seer erstockt/ vñ wie wol sy nach dem abscheyden der wüttrich/ möcht entrunnen sein/ dannoch ward sy innerlich bedencken durch grosse gütigkeit irs hertzens/ vnd mit zäherden augen verwundern/ die stäte vntrew bis in ten tod/ vnd mocht on wider gelt ir lebē nit lenger verziehen/ vnd beschloß inn irē gemüt/ besser sein mit der trewen gesellschaft/ inn die vndern welt erfahren/ wañ in gemainsame der vntrewē burger in leben zūgrawen/ O alte gütige trew die von der mörder hend entrunnen was/ die gieng herfür/ vnd berüfft widerumb die blättigen schwerdt/ sy erzelet den list irer meisterin/ die vnschuld der trewen juncckfrawen/ vnd gab sich zū erkennen/ vnd erbot sich selber zū dem blätuer gießen/ vnd ward durch vil wundenn williglich zerhawen/ damit sy der trewen juncckfrawen wider gelt erzeygt/ bey irem todten leichnam/ Wiewol nun das alter die geschicht fast vertilcket hat/ doch Bedaucht mich billich sein/ dz dise gütigkeit nit gar verschlisse/ darüb ich sy wider wolte erneweren/ vnd ist doch nicht leicht zū erkennen/ ob der vorsterbenden trew vnd gütigkeit grösser gewesen sey/ oder der nachvolgenden/ doch seind sy beyde ewiger gedächtnuß wol würdig.

Von Busa Camusina von Neapels.

Das lxxiij. Capitel.

Busa die etlich Paulinā neñent auf der stat Camisum in Apulia geborn/ reich/ hochgeadelt fraw als die einig herlich tatē vō ir begangē wol anzeigt/ wañ als die alten sūrgebē/ zū dē zeitē da Hannibal die Römer mit schwerē kriegē angefochtē/ vñ gang Welsch land mit fewen



feüw vñnd waffen
hart verheert/vñnd
mit manigfaltigem
Blätuergeiffenn alles
lande verwüßt hatt/
ward ein grosse sch/
lacht getroffen zu Ne
apels/ bey dem stätt
lin Cañas genant/in
wölchem Hannibal
nit allein die Römer
vberwand/ sonnder
brache auch schier al

ler Römer vñ irer bundsgnossen der Italianer macht/ begab sich das auß
sollichem streyt vñnd todtschlegen/ etlich so flüchtig entrunnen waren / bey
zehenn tausent durch mancherlay abweg/ inn der nachte gehn Camisium
kamenn/wann die self statt was noch zümäl inn Bündtnuß mit den Rö
mern/die selben ellenden/mäiden/armen/weerlosen / nackendenn / vñnd
hart verwundten kriegfleüt/nam Busa in jr eigen hauß freündtlich auff/
sich gar nit entsetzē ab solchē zügstandne jrē vnfal/noch der macht des sig
hastten feinds/vñ vor anderm tröstet sy jr hochberümppts gemüt mit hoff
nung künsttrigs glücks/vñd versach die krancken mit ärzten/vñd erzney/
nach mäterlicher trew vñ liebe / sy beklaidt die nackenden/vñ gemeinlich
gegen allen nottursstigen erzaiget sy jr miltigkeit/sy gab in tägliche zertig
von irem eigen güt/vñd da die ellenden wol geräwet waren/ vñd wyder
in güte hoffnung bekeret/durch jr höffliche gütigkeit/vñd nun abschaiden
woltten/wurden sy von jr mit zernung auff die strafe so wol versehen/das
von jr kainerlay nottursst an inen gespart ward/Das ist onzweyfel von
derbarlich zühören/vñd vyl mer löblich von einer frawen/wann von ey
nem man/wañ der groß Alexander der ganzen welt bezwinger/wirt von
den alten allermaist derhalben hoch gerümet vmb sein miltigkeit / das er
nit mit klaineten/edelgstein/gelt/pferd/oder desgleichen seine freünd bes
gabet/sonder mit grossen Fürstenthumien / mächtigen künigreichen vñd
weiten landen/erret auch etwan die so vō im vberwundē wordē warē/
wie loblich vñd hoch ist dz an in zūpreysen/aber meinē bedunckē nach/ Bus
se loblichen groß gethaten nit zūgleichen/wañ Alexander wz ein man/Bü
sa ein weib/die gemeinlich vñd von natur kergger vñnd gespäriger seind/
vñ mer zū empfabē/wañ aufzūgeben genaigt/Die aber ist für sich self irer
eygen güttes ein fraw gewesen/irer hat mit gewalt andern das ir engos
gē/die hat durch erbfall jr rübiglich besessen vil sūgehabt/vñ ob sy gewölt
hete lenger besitzē mügen/irer forcht villeicht er möcht das nit behalten/
das er gewonnen hett/der gab den freünden vñ die wol vmb in verdienet

L iij waren

Boccacius von den

waren/die gab den frembden vnnnd vnerkanten / Er aber mitthailt den glückhafften/die gab den ellenden dem vnfall zū gestandē / 8 gab frembds in frembden landen von jm/die thets vnnnd jm obdach bey den iren / 8 gab vmb weltlich rām vnd eere das sein auß / die gab dz syedem notturfftigen hilff erzeygte / Wz sol ich vil sage / wañ wir dz gemüt weiblichait / vnd die gestalt vnd herkommen / bey der sache recht dencken wöllē / zweyset mit garnit / vor einem vnpartheysschen richter / werde Busa vil höher gelobet vnnnd se miltigkait / wañ Alexander vmb sein großmächtigkeyt / rām vnd eere zū erwerben / Aber jegliche that werde gelobet auß erwegen der Richter / warlich nach meiner vrthail / so hat Busa ir eigen güt vast wol vnd nutzlich angewendt / wañ die natur hat das gold nit derhalben auß dem erdtrich gebracht / das es wider darein kome / als die gezygē thū die es vergraben / vnd also mit grosser sorg behalten / sonder darumb / das zū gemeynem nutz dienstlich sey vnnnd inn erbarn brauch gewendt / vns vnnnd den freunden zū täglichem notturfft zū leben erschießlich / vnd das vberig den vngefelligen / verdorbenen / armen / vnzimlich gedrengten gefangnen krankten / vnd allen andern dürfftigen mit zūthailen / vnd auß dem freyen gemüt miltigklich zū raichen / nit vmb rām noch weltlich eere / sonder hilff zū thū / nit von eigennützigkait vnd gewins wegen / sonder auß gütigkait / doch soll das geben mit söllicher beschaidenheit gesteen / das wir nit außgeben / vns selber nit zū vil vertieffen / darmit wir nit inn notturfft fallen / vnd selbs frembder hilff begeren / vnd gewärtig sein müssen.

Von Sophonisba der Königin

Numidarum.

Das lxi. Capitel.

Sophonisba / wiewol sy durchleüchtig gewesen ist / auß Königlichem stammen Numidarum / so ist sy doch durch die strenge herzigkeyt ihres todes / von ihr selbs volbracht vil trefflicher geacht worden / Sy was Hasdrubalis tochter / desselben vater Gisgon genant / was der oberst fürst zū Carthago / zū den selben zeiten als Hannibal Weltsche land mit heeres krafft vberzoch / Als sy erwüchs / vnnnd ire mannbare jar erraicht / ward sye von ihrem vatter dem großmächtigen König Numidarum Syphaci vermähelt / vnnnd beschach das nit allain auß ansehung des Königlichem stammen vnnnd geschlechts / sonder auch das dar durch den Römern / des gemelten Königs hilff abgestriekt / vnnnd enzogen wurd / der vor mit in verbunden was / das sein tochter mit irer freuntlichait wie sie mocht / den König den Römern feind zū machen vndersteen solt / das auch also beschach / wañ als der König die hochzeytlichen fest gehalten / ward er durch der frawen lieblich schmaichen vnd grosse schöne / zū ihrer liebe dermassen entzündt / vnnnd so innbrünstigklich verstrickt / das
er nit



er nit maît im nichts
lieb / lustig / noch stö-
lich sein mügen / wann
seyn weyße allain /
Als aber der vnsälig
künig also brinnend
was / begab sich das
der Römer oberster
feld Hauptmann /
Cornelius Scipio /
von Sicilia inn Af-
fricam mit seynenn
heeren vberschiffenn

wolt / des ward Sophonisba von shrem vatter gewarnet / vnd mit sch-
maichen vnnnd liebtosen / beweget sy das gemüt sres mannes Syphacis /
zû allem shren willen vnnnd begeren / das er nit allain die Römer / denen
er mit dem eyd verbunden was / verliesse / vnnnd sich zû den Carthaginen-
fern verpflichtet / sond warff sich selbs vnerbetner sach / für ein hauptman
des kriegs auff fräuenlich / Vnnnd also in zerbrochener trew vnd gelübt die
er kürzlich darvor dem selben Scipione versprochen hett / verbot er im
durch brieff die vberfart inn Affricam / Aber Scipio der jüngling hohes
gemüts / verdammet die schalckheyt des vntreüwen Königs / vnd leget sein
heer nit ferz vö Carthago / vñgedacht dē trewlosen künig züuertreibē / dz
auch beschach / durch dē künig Masinissa / vñ seine gesellen Lelium / 8 mit
im vö den Römern gesendt wz / durch die sein heer zerstrewt / er gefangē /
gebundē vñ hingefüret ward für die statt seines Königstüls / vñ alda mit
ketten beschweret / seiner burger gezaiget / vö denen die stat geöffnet ward
vnd den Römern ergeben / Ehe das aber Lelius dahin kame in der gähen
änderung vnd grossen vngestümigkēyt / gieng Masinissa gewapneter inn
den Königlichen Sal / vnd sahe gegen im geen die Künigin Sophonis-
bam / ihr vngesell betrachtende / Vnd als sy ihn für die andern adelich ges-
stalten vnd wolgezierten mit waffen vnd harnasch ersahē / gedacht sy zü
hand / es were der Künig / vnd syel im für sein süß / gedenckende / wie sy im
durch senfftmütige rede / inn erbarmung bewegen möchte / vnnnd sprachē
also. Es ist Gottes vnd deiner seligkēyt ansehen / das du mit vns die kür-
ze vor diser zeyt Künig waren / alle ding nach deinem willen schaffen ma-
gst / doch ob souil erlaubt ist / das der gefangen vor seinem sighthafften vber-
winder vnnnd herien / sterbens vnnnd genesens / betliche stim auß möchte
lassen / vnnnd seine knie vnnnd syghaffte hand berühren / so bitt ich vnderges-
worffne / dein Maiestat / inn der ich kürz vor gewesen bin / durch deynenn
namen / Königreich vnnnd ganzes geschläch / vnnnd das du mit besser Bes-
cherung / inn dis reich gangest / wann Syphas darauf ist kommen / das
du mit

Boccatius von den

du mit mir vngelüchthafftenn weiß handeln woltest/das vordeinen au-
 gen güt vnnnd sensstmitig gehaissen sey/doch so ferz das ich den vngestü-
 men herten Römern/voraus wider Carthaginenses/lebendige nit ge-
 antwort werde/wann du magst leicht versteen/das ich ein feindin der
 Römer von Carthago Asdrubalis tochter vnd Syphacis gemahel byl-
 lich sorg/vnnnd ob sonst alle weg verschlossen seind/so wöllest/das ich
 vonn deyner hand ersterbe/vnnnd lebendig inn den gewalt meiner feind
 nit gefüret werd/das bitte ich mit flehen innerlich. Masinissa was auch
 vonn Numidia/vnnnd schnell auff leiblich begyrd/allt all ander dessels
 benn landes/der warde bewegt von der grossen schöne der strawen/so
 hette sy auch ihr vngesell mynnsamer gemacht/dardurch er auch die ge-
 bet der vnfelligen strawen/gütiglicher vnd menschlicher empfienge/vnd
 ee das Lelius kam/bot ehr der strawen sein gerechte hand/vnd hüß sy auf
 von der erden/enmitten vnder dem heülen vnnnd wainen/der andern
 vmbbwerenden weibern/vnd von stund gemähelt er sy im selber zu eeli-
 chem weiß/vnnnd hielt hochzeit/enmitten vnder dem geströppel vnd vn-
 gestüme der waffen/dardurch er vermainet leiblicher begird/vnnnd den
 gebeten Sophonisbe/wege der genaden gefunden haben/Des andern
 tags darnach kam Lelius durch des gebot/zoch Masinissa mit ihm vnnnd
 aller Küniglicher zierde/vnd andrer/nam auch mit seinen newen gema-
 hel/wider inn das heere/da wurden sy von erst von Scipione wol em-
 pfangen/wann sy hetten wol außgericht was in befolhen was/Darnach
 als Masinissa gestraffet warde mit gütigen worten/vmb das er ihm selb
 gemähelt het/der Römer gefangne/gieng er vber trauriger von in baldē
 inn sein zelt/vnd als er mit seüßgen vnnnd wainen ersättet was/sonil das
 die nachbahren sein klag wol hören mochten/liese er berüffen einer seyner
 knecht den er getreuw wyfte/vnnnd hieß ihn starcke gyfft zubereiten/nach
 dem bescheeren des vnglücks Sophonisbe/vnnnd gebot im/das er die vno-
 der das tranck mischet/ir brächte vnd also sagte/Die trewe vnnnd gelübte
 die er ihr willigklich gegeben het/wölt er gern an ihr halten wa er möcht/
 so ihm aber eygner will von andern gebrochen were/so wölte er doch sy
 des gebets geweren/das sy lebendig in der Römer gewalt nit gefürt wur-
 de/vnnnd ob sy des noch begeret/so sandte er ihr diß tranck/doch das sy in
 gedencck wer/wie sy zwayen Künigen eelichen gemähelt/vnd des landes
 Künig kurz daruor gewesen sey/vnnnd thū als sy güt sein beduncke. So
 bald sy das erhöret/sprach sy mit mannlicher gebärde zu dem knecht/Alle
 so empfahe ich die morgen gab/vnd so mit nichts anders von meinem ge-
 mahel gegeben werdenn mocht/so nimme ich das mit danckbarkeyt/
 doch sage ihm/sterben were mit leichter gewesen/were ich seliben vno-
 uerändert/zü den zeytten so ich leich sol sein/scherpffere wort gabe sy nit/
 sonder empfieng sy das tranck/vnnnd ohn alles zitteren tranck sy ehs gar
 auß/vnnnd geschwale nit lang/sonder sy viel bald inn den tode/des sy
Begeret

Begeret het bey der warheyt/es wer groß vnnnd wunderbar züsagen/wa ein gelebter mann dem das leben fürbaß verdrossen wer/dem auch keyn hoffnung wer wann der tod/sich so vnerschrockenlich inn den tod gebe/ich geschweyge einer Küniglichen maget/die erst innerkandtnuß gehet menschliches lebens vnnnd wesens / vnnnd erst anfahet zü schmecken ihre süßigkeyt.

Von Theosena des Fürsten Hero
dici tochter.

Das lxx. Capitel.



Theosena hatt durch ihre süßigkeyt an einem theyl/ vnd auß mortlicher strengkait an den andern/große zeignuß gegeben ihr zügebencken/Sy was Hero dici tochter/des fürsten in Thessalia/zü den zeytten als Phis lippus Demetrij inn

Macedonia regnieret / sy hette ein rechte Schwester Archo gehaisenn/vonn einem vatter geboren / der auch durch schalckheyt des selben Phis lippi ertödtet ward/vnnnd hinsfür durch stät wachssende vntreiwē / lief ehr baide mann der selben schwestern/ellendigklich erstechenn / doch verlief ihr jeder einen Sun bey seinem weibe/ Da sy aber also inn witwennstül gesetzt wurden/gemähelt sy Archo vonnerst/einam Fürsten ires volckes Poridi / vnd gebar von ihm vil Sün/Aber Theosena/wiewol sy von vil mächtigen herren/betlich angestrengt ward/Behielt sy dannoch lenger/mit starckem gemüt ires witwen stat/als aber Archo mit tod abgieng/da ward sy mitleyden/gen der selben ires Schwester künden vñ sorge haben/das sy icht vnder den gewalt einer andernstieffmäter kämen/oder mit minderm fleiß von dem vatter erzogen wurden/vnnnd darumb/das die selben als ir eygne kind gehalten wurden/name sy den selben Poridem zum eelichen mann/wann die selben zeyt kain gesatz darwider was/vnnnd fieng an die züziehen inn gleicherweiß / als ob sy von ihrem leib geboren weren/so fleißlich das man wol erkennen mocht/das sy den selben mann/mer den künden zü dienst/wann vns eignen nutz genossen hette/die selben zeyt

Boccatius von den

Benn zeyt füget sich das der selbig König Philippus durch sein vntrüg
 siñ vnd gemüt/aber gedacht wider die Römer krieg zübewegen/zü den zei
 ten/da sy inn glückhaffter sälligkeit blüend warent/vñ sich zübewarn vor
 der Römer krafft/ließ er all sein burger treiben auß seinen stetten in The
 salia/das ist Macedonia/auff das land Emichiam/vnd besetzt seine stet
 mit dem volck von Thracia/die streitbarer vñ getrewer von jm geachtet
 waren/dardurch er nit kleines vnwillens vnd scheltwort von ihren auß
 getribnen empfannde/vnd bedacht die knaben denen er ire vätter getödtet
 hett/vnnd vermeinet sein land nit inn sicherheyt stehen mügen/dieweil sy
 nit all getödtet wären/vnd gebot sy zü sehen/vnd in den kercker zü legen
 vnd nit zümal tödten/sonder zeitlich/das er dem volck mengen schrecken
 fürzeyget. Theosena ward gewarnet des erschrockenlichen Königlichen
 gebots/vnd bedacht den tod irer Schwester/vñ das vbel mord irer mann/
 vñ was den kinden künfftig were/wa sy in den gwalt des Königs kämen
 das er sy nit allain peinigen würd/sonder auch offentlich schenden/vñ ver
 spötigen/dz züuermeiden/ward sy zühand ir gemüt setzen/inn herte vbel
 that/vnd sprach zührem mañ/lieber wolte sy käcklich alle kind ertöden /
 mit irer eignen hand/wañ das sy leiden wölt/das die kind in den gewalte
 Philippi geführt wurden/Porus ir mañ verspürzet das mortlich fürnemen
 der frawen/vnd ir zü trost vnd den kinden zühilff/versprach er ir zü flye
 hen mit ir vnd den kinden zü getrewen freunden/da sy wol sicher weren/
 Zühand gab er allem volck züuersteen/wie er jürlich ein walsart thun mü
 ste/vnd Enee dem ersten stifter der stat Enee ein opffer bringen/mit sei
 nem weib vnd kinden/sy lieffen darzū schiffung beraiten/vnnd füren hin
 weg/Als sy aber dahin kamen / vnd nu den tag hochzeitlich mit würden
 volbracht heten/zü miternacht da menigklich mit hertem schlaf verstopf
 fet was/erhüb er sich mit weib vnd kind/gieng in das schiff mit den schiff
 leuten/vnnd gebot in nit wider heym inn Thessaliam / sonder inn Ebu
 riam züschiffen/als er vor dem auffaren vor betrachtet hett. Es ergieng
 jm aber gar vil anders dann sein mainung was/wann als bald sy vom
 gestatt gelendet heten/erhüb sich ein widerwind/vñ wiewol alle marner
 hertigklich arbeiten hinzüfaren/danocht warff er sy gewaltigklich wider
 gegen dem gestatt/dannen sy gefaren waren/so lang das der tag bezaygt
 wie nahent sy dem gestatt wären/Als aber des Königs diener die das ge
 statt zübehüten geordnet waren/das schiff ersahend vonn dem land ge
 hend / arckwontenn sy ihre flucht/vnnd gedachten sy zübehalten/vnnd
 fürenn auß mith wolgerüsten vnnd verwapnetenn schiff / mit sollicher
 Befelhe / vnnd gebot/das sy an das fliehend schiff nit solten wider kom
 men / Als aber Porus das ersah gegen jm kommen/bedacht er die künffo
 tigen not vnnd sorg darinn er stünde / vnnd manet nur die marner zürü
 dern nach kressen/so vast yeder mochte/dann bate er die Götter/ihm hilff
 inn seinen nöthen züsenden/Do aber Theosena Poridem also innerlichen
Bittenden

Stirrenden ersahe/ward sy jr not vnd engstlich sorg betrachten/vñ bedacht die zeit jr mordtlichs fürnemen zñuolbringen/nun kommen sein/vnnd ey- lend vermüschet sy die tödtlich güfft vor darzū geordnet/vnnd den weyt vnd emblöffer die schwert/vnd leget die iren vnd irer Schwester kindē für vnd sprach/Allerliebsten/wir all haben weder trost noch hilff/so ist vnns auch kein heil beschaffen/so müg wir vns auch nicht rechen/wann allain durch den tod/zū dem habt jr dise zwen weg/die schwert/vnd das getrancke/ jeder mag erwölen/das er lieber het/so setz/dz wir dem hochfertigen vbermüt des künigreichs entrinnen mügen/Darumb liebsten jüngling er zeigen ewer adelichs gmüt/vnd nemet mannlich die waffen/oder trinckt das giff/so vns doch das wütend Meer des lebens weret/Dieweil sy also redt/warenn nun des künigs diener nahend zū in kommen/vnd als die jüngling jr gebot zweifelten zñuolbringen/ward sy die grimm stiffterin so mordtlichs vbels darzū zwingen vnd nöten/Vnd do das beschach/vñ die kind nun von dem tranck vnd wunden/inn todts nöthen zabelten/gebote Theosena sy auß dem schiff in das meer zūwerffen/Do sy ire kind so senft mütiglich erzogen/lieber getödtet het/wann das sy inn des künigs eigenschafft solten geführt werden/das mann dann mercken möchte/wie groß vnd loblich sy die freyheit schantzte/vnd eygenschafft so gar vernichtet/so vmbfieng sy mit starckem gemüt iren dannoch bettenden mann/vnd siele mit im in das wütend meer/vnd wolt lieber inn freyhait sterben/dann in eigenschafft verschmachten/also verliessen sy den feinden das schiff/vñ entzugen Philippo sein mordtlich fürnemen gegen inen/vnnd machet is Theosena ein ewige gedächtnus mit irer härtigkeit.

Von Beronice der Künigin
von Cappadocia.
Das lxxi. Capitel.



Beronices die auch Leodicesgheifsen ist/wz eintochter Methudatis des künigs Ponti/vñ hatt jr durchleüchtigeyt durch besondē rachs irer kinder tod in ewige gedächtnus vmenichen gebracht/wen nach dem sy dē künig in Cappadocia Ariarapto

Boccatius von den

cia Ariarapto genant vermähelt was/vnnd auß im zwen sin gebar/die
beid von irem eignen brüder auch Methridato geheissen durch vntrew
in gestalt der gütigkeit getödtet wurden/als auch vor jr vater durch seyn
ordnung vō Gordio sein leben geendt het/lief sy nit ab/sy legt hin jr weip
lich gemüt/vnd empfieng manheit/rüstet iren streitwagen/vnnd zoch
mit gewappneter hand inn heeres krafft/auff die tödter ires manns vnd
kinder/vnd lief nit ee ab wenn sy die selben mit jr eignen hand gen helle
send. O gütiger Got / O vber grosse müterliche liebe der kind / was
möcht grössers beschehen/wann das ein vnerschrocken Weib mit gewap
neter hand die solt vberwinden/von denen Asia vnd vil nabent die gang
Italia erschreckenn hette/damit sy rach ihrer kinder tod/wol bezeigenn/
mocht die getat ich nit in der feder lassen/wiewol sy gekürtzt ist.

Von der hauffrawen Drigiagontis.

Das lxxij. Capitel.



Diewol 8
eigē namē
disei frauē
die gewesenn ist eyn
gemahel des künigs
Drigiagontis / inn
Gallen Gueche vns
ist vnwissent / das
nocht wirt ier durch
leichtigkeit vni die
grossen gethat vnd
rach der lezung ires
reinen gmüts vnvil

lich vergessen / so doch jr tugent vnd stercke des gemütes / vnder ires mañs
namen wol mögen beschriben werden / Wann zū den zeyten als der groß
Antiochus / ein künig der ganzen Asia vñ Syria / vō den Rōmern / durch
Scipionem Asiaticum vberwunden was / vnd nu dem obristen Rōmer
Gneo Manlio vbergebē / lief der selb Manlius / dz groß heere der Rōmer
nit geren müffig ligen / vnd zoch vber die freisamen Gallogrecos / vnd v
berwand sy so krefftiglich / das sy sich ergaben vnd in für ein herm bekant
ten / doch welche entrinnen mochten / flohen in die wiltnus / vnd hohe ge
bürg sich zūbewaren / aber sy wurden darab getribē / vnd ein vber grosse
menge gefangen von mannen vnd frawen / Vnder denen auch die künigin
Begriffen ward / Als aber der gefangnen haubtman vonn Manlio gese
zet / die schöne vnd plüende jugent der Künigin vermerckt / was der in vn
denlich

ordenlich liebe entzündet/so seer das er der Römischē erberkait vergessend die Königin mit notzwangen/lieblich bekennt/darumb sy so seer beschweret vnd im hertzen so groß bekümmert ward/das sye alle zeit mer bedacht das vbel zürechnen/wann sich von gefäncknuß züledigen/doch wartet sye stilligklich der zeit des züvolbringen/Do aber das gelt die gefangnen züledigen kommen was/ward sy erhitziget/vnd der zorn vnder dem kaischen hertzen der frawen erneuert/vnd als sy nun von den banden geledigt waz Betrachtet sy den weg der raach/vnd gieng mit den iren auff ain ort/vnnd gebot ien nacheygner sprach/den Römern vnkündig/so bald der hauptmann zalung des gelts begerte/vnnd nun sein gemüt vnd augen auff das gold gesezet hett/das sy in von stundan tödten vnd sein haupt abschneidē solten/das auch alles nach irem anschlag volbracht war/Zühand nam sye das haupt inn ir schosß vnd für hinweg mit glück nach ire zeitigen vorbestrachtung/vnd als sye heim für das angesicht irs manns kommen was/vnd im alle schmach ir angelegt erzölet/warff sy für seine füß das sy inn ir schosß gebracht het vnd sprach. Herz sihe an den lon der schmachait/vnnd entschuldigung weiplicher scham vnnd reinigkayt des gemüts/wellicher wolt die mit allain loben vnder den Römern/sonder auch an den spitz Lucrecie setzen/der kärcker stünde noch vor ir/vnnd die ketten/die tödtlichen waffen waren vmb sy/do sy mer gedacht die rach der vermeilgung des leibs wann die erledigung auß gefäncknuß/souil ob sy wol besorgen müßt wider inn die ketten geschlossen werden/wider gefangen inn den kärcker gestossen/auch irem kopff dem schwert bereyten/danocht stellet dz Weiß ir erber mannlchs gemüt inn so grosse krafft/das sy iren dienern vestigklich befalhe die vbelthat ir beschehen/an dem notzwinger zürechnen/Wo magst du fraidigern menschen/männlichen Fürsten/härten richter vber die vbelthäter immer mer erfinden/sy wolt lieber aber gefangen werden vnd den tod erwölen/wann in vngerochner schmachayt wider zü ihrem mann keren/sy mainet auch iren vermeyligten leib/nit wann durch groß gethaten wider entschuldigen mügen/vnd reinigkayt des gemüts erzeigē wann dardurch wirdt weibliche zucht vnnd eere behalten/vnd die verlorren widerbracht/also wirt reynem gemüt zeücknuß gegeben/daran wöllen die frawen sehen die reinigkayt irs gemütes festigen sollenn/wann es ist nicht genüg reinigkayt des hertzens mit zähern/schreyen vnnd klagen zübewegenn/vnnd mit wortten gelitten/gewalt erzeigen/sonder auch wo es möglich wäre die rach volbringen.

Boccacius von den

Von Tertia Emilia des ersten Scipionis Africani gemahel.

Das lxxij. Capitel.



Wiewol Tertia vō der gepurt dz geschlächts Emilio rii/ auch vō gemehlung des durchleüchtigtien Scipionis Africani des ersten vber hoche geadelt was/ doch ist sy vō irer grossen geschichte wegen/ vil mehr durchleüchtige ers

schinenn/ wann wiewol der ieb Scipio do er junger was/ ein gefangne junckfrawen/ in blüendem alter vber schöne mit dem güt von irem vatter gesandt auß gefäncknis zu erledigen/ irem gemahel dem Fürsten Lucio wider heim ledige sendet/ dannocht do ehr elter ward/ mocht er sich vom der verdampften vnfauberkeit/ leiblicher begird mit entziehen/ Er fiel inn liebe vnd vermischung seiner eignen magt/ so aber vber schwär ist solliche aufgang vnzimlicher liebe vnder gemahelschafft lang zuverbergē mocht auch nit bestan/ das Tertia alle ding sittlich nit gewar ward/ vnd wer zweyfelt/ das sy dise ding in irem gemüt nicht vber schwärlich trüge/ wann es sprechē etlich frawē truzlich on alle schā/ dzichts schmälicher/ nichts vnleidenlicher/ nichts laiders/ einer eestawen widerfaren müge/ wann dz die gerechtigkeit ires schlaff bettes/ einer andern zugefügt werden sol/ vn ich mag es bey Got auch wol glauben/ wann on zweiffel es ward nie arckwöniger thier wann ein Weyß/ eskommen auch von waiche ires gmüts oder von mainung vnd sorgen/ das sy destet leichter gehalten vter denn/ so bald ein man mit einer andernichts begünnet/ so mainen sy/ es beschehe alles in minderung irer freüntschafft vnd liebe/ aber wie schwär das ist/ so trüg es doch das adelich Weyb mit so starckem gemüt/ vnd hielt es so heimlich vnd verschwigen/ das nit allain kain frembder mann/ die schuld ires mannes von ir irien ward/ sonder auch das ir aigner mann nie vō ir gemercken kinndt/ das sy keinerlay arckwons auff ihn het/ das er solliches begünnet/ wann das vernünfftig Weib vermeint/ es were gar vnzimlich offenbar

offenbar zuwerdenn/das ein solcher mann/der manichen künig/mäch-
tig lande vnd leute vnderthenig gemachet het/von der liebe einer dienen-
denn magte solte werdenn nider getruckt/Die heiligenn frawe Bedaucht
auch nit genug sein/das sy die heimlichkeit also behielte/so lang ihr mann
Scipio in leben w3/sonder auch nach seinem tod/bedacht sie das dise ma-
sen solcher missethat/von so hohem man gnommen wurden/vnd der sün-
den gar vergessen/vnnd darumb das nit vrsach beleibe sollichs zügeden-
cken/so mainet sy vnzimmlich sein/das ein fraw / die eins solliches man-
nes teylhafftig worden was/vnbillich fürbaß in eygenschaft / vnd dienst-
barkeit leben solte oder geschmächt werdenn/auch kainen andern fürbaß
inn vnzimmlicher begird vermischet/darvon sy mer geschwächt werden
möcht/so vermähelt sy die selben ire gellen einem wolhabenden man/hey-
dem sy nach eeren wol versehen was. O grosse begird/vnd trewe liebe di-
ser frawen zü ires mannes eere zübeschirmen/Sy ließ ir eygen mensch da
ir göll was/ledig mit freyem müß/vñ gab sy irem verseher/O heilige fra-
we/dein lob ist billich biß inn den himmel züerheben/wañ du hast gedul-
tiglich mit sensstem gemüt deines manns verschulden getragen/vnd dar-
vber dein göllen auß eygenschaft frey gelassen/vnd souil sollich gütigkayt
selzamer ist/souil ist sy scheinlicher vnd grösser zühalten/Ein andere hett
geschrien/all freünd vnd nachburen zerat berüffet/vnd vnmaßlich klag
gefüret/Sy wär verlassen/sy wer verachtet/sy wer vernichtet/von irem
mann/vnd mit keinen dingen wol gehalten/sonder bey ires mannes le-
ben ein witwe worden/vnd einer schamlichenn eygnen magt vnd schnd-
den hüren nach gesetzt/Sy hett auch den mann vbel gehandelt vnd ver-
klaget/vnd nit geachtet/wie sy solliches grösten manns lob vnd eer gelegt
het/sy nun mit irem geschwätz iren gelimpff erzölenn möchte / aber dise
Tertia vberwand all widwertigkeit/mit irem starcken gemüt /dar durch
sy ewigs lob erworben hat.

Von Claudia Quinta der Römerin.

Das lxxiiij. Capitel.

Claudia Quinta ist ein Römerin gewesen/aber von was forderē
ist nicht ganz geleitert/doch so hat sy durch ein besonder dürstige
keckheit ewige durchleüchtigkeit/Die selb het zü allen zeiten vber
grossen fleyß/für alles ander ir thün auff besonder zierd ires leybs
das sy züvil kostlich/vnd außgestrichen für all ander/auch die edlesten Rö-
merin allweg gesehen ward/dardurch sy auch von den erbersten vnd elte-
stenn Römerin/nicht allain waichmütig vnnd vnerber/sonder auch ver-
schämpt inn vnlauteckait geschäget ward/Vnd zü den zeyten als Mar-
cus Cor-

M ij cus Cor

Boccatius von den



aus Cornelius vnd
 Publius Sempzo-
 nius zu Rö ragerie
 dz w3 def fünffzohē
 den jares/ des Rō-
 mers kriegs wider
 Carthagine / fügt
 sich dz der Göt mü-
 ter ein Abgönn der
 Römer/ zu de selben
 zeitē auff der Tiber
 gen Rom zugeführt
 ward/ vñ sie züer-
 pfahen/ war der best man Naupica geheissen/ mit allen edeln Rōmer in an-
 das gestadt von dem Senat der ganzen stat gesendet/ vñ d als sy daran
 kommen/ gestünd das schiff darinn das heylthumb was/ so hant auf dem
 grund/ das es die schiffleut inn keinerley weg mochten hantzū bringen/
 Als aber all jüngling durch all jr krefft mit angelegten saylen/ dz schiff nit
 mochten bewegen/ was Claudia vnder andern jawen/ jr tugent volles
 hertz erkennet/ die siel wider auff jr kne/ bittende die Göt in demütig-
 lich/ ob sy reinigkait jres hertzen erkandte/ das sy dann das schiff jr gü-
 tel lieffe nacholgen/ vñ zū hand stünd sy tecklich auff/ in hoffnung zū be-
 scheher was sy begert het/ vñ lief jr gütel an das schiff bindenn // vñ d
 alle jüngling davon gan // vñ d zoch das schiff allein wahin sye begeret
 das vor niemandt vom stadt bewegenn mochte // mit meniglichs vber
 grossen verwundern/ Auf dem vber grossen wunderwerck beschahenn
 das dise Claudia die vor meniglichem leichtfertig vñ scham lof gesehen
 ward/ Her widerumb/ zū hand mith vber grossen lof/ die hochwürdigst
 vñ d erberst für alle Rōmer in ward genommen/ vñ die zū dem gestadt
 mit schwächlicher masen der waidmütigkait komen was/ mit reinigkait
 vñ d grossen eeren wolgezietet widerumb in jr haus feret/ aber darinn dz
 sollich verleüden Claudie die nach jrem willen/ disen aufgang genommen
 hat/ so soll doch kein mensch/ wie vnschuldiges sey sollichs mer ver suchen
 das es sein vnschuld beweyfen wolle/ mit dingen/ die vber die natur seyen
 wann sollichs ist mer Got ver suchen wöllen/ wan die sürgewcaffnen ma-
 sen der sünd abzuwäschen/ Wir sollen heylige werck wuncken // wir sollen
 heyliglich leben/ vñ d ob wir böf geschänt werden/ mit widerwertigkeit
 darumb das er vnser gedult bewäre/ die hochfart von vns zühe/ das wir
 vns in tugendē üben mügē/ vñ d mit vns selber strewē/ so wir vns schuldig
 erkennenn/ der dinnig/ darumb wir werdenn angefochten/ wenn vns
 ist gnüg/ es ist auch gar vil/ es ist auch vber grof wenn Got vnser züig ist/

das

das wir wol vnd recht leben/darumb ob vns die menschen nit dafür ha-
ben/def sollen wir nit achten/so wir recht leben/vnnd ist besser das wir sy
arges gegen vns gedencken lassen/wan das wir vbels volbringen.

Von Hypsicratea der Künigin des
grossen Meeres.

Das lxxv. Capitel.

Hypsicratea ist gewesen eyn gemahel des grossen Mithridatis/
vnnd ein Künigin des Meers/fast schön/vnnd vberwüntlicher
liebe gegen ihrem mann / so grosser/das ihr nam dardurch ge-
ewigt worden ist/wann ihr mann Mithridates was inn stäten grossen
kriegen wider die Römer/vnd wiewol er nach Suidnischen siten vil wey-
ber hett/danocht was sy für ander seine weib von der sackel der lieb so in-
brünstiglich engündet/das sy in wider in meer noch keinerley heerfarten
nie verlassen wolt/wan sy mainet niemandt im künden aufwarten/wan
sy allain / Sy wist auch der knecht dienste den merertail sein vngetreuw
vnnd wiewol sollichs züvolbringen/einer Künigin schwer ist/danocht
setzet sy ihr gemüth vestiglich darein/vnd das sy es vester zimlicher ihun
möcht/lief sy ihr goldfarbes haar abschneyden/ihre ring/spenge vnd an-
der weiblich zierd hinlegen/vnd ihr haupt mit einem helm bedecken/vnd
den ganzen leibe mit küris/Banzer/paingewand/bis auff den füß ritter-
lich beklaiden/also verwechselt sy die guldin ring mit dem Bogen/die kost-
lichen häfflin mit den schiltten/die guncel mit den langen/die waychem-
pfulgen mit dem herten satel/Also zühand ein sensftmütige waichgelebte
Künigin/inn ein strenge ritter gestalt/verwandelt gesehen ward/vnnd
zoch auß mit embsigen vnderdienstenn mit ihrem mann/vber rauhe Berg
vnd tal allzeyt vnuerdrossen/inn hölern vnd wüstenen züligen/die vor in
sensfter gemahelkamer gewont het/Sy lief sich auch misier in keine rech-
ten sig oder flucht von im vertreiben/sy was auch manlich alle werck der
heere streit/es weren wunden/plätuer giessen/todschleg zusehen vnnd zü-
hören/auch vnerschrocken zü tragen/souil dz sy iren man als er von Onco
Pompeio gefangen ward/nie verlassen wolt/sonnder volget sy ihm nach
mit wenig iren freunden/durch Armeniam vnd manige gegend vnd wü-
stin/in zü trösten vnd zü gütter hoffnung naigen / O süsse hailigkeit dyser
gemahelschafft/O grundtlose macht rechter freündtschafft/wie mit so
grosser krafft habt ihr das gemüth dises weibs gefestiget/on zweyfel nie
kain weis/hat souil vmb iren mann erlitten/darumb ist nicht vnbillich so
die altenn ihre werck gelobet habend / das die nachkommenden darab
verwunderenn / Aber vmb dise vber grosse dienstbarkeyt / empfyenge
sy vn-

Boccatius von den

sy vnzivillichen Ion/wann nach dem als er wider heym kommen was/lief er auß zoren tödten ihren son/den sy von ihm empfangen hette/darumb er auch von den Römern gehasset ward/vnd auff das hauptschloß seins Königreichs getriben/darfür sich auch sein sun Pharnax leget/mit hilffe der Römer in zuuertreiben/vmb sein wütereij inn seine kind vnd freunde/da aber Mithridates mercktz zerstörung seines Königreichs/auch vnder gang sein selbs/seiner eeuweiber/zü weiber vnnnd der kind/lief er Hypsicrao theam die ihm sonnliebs gethan hett/mit vergyfftem trancke ertöden/darumb das sy ihn nit vberlebte/aber on zweyffel das was ein grosse vnd danckbarkeyt Mithridatis/Doch so mocht er die eere vñ glori diser frauen/nit gemindern/wiewol er den tödtlichen leib mit dem gifft/vnzeitlichs tods empfuret/so ist doch ir nam geewigt/vnnnd durch die festigung der büchstaben nimmermer zäuertilcken.

Von Sempronia der Römerin.

Das lxxvj. Capitel.

Sempronia was an schöne/vil der andern edlen Römerin weyt vbertreffen/vnd von sinnen vnd vernunft geschickt/das irs gleichen zü der zeyt nie erfunden ward/wann inn Griechischer vnd Lateynischer zungen/was sy so maisterlich gelert vñ geübt/das sy in bayden sprachen künstliche gedicht machen/vnd setzen kunde/vnd was sy hört oder sahe/das begriff sy behendiglich/darzü wist sy so zierlich zü reden/das sy meniglichen durch ihr gütte außsprechung/wol zü schimpff oder ernst/freude oder trauren bewegen mocht/besonder zü lieb/huld/vnnnd leiblicher begyrd wann sy wolt/darauff sy auch inn sonderheyt genaigt was/Sy kund auch auff allen saiten spilen lieblich singen/das einer juncke frauen wol an stat/wa es recht vnnnd zimlich gebraucht wirt/aber gemeinlicher sicht man das sollich singen vnd saiten spil/hilfflich mittel vnd werckzeug werden zü der vnkeuscheit/vnnnd so bald ein mal ein versüchen beschicht/die junckfrewlich rainigkait vermailigt/auch die schamröte def angesichts hingeleget/so bedarff man nit mehr werben/sonder werdenn sy die man reizend/inen selbs entgegen lauffen/darzü was die selb Sempronia so vbergeytzig/das sy sich vmb gold zü gewinnen meniglichen begirlichkeit machet vnderwürffig/herwiderumb so verthon/das sy alles das vnnutzlich in vppigkeit vnd bosheyt verzeret/was sy vnkeuschlich gewonnen het/also das irer geizigkeit vnd geidens/kein maß gesetzt was./Es ist nu ein tödtlich vbel vnd bosheyt/geizigkeit der frauen/vnd ein offenbare zeugtnus def vermailigten gemüts/def gleichen ist vberige miltigkeit fast zü vernichten/wann so offft solliche geidend miltigkeit ein kargs hertz (alls alle frauen haben) die wider die natur besitzt/so mag kein hoffnung

nung ainichs hayls/anders dahin wann armüt bekommen / Es ist gang
 vmb ehere vnd güt beschehen/dann sie künnd nit ehe auffhören/wann
 so sy zü der grösten schmach vnd armüt kommen seynd/Die frauwen
 sollen spärig sein/vnnd gehöret ihnen zü das sy mit trewen behalten/was
 von den mannen gewonnen würdt / vnnd als vyl vberige geizigkeit
 vn geüdighe mylte der frauwen züschelten ist/so vil wirdt gelobt der frauwen
 fleyß/der mann gewonnen güt wol zübehalten / wann sy mehret sittlich
 die reichthumb / sy eheret haylsamlich den haufrathe / sye ist ein ware
 zeügnus ganzes vnnd getreuwes gemüthes / auch ein ergezigkeit der
 arbeyt/vnnd ein kreffrige grundtfeste habender nachkommen/ doch das
 alle geschichte diser Sempronie inn ein vbel gestrickt werde/Zuden zeyt
 ten als der auffrätisch bößlüstig Cathilina mit vyl andern/zerstörige zwit
 tracht wider die Römer angeschlagen hett/vermischer sie sich vnnder die
 selben vmb ihr keuscheyt Baß züvolbringenn / aber als es mit den seinen/
 durch die gnad Gottes/vnnd die hilff Ciceronis gedempt ward mit sei
 nen mitgenossen/vnnd etlich der selben getödt/ward vnnder den selben
 schändtlichs tods erwürgt/Es was ein andere Sempronia/ein tochter
 Titi Sempronij Graclij vnnd Cornelia / des grossen Scipionis Affri
 cani tochter/vnnd ein schwester Tiberij Baij/die was so stäts gemüts/
 das sye lieber sterben wolt / wann sich den Richter zwingen lassen ey
 nen mann zünehmen/der ihr nit genosß/das darvon ich züschreyben/vmb
 kürze willen vnderlaß.

Von den weibern der Teütschen vöcker/so Cymbri
 genannt worden / vnnd gegen dem Teütschen
 meer oder O stersee gewont haben.

Das lxxvij. Capitel.



Von grösser
 rer/stäterer
 loblicher ge
 treüwer/ vnd bis in
 die himmel auffzū
 heben/gemahelsch
 afft vnd ee ist nie ge
 hört worden / wann
 vonn der grossen
 zal der weyber / die
 wittwen belybenn
 nach dem todschlag
 vnd

Boccatius von den

vnd flucht ihrer mann Cymbriorum / die vorzeyten ein Teütsch volck
 gewesen / vnd der ende gefessen / da yetz die Königreich Schweden/
 Norwegenn / vnd die zugehörigenn länder gelegenn seynd / von Gaius
 Mario dem Römer inn hertem streyt beschehen / wann souil die zal grösser
 ist gewesen / souil mer sein sy löblicher züerhöhen / wann inn rechter bewa-
 rung der keüscheyt / lesen wir wol dz etliche weyber mer beliben seyen / aber
 dz sich vil darzü gehauffet / haben wir nie oder selten gehört. Zü den zey-
 ten als die Römer in blüender regierung waren / erhübenn sich die Teüt-
 schen die Cymbri zü latein genennet werden / vnd etlich ander widerwer-
 rig gegend / vnd schwüren ein bündnuß wider die Römer / so starck vnd
 so krefftiglich / das niemant gedacht in mügen widersteen / Sy fürten
 auch mit inen weib vnd kind / vnd allen haußrat auff wägen / vñ vberfäln
 gählingen das ganz land Italias mit dreyen heern / die selben zübestreit-
 ten / ward außgesandt Caius Marius / inn den zü den selben zeyten / alle
 hoffnung der Römer gestelt war / dem kommen von erst entgegen die vn-
 gestümen Hauptleüder der Teütschen / wider die zünor vilmaln vn glücklich
 gestritten / vnd g. schachten von den Römern verloren worden / die
 griff er an / also hetten zü erst dise / dann jene sig bis die andern / das glück
 verwechselnde / doch zületzt nach grossen blütnergiessen / die Römer ganz
 oblagen / wurden die Teütschen den Römern die rucken keren / vñ flohen /
 Darnach zoh er vber Cymbros / vñ wie die teütschen vor geflohen warn
 also vberwand er auch die selben inn zwayen schachten / mit grossen blüt-
 nergiessen vñ todschlegen / Da das die weiber merckten / sy folgten mit der
 flucht irer mann / sonder sy machten ein wagenburg / auß 8 grossen menge
 der wägen / darauff sy iren haußrath gefüret hetten / vnd schlossen die vñ
 sich / vnd vermeynten also / doch törllich / ihr freyheyt vnd keüscheyt zü ent-
 schütten / vnd vor eigenschafft zü beschirmen / so lang in möglich were / A-
 ber so bald der Römer heer für sy came / wurden sy beynden das ir ord-
 nung vnd anschlag vnuerfenglich was / darumb ward ihr Begerung mit
 dem Hauptman vnd dem Römischen volck züertragen / Wann sy hetten
 einhälliglich ihr gemüt darein gesezet / so sy ire man / ihre vätterliche hab
 vnd alles ir güt / durch den streyt verloren hetten / das sy doch inn einiger-
 ley weg ir freyes leben / on eigenschafft inn keüscheyt ihres lebens behalten
 möchten / darumb begerten sy einmätiglich / nit ihr fliehend man züner-
 sünen / Nit wider haim zükömen inn ire heüser / nit widerkerung irer scha-
 dens / sonder dz sy alle in die klöster gethan würdē zü andern keütschen sück-
 frauen / Als sy aber sölicher erbarer gebet / die wol eines reynen gemüths
 zeügnus waren / nit erhört werden mochten / wurden sy mer verbertet in
 irem fürnemen / vnd wolten lieber die nachgeendevnmenschliche geschicht
 volbringen / wann inn schändtlicher eigenschafft / mit ihren kyndenn le-
 ben inn gespöt vnd vnlauterkeyt ihrer seind vmbgezogen werden / vnd
 allen

vor alle
 zühan
 men ni
 frau
 man
 als da
 ber w
 durch



leicht
 fers
 meyn
 nern
 pian
 dem
 Sta
 reich
 fess
 dur
 den
 eiter
 get
 roo
 nem
 im

Vor allen dingen namen sy ire kind/vñ stießen sy auff der erd alle zütod/vñ zühand erhenckten sy sich selber an die strick/das den vberwindern / von ihnen nit anders dan der tod vnnüz körper zu thail werden mocht/ annder frauen weren villeicht wainend vnd bittend komen vmb ledigung irer mann/vmb ir güt vnd freyheyt/vnd villeicht das züerwerben/weren sye als das vich vmbgezogen/weiblicher erbarkeyt vergessend/aber dise weiber wolten lieber mit stätem gemüt/ ir eere bis inn den tod behalten/das durch sy die glori irer volckes nit gemindert wurd.

Von Julia des Kaisers Caij tochter.

Das lxxviij. Capitel.



Wiewol Julia von geschlächtes / ihrem gemahel Durchleüchtig sten frauen eyne der ganzen Welt gewesen, so ist sy doch vyl klarer/vmb ihr aller loblichsteu ehelichen trew vñnd liebe gegen ihrem man/vñnd gähen that/vber all ander frauen durch

leüchtend worden/Sy ist gewesen ein tochter Caij Julij des ersten Keyfers vñnd Cornelia/der vatter Cynna was vier maln Römischer Burgermeyster/der selb Julius aber hett seinen vrsprung von den eltesten Troianern Enea vñnd seinen erben/durch vil König vñnd ander Regierer empfangen/Aber Julia ward gemahelt dem grossen Pompeio der selb zeit/dem mächtigsten / freytbarsten Römer / des gleichen inn regierung der Statt Rom inn syglichen freytenn/wider manig land/wider Königreich vñnd König der ganzen welt/die er gewaltiglich einsetzet vñnd entsetzet/oder new erwölet nach seinem willen/vor im nit geschehen woz/dar durch er ewigen gunst/aller Römer leicht gewinien vñnd behalten mochte/den selben Pompeium die hoch geborn frau/wiewol sy jung was vñnd er elter/so sübrünstiglichen lieb hett/das ir dardurch vnzeytiger tod eruolget/Wann zu einer zeit als Pompeius ein lebendigs opffer nach ihrer gewonheyt/inn dem Tempel opffert/vñnd das selb gestochen ward in seynenn hendenn zabelt es so fast hin vñnd her vonn der wunden / das es im seine klaidter seer besprenget/vñnd mit dem blüt vermailigt/darumb er die

Vocatilis von den

er die selben haim sendet andere anzühn / vnd vngefärllich begegnet die schwanger Julia dem diener der sy trüg / so bald sy aber ires mannes blütige klaiden ansichtig ward / ee das sy recht fraget was geschehen wer / viel sy inn bösen schrecken / irem mann wer etwann gewalt geschehen / vnd zühand fiel sy inn onmacht / vnd vergieng ir das gesicht / als ob ir nach ihres liebsten mannes tod nit züleben wer / vnd mit verschlossen henden vnd erstocktem hertzen / viel sy gächlingen nider / vnd gab auf iren gaist mit grossem vnfall vnd nachthail / nit allain der Römer / sonder auch der ganzen weytten welt.

Von Porcia Catonis Vricensis tochter.

Das lxxij. Capitel.



Portia ist gewesen des Catonis tochter der Pompeio anhieng / vñ zu den zeiten als er auß Egyptenn / durch die brennend hiz der sonnen / dz vberig heere Pompei inn Affricam füret durch Libyam / vnd erhöret das Julius Cesar / Pompeium hert inn heeres krafft bestritten vnd vberwunden / ward er des syggs so vngedultig / das er sich selber bey der statt Vrica erödtet / das tumber Vricensis gehaissen ward. Das selb hoch geadelt weib ist auch auß vätterlicher stercke / vnd stätigkeyt nie geschritten / vnd das ich vyl der andern vber klaren tugenden geschweyg / so het sy irn man Brutum / dem sy von irem vater geben ward / so inn grossen eeren vnd liebe / mit hertlicher trew vñ keüschait / dz dise sorg vnd fleiß so sy auff iren man leget / weyt alle andere weibliche fleiß vñ sorg vbertraß / Sy mocht auch die zimlichen flammen der liebe / wa sich sügklich zeyt vñnd statt zütrüg / nit verbergen inn irem hertzen / sy öffnet ir gemüt mit den wercken / vñnd wiewol dise ding mercklich seind / so erbieten sich doch selber / etliche andere / dardurch ire klarheyt billich geewigt werden soll / Wann zu den zeiten als die schendlich vngestüme der Römischen burger gestillet / vñnd das volcke Pompei vberal von dem Kaiser Julio nider getrucket was / vñnd nun der Kaiser

mainet

mainet / also vnuerendert stätter regierer des Römischen Keychs zübelei-
 Ben / schwören wider in / vil der gewaltigisten Römer / vnd denen woz auch
 Brutus Porcie mann / der kainen zweiffel hett an seines Weibs stätigkeit
 darumb er jr auch öffnet das mörlich fürnemen wid Julium den Keyser
 vnd beschach auff den morgen / als er von den mitgeschwornenn getödet
 werden solt / Das Brutus außgieng von seiner schlaffkamer / das Porcia
 ein schermesser nam / als ob sy die Negel der finger beschneyden wolt / vnd
 fellet jr selbst mit willen inn einen süß / damit sy seer verwundet ward / Ir
 mägt als sie das plüt ersahen wurden schreyē / darnon Brutus wider vñ
 keret zübesehen was das geschray bedeutet / vnd ward Porciam straffen
 das sye des Balsierers werck selber thün wolte. Aber Porcia ließ ihre dies-
 nerin von jr gan / vnd sprach zü jm / Das ich gethan hab ist nicht on fürbe-
 trachtung von mir beschehenn / als du meinst / Ich hab es darumb ange-
 fangen / das ich darumb versüchte wie ich mich selber mit dem schwert er-
 tödten müg / vnd den tod erleidē / ob dein fürnemen gegen dem Keiser ein
 andend neme / wann du vor dir hast / O grosse krafft vnerschöpflicher lie-
 be / O sälliger mann sollicher gemahelschafft / aber woz trüg sich fürbas zü /
 die züsamengeschworen hetten / volbrachten das mord / vñnd entrunnen
 doch nit vngestraft / wann wiewol es inen nach irem willenn ergieng / so
 wurdendoch die thätter von dem vbrigen teyl des Senats verurteylet /
 darumb sie landtreimig müßten werden / vnd kommen in menigeland zer-
 strewet / Aber Brutus vnd Cassius / führen mit grossen volck inn Orient /
 inn meinung wider Octavianū den Keiser / vnd Anthoniū die Julij des
 Keyfers erben waren sich züsetzen / wider die fürten Octavianus vnd An-
 thonius grosse heer / vnd stritten wider sie / vberwunden sie / vnd zertran-
 ten all jr heer / Do das Porcia vernam / bedacht sy dē tod nit schwärlicher
 zü leyden / wann etwann die wunden vō dem messer sal geliten / vñ behēd
 viel sy inn jr altes fürnemen / vnd als sy bey dem feur saß / vnd nit so bald
 als sye begert / einicherley waffen sich zütöden haben mocht / nam sy vner-
 zittert die briñenden kolen in jr hend / vñ schob sy inn jr kelen / damit sy iren
 schlund vnd kelen also verbrenēt / das jr hertz ersticket vō verhaltung des
 athems. Wer will daran zweiffeln / souil selzamer vnd vngewonlicher di-
 ser tod gewesen / so vil ist dise liebe gegen irem man grösser züschätzen / vñnd
 ewiger gedächtnuß würdiger.

Von Hortensia Quinti Hortensij tochter.

Das lxxx. Capitel.

Hortensia ist gewesen ein tochter des hochberümpften Römischen
 redners Quinti Hortensij / mit würdigem lobē billich hoch züer-
 heben / wann sy hett jres vaters künsten nit allain in dē gemüt be-
 u
 hab



halten/sond kund sy die mit lauter stimm so zierlich vnd meysterlich nach rechter kunst vn̄ so lieplich vn̄ anmütiglichen aussprechen/das es vyl der hochgeleertesten dselben kunst oft zu schwer wäre/dz hat sy auch scheinberlich beweret/dann es füget sich zu den zeiten als der Römer regierung auff drey mann geſetzt was/das durch die ſelben/in einer not dē gemeinē nutz antreffend/den edlen Römischen ſrawē ein faſt groſſe ſum̄ gelts zūgeſē auffgelegt ward/dardurch ſy ſo beſchwärt wurde/dz ſre kleider vn̄ klainat/ſollich gelt zūbezalen nit genügsam gewes ſen wären/ſy kundten auch niemant erbitten/der ſnen dz wort wider der drey mañ ordnung die zūmiltern thūn wolt oder döſſte/allain die obgenant Hortensia/was ſo getürſtig/dz ſy ſich als ein fürſpreeher der ſrawē zū beſchirmen vor dē drey mañen mit ſtarckem gemüt vnderſieng/vn̄ redet ſo wol/lieplich vnd treſſenlich/dz menigklich darab verwundn empfieng vn̄ sprach ſr vater Hortensius wār wyder von dem grab erſtanden/vn̄ in ein Weyb verkeret/vn̄ auch nit vn̄billich/wañ zūgleicherweyß als ſre redē in nichten zūuerbesseren warn/also ward ſr begeren von den drey mannē an keinē end gemindert/ſonder der gröſſer tayl ſolcher ſchätzung abgelas ſen/betrachtende wz verborigne weyßheit der ſrawen/die heimlich vn̄ ſchweygend zūloben iſt/vermüge/vnd wie zierlich ſy ſey/wann ſy an den tag gelegt wurde/durch die ſach Hortensia von allen Römern mit groſſem lob vnd eeren billich erlenchtet vnd hoch erhabt ward/wann das vberig gelt deſſen doch wenig was/mochte ſy gar leicht bezalen.

Von Sulpicia Truscellionis gemahel.

Das lxxxj. Capitel.

Sulpicia die edel Rōmerin Lentuli Truscellionis gmahel wirt billich vn̄ ſr groſſe liebe zū ſrem mañ/zū andern eerleichten ſrawen geſetzt/Wañ zū den zeiten als die drey mañ zū Rom regiertē/war ſr mañ Truscellio auch von ſnen vnd die verurtheilten vnd verdampten zū dem tod verzeichnet vnd geſchriben/aber mit ſchneller flucht entran er in Sicilia/da belib er in ellend vnd armüt/Da aber das Sulpicia gwar ward/ſetzt ſie ſr gemüt/mū vnd arbeit mit ſrm gemahel leyden wöllen/wann

wann sy gar vnzimlich bedeuicht in grossen eeren sitzen / inn wollust leben glücklich wesen halten / vnd den man inn ellend vnd hunger vnd not leidē zulassen / doch so was jr nit leicht jr surnemen zūvolbringen / wann sy was von der mütter Julia mit höchstem fleyß verhüt / das sye dem ellende ihres manns nit nachfolgte / aber es war nie kein hüt so groß / rechte liebe mocht sy betriegen / darumb wartet sy zū disen dingen süglich / zeit / vnd leget an gehalten klayder / vnd nam zū jr nit mer dann zwo mägt / vnd souil knecht vnd betrog jrer mütter / vnd der andern hüter verwartē / verließ jr väterliche behausung vnd alles ander vermügen / vnd folget nach dem ellendt ihres gemahels / wiewol sy nach irem gesatz vnd rechtenn / vonn des selben manns mocht gescheyden sein / vnd mit einem newen manns hochzeit gehalten / vnd in hohen eeren gelebt haben / Aber die durchleüchtig fraw / wolt lieber auß besondern gunst vñ liebe zū irem man / vngestüme des Meers verachten / die hitz der brennenden sonnen geduldē / von wildtnuß der wüste / berg vnd tal nit erschrocken / durch manige vnerkante gegent ziehen / tausentfältig sorg vñ angst erleiden / iren manns zūfinden / der von dem glücklich verworffen was / Wann sy in irem hauß in wollust / waichmütigkeit vnd sensstem lebē wolt jr zeit vertreiben / das doch nit eins weiplichen gemüts / sonder mannllicher durchleüchtiger weisheyt / vñ starck bedeuitung ist / Es ist auch nit allweg in gold / gestein / vnd ander zierden zūerscheynē nit allzeit hofflich zūgebaren / inn sensstem leben / nicht allweg die hitz der sonnen / schnee vnd regen / des Winters zūfliehen / nit allweg begirlicher wollust der schlaff kamer zūpflegen / sonder auch mit den mannen die das glückrad inn ellend vertriben hat / mü / arbeit / vnd armüt mit starckem gemüt zūleyden / Das ist die scheinliche Kitterschafft der frawen / das seynd die streyt / das seynd die höchsten sig / jrer vberwunden seynd der waichmütigkeit / darnon sy durchleüchtend / hoch gelobt vnd gewirdigt werden / wann sye leiplich lüst / sensstes leben / hochmütigkeit / mit stättigkeit / eeren / vñ reingkeit vberwindē / dauon konit inē hoher rüm vñ ewige glori.

Von Marianne.

Das lxxxij. Capitel.

Mariannes die Jüdin / ist gewesen ein tochter Aristoboli des Jüdischen künigs auß Alexandra / Königs Sircani tochter geboren vnd was sollicher grosser vngesehner schöne / das sy nit allain alle schönste frawen der selben zeit in schöne vbertraf / sonder auch gleich ein himlischen bild / vñ nit ein tödtlich mensch von menigklich geschätzt ward als auch das Marcus Anthonius ainer auß den drey mannen / die zū Rom das oberst regiment inn heten wolbezeuget / wann Marcus hett ein brüder vonn vatter vnd mütter Aristobolum geheysen / gleicher schöne vñ

U ij jare mit

Boccatius von den

jare mit ihr / Vnnd als Alexander begeret von dem König Herode, das
 er dem selben Aristobolo solte dz oberst ampt der priester schafft verleihē
 solchs züerwerben / lief sie durch den ratt Gellij res frainds / jr bayder ge
 stalt / dē bestē maler meisterlich conterseyē / vñ dē vnkeuschē Fürsten Anho
 mio bis in Egypten sendē / in zü bewegen / zü leiblicher begülichkeit / dadurch
 sy jrer geber dester ee gewert würd / Als aber Anthonius solche bildnuß er
 sah / stund er von erst in langem verwundern darnor / darnach sprach er
 Dise seind fürwar schöne halb Gottes kind / vñ hab all mein tag an keinē
 ort / nit allein nit schöner / sonder res gleichenn nie gesehen / aber allayn
 von Marianne zü sagen / ob sye von vngehörter schöne durchleuchtend wz
 so ist sy doch vmb jr grosse sterck des gemüts vil mer namhafft erschienen /
 wann da sy zü den mannbaren iharen kommen was / warde sie dem vers
 fluchten man Herodi Antipatris son / der Juden künig zü gemähelt / trent
 halb fast vngelücklich / doch hett er sy vmb jr lustliche schöne vber lieb / vñ
 ward seer gendenn das er allain die himmlischenn schöne inn gewalt het /
 dadurch er inn solliche sorg siele / das kain ander deren theilhaftig wur
 de / das er gedacht darnor zü sein / das sy in mit vberlebete / vnd das zü vol
 bringen / Als er von erst berüffet ward / von Anthonio inn Egypten zütö
 men / vnd züsagen / warumb er Aristobolum Marianne brüder getödet
 het / vñnd auch darnach alser von Octauiano berüffet ward / da schon
 Anthonius was gestorben / sich züerantwortenn / warumb er Anthonio
 wider in hilff zügesendet hette / verließ er mit seiner basen Ciprinne vñnd
 andern etlichen seinen freunden / ob sy etwas horten von Anthonio / oder
 von Octauiano / oder sonstichts wie das käme / das sich seinhalb zü dem
 tod zuge / das sy dann Mariannen von stund an on verziehen tödten sol
 ten / das sie nach seinem tod keinem zü teyl würd / Als das Josephus weit
 leuffer beschreybt / O spötlich vnsinnigkait eins Königs / der sonst inn sey
 nen thaten so anschlegig was / wilt du vmb einen främbden nutz / der vil
 leicht dannoch nit für sich gieng / nach deinem todt auch neydig sein / vñnd
 wiewol ehs gar heimlich beschehenn was / dannoch ward es Marianni
 kundt gethon / Vñnd als sy nun vmb das mord an irem brüder beschehen
 vnsäglichen haf wider Herodem empfangen het / gedacht sy wol / das sy
 jr mann nit anders dann vmb vppige werck mit jr züvolbringen lieb het /
 vñnd ward je mer inn zoren bewegt / wann sy gedacht wie er zwey mal ge
 ordnet hett sy zütöden / ob er von Anthonio oder Octauiano auß belibe /
 das trüg sy so vberschwärmütiglich inn irem hertzen / das sy irem liebs
 benden mann zü leiblichen wercken nie mer gehorsam wolt seyn / wiewol
 sy in zwen adellich jüngling Alexandrum vñnd Aristobolum geboren het
 Sy ward in auch mangerley weys verachten / vñnd schmällich wider in re
 den / auch vor meniglichen vnuerholen vñnd stolzlich sagenn / Herodes
 were seins gewalts nit würdig / er wäre ein herkommen vñnd vngelobten
mann

mann/er wäre keyn Jud/sonder ein Idomeus/vnd Künigliches Weibs
 nit werdt/darzu wer er eyn vngestümer/vngewolicher/mortlicher/vn-
 menschlicher wütrich/alles auff das härtest angezogen/Wiewol nu das
 Herodes schwärlich trüg/doch bezwang ihn innbrünstig liebe/das er dise
 vnd andere schmachwort vō jr verduldet vngepeyniget/doch zülest / als
 die ding täglich inn Bosheit auffwachsen wurden/gedacht Herodis müt-
 ter vnd jr Schwester Salome/die allweg mit Marianne vneins waren/
 sy züdemmen/vnd bestöln eyne Herodis schencken/Mariannem gegē
 im zäuersagen/inn sollicher maß/wie sy in gebetten het / jr hisslich züsey
 das Herodi etliche tranck gegebē wurden/die sy auff in gemacht het/vnd
 mer/wie sy jr gestalt kurtzlich aber aufgesandt hett/den öbusten Römern
 sy inn vnordenliche lieb zübewegen/dardurch sy in meiner zäuertreyben/
 Als aber Herodi/von dem schencken sollich gesagt ward/mocht er leicht
 darauff glauben legen/wann vngestümigkeit jr wort vnd werck zeigten
 one das grossen vnwillen an/vnd ward darvon härtiglich gerayzt/vnd
 so in ängstlichem wüten entzündet/das er sy vor allen freunden verklaget/
 vnd durch gemainen rath der selben/sy als eine die in Küniglicher Maye
 stat schwerlich gesündiget hett/zü dem tod verdammet/Als sy das verna-
 me/erkücket jr edels gemüt also/das sy den tod ganz verachtet/vnnd mit
 vnuerketter gestalt kecklich mit mannes müt vnd trucknen augen/all an-
 der weinend ansah/nit allain vngeziteret/sonder auch begirlich/als eine
 die tres streits gesigt het/on alle hoffnung des lebens/dem nachrichter dz
 haupt abzuschlahen auffreckt/dardurch sy jr gedächtnuß vil thümlicher
 gemacht hat/dann so sy Herodi zü füssen gefallen wer/vnd zü wainen er-
 beten het/jr leben etlich zeit zü fristen/darzu schüß sy ewige raach Herodi
 der vms seinen neid allweg inn trauren leben müß/das in so hoch reüwet
 das er sein allerschönste Weyb tödten het lassen.

Von Cleopatra.

Das lxxxiij. Capitel.

Cleopatra ist gewesen ein Egyptisch Weyb/vnd ob sy durch vil kü-
 nig vō Ptolomeo der Mozen künig/der Lagi son gewesen ist/jrn
 vrsprung gezogen hat/vnnd Dionysij Ptolomei/odder als ander
 wöllent/Miniei des künigs tochter gewesen ist/so ist sy doch durch
 Bosheit zü regierung des reichs kommen/vnd hat auch vber das selb vnd
 vber die schöne tres leybs kein ware durchleüchtigkeit an jr gehebt/wann
 sy ist herwiderumb durch jr geitigkeit/vnkeüßche werck vnd mortliche v-
 bel der gantzen welt schamlos geschenn/wann Dionysius oder Minieus
 ihr vatter/was der Römer vnnd Julij des Keyfers öbrister freünd/das

U ij erst jar

Boccacius von den



erst jar seiner regierung/vnnd als ehrsterben solte/lief er ein Testament hinter jm/dz der elstson Lisania gheisse sein Schwester Cleopatra zu Weib namme/die auch die altste tochter was/als sy nach irer gesetze wol thun mochten vn̄ die beid nach sey

nem tod regieren solten/wann die schwamlich vppigtait was in Egyptenn gemein/das kein leiplich sypp die Le wenden solte/wann allain der vater vnd mütter gegen iren kinden/das war volbracht / Aber als inn die tag die innbrünstige begirlichayt / das Königreych allain zu regieren wachsen ward/fiel sie inn ein sollichs mordtlichs vbel/das sye den selbenn jüngling/erst fünffzehen jar alt/iren brüder vnnd mann mit vergüfstem tranck ertödteten lief/durch das sie das Königreich allain Regiert/Aber kurz darnach beschach ehs/dz der groß Pompeius vil nahendt die ganze Asiam gewan/vnnd zoch mith seinem heer inn Egypten/vnnd machet alda den jünger son zum künig vnd regierer des Reichs Egypti / daruō Cleopatra so beschwärt ward/das sye wider ihn zu streitten ire waffenn rüstet/Inn disenn dingen zoch Julius der Kayser auß wider Pompeium vnnd sellet sein heer inn Tessalia/vnnd ward der jüngling vor von Pompeio zu künig gemacht/nahet bey Egypten nider gelegt/doch als Julius der Keyser dahin kam/sander sye dannocht groß krieg vnder ihn fürent/Vnnd als er die partheyen ihre sach zühöreren für sich beruffen lief / das wir des brüders todt geschweigen/kam Cleopatra / mit sollichenn lustigen rayzungen vnnd Königlichen zierden gewäpnet/das sy wol hoffen mocht/den regierer der ganzen Welt / inn lieplich begirlichkayt zu bewegen / dardurch sye ihres begerens leicht möcht geweret werden/wann sy was schön vber alle Weyß/vnd kund ire augen künstlichen zwitlend erzeigen/mit lieplichen worten/dz sy leicht wen sy wolt in weichmütigkeit bewegen mocht/also bracht sy den vnkeüschenn Fürsten mit kleiner arbeit inn ihre gesellschaft/vnnd hetten manige gemeine nacht entmitten vnder dem Alexandrischen krieg / vnnd gebat von ihm eyn son/den sy nach seinem namien Cesareonem heissen lief/als aber der jung Ptolomeus von dem Keyser wider ledig in sein reych gesetzet ward/bewegten in die seinen/dz er sich aber wider den Keyser rüstet/der in doch erlöst het / Vn̄ als er auß zoch wider Metridatem/der dem keyser zu hilf komien wolt mit seinem

seinem heer / fürkeret in der Kaiser / vnd vberward in vnd alles sein heer
 so mächtiglich / das Ptholomeus die flucht des meeres versüchet / vnd
 ward das schiff von den fliehenden also beschweret / das es vndergienge /
 also endet der selb Ptholomeus / vnd wurden die sachen Alexandrinorum
 gestillet mit dem das sy sich an den Kayser ergaben / Nach dem ward sich
 der Kaiser rüsten vber Pharnacen den König Ponti zuziehen / darumb
 das er Pompeio beystand gethan het / vñ in dem abschaiden Cleopatram
 zübegaben / vmb jr beyligen souil näch / auch vñ das sy im hüfflich bey ge-
 standen woz / machet er sy gewaltige Königin in ganzer Egypten / wan sy
 auch anders nit begeret / vnd füret ihr schwester mit im hinweg / darumb
 das sy jr keinen eintrag inn jr regierung thün möchte / Also behielt Cleopa-
 tra mit lustiger behendigkeit das Königreich / vnd vbernam sich sollicher
 regierung souil / das sy nit wann nach leibs lust allzeyt lebet / vnd darbey
 golds vnd klainat so geyzig / das sy vmb sollichszübekommen / der Kün-
 nig inn Orient / ein gemaine fraw gesehen warde / dardurch sy manigen
 herzen inn armüt bracht / vnd nit allain die selben / sonder beraubt sy auch
 die tempel / vñ nam darauf alle zierde von gold vnd gestain / vñ lief sy lät-
 stan / darnach vber etlich zeyt / als der Kaiser Julius getödt ward / vñ Brus-
 tus vnd Cassius die in getödt hetten / auch vberwunden / zoch Anthonius
 inn Syriam / als bald aber Cleopatra das vernam / erhüb sy sich so lust-
 lich vnd wolgezieret im entgegen zükommen / das sy durch ihr schöne vnd
 vnkeüscheliche augen mit raizen der gebärde / den vnlauteren menschen / leicht
 inn ihr liebe ziehen mocht / darinn er auch so innbrünstiglich entzündet
 warde / das er vmb der gebet willenn / die vor ihm brüder vnd mann /
 mit gyfft ertödtet hett / jr schwester Arsinoem mit seiner hand erwürgt in
 dem Tempel Diane / inn der stat Epheseorum / darein sy vnfälige freierung
 zühaben geflohen was / das was der erst lon Cleopatre / von irem newen
 Bülen / vmb den eebruch empfangen / das sy dester minder einträg inn irer
 regierung dörfst besorgen / Vnd da das vbel weib Cleopatra die sitten An-
 thonij erkennen ward / schämet sy sich nit von ihm zübegeben die Könige-
 reich Syrie vnd Arabie / aber doch / do das ihn züvil vnd vber groß be-
 dauchte / das er der begird der frawen die er lieb hette / genüg thäte / gab er
 jr inn baiden rechten güte stücklin von land / leüt / märckt vnd stett / vnd
 alles das zwyschen dem grossen wasser Eleuthreum vnd Egypten / ligt
 an dem end Syrie / on allein das Königreich Sydonem vnd Tyrum / die
 behielt er / Da sy nun das alles eingekommen hette / vnd Anthonius in Ar-
 meniam ziehen wolt / belaitet sy in gestalt der liebe nachuolgend / bis an
 das wasser Euphraten / vnd als sy durch Syriam wider heim inn Egy-
 pten ziehē wolt / ward sy von Herodi Antipatris die selben zeit der Juden
 König gar wol vnd eerlich empfangen / sy schämet sy auch nit an ihn durch
 die kuppler zü erwerben / gemeinsame mit im zühabē / züuersüchen / wa das
 Beschehe sein Königreich im abzüziehē / dz er doch durch die hilf Anthonij er-

A iij worben

Boccatius von den

worben vnd nit lang besessen hett / Aber do das Herodes mercken ward /
 widert er sich sollichs beyligens / nit allain Anthonio zu eeren / sonder auch
 das er von einer sollichen vnrainen frauwen / vnuerarckwonet belibe / er
 hette sy tödten lassen / wann seine rath nit daruor gewesen weren / vnn
 doch Anthonio zu eeren / schencket er jr die gült Hiericūtis / da der Balsam
 wüchs / den füret sy mit jr gehn Babylonia inn Egypten / da er noch wech
 set biß auff den heütigen tag / also zohe sy mit disen vnd andern grossen ga
 ben vō Herode / wider in Egyptē / darnach aber als Anthonius vō dē Ar
 menen die er in die flucht geferet hette / vnd sy berüffte im entgegen zoch /
 darumb das sy in defter begirlicher mit irem vnsahen empfienge / schenckt
 er jr Arthabarzanē den König Armenie / mit seinen sūnen / vn allen seinen
 rathen / vnd allem schatz / die er aller durch vntreiw vnd böß liste gefang
 en het / daruon das gezyg weib vber seer erfrewet ward / vnd empfyeng
 den innbrünstigen liebhaber so begirlich / so waichmütiglich / so mit ray
 zende schmaichen / das er sein weib Octauiam / die Schwester Octauiani
 des Kaisers verlassen / vn sich von jr schaiden wolt / darumb das er Cleo
 patram innerlich liebet / vnd zu weib nemen möcht. Vnn auff ein zeyt als
 sy bey einander ob dem tisch sassen / vn nach aller wollust inn vberflüssiger
 kost vnd tranck lebten so groß / das nichts zu leibs lust vnd begirlichkeit
 mocht erdacht werden / es wurde gesücht vnn erfunden / sprach Antho
 nius zu ihr / Was möcht doch vnser herlicheyt vnd kostlicher wirtschafft
 gleichen / als ob ehr spräche / köstlicher speiß seind nit zū machen / wann
 vnns täglich berayt werdenn. Antwortet das vnkeüsch vntreyn weib /
 Sy wiste wol ein tracht zū machen / das sy nach einem nachtmal tau
 sendt mal souil allain esse / als vil seyner mal kostes nemen / meynt Antho
 nius das nicht sein mügen / doch wolte ehr es gerenn sehen / vnn des lu
 stes auch gewar werden / vnn setzet das zuerkennenn Lucium Plau
 tum / als eynen richter / vnn als den nächsten tag darnach / des Königes
 speiß nit vber die gewonheyt gemert wurden / lachtet Cleopatra vnd schüf
 fe mit iren dienern das sy ire speiß bringen sölten / Die diener brachten ni
 chts dan ein geschirz mit vbersaurem essich / als sy vor von jr vnderwysenn
 waren / Zūhand nam sy ein berlin das sy inn irem ore nach irer gewonheyt
 zū einer zier trüge / des kostens nit zū sagen was / vnd leget das inn den es
 sich / vnd so bald es darinn zergäng / tranck sy es auß / vnn als bald wolt
 sy das ander berlin gleich köstlich / von dem andern or auch also verzeret
 haben / wann das Lucius Plantus daruor was / mit dem das ehr die vr
 thail gab / Anthonius wer vberwunden / also ward das ander berlin be
 halten / vnd gewan die Königin / Das selb berlin warde darnach in zwey
 getailt / gehn Rom gefüret in den obersten Tempel Pantheon gehaissen /
 vn alda der Göttin Veneri in ire orn gehenckt / zū langer zeügknus des hal
 ben nacht mals Cleopatre aber mer / als die vnersetlich geizigkeit vō tag
 zū tag inn dem vnkeüsch weib / noch mehr wachsen ward / darumb das
 sy alle

sy alle ding züsamen knypffet / nach diesem kostlichen nachtmal / bat sy den
 trunckenn Anthonium / daser ihr das Römisch reych solt vnderthänig
 machen / zü gleicher weis als ob inn seinem gewalt stünde / das Römisch
 Reich hin zügeben / Er versprach jr das zügeben / doch wenig fürbetrach-
 tend sein macht vnnnd der Römer / vnnnd was er daran zügeben hett / wann
 seyn vernunfft was von dem wein verstopffet / O gütter Gott / was
 grosser dürstigkeit zü bitten / die thohheit des gebenden was auch nicht
 klainer / O vnsägliche miltigkeit sollichs güts / das souil lange zeit mit so
 grosser müe vnnnd arbeit / mit souil blätuergeissen / mit souil hochgeadleter
 mann / todtschlegenn / mit souil trengenn menigs volcks vnnnd landes /
 mit souyl grossen geschichten / mit souyl hertten streyten / kaum züsamen
 Bracht ist / wirt einer sollichen frawen vmb jr schlechtes bitten zügesaget /
 so ringfeltiglich vnbedacht / als ob es ein hirten heüßlin wer / doch vnuol-
 strecket / wann diser gewalt mit an ihm was / wann mit dem scheyden das
 Anthonius gethan hett Octaue / der Schwester Octauiani / ward vney-
 nigkeit gesäet / vnnnd anfang / tödtlichs krieges / souil das Octavianus vnnnd
 Anthonius inn gesamleter heeres krafft / wyder einander zugen / aber
 Anthonius vnnnd Cleopatra kommen mit vyl wolgerüsten schiffen / der
 segel vonn Purpur gemacht waren / vnnnd die schiff von gold erscheinend /
 vnnnd füren inn Epyrum / da lendten sy vnnnd stritten züland mit dem heer
 Octauiani / vnnnd ward das heer Anthonij also getrenit / das sye hilff durch
 die flucht wider inn ire schiff erholten / vnnnd füren in Accium / züuersuchen
 ob inn des meeres streyt icht bas gelücken wölte / wider die Octavianus
 auch sein schwager Agrippa / mit grosser menge der schiff / inn wunn-
 derbarer manhait / sturmlich streyten ward / auch hertiglichen von ihm
 empfangen / souil das der zweyffel lang bestünd / in wölchem heer der tod
 regieren wurde / Zülest als ein Beduncken was / das heer Anthonij wölte
 wackē / ward die waichmütig Cleopatra die erst / in ire guldin schiff darin
 sy saß / vñ mit jr lr. ande schif hinweg fliehē / der ward Anthonius zühand
 nachfolgen vnnnd konien in die flucht wider gehn Egypten / das von in das
 Römisch reych mit eingenommen ward / als ihr Anthonius zü geben verspro-
 chen hett / Als sy aber inn Egypten kommen / sandten sye ein grosse menge
 wider auf das Königreich zübeschirmen / bis an das rot meer / doch vn-
 nutzlich / wann jr vberwinder Octavianus zohe in alle zeyt nach / vnnnd sel-
 let sy in menigem streyt / allzeyt glücklich / souil das jrer wenig beliben / die
 selben begerten von Octauiano frid züerwerben / aber das mocht nit ge-
 sein / darumb Anthonius also verzweyffelt / das er in sein haimlich gemach
 gieng / vnnnd sich selb mit dem schwerdt ertödtet / Als aber Cleopatra ver-
 nam das sy vberwunden was / gedacht sy nach jrer alten gewonheit / mit
 schmaichendem raizenn auff das schönest gezieret Octavianum zübewe-
 gen zü vnlauterkeit / als sy vor den Keyser Julium vñ Anthonij zü jr ge-
 bracht hett / aber Octavianus verspürzet jr vnreynes gemüth / darumb
 sy also

Vocatius von den

sy also verzweyflig ward/das sy eingieng zu item Anthonio inn den kostlichen klaidern/vnd legt sich neben seinen todten leichnam / vnnnd lief ihre öffnen die adern der arm/vñ güffrig natern Hypnates gehaissen/ auf die wunden setzen/also endet sy ihre leben/wann etlich sagen der selben nateren natur sey/wa sy also angeserzet werden/das sy den menschen zu schlaff bewegen/bis inn den tod/Also nam die gros vnlautekheit/mit ewiger geizigkeit/end des lebens / wie Octavianus die nateren geren von ihrem vergyfften wunden gezogen hett/hilfflich zu dem leben zu sein/ als er die schlaffend fande/aber vnuerfänglich/wann die gyfft hett das hertze verberunden/Also lief Octavianus volbringen ein kostlich grab/das Anthonius hette angehebt zumachen / vnnnd leget ihre todten leichnam zusamen darein.

Von Anthonia der tochter Anthonij Das lxxxiiij. Capitel.

Anthonia die jünger/defhalb also genennt / das sy noch ein eltere Schwester hett auch also gehaissen / was ain zierlich exempel allen nachkommenden frawen/die iren witwenstande inn rainer keuscheyt behalten wollen/Sy was des vorigen Marci Anthonij Triumvirij tochter/doch von Octavia der Schwester Octavianis geborn/vnd warde zu weib gegeben/Druso dem brüder Tyberij Neronis/vnd Octavianis Augusti/vnd gebor von ihm Germanicum vnd Claudium / der nachmals Römischer Kaiser ward / vnnnd ein tochter Linillam/Als aber der selb Drusus aufgesandt ward inn vnser Teutsche lande/ sy in vnderthänigkeit vnnnd gehorsam der Römer zuhalten/warde im als etlich sagen/durch anschickung seines brüders Tyberij zu Metz vergeben / des leichnam noch auff disen tag vergraben ligt/zü Metz hinder S. Alban auff dem plan inn dem stamin thurn/def gestalt ist / als die Augspurger Byr inn irem schilt/die selben inen auch Drusus gegeben hatt/Aber Titus Livius schreibt inn seinem letzten thail/er viel ab einem pferd vnd sturb/vñ ward von Tyberio gehn Rom gefüret/vnd eerlich bestatet zu dem grab. Als aber Anthonia nach ihres mans tod in grösser schöne vnd plüendem alter/in witwen stand gesetzt ward/meynet sy genüg sein einer erbern frawen/ein mal inn eelichen stat zukommen/vnd mocht von niemandt bewegt werden wider zu heyraten/sonder lebet sy all ir tag in irer schwiiger hauff/vnd inn ihres mans schlaffkammer so keusch/so rain / so hailiglich / das ir witwen stand/alles leben der andern witwen/ von denen sie geschriben ist/vbertreffend was/Vnd souil mer ist sie zü loben/das sy vnder den vnleütersten geschlechtern vnd vnreinigkeit ihres vaters Marci Anthonij so stat beliben ist.

Von

Von Agrippina dem gemahel

Germanici.

Das lxxxv. Capitel.



Agrippina ist
gewesen eyn
tochter Mar
ci Agrippe auß Julia
der Tochter Octa
uiani des Keyfers ge
boze/wiewol Gaius
Caligula der selben
Agrippine son zu de
zeiten als er Keyser
warde/sich schämen
wolt/das er von A
grippine nidern peü
r

rischem geschlächte solte geboren sein / vnnnd erdacht vneherliche geburt
seyner mütter vnnnd sprache/Sy wer auß Julia geboren/aber nicht von
Agrippa / sonnder von Octauiano ihrem vatter vneelich empfangen/
vnnnd mainet der thorecht Kayser edler zusein/so seyn mütter durch so
vnekeusche des vatters/mit der tochter geboren were/wann durch einen
vnedeln inn der heyligen ehe erzeugt/Aber ich las sein / wölliches tochter
sy gewesen sey/Sy ward gemahelt einem dapffern edlen jüngling ihres
alters/der den gemainen Römischenn nutze allweg fürderet/Germanis
cus gehayssen/den der Keyser Tyberius für seinen aignen sun angenom
men hett/dardurch sy genüg namhafft bey menigklichem geacht warde /
aber vil mehr durch ihr eigen that/inn ewige gedächtnus gesetzt worden
mit der sy dem hochmütigsten Keyser vnd wütrich Tyberio/all sein Bos
hafftig fürnemen zu nichten gemacht/Wan nach dem sy auß Germanis
co drey sun geboren hette/der einer Gaius Caligula was/vnnnd darnach
Römischer Kayser warde erwölet/vnnnd sonil töchtern / auß den die ein
Agrippina gehayssen / des Keyfers Neronis mütter warde/starbe ihr
mann Germanicus/vnnnd als sie warlich vernommen hett/das söllicher
tode durch ordnung Tyberij seines vatters/mit vergyfft beschehen was
ward sy das vberschwerlich tragenn / als billich was / vnnnd mocht von
weyblichem waynenn vnnnd klagen / ihres durchleüchtigistenn man
nes tod/nicht gestillet werden/dardurch sy inn grossen haf Tyberij viel/
das er sy bey dem arm behend/hertigklichen straffen warde vmb jr way
nen/Da aber dz nit verfieng/zohe er die straff höher an/auff sölliche may
nung/nit als ob sy die traurige klag fürte vmb ihres mannes tod/sonnder
darumb / das sy fürbas den Römischen schatz nicht mehr als vor / regie
ren solte

Boccatius von den

ren solte/auff sölliche mainung verklaget er sy vor dem Senat/dardurch er schüß das die vnschuldig gefencklich verward ward/die hochgewirdi get frawe betrachtet vnbillich/söllich vbel an jr beschehe von dem Kaiser vnnd serzet vestigklich ihr gemüt/mit dem tod des wütrichs hefftigern zü setzen züempfliehen/vnnd so sy den mit sügklicher züwegen bringen mocht wolt sy das mit dem hunger thün/vnd zühand sieng sy an von aller speiß sich züenthalten. Do aber Tyberio das gesagt ward/vñ er mercket dz es darumb beschehe/das sy sich von seiner langē pein entziehen möcht/ward er jr trāwen/auch sy mit schlegeln zwingen/das sy die speiß / darumb das er sy zü langer pein in leben frisset/aber das verseng nit an jr/sy wolt stät bleiben inn irem fürnemen/durch das Tyberius so bewegt ward/das er jr dz essen in jr kelen stossen ließ/doch se mer sy genöt vnd bezwungen ward se minder sy ab ihrem fürnemen stan wolt/bis das sy die vnbillichayt des bösen fürsten mit irem sterben vberwunden het/erzaigt damit/dz er leichtigklich vil menschen tödten möcht/wann er wölte/aber das er mit aller macht seiner herrschafft den menschen mit bey leben behalten wolt / durch disen tod/ob Agrippina vil loßs/eere vnnd glori gegen den iren erworben hat/so hat sy doch Tyberio noch vil mer vnere vnnd nachred hinder ihr verlassen.

Von Paulina der Römerin.

Das lxxxvi. Capitel.



frauwenn an schöne des leibs vnnd gütern syttem vorgienge / also do sy dem Saturnio zü weib gegeben was / ward sie weyblicher ehrenn ein besondere zierd/sy het auch auff kein ding größer auffsehenn / wann wie sy ihrem mann inn allen dingenn möchte gehorsam sein/vnnd das züvolbrin-

Paulina ist ein Römerin gewesen die hat mit irez eifeltigen/spötlichen andacht iren natien ewige gedächtnus gestift/zü den zeiten/als der Keiser Tiberius zü Rom regniet/zü gleicher weis wie die selb Paulina andern Junck-

zünolbringen/begeret sy der hilff des Abgotes Anubis/den sy alltag loblich eeret/als auch all Egyptier theten/darumb das er gewalt haben solt güten willen vñ einigkeit zwischoen eeleütē zümachē / Als aber vberall gewonlich ist/das die schönsten frawen den jünglingen aller maist lyebenn/vor auß die/denen sonder fleysß ist auff zierd vnd wol gebaren / zucht vnd eere/als dann bey Paulina vberflüssig züspürn was/dadurch ward vonn irer schöne eyn jüngling beweget / Mundus geheissen / so innbrünstiglich das er nit verhalten kundt/er erzeiget sein begeren/ietz mit den augen/den mit gebärden/nun mit schmaichworten/dann mit gaben/dann mit biten vnd mangelay erbieten/ob er in ainicherley weg erfolgen möchte/def er innbrünstiglich begeret/aber das alles beschach vmb sunst/wann das aller künest Weyß/die allain auff irer manns liebe sehenn thet/bließ alle andere schmaichwort inn den lufft/Als aber Mandus mercket/das der frawen stättigkeit/weder mit wort/müt noch gab zükrencken was/ward er sein gemüt auff lustigkeit vnd betrug setzen/sie zü laichen/Vnd als er mercket wie dise fraw alltag inn den Tempel gieng/den Abgot Anubim mit frem stätten opffer gefellig zümachen / ward in die innbrünstig liebe bezwingen einen vnerhörte list züerdncken/das er zü ir kommen möcht/Er gedacht das im niemandt hilfflicher sein möcht wann die priester desselbē Gots/die bracht er mit grossen gaben zü seiner mainung/vnnd beschach durch sein vnderweisung/dz der erberst vnnd der würdigest priester/als Paulina/nach irer gewonheit/aber in den Tempel kam/zü ir gieng / vnd senfftmütiglich zü ir sprach/Got Anubis wär die vergangen nacht zü im kommen/vnd im geboten ir züsagen/wie ein groß wol gefallen er vñ im andächtigen gebet het / vnd begeret zü der zeit der rāw selb mit ir zü redē. Da das Paulina vernam/ward ir gemüt inn hoher glori aufferhebt/meinend/der Got wäre ir begerend vmb ir heilige stättigkeit / vnd gelaubet disen worten so festiglich/als ob Got selber mit ir geredt het / vnnd saget dise ding alle frem mann/der was touchter wann das Weyß/vnd verheget ir die nacht inn dem Tempel züligen/Also war in dem Tempel ein bet heimlich nach Götlicher zierd von den priestern zü gericht vnd do nun die finstere die erd bedeckt het/gieng Paulina in den Tempel/vnd nach frem andächtigen gebet/wartend der zükunfft des Gots/Als sy aber von dem schlaff beschwäret was/ward der jüngling Mundus von den priestereinn eingelassen/vnd mit aller zierd vnd wol geschmack züberait als ob er Got were/der was nun vbergirig der frawen die er lieb het/vnnd küffet sy/vñ hieß sy den schlaff austreyben/vnd vnerschrocken frölich sein / Ehr wäre Got Anubis den sy so lang zeit geehret hete/vñ wär durch ir andächtiga gebet so hoch bewegt worden/von dem himmel herab zükommen/vnd mit ir gemeinsame zühaben/darvon auß frem leib ein Got im geleych solte geboren werden/Sy ward vor andern dingen fragen/ob dann die Göt solten oder möchten mit tödtlichen menschen vermischet werden/Zü hand

Q antwort

Boccatius von den

antwort Mundus/ Ja wol/ vnd gab jr ein exempel/ wie Jupiter durch ein rathloch zü der künigin Danaen kam/ von dem sy Perseum empfieng/ der darnach inn die himel gesetzt ward/ Do das Paulina erhöret/ willigt sy Mundo mit grossen freuden alles des er begeret/ die ganzen nacht mey nende sich dem Got Anubi ganz ergeben habē/ Als aber der tag herbrach sprach er zü jr/ Fraw du hast ein Got empfangen/ vnd schied vō jr/ zühād stünd sie auff von dem bet/ gieng heim vnd saget irem man alle ding wye sie gehandelt waren/ Der groß man gelaubt alle ding seinem Weyß/ vnd strewet sich mit jr/ das sy einen Got geben solt/ vnd on allen zweifel sy heten beide begirlich der zeit solcher geburt gewart/ wañ Mundus sein böß listigkeit möcht dieweyl verhält haben/ aber inbrünstige liebe/ lief in den heimlich nit verbergen/ Nñ als er betrachtet/ wie freüntlich/ wie begirlich wie lieplich/ sie sich gegen im erzeigt het/ gedacht er/ wann sy verneme das er der gewesen wāre/ gegē dē sy also gethon het/ wurd sy sich willigtlich zü andern nächten ergeben/ so doch die erst scham hin wār/ damit es dan oft nach seinem willen zü irem vmbfahen komien möchte. Nñ als sy aber eins mals in den Tempel gieng/ begegnet jr Mundus vnd sprach heimlich zü jr Paulina du bist sällig das du von mir den Got Anube empfangenn hast/ aber auf disen worten empfieng sy vil anders wann er gehofft het/ dann zühand erschrack Paulina/ vnd auf allen wercken die beschehen waren/ auch auf den worten Mundi/ ward sy in irem gemüt die bößlistigkeit so beschehen war betrachten/ vnd seer betrübte/ öffnet sy irem mann den mercklichen betrug Mundi/ vñ der priester Saturnus klaget es dem Keiser Tyberio/ Vnd nach dem als der keiser des bößlists vndericht war/ lief er die priester peinigen bis inn den tod/ vnd Mundum lief er leben/ vmb das er von innbrünstiger lieb bezwungen was/ doch verschickt er ihn vmb seyn laicherey in das ellend/ vnd die güt betrogen Paulina/ ward der Römer sagmār/ vnd ist doch ewiger gedächtnus vmb jr einfältigkeit wol würdig mer durch das laichen Mundi wañ vmb andacht zü dē Gott Anube reynigkeit zü behalten.

Von Agrippina des bösen kaysers Neronis mütter.

Das lxxvij. Capitel.

Agrippina die mütter Neronis des Keyfers/ ist weit erschienen/ nit allain von jr hohen geburt vnd wunderthaten (res sones/ sonder auch vmbeygen geschicht/ von jr volbracht/ wañ sy was ein tochter Germanici des besten vñ fürnemsten regierers/ der Germaniam (eyn grossen thail Teütscher nation) gewan/ auf Agrippina geborn/ vonn der obgeschriben ist/ vnd Julia Agrippina genennt/ vnd w3 des keyfers Caij Caligule schwester/ vñ ward einē laidlichen/ schwärmütigē/ vnwesenliche menschen/



menschē/der Gneus
geheissen zū weib ge
geben/auf dem sy dē
schentlichste menschē
aller welt / nēlich dē
Keiser Neronem ge
bar / des süß auch in
der geburt vor auf
dē leib giengen/ aber
nach dem als nu Do
micus an 8 wasser
sucht gestorben was
war sy vō ihm brüß

Gaius/de vnflätigsten menschē/mit schändlicher sünde geschwecht/ wen
sy was dannocht vberschön/ Vnd als der selb Gaius keyser ward erwölt/
vnd in dem vierdten jar/von dem Senat/vmb sein mißthün/mit wenig
seins güts/inn ein Insel mit 8 selben seiner schwester verschickt/vnd bald
darna:hertdöt/ward Claudius zū Keyser gewölet / 8 ließ Agrippinam
wider auß dem ellend beruffen/wann der selb Claudius was tres vatters
Germanici bräder/ Inn kurz darnach beschabe/das sein Weyß Valeria
Messalina geheissen vmb ihr mangerley verschulden erstochen ward/zū
hand ward sye gedencken/wie sye weg funde/durch die/ir selb vnnnd irem
son/der dannocht klein was/regierung der ganzen weit zū stünde/vnnnd
durch ir schöne/vnd mangerlay mittler vnd vndertreger/zoch sy den sel
ben Claudium inn vbergrösse begird sy zünemen vnnnd eelich gemäheln/
doch was die gewonlich erberkait der Römer darwider / wann sye was
seins brüders Germanici tochter/vñ solchs zünerglimpfen/bracht es Vi
tellijs darzū/der Agrippine vnd irem son gefreündt was/das d obust Rö
misch gewalt/Senatus geheissen/Claudium bitten vnnnd anruffen was
Agrippinam zünemen/vñ beschach ein gmain erlaubung/dz einē segliche
zünlich wāre seins brüders tochter zū weyß nemen/Also war Agrippina
durch gebet der Römer/vñ begirlichem willen Claudio gemähelēt/vnnnd
auff einē wagen in das Capitolium gefürt,vnd Augusta(dz ist kaiserin)
genent/von den priestern die sy mit der procession darein beleyt hette/zū
hand ward sy anfahen sich zū rechen sittlich/an denen die ir vor leyd vnd
widerstand gethon hetten/vñ zū letst/wann sy was vberlistig/gedacht sy
wie sy Claudium darzū brächte/das er seinen stieff son Neronem auch ey
gnete/vnd in/als seine kinder hette/darzū/was zū allen zeiten hilfflich vñ
redlich Memmo Pollio der oberst Römer/wañ er w3 Agrippine günstig
vmb gemainen mißbrauch vnd eebruch/der wolt auch von bitten/sleben
vnd rāthen nit ablassen/so lang/bis das er in aygnet/wiewol er vil ander
sün vnd töchter hett/das doch vor inn dem geschlācht Claudiorum nie ger

U ij hört

Boccatius von den

hüt was/ vnd gab im zū weyb Octauiam sein tochter/ von Messalina sei-
 nem vorigen weyb geboren/ vnd entzoch sy dem edlen jüngling Lucio Sil-
 lano/ dem sy vor gemahelt was. Als nun die ding volbracht wurden/ mey-
 net sy/ das thier lág inn dem netz gefangen/ vnd möchte nun alle ding wol-
 nach irem willen volstretchen/ het sy dannocht ander ansechtung/ vnd bes-
 forget/ das vñlleicht Claudij son Britannicus/ bey des vatters lebendē zeitē
 zū Kaiser erwölet wurde/ des auch Narcissus der öbrest rath Claudium
 täglich bittendt was/ Aber als Agrippina das vernam/ gedacht sy einen
 rigel darzwischen zū werffen/ vnd betrachtet alle zeit/ wie sye an Claudio
 ein tödtlich vbel begienge/ ee wann er Britannico zū dem gewalt hulffe.
 Nun het Claudius besondern lust zū Pfifferling die man auch schwammen
 nennet/ vnd sprach es wäre der Götter speys/ darumb das sie für sich selb
 on samen wächsen/ Do das Agrippina merckt/ lief sy im vil der schwam-
 men lustlich vnd vber wol beraiten/ vnd vermischer darunder böß gift/
 gab sy im selb zū essen/ als er von wein beschwäret was/ Etlich die sagen
 nun/ sy besöldet Alotum seinen Credencer/ der gabe im die zū den zeitē als
 er mit den priestern inn dē Tempel die speys name/ So bald aber die gift
 ire werck anfienge/ ward Xenophon der arzt berüffet/ vnd schnelle vmb
 hilff gebetten/ der selb gab im erzney/ damit die vnreine vergift vndenn
 durch den flus/ vnd oben mit vnderwen von ihm käme/ darzū lief er ihm
 federn mit öle in den halb stossen/ Do aber Agrippina vernam/ das Clau-
 dius durch die ärzney genesen wolt/ vnd jr vbels fürnemen nicht fürgang
 haben solt/ salbet sy die federn mit noch böser vergift/ vnd stieß die in sey-
 nen halb/ in erzeügen im zūhilff/ vnd treib das so lang inn seiner schlaffka-
 mer/ bis das jr böser will an im volbracht ward/ Als er aber gestorben wz
 hielt sy den tod so lang heimlich/ vnd meniglichen verborgenn/ on ihr selb
 vnd irem gehilffen/ bis dz durch zūthün irer freünd/ Nero zum keiser war-
 de erwölet/ vnd Britannicus verlassen/ darab Nero so ein groß wolgefällē
 het/ das er sein mütter als eine die es wol verdienet hett/ aller regierung
 heimlicher vnd gemeiner gewaltig machte/ souil/ das er allein den namen
 sy die ordnung vnd regierung besitzend wz/ Also war aller Römischer ge-
 walt an einē Weyß bescheinen/ doch war der groß schein mit einer schänd-
 lichen masen besleckt/ Wann sye wütet ein grosse zeyt mit todschlegen/ vñ
 die burger in das ellend zūuerdamnen/ darzū hielt meniglich sy het dē ge-
 walt von irem son/ mit vmb natürliche freündtschafft/ die ein kind zū einer
 mütter habē soll/ sonder vmb böse liebe/ vñ vnnatürliche schändliche wer-
 cke/ die er mit jr pflegend was/ mer/ vmb das sy iren vetter Claudium zū
 vnnatürlicher gmahelschafft geübt het/ vñnd in darnach mit vergiffrenn
 schwammen ertödtet/ vnd den vngeschickten jungen Neronem mit bößlis-
 chen vnd gewalt zū dem Keyserthumb erhöhet/ darumb sye eins greüßens-
 lichen/ doch verschulden todt ward getödtet/ wann sy ward irem son Neo-
 roni/ inn vil dingen schwär vñnd widerwärtig/ darumb sy inn seinen so
grossen

grossen haf siel/das er sy aller eeren/vnd keiserlicher maiestat gänzlich be
 raubet/vmb das ward sie vngütig/vnd sprach oft auß weiplicher reizüg
 het sy iren son erhöhet/mit iren listen/sy künde auch wol machen/das ehr
 genydet ward/darvon Nero erschrecken ward/wann ehr wist sy bos
 sätig/darzu hett sy vil gunst vmb ires vatters willen Germanici/das er
 sy nicht offenlich tödten wolt/aber zu dreymalen lies er jr gift schencken
 die jr doch nicht schaden brachten/wann durch jr vorbetrachtung dämpf
 sie die bosheit der vergift/mit ärzneyen darzu gehörend/das sy nicht ge
 letzet ward. Zu letst als Nero mercket/das sie inn keinem strick/die er ihr
 manigfaltiglich geleet het/zufahen wz/gedacht er/not sein listiger weg
 zu sūchen/vnd beruffet Anicetum den öbresten patron vber all schiffung/
 der des künigs heimlichkeit vil wissent was/wann er het in von kunds wes
 sen auff erzogen/der selb saget jm/wie ein blöd schiff zumachenn wäre/A
 grippine tödlich/vñ vnarckwänig/der rath gesiel Neroni/Vñ eins mals
 da sy von der stat Anio kōmen was/gleisnet er alle freündtschafft gegenn
 jr/vnd empfieng sie wol vnd schon mit armen vmbfahend/inn aller maß
 als ob er allen neyd vnd vnwillen gegen jr hette abgelaßen/vñ beleytet sy
 bis inn jr hauf/Darnach als das schiff auff irem tod zu gericht ward/für
 sy mit etlichen iren dienern/an einem abent auß/gen einer stat nit ferz gele
 gen/Vnd als sy inn das Meer kame/gaben die seher zeichen/das tach von
 dem schiff zu fellen/darinnen vil pleyß verborgen was/das siel/vnnd er
 schlug etlich jr diener/aber Agrippina belib inn leben/doch fūren die schiff
 leüt inn stillem meere so vngestümigklich/das sich das schiff an die seyten
 schwenckt/vnnd warff die künigin inn das meere/vnnd kame doch durch
 steür eins brets/lebend an das gestadt/zū einer statt die jr eygen was/Bey
 dem see Lucrinus gheissen/Als sy aber auß was kōmen/embot sy Neroni
 von was nöten sy entrunnen wer/dardurch er also bewegt war inn zorn/
 das er den botten sieng/vnd sendet auß etlich seiner öbresten diener/sy zu
 tödten/Vnd den was Hercules der erst/der sye mit einem knütel an den
 kopff schlug/Darnach ward sy von Centurione erstochen/vnd die selben
 nacht verbrennet/vnnd ellendigklich begangen/vnnd schnödllich mith
 wenig erdrichs begrabenn/an den weg/Bey der statt Mis
 num/die Keyser Julius gestiftet hett/Etlich sagenn
 nach dem als sy getödet ward/gieng Nero vber
 sy/vnnd beschawet alle jr gelid/vnd lobet
 ettliche/ettliche schalt er/vnnd lies sye
 darnach begraben.

Q iij Von

Boccatius von den
Von Epithari.

Das lxxxviij. Capitel.



Epitharis ist
weder vom
geschlecht /
noch einherlei ande
rem schein durchleis
chtend gewesen / weñ
sy w3 nit von Rom
sonder frembd / von
einem verkaufften
zeborē / der hinnach
gestreyet wurde / sye
het auch keinen lust
zū gütten subtilen

werten / das doch wol zuzeiten ist / aber an dem end ihres lebens / erzeigt
sye / wie ain adelich starck manns gemüt sye hette / wann zū den zeiten als
die vngestüme Neronis gegenn den Römern / vñnd allem land wachsen
ward / kam es darzū / das vil von dem Senat wider in zūsamē schwürn
vñnd dieweyl sy betrachtē welche weg die ding zū volstreckē wāren /
waif ich nicht von wem alle ding Epithari wurdē kundt gethon / auch
alle nammen der zūsamē geschwornē / Als aber nach irem beduncken /
sich die ding zūlang verzugen / soch sy inn Campaniam / als ob sye des ver
drüsse das der anschlag wider Neronem nit volendet wurd / Vñnd als sie
zū Puteol was / darumb das die zeit nit vergebenlich hingien / berüffet sy
eins mals Volusium Proculum / der aller Keyserlicher schiffung obresten
hauptmann was / vñnd einer / der Agrippinam des Keyfers mütter töd
ten halff / vñnd mainet den zūsamē geschwornē gar hilfflich wöllen sein
wann sye den selben zū irer gesellschaft bewegen möcht / vñnd ward im er
zelen mit langen worten / vñnd die vbel vñnd missethaten / auch mordliche
werck vñnd böf sittē Neronis / auch sein vñnd anckberkayt / das ehr ihn
vmb die grosse geschicht an Agrippina begangē / nie begabet / noch mit
keiner lay fürder nuß belonet hett nach seinem verdienen / damit erzelt vñnd
offenbaret sy im / den anschlag der mit geschwornē / vñnd übet sich nach al
len krefften / das sy ihn zū der selben gesellschaft brächte / Aber es wendet
sich vil anderst dann ir anschlag was / wann Volusius nam im des ein vr
sach zūuersuchen / ob er mit seinen vñnder diensten / des Keyfers genad er
werben möchte / Vñnd so bald er zū im kam / öffnet er im / alles das im Epi
tharis gesaget hett / wiewol er im die ding nicht genügsamlich bedeutē
kund /

kund/wann die fraw was dannocht so gescheid/das sy ihm keinen der säch-
cher mit dem namen anzeygen noch melden wolt/Sy ward gefangen vñ
gefraget/wölche inn den tode des Keyfers geschworen heten/aber sy ver-
mochten nit souil/das sy jr keinen zeygen wolt. Zulest als sy gefangen lage
beschach/das die ding von den sehern selber geöffnet wurden/vñd nun
der Kaiser ire namen wist/vñd lief die frawen aber an die marter führen
ob sy den andern gleich wölt zusagen/Aber wie fast sy se gepeiniget ward
vber gewonlich marter/mocht sy ihr vestes gemüth nie erwegenn/das sy
kaynen der sächher the nennen wolt/der haimlich müst inn ihrem hertzenn
verschlossen bleiben/Sy ward aber eingeschlossen/auff den anderen tag
wider zünerhören/Vñd als sy nun gemartert was/das sy auff iren füßen
nicht mehr geen kundt/auch jr leib schwach ward/besorget sy die künsttliche
marter/das jr gemüt/der blödigkeyt des leibs nicht nachvolgte/das sy ja-
gen wurde/vñd löset auff die binden damit sy begürtet was/vñd machet
darauff einen strick/vñd hencket sich an den stül/darauff sy gefangen saß/
damit sie ihr vertraute haimlichait nicht öffnen dörfte/wider das geme-
ne sprichwort/mit dem wir gelernet werden/hinder die weiber nichts zü-
uerbergen/wann was sye nit wissend/das ist von ihm verschwigen/Also
vermocht der gewaltig Kaiser dem weib nit angesigen/vñd ob die stätig-
keyt diser frawen groß vñd hoch zuschätzen ist/so wirdt sy doch darzū bil-
lich für aller mann gemüth gehöhet vñd gelobet/wann man betrachtet
das dise gebüntnuß wider Neronem/von denen selber ward geoffenbart
die zusamen geschworen hetten/vñd ein weib bis inn den tod den haim-
lich verborgen hielt/wa were auch ein mann/der sein aigen leben züstrifen
souil marter möcht erleyden vnuersehen/als dise fraw/vmb ander leute/
inn dem leben zübehalten hat erlitten/darumb sy billich in ewige gedäch-
nus ist züsetzen.

Don Pompeia Paulina Seneca
gemahel.

Das lxxix. Capitel

Pompeia Paulina ist gewesen ein gemahel Lucij Annei Seneca/
der Neronis zuchtmaister was/vñd ob wir ihren vrsprung
vñd ihrer vordern herkommen nicht wissen/so erzeüget doch
ihr gütige liebe zü ihrem mann/das sye eyns hohen gemüths gewesen
ist/ Der selb Seneca/als die größten Weysen gesagt hond/ward von
dem Kayser Nerone getödtet/durch sein wütereij/nit das er es in keynen
weg verschuldet het/als er vor ihm verackwonet was/wie er der vorge-
schriben mit schwerung inn seinen tod solte wissend gewesen sein/vñ wie-
wol was nit was/so frewet sich doch Nero/das er vrsach funden het/wi-
O üij der den

Boccatius von den



der den tugentreich
en hochwürdigisten
mann ihn zütöden
wann er het zü ihm
eyn alten has/ vns
sein weysenn vnn
lernen / zucht/ ehre/
vnn tugendt / de
nen er von angebor
ner Bosheyt / seynd
was / darumb lief
er Senece gebieten
das er ihme selb er
wölte/ inn wöllichen weg er sterben wölte. So bald aber Pompeia mer
cket das er sich rüstet/ des Keyfers gebott züvolbringen/leget sy hin alles
schmaichen vnd trostwort zü hoffnung seines lebens/vnd durch bezwang
nus innbrünstiger liebe zü irem mann/festiget sy ir gemüt/ das groß layd
vnd vnmüt mit gleichem tod außzütreiben/vnn mit ihrem mann wie sy
einnütziglich wol gelebt hetten/williglich zü sterben. Vnn zü gleicher
weis wie ihr mann/liess sy vnerschrocken mit starckem gemüt/ire aderen
öffnen inneim lawen wasser/vnn das blüt bis inn tode herauf lauffen/
Als aber Nero das erhöret/ gebot er zühand das man sy behaltenn solte/
wann er nit besonderen vnwillen zü ihr trüge/auch darumb/das solliche
sein wütereij deyster minder weyt erschelle/doch mochten die knechte nit so
bald komen/ir blüt züuerstellen. sy verflusse also/das ir blaiche ewige zeug
nus gebe/das sy vil blüte vñ gaist des lebens/mit irem man vergossen het
te/vnd klaget darnach mit löblicher gedächtnus/wenig jar in rainem wit
wenstül beleibend iren mann/vnd beschlof ire tag. O Gott was ist adeli
cher oder grösser/wann die süsse liebe der heyligenn gemahelschafft / dise
fraw hett der alten heyligen gewonheyt/der vermähelten frawen nach
genolgt/die nit allein die dritten/vierten/oder villeicht sechsten gemahel
schafft gescheühet hond/sondern auch die andern/wann nach dem tod irs
ersten mannes/waren sy schnell zü heyliger keüscheyt/vnd würdiger/
loblicher/ewiger gedächtnus. Nit als vil der vnseren/die zü
hand nach einem den andern nemenn / als ob sy
inn den offnen heüßern gewonet vnd
gelernet habenn / das doch
von weiblicher eere wol
ist züuerspürzen.

Von Sabina Poppea.

Das xc. Capitel.



Sabina Poppea / was der durchleüchtigsten Römerin eyne / von ihrem anherzenn / mütter halb Sabino Poppeo also geneuet / sy hett auch keinen gebrechenn / an allenn weiblich gabē / wann sy erbars gmüts gewesen ware / wann

sy was von vngesehner schöne / vber alle weib / sänsfster wort / süßer stime / schmaichender aussprechung / vñ weiblicher geberd / von vberhöhe behenden sinnen / wann sy die wol gebraucht hett / ir stäte gewonheyt was offenbar züchtiglich gebaren / vñ verborgen der vnkeuscheyt pflegend / als layder mange thüt / die doch hochgeeret sein will / vñnd wiewol sy selten außgienge / doch brauchet sy dannoch ihre rartzende listigkeyt / Wann dasy mercket / das vil der mann / vñnd voraus die obersten / von ihrer schöne züleibes begird beweget wurden / verdecket sy allweg den merern taile ihres angesichtes / Mit darumb das sy nit wölte gesehen sein / sonder das sy ihrer schöne zusehen nit gesättet wurden / vñnd fürbas je mehr gerarzet / sy ganz zusehen. Vñnd das ich vil irer sitten verlasse / sy kam darzū / das sy irer eeren wenig schonet / vñnd wa der nutz am besten was / dahin naiget sy ihr vnkeüsches gemüte. Zü disen sachen het das verleümbt weib groß gefell / sonil das sy in kürz / so grossen reichthumb züwegen bracht / damit der stadt irer geburt / als ihr fordern gethan hetten / wol gehalten werden möcht / Vñnd ward von erst vermähelt einem rittermässigen jüngling / Kuffus Crispus gehaissen / vñnd nach dem als sy ein sun geboren hette / ward sy beweget zü der liebe eines wolmügenden mächtigen jünglings / dem Keyser Neroni liebgehabten Otho gehaissen. Vñnd inn kürz darnach / als sy ihn vneelich oft bekenet hett / da starb Kuffus / da name er sy zum weib / Mit lang darnach ward Nero gerarzet durch die wort desselben Othonis / zü der liebe Sabine / Vñnd aber das beschähe durch sein vnbehütsame wort / auß sübrünstiger liebe zü seinem weib / oder darumb / das er ir waichmütige vnkeüsches sitten nicht leiden mocht / vñnd sy geren verlassen wolt / oder

ob das

Boccatius von den

ob das gelück Poppee beschaffen was/wais ich nicht / Wan auff ein zeyt
 als die obersten rath des Kaisers von dem tisch auffstünden/vnd etwas
 wolten rathschlagen/sprach O tho zu dem Keyser/ Ich gee wider haim zu
 deren/die von Göttin vber alle weib begabt ist/Mit grossen adel/gelob-
 tenn sitten / vnnnd Göttlicher schöne / inn den dreyen dingen allain ste-
 het alle Begirde / vnnnd alle freude vnnnd wollust menschlichs geschläch-
 tes / Durch solliche wort ward Neronis vnkeuschait leicht gerayzet / zu
 begirde also begabten weybes/vnnnd zühand wurden boten von im zu ihr
 gesandt/vnnnd vnderkeuffel/durch die sy vnlang darnach zu Neroni/mit
 begyrllichem willen gefüret ward / Mit dem kunt sie sich also halten/so
 freuntlich erzaygen / in so innbrünstiglich engünden mit dem feür der lie-
 be / das ehr inn kürz darnach/also sprach / Das ist warlich das weybe
 von den Götten so hoch begabet/als O tho gesagt het/ Da aber das lystig
 weib sollich mercken ward/erzayget sy/das nicht mit den Worten / des sy
 inn dem gemüt begerend was/sonder zu seiner zeyt mit bezwungnen zä-
 heren von iren augen fließenden/sprach sy zu im/O herz meines hertzens
 begird were das ich dir doch etwann/ein eerliche liebe erzeygte/ so würde
 ich gehindert durch zwey ding/daz ich das nit gethün kan/das ein ist mein
 mann O tho/vor dem ich allzeyt müß inn sorgen steen/das ander das du
 inn liebe mit deiner diernen Atis verwickelt bist. Zühand wurden wege
 gesüchet/das O tho inn gestalt der eeren vnd erzeygen grosser gnaden re-
 gierer des landes Bilytanie/ward erwölet vnd dahin gesandt/vnd Atis
 ganz außgetribē/Also ward Nero ganz zu jr in reizender liebe verknüpf-
 set/vnnnd bald darnach gedachte sy Agrippinam/ sein müter zu drucken/
 die auff die selben zeyt aller regierung gewaltig was/vnnnd sprach zu ihm/
 Er were nun mer nicht ein kind/er solte selbs regieren/im were jederman
 häßig/das er sich nit erzaygte als ein Fürst / sonder als ein aygner gefang-
 ner mensch/vnnnd zu allen zeyten fürchtend/als ein kind die rütten/Dar-
 mit beweget sy Neronem / das er inn täglichen haß gegen der müter
 wachssen ward/sonil/das er sy zülest schändliches todes ertöden liesse/
 als oben von jr in irem Capitel beschriben ist/Darnach als sy nun merckt
 das sy den Keyser innbrünstiglich zu jr liebe verwickelt hett / vnd ihrem
 willen fürbaß mer kain widerstand was/ward sie mancherlay stricke le-
 gen/vnnnd netz stellen/darinn sy Neronem fahen möchte/das er sy zurweiß-
 neme/Vnd zu den zeyten als Nlemnius Regulus vnnnd Virgineus Ruf-
 fus die obersten rath waren/ gebar sy ime ein tochter/ die empfieng er mit
 vbergrossen freüden/vnnnd nennet sy nach ihrer müter Augustam Pop-
 peam/alda ward Poppea erst läcklich mit ihm reden/ Ich gedencke/das
 ich zwü nächte bey dir gewesen bin / inn denen ich wartend was der ge-
 mahelschafft/so bin ich auch nit von niderem geschläch / so bin ich frucht-
 bar / auch mit schöne begabet/vnnnd maine Kaiserlicher gemahelschafft
 wol würdig sein/damit beweget sy den Kayser/das er begirlich weg zu-
 sūchen

süchen gedencken ward/wie er sy zymlich gemähelen möchte/vnnd vonn
erst lief er sein weib Octauiam/die des Kaisers Claudij tochter was/vn
uerschalte/inn ein Insel verschicken/vnnd inn dem zwainzigsten jar ihres
alters/lief er sy durch stätes raizen Poppee erröden/nach dem nam er sy
zūweib/aber sy ward nit lang von dyssem hohen staat erfreuwet/den sy
doch mit grosser arbeit/vnnd mangelray böflisten eruolet hette/wann
darnach als sy aber schwanger was/sügete sich/das Nero inn zoren be
weget/sy auff den Bauch trat/dauon sy den letzten tag vollendet/da wolt
Nero nit das sy als zū gewonhait was verbrennet wurde/sonder nach ge
wonheyt anderer König/lief er sye mit grosssem nachfolgen des volcks/zū
dem grab tragen/köstlich Balsamieren/vnnd darein nach Kaiserlichenn
würden bestatten/da ward sy Nero mit langer rede durchloben/vnd al
lermaist vmb jr schöne/vnd reizende übung auff vnkeüsch/als sy wol küt
das schätzet er für grosse durchleüchtigkeyt der tugend/das doch der mañ
gemüt gifftrige lezung ist/grösser gütheyt hett sy nit an jr.

Von Triaria dem gemahel Lucij Vitellij.

Das xci. Capitel.

Triaria ist gewesen des Römischen Fürsten Auli Vitellij brüders
weib/vnd würdt allain weyt berümpft/vmb sondere liebe vnnd
mannlich streyten/zū vnnd vmb iren mann/wann zū den zeyt
ten als Vitellius der Kaiser/vnd Vespasianus/vmb regierung des Key
serthumbes wider einander strebten/vnnd baider partheyen grosse men
ge/zūsamen in die statt Tarracinam kōmen was/vnnd nun zū den secht
baren waffen gerichtet/verwaffnet sich Triaria so kecklich vnd ritterlich
so mannlich vnnd so truglich/vmb iren mann zū beschirmen vnd sich
zumachen/das für ander von irer hand vil blüts vergossen ward/dar
umb jr gedächtnus hoch gerümbt/inn ewigkeyt gesetzt ist/vnnd so vonn
ander in irem thūn nit mer geschriben ist/so has ich auch dises vnweyblich
fechten gekürtzet.

Von Proba Allipij oder Adelphi gemahel.

Das xcij. Capitel.

Proba von dem namen vnd den wercken Proba/wann Proba
haisset zū Teütsch fromm/so was die frau fromm inn allen wer
cken/Vnnd für ander vmb ihr grosse kunst/ewiger gedächtnus/
die würdigest/wan von wem sye gelernet hab/wais ich nicht/sy was der
syben künst ein grosse meysterin/als auß iren gedichten wol zū mercken ist/
vnd für

Boccatius von den

vnd für anders/ der bücher Virgilij so grüntlich ganz glet/ das sy auß jr gedächtnuß nimmer kornen mochte/ als jr büch Centona genent klärlich be- weist/ darinn sy die alten vñ newen ee/ so lauter/ so lieblich/ so süßlich/ vñ so an minn beschreibet/ das wol zū wundern were/ einem weib sollichs züge dencken/ ich geschweig zūvolbringen/ vñnd also Bedeütet von schöpfung der welt/ vñnd des ersten menschen/ vñnz auff den hailigen Pfingstag/ sendung des hailigen gaistes seinen jungeren/ vñnd allain auß den versen / des maysters Virgilij/ setz gang dann halben/ nun vornen/ dann mitteln/ oder villeycht hinden genommen/ nach dem vñd sy ihr gedienet habent/ vñd so klüglich/ das ein yeder deren ding vnwissender/ sy leicht für einen Pro- pheten/ Oder Euangelistenn haben möchte/ oder Virgilium/ auß dem sy dises büch gesamlet hat. Sy hatt auch andere bücher der hailigen schrifft wol/ für vil der hochgeleertesten Doctor erkundet/ also/ das billich darinn zūtrauren ist/ das die mannheyt so vnfleissig ist der lernung/ das sy sol vñ einem weyb vberwunden werden/ vñd se mer ich dis ihr büchlein Cento- nam genennet vberlise/ ye mer ich synde/ das sy vñnd ihr büch ewiger ge- dächtnuß würdig seind/ vñd kan auch nicht gedencken/ wann hat sy ein zeit gelebt/ das sy vil andere bücher auch gemacht habe / die villeycht vnns zū vnstatten verachtet/ vñd vnbehüt vergangen seyen/ doch wöllen etlich/ sy haß also mit den selben künsten gemacht / Somericentonom / auß dem büch Someri/ als Centonom auß Virgilio/ vñd ist dem also/ so würdt ihr loß billich geweyttert/ wann es wer gewyse vñkundt/ das sye inn Griechi- schen künsten / dem lateinischen gleich were geleret gewesen/ Es were wunderbar zū sagen/ das ein frauwen bild so hohe vernunfft haben sölte das sy auß allen Christlichen büchern / söliche eygne bücher von dem lebenn Christi so ordenlich / so zierlich/ on alles fälen / der gesartten vers/ an sylben vñd Worten machen sölte/ noch grösser ist/ vñd mer zūschätzen/ das sy die auß Haydnischen gedichten genommen hatt / O wie gar fleissig hatt sy alle trügheyt ihres gemüts hingelegt/ das sy ewiges liecht erkun- den möcht/ O das die weyb vnser zeyt/ die aller böser wollust dienstbar seind/ dises exempel nun ansehend / die nun von morgen bis inn die nacht/ nicht thünd wann klaffen/ vppigkeyt aufrichten/ vñnd vyl leicht der wollust pflegen des leibes/ vñnd betrachteten was vñderschid were deren weib/ die ihre zeyt mit loblichen wercken vertriben habend/ vñd deren die jr we- sen also gefürt haben/ das jr man mit dem todten leichnam zū gleicherweyß / als ob sie nie gelebt haben/ vergraben würdt.

Don

Von Faustina / Marci Anthonini des
gütigen gemahel.
Das xciiij. Capitel.



Faustina Au-
gusta / dye
darnach von
den Römern geheiligt ward / ist bey le-
benden zeiten / vnd
nach irem tod hoch
geert vñ gewirdiget
worden / mehr vmb
gütigkeit ihres mans
wann vmb ir eigen
verdienen / Sy woz
ein tochter Anthoni-

ni des gütigen Kaisers / auf seinem gemahel Faustina geboren / vnd ward
in Marco Anthonino dem gütigen / den der Keyser genommen het zu einē
son / zu Weyb gegeben / vnd als bald der vatter gestarb regnierten sy beide
vnd auf gemainem beschluß des Senats / das ist des obrestē gewalts der
Römer / ward sy Augusta zu genēit / das doch vor ir keiner von dem Sen-
nat gegeben was / wiewol andere Keyserin auch den namen Auguste ge-
habt habend von iren mannen / aber nit von erkandtnuß der obresten ge-
walts / vnd ist Augusta so vil gesprochen als einer mererin. Fürbas / was
sye so bündlicher schöne das vonn meniglichem geschätzt ward / es wär
etwas Götlicher zierd mit der tödtlichen vermüschet / vñnd das die sel-
big durch das alter oder den todt / nicht zerschlisse oder vergienge / bescha-
he es / das ir gestalt / zu den zeitenn ihrer blüendenn jugendt / auff guldin /
silberin / vñnd kupfferin pfenning geschlagen ward / die noch bis auff den
heütigenn tag gesehen werdenn / darauff man ihr schöne wol betrachtenn
mag / Aber als weit ir schöne inn der ganzenn Welt gebraitet was / so vyl
ward sy mit schändlicher mafen der vnkeüßheit beslecket / wann von ihr
wirt gehalten / das sy nicht an einem Bülen zu irem mann benügen hette /
sonder das sy zu manges mannes vnkeüßches vmbfahenn kommenn seye /
auff denenn ertlich mit nammen verleümbt waren des eebruchs mit ir /
als Vectilus / Orphicus / vnd Moderaticus / aber für die anderen ließ ge-
habt ward / was Troculus / den auch der Keyser eins mals bey ir ob dem
nachtmal ergreiff / zu denē ward auch Marcus Verus gezelet / wiewol er
ir tochterman woz / vnd das vber dz alles böser ist / so wirt von ir gesagt / dz

P sy in

Boccatius von den

sy inn eins Ritters liebe also engündet wurde/das vonn vberiger begyrd zu/in/inn tödtliche franckhait siele/vnnd darumb das sy ihr gesundtheyt wider bringen möchte/offenbaret sye dem keyser irem mann/die innbrünstigkeit irer liebe zu dem Ritter/der lies sy durch eines arzets rath/salben mit dem warmen blüt des selben Ritters/von seinem hertzen gezogen/dye vngestümen werme seins Weybszüleschen. Doch sagē etlich sy wäre zu dē selben zeiten schwanger/vnd gebar einen son/Comodus Anthoninus geheissen/den meniglich schätzet/des selben Ritters son sein/vnnd nit des keyfers/Da aber das schändlich wesen Faustine also aufgebraitet ward riethen Anthonino seine freünde/er solte sy tödtenn/oder wölle er menschlicher thün sich von ir scheyden/Aber Anthoninus wz gütig/vnnd wie wol er den eebruch seines Weybs trüg mit schwärem gemüte/dañoch wiert er sich dem rath seiner freünd/vnd allain darumb/das im nit grösser schande darauff erwüchse/wolt er lieber dises dulden/vnd gab kein antwort seinen freünden die im gerathen heten sich von ir züschaidē/wañ das er sprach/Man müste den geschiden frawen ir heimsteur wider gebē/mit disen worten gab er inen züuerstan/dz er dz Kaiserthüm durch Faustina besässe/darumb auch vil sollicher ding oft inn schwären fällen gesehen/die doch auß finsterey der wolcken wider inn das liecht koment. Als Anthoninus auff ein zeit aufgefahren was/gen den Ouentischen künigen gemeinen nutz manigfalt züschaffen/beschach das Faustina vnden an den Berg Thaurus geheissen/durch grosse franckhait iren letstē tag beschlosse/Die ward durch die gebet Anthonini/von den Römern geheyliget/vnnd fürbas allweg Dina Faustina/das ist die Göttlich od heilig Faustina genēit/dz doch vor ir keiner frawē vō den Römern beschehen wz/do lies sye Anthoninus Matrem Castrorum neien/dz ist ein müter d schloß od burg vñ bawet ir ein Tempel an die stat do sy verschiden was/vnd schöne bild hawen ir geleich/sy dardurch zü eeren/vnd machet ein junckfrawen samlung/die man Faustianas nennet/vnnd also ward sie ein zeit für heilig geehret/darumb das ir vnkeüsches misthün in gütheit wurd verkeret.

Von Semiamira.

Das xciiij. Capitel.

Semiamira vonn Messana inn Griechen land geboren/auf Julia der Keyserin/etwan Seueri Pertinacis Weib/was in lange zeit eyn vnerbere frawe/aber darnach ward sye/vmb tres sons durch leüchtigkeit vnd obristen gewalt der Rōmer hoch geachtet/Sy was eyn müter Darij Eliogaboli/der ein zeit des Gots Phebi priester was/vnnd darnach



ward von mangerley vatern mit denē sy stāte vnkeuscheit pflage/gebom/
vnd von keinem gewissen/wann Varius ist als vil gesprochen als manger
ley. Fürbas/er was gar herlicher gestalt/vñ vmb sein priesterschafft wol
erkandt/auch darumb dz man seiner miter wort glaubē gab/er wāre des
Keisers Anthonini Caratalle son/ward er von der ritterschafft wol gehal
ten/vnd beschach durch das groß gelt seiner anfrawē/Varia Messana ge
heissen/das hinder der keyserin Julia lag/vnd durch mangerley listigkeit
das die Ritterschafft von dem keiser Matrino fiel/vnd Eliogabolum er
höhet/es was auch ring zūthon/wann zū den selben zeiten/was das gesch
lecht Anthoninorum zū Rom so groß vnd wol gement/das meniglichen
nicht anderst Begeret/dann das eyner von frem geschlācht regierung des
Reichs hette/vnd beschach bald das er Kaiser ward vñnd Anthoninus
genennet/vnfer von Antiochia/Do aber Matrinius der Keyser inn der
stat Antiochia das vernam/hette er groß verwundern von der listigkeit
des Weybes/vnd sendet auß Julianum in heeres krafft wider in zūstrey
ten/der selb ward erschlagen/vnd fiel alles seyn volck von Matrino zū dē
newen Kayser Eliogabolo/Matrinius zoch wider in vnd ward vberwū
den/vnd an der flucht mit seinem son Dyadumeno erstochen/also ward
Caratella gerochē/den Matrinius vor erschlagen hette/inn sollichem sige
kam Eliogabulus gen Rom/vnd war wol von allē Senat begirlich vnd
hoch empfangen mit grossen lob/Vō d gāhen endrung Eliogaboli/war
Semiamira/auß frem schnöden gemainen frawen leben nāhet in die hy
mel aufferhabt/vnd Augusta genennet als ander Kayserin/vnd inn den
Römischen keyserlichen sal gewaltige fraw gesetzt/darinn sy allein vñ die
sach/vnd kein ander gütgethat durchleuchtent gesehen ward/Aber Elio
gabulus/wiewol er sunst böß wz/erkennet das er durch das würcken vnd
werben seiner anfrawen/Semiamire seiner miter in den gewalt gesetzt
wāre/vñnd ward sye so forder groß vnd eerlich halten/zū wider gelt der
güttheit an im beschehen/das er nichts ordnen noch schaffen lief on jr heis
sen/vñnd

P ij

Boccatius von den

sen/Vnnd auff den tag als er gen Rom kommen was / vnnd der Senat
 gesamlet / lief er sein mütter bitten / das sye inn den Senat käme / des sie
 auch verfolge / vñ ward gesetzt mit so loblicher zierd / als die andr / zü den
 öbresten rathenn züordnen das Römisch Reich / vrtheil züsprechen / wye
 dann dem Senat gewonlich was / das doch vor jr keiner frawen von den
 Römern nie gegünnet ward. O schäntlicher fasnacht schimpff / das vñ
 der den weisesten schwersten fürnämbsste mannenn ein fraw / die erst auß
 offnem frawen hauß entrunnen ist / soll gesehen werden rathgeben vnnd
 vrtheil sprechen / O alte Römische freyhait / O vorige heyligkait / O lob
 liche vnwürdischeit vnser fordern / die von der samlung der erbern weys
 sen mannen / alle leichtfertigkeit / vnnd mit schändlichen mafen beslechts
 leben / außtribe von ihr gemainsame / Nun sichst du ein eerlosen frawenn
 die stat der edelsten Römer / Curionum / Fabriciorum / Scipionum / vnd
 Cathonum schändlich vermailigen / aber was will ich von einem Weib
 klagen / Nun sehen wir doch / das die kindliche feind des ganz gemeinenn
 nutz / vnnd etwann die jüngsten / vnnd vber ander törllich / vnd die fremd
 lichen vnd vnerkänten an vil gewälten der Römischen Kaiser / Fürsten
 herren vñ der stett / die obersten vnd bas gehaltensten funden werden / A
 ber fürbas w3 beschach mer: Eliogabulus gieng nimer in den rath / seyn
 hailige müter gieng mit im / vnnd begabet sy darzū die blindfälligkeit / das
 sy so groß von dem gemeinen böuel geachtet ward vnd geeret / das die wei
 sen Sibylle / mind wann sy von dem leyhern volck geschätzt würdē / wie
 wol nū dise ding verdrossen seind zühörē / so volget doch hernach ein spöt
 lichts / dis weib w3 vñ vnweisen son so hochwürdig gehalten / das er sy
 an der stat der eltesten vnd erwürdigsten Römerin / die oberste setzet als
 ein maisterin / gütter sitten / erbers wesens weiblicher zucht / ordnung zü
 machen / vñ recht züsetzen / da ward auch mancherlay spöttlich gesatzel von
 jr beschlossen / wie die frawen gan solten / in w3 klaidern / mit welcher zierd
 welche der andern weichen solte / gehn wölcher man auff solt stan / welche
 man von allen frawen züküssen were / welche auff wägen farē solte / oder
 auff pfärden / meilen oder eseln reiten / oder ander dergleichen / wie wol
 nur vil diser gesatzel weiblich vnd wenig nutz waren / dannocht zü den sel
 ben zeyten wurden sy hoch vnd groß geachtet / von dē vnwissenden böfel /
 Wie aber Eliogabulus ein hailig / als er sagt / gesatzel erdachte / vnnd ge
 bot seinen willenn züvolbringenn / vmb die schand seiner müter zübede
 cken / das alle weib gemain werenn / vnnd dise fraw die höchst vnnd die
 best geschätzt werdenn solte / die mer mann zü ihr vnkeuschait reizenn
 möchte / vnnd williglicher volbrächte / wie auch die selbenn vonn ge
 meinem schatz aller bas belonet werden solten. Alle kinde in gemain erzo
 gen / keyn mann weder weib noch kind eignenn solte / vnnd vil des geley
 chen / las ich sein / wann allhie wirt von der frawenn / nicht von der man
 nen leben geschribē / so aber nichts würdig wesen mag / dz vbel bedacht ge
 macht

gemachet wirdt so verflügen auch dise vnordenliche gesetze liederlich inn den luffte. Wann do sich Semiamira mer in kaiserlichen sal / leichtfertig klich vnnnd mit härüschenn sitten/wann fürstlich vnnnd inn eeren erzaiget/ auch ihr son Eliogabulus/inn allem thün vnd lassen/sich weiblicher wol lüft/vnd besonder der vnkeüsch ergeben hete/beschach es/das Eliogabulus von den seinen getödtet ward/vnd sein liebe mütter Semiamira von aller würdigkeit vñ eeren gezogē/vnd inn ein vbel stinckend breyt geworffen/vnd darnach ihr baider todten leichnam offenlich inn die Tyber gezogen/darumb das der aufgange ires lebens dem wesen das sy gefürt het/gleich were/das wöllen wir lebenden wenig betrachten.

Von Zenobia der Königin Palmi;

renorum.

Das xc. Capitel:

Zenobia die Königin Palmirenorum/ist so hoher tugendt gewesen/das sy ander Saindisch frauwen/weyt vbertreffen was/Ihr vrsprung ist gewesen der Königlichenn stamm von Egypten/die all Ptolomei genehet wurden. Von kindswesen/verachtet sy alle weybliche werck/vnd als bald sy etwas leibes stercke an sich gelegt het/vertrib sy ire zeit in den walden/mit vmbgegürttem schieß zeüg wol gerüstet/damit sye die hirß/rech/böck/vnd alles wildbret durchächtet/des sy auch so maisterlich vnnnd gewis ward/das ires gleichen nit vil funden würdenn/Vnnnd inn kurzer zeyt ward sy so mannlich/das sy berenn/leoparden/hawende schwein/auch lewen vnderstünd zü fellen/vnd auch sieng vnnnd ertödtet/vnnnd was darzū kurzlich berg vnnnd tal/steynwend/vnnnd alle brüch zü reitenn/zü rennen/zü steigen vnnnd zü schliefen/on alle forcht auff dem selde zü schlaffenn/hitz/kelte, regens/wind vnnnd schnee für ander zü dulden.

Sy verachtet gemeynsame vnnnd vil gesellschaft der leüt/vnnnd ehret rainigkait ihres leibes ob allen anderenn dingenn/vnnnd ward doch inn mannlichenn werckenn also erhörtet/das sy mit ringenn/mit fechten vnd andern ritterlichen vnd manlichen gethaten/ander jüngling ires alters/weyt was vbertreffende/Do sy aber wol inn die mannsbare jar komien was/ward sy durch rath irer freünd/einem dem edelsten jüngling Adamato zü gleicherweys in ritterschafft geüben/zü weib gegeben Sy was aber vber wol gestalt/doch braun oder schwarz als die selbenn leüt all seind/vñ vbriger hitz der soñen/mit schwarze augen/vnd schnee weissen zenen wolgeziert/auff ein zeit ward ir man Adamatus/von Saspore dem König von Persia gefangen/vnd in better dienstbarkeit gehalten/So bald sy dz vernommen het/vnuergeffen der alten hertigkait in der jugendt geübet/legt sy hin ir weiblich zierd/vnnnd zoch auß wol gerüst inn

P iij heeres krafft/

Boccatius von den

heeres krafft/mit hilff ires stieffson Herodis/züstreitenn wider Sapo-
 rem/vnd lief auch nit ab/ee wañ sy in gefieng/mit allen seinen weiben vñ
 kinden/iren mañ erlediget/vnd die ganzen Mesopotamiam iren geboten
 machet vnderthänig/Auch etwañ gewañ sy vil der Römer land/darun-
 der/das sy auch so gewaltiglichen inn hett vnd regieret/dz d̄ Kaiser Ga-
 lienus vnd nach im Claudius nit leichtiglichen getorsten sich vñstän/dz
 wider von ir zübringen/desgleichen die Orientschen König wed von E-
 gypten/Armenia noch Arabia Menigklich fürchtet iren gewalt/vñ beger-
 ten nit wañ zübehaltē/dz sy noch hetten/ir mañ Adamatus ward zeitlich
 mit seinem son Herode vō d̄ Königin vetter ermort/vnd mainend es bes-
 schehe darumb/das ire kind nach des vatters tod dz Reich regierten/wañ
 es were sonst ahn Herodem gefallen/das las ich sein/Zenobia was ayn
 solliche beschirmerin der rainigkait/das sy nit allain vor frembdenn man-
 nen behüt was/sonder auch irem mañ Adamato nie gemein ward/wann
 allein vmb hoffnüg d̄ frucht.Vnd wañ er sy ain mal beschlaffen het/wolt
 sy nicht mer mit im vermücht werden/bis das sy gewis was/vor nit em-
 pfangen haben/vnd wañ sy aufferhebet het/wolt sy auch nit mer von im
 berürt werden/bis nach der gewonlichen zeit der reinigung irer geburt/
 O lobliche erl̄ nitnusz diser frawen/die so wol erkennen kund/das die nat-
 tur/vns tödtlichen menschen begirigkait allain darumb hett eingegossen
 das menschliches geschläch in wesen belibe/vnnd nit zergang/vnnd was
 mehr beschicht vberflüssig/vnnützlich/vnsauber vnd schäntlich sey. Wa-
 seind aber sollicher frauwenn mer? hie nicht / sy hielt herlich hoff/vnnd
 kostlich nach Königlichem stat/doch het sy nit täglich diener / wann alt
 vnnd all verschnittenn/darumb das leichtfertige ansechtung vonn me-
 niglichem souil bas vermidtenn werdenn möchte. Sye wolt auch vonn
 irem volcke/als der Königin vonn Persenn gewonheit was / angebetet
 werden.Sy hielt auch wirtschafft nach Römischer Kayser gewonhait/
 mit guldin geschitzren/mit mangerlay edlem gestain/durchzieret nach der
 gewonhait Cleopatre als sy vernomen het / vnd wiewol sie ein grosse be-
 halterin was der schätz/so ward doch zü den eeren aufzügen kain milte-
 re nie gefunden.Vnnd wiewol sy inn der jugendt dem gesägt emssig ob-
 lag/dannocht lernet sy Griechisch/Saidnisch vnd latein so wol/das sy je-
 der sprach alle alt̄n Historien wol lesen vnd verstan küd/Sy wolt auch
 das irer kind gemeine sprach latein were. Was soll ich sagenn? sye kame
 darzü das sy mainet/der Römer gewalt züdruckenn/doch nach dem/als
 nun der Kaiser Galienus/Aurelianus/vnd Claudius gestorben waren
 ward sich Marcus Manicus/der do zü Kaiser erwelet was /wider sy rü-
 sten/vnd sendet auß Aurelianū inn heeres krafft/der kam gen Semessam
 sy zübelegern.Zenobia zoch auß wider in vnerschrocken mit hilff Zenobis
 der ir beyständ/doch so ward sy inn flucht gewendet/vnnd nach langem
 kriegen/mit ihren sinenn vonn Aureliano gefangen/Von der gefäncknus
Aurelia

Aurelianus nit minder gloueret/vnd geydet/wann ob er den großmäch-
tigesten Fürsten vnd obersten feind der Römischen macht gefangen hette
vnd füret sy mit ihren sinnen gehn Rom/gebunden mit gulden ketten/
vms den hals/hend vnd füß/mit guldiner kron auff irem haupte/König-
lichen klaidern mit Berlin vnd gestain beschwäret an irem leib/souil/das
sy erwann vnder der schwarin der zierlichen klaiden gerhwen müste/Zu-
letzt ward sy zu der gemeinsame der edlen Römern gesetzt/vnd lief ihr
der Römisch gewalt/ein eerliche wohnung züordnen/die lang zeit darnach
den namen Zenobia vonn der Königin behielte/bey dem Pallast Diui
Adriani/allda endet sy ir leben.

Von Johanne Anglica der Bapstin.

Das xcvi. Capitel.



Johannes wie
wol der name
eines mannes
ist / so warde doch
ein weib also genens
net / ein junckfräw
lin zu Nientz/als et
lich sagen / Giber-
ta gehaissen / lernet
inn väterlicher wo-
nung / von einem
jungen studentenn /
vil der anfeng latey

nischer künsten / vnd von stätter beywohnung der zweyer / entzündet sich
inn in baiden / sollichs feür vnordlicher liebe / das sye junckfräwliche zucht
vnd scham hinleget / vnd floch mit im auß ires vattershaus / mit verwan-
delten klaidern vnd namen / wann in jünglings gewande / behielt sy den
namen Johannes. Also ward sy irem bülen inn Engelland von menig-
lichem eyn student gehalten / vnd pflage alda fleißiglich / irem bülen
vnd aller lernung der künsten. Darnach als ir gesell mit tod abgegan-
gen / ward sy ir aigne schickligkeyt zü der lernung erkennen / vnd empfin-
den die süßigkeyt der künsten / vnd wolte fürbas mit keynem andern
mehr / vnzümliche gemeinsame haben / sonder in stäter übung der künsten
inn mannes klaidung beleiben / vnd nit ein weib bekennet werden / aber
fleißiglich übet sy sich selber / tag vnd nacht in der lernung / souil das sy in
kurzer zeyt / inn den Syben freyen künsten vnd hailiger geschrifte / für
all ander / wunder hoch geachtet ward. Da zoch sye auß Engelland /

p iij gehn

Boccattius von den

gehn Rom/alda hette sy etliche jar inn offner schule lesend/sür ander Doctores vil der redlichsten junger./Ober die kunst erschin sy allweg eines güten eerlichen heyligen lebens/vnd ward von meniglichem ein mann angesehen/vnnd vber wol erkandt/souil/das sy zü denzeyten/als Leo der fünfft Bapst des namens/schuld des flaisches bezalet hette/von der hochwürdigsten sarsilunge aller Cardinal/einmütiglich warde zü Bapst erwölet/vnnd Johannes der achtend gehaissen/Sy was so truzlichs gemütes/das sy sich nit fürchtet/den stüle des fischers zübesitzen/vnnd darauff alle heyligkeyt wandeln vnnd aufthailen/das doch nie keyner frauwen/auf Christlicher ordnung gegünnet ist zühändigen. Die selben Bapstlichen würdigkeyt behielte sy etlich jar/als ein verwerfer Christi sich erzeygend/so lang bis das Gott der herz/von oben herab erbärmtd herte mit seinem volck/das ein solliche hochwürdige stat/also solt gehalten werden sollich volck also regieret werden/also in grossem irsale von einem weyb betrogen werden/vnd wölt solliche gewalt lenger nit in irn henden lassen darumb durch den rath des teuffels/der ihr auch vormals solliche truzlickeyt eingegossen hett/ward sy innbrünstiglich zü der vnkeuscheyt geraitz souil/das ir alle künst/die sy genügsamlich hette das Bapstum züerwerben/nicht hilfflich sein mochten/die raizung des feüwers zü leschen/so lang bis das einer funden ward/der die innbrünstigkeyt tämet/vnnd den besitzer S. Peters stül/heyliget bis das der Bapst geschwengeret ward. O vnwürsche sünd/O grosse gedult Gottes/was beschach/dise fraw die lange zeyt der menschen augē verdunckeln kunde/vermocht mit allen künsen ire geburt nicht verbergen/wann eins mals da sye mes gehebt hett/vnd ein gemeyner kirchgang was/zwischen dem Coloseo vnd des Bapsts Clemens alten sal/gebar sy ein kind vor allem volck/on hilffe der Hebammen/darumb ward sy von den gewaltigen inn die außern finsternus geworffen/vnd vergieng sy mit dem kind inn der Inseln/Vnnd vmb solche verspürzende vnseübrigkeyt in gedächtnus zübehalten/zü denzeyten der gemeinen Creüzgänge des Bapsts vnd alles volckes/wann sy kommenn zü der stat der geburt/so scheühen sy darab/vnd keren darvon/inn ander weg vnd strassen/die sündlichen stat züuerflüchen/vnnd kommen wider dannen sy aufgangen seind.

Von Irene der Römischen Keyserin.

Das xcviij. Capitel.

Irenes was die edelst fraw von Athenis/in besonder zierde durchleüchtend/Wins mals berüffet sy der Kaiser Constantinus/vnd gemähelt ir seinen sun Leo gehaissen/vnd nach dem tode Constantini ward sy Kaiserin/vnnd gebar von ihrem mann Leone einen son/den sy nach ihrem schweher Constantinum nennet. Zü lest als Leo seine tag hett auß



hett auß gezelt / reg-
nietet sye mit ihrem
jungen son Constan-
tino zehen jar / herzo-
lich vnd wol / Als er
aber inn jünglinges
alter gewachsen wz
mainet er das Kai-
serthumb / im allain
sollen zugehören / vñ
stieß die mütter acht
jar von seiner gesell-
schafft / zú letzt wan

die geopmütig frau geytig was zú regieren / da sy mit irem son inn vney-
migkeit komen was / erdachte sy durch weiblich list / wie sy wider zú dem
reych káme / vñnd bedacht wie sy ihn sienge / vnd abgesetzten von dem ge-
walt / inn gefäncknis verschlossen behielte / das auch alles also beschabe /
vnd sy ward den stül allain besizenn vor dem alle welt kurz darvor / die
recht empfangen het / vnd regnietet / aber für ander tödtlich Fürsten vber
wol / inn grosser glori fünf jar / darnach füget sich aber durch antrág sey-
ner freünd / vñnd hilff des volckes von Armenia / das Xrenes wider vom
Kaiser stül gesetzt ward / vnd Constantinus auß gefäncknis erlediget /
aber inn seines vaters thron erhöhet / Er was auch vil gütiger gehn sey-
ner mütter / wann sy an im gewesen was / wann er lief sy nicht in kercker
legen / sonder in den pallast Kleütherü den sy selber gebawen het / thät er
sy mit genügsame aller notturfft / nach Küniglichen eeren / vnd verschick-
et alle ire freünd vnd anhenger inn das ellend / Er ward auch darnach her-
ter vnd fraisamer inn seiner regierung dann vor / darumb gedachten dye
öbersten in abzúsetzen von dem gewalt / vnd an sein statt seinen vetter Ni-
cephorum zúschieben / aber als bald er das gewar wurde / fiel er in schánt-
liche hertigkeit / vnd ließ Nucephoro vnd seinen brüd Christoffero / die zú-
gen auß dem hals reyssen / vnd Alexio dem öbersten hauptman von Ar-
menia / die augen aufstechen / vnd zwang sein aigen weib Mariam in eyn
frawen Closter gaislich zú werden / vnd nam an die stat Theodorem dye
kamer junckfrawen / vnd krönet sy als bald / durch sollich vngeschicht ives
sones / ward Xrenes bewegt / vnd wiewol sy zwungenlich das gelück der
regierung des reiches / hin müß legen / so behielt sy doch ihr gros mannlich
gemüt / vnd gewan die hoffnung ob sye ire schatz von gold vnd silber / dye
sy heimlich in irem pallast verborgenn het / auffthäte / vnd die milrtiglich
vnd vberflüssig den öbersten aufthailte / sy möchte ihr gemüth verkeren /
vnd also wider zú dem reich komen / Es beschach auch durch die gab das
die vor Xrenem abgesetzt hetten / Constantinum siengend / vñnd seyner /
gesicht

Boccacius von den

gesicht beraubten / vnd Xrenes das Reich wider besässe / das ihr vor genommen was / Kurz darnach siel Constantinus in tödtliche Franckheyt / vnd endet seine tag / Aber darnach als sy fünff jar regieret hett / setzet sich Nucephorus wider sy / vñ belegert iren pallast Eleutherium / vnd het nun die kron des Reichs von dem Patriarchen zu Constantinopel empfangen mit willen der obersten rath / die sy vor mit mancherlay gab geraicht hett / vnd beschach das Nucephorus inn demütiger gestalt eingieng zu der Keyserin / vnd mit senssten gütigen worten vnd vil gelübten vnd gehaissen / beredt er sy / das im all verborgen schätz von ir gezaiget wurden / Aber der schalckhafft mann / als bald er die erfür / versendet er die gelaichten frawen gen Lesbos inn das ellend / da sye auch ir alter eerlich vnd inn gütten wercken verzeret / Doch sagen etlich als die mütter vnd der sun vneins waren darumb etwas thailung des Römischen reychs erwachsen was / lieffen die Römer Carolum den grossen König von Franckreych beruffen / vnd gaben ihm das Reich wider inn einigkeit zübringen / Also came auch von erst der Kaiserlich gewalt auß der Römer hand / vnd warde Xrenes Carolo gemähelt / doch kam sy zulest von Euticio vnd Nucephoro bezwungen inn ein frawen Closter.

Von Engeldruten der Junckfrawen.

Das xcviij. Capitel.

Engeldruda von dem edelstenn geschlächte der Herren von Kaenna / etwann von Florenz kommenn / würdt auch nit vnbillich zu den tugendtreichen frawenn gezelet / vmb die grösse ihres gemütes / durch die sy die reynigkeyt vestiglichen vor dem Römischen Fürsten manlich beschirmet / wan zu den zeyten als der Römisch keyser Otho der vierdt / von geschicht von Florenz kommen was / waren besamnet vil der obersten frawen / in Sant Johannes kirchen / die etwan ein tempel dem Abgott Marci gebawen ist / vñ darumb das der Keyser das selbig feste hochzeytlicher vnd würdiger machte / mit seiner gegenwürtigkeyt / gieng er mit einer vbergrossen menge / seiner Fürsten vnd herren / auch darrein / Als er aber an die höchsten stat nach seiner würdigkeyt gesetzt ward / schawet er die zierd des Tempels / den zulauff der burger / vnd inn sonderheit die vmbisizenden frawen / doch lenger seine augen auff Engeldrudam / wan die andern vestigend / Als er aber der selben schöne / für annder frawenn schlechte zimliche klaiden / erbar gebärd / junckfräwlich schwermütigkeyt / ein weil gemercket het / lobt er sy / darab verwunderen / Vnd fraget einen von den burgern der statt Bilicio gehaissen / erberen vnd rittermässigen / der im von der statt zugebē was / wer die junckfraw gegē im vberisizend were / nach seinem beduncken die bapfündend / vnd die schönest für

nest für all ander frawen die erbarst/ Antwort im Bilicio schmollend mit etwz löblicher wolkündende/ Durchleüchtigster Fürst/ sy sey wer sy wölle so ist sy doche in solliche/ das sy dir ein freündtliches küssen verlihe/ wann ich sy das hiesse/ Als bald aber die junckfrawe die wort erhöret/ ward sy vnwüsch/ vnnnd trüg ehs schwermütiglich/ das der vatter ihre stätigkeyt/ vnnnd junckfräwliche scham inn solliche meynung solte erzeygen/ vnnnd mocht das nit lenger verdulden/ sonder ee das der Fürst vber seine wort antwort gabe/ ständ sy auff/ mit geschofner rosen röte ihrs angesichts/ vñ ein wenig auffgehoben/ augen gegen dem vatter/ vnnnd darnach gegen der erden gesenckten mit völliger stin/ vnnnd sprach also/ Halt mein vatter red nit also/ wañ mir werde dann gewalt angeleget/ so wirt bey Got keynem/ wann den du mir heyliglich gemähelst dis ding von mir gegeben/ das du so geydent von mir erbeütest. O güter gott/ wie möcht so ein schöner spruch/ auß eines weysen mannes hertzen vertilcket werden/ Der Kaiser stände ein weyl verwundern/ doch zületst samilete er auß den worten das junckfrewlich keüsch gemüt/ diser junckfrawen vnnnd die stätigkeyt ihres heyligen sünemens/ Vnnnd da er mit vil worten die bewegnuß der junckfrawen wider den vatter/ vnnnd ihre antwort gelobet het/ berüfset er Gwidonem/ ein edeln jüngling/ vnnnd darumb das die junckfraw nicht lang on den were/ dem sy inn zymlicher freündtschafft ire küß erbieuten möchte/ ob sy wölte inn gegenwürtigkeyt/ von grossen willen vnnnd genaden ires vatters/ gemähelt er in der junckfrawen/ groß vnnnd wol begabet nach ir grossen tugent/ vnnnd ihres rainen hertzen stätigkeyt wol würdiggen/ Also die inn den tempel junckfraw gegangen was/ vmb ganze reynigkeyt ihres schämigen gemüts/ gieng gemähelte wider haim/ in grossen freüden aller freünd vnnnd meniglichs/ die darnach von im vil kind gebar/ die biß auff den heütigen tag ire namen von der gemahelschafft Gwidonis behalten hond/ das wolt ich schreiben zü lon der junckfräwlichen stätigkeyt/ die billich nach ihrer tugent belonet wirdt/ vnnnd zü straff vil der leichtfertigen junckfrawen/ die ire küß so ringlich außgiessen/ das ich nit waiß/ ob es den sitten offner frawenheüser oder junckfräwlichem stat geleich sehe.

Von Constancia der Königin in Sicilia.

Das xcix. Capitel.

Constantia ist ein durchleüchtigste Kayserin gewesen/ aber dyes weil die selbe hohe Mayestat vnnnd würdigkeyt mancher frawen züvor/ auch vom Gott verlyhenn worden/ ist sie bey der welt geleich etwas gemayn gehalten/ wa nit ander scheinbarlich tarthenn darbey seyndt/ darumb sage ich/ das die von eyner eynigen geburt wegen/ inn lengere gedächtnuß ist gesetzt worden. Sy was Wilhalms



sollicher weyssagung entsetzet sich der König/vnnd erschracke innerlich/
wann er glaubet daran/vnnd gedachte inn seinem gemüt / durch wöllich
weg sollicher von einer frawen beschehen möcht/ vnnd kund nicht finden
das müglich sein/wann durch ihren künsttigen mann oder son./ vnd be-
trachtet wie er hoffnung des gemahels vnd der kind fürkame / vnnd lies
sy kleine inn ein frawenkloster beschliessen/darinn sy ewige keüscheyt gelo-
bet zühaltten/der rath were nit züuerschmähen/wann er nutzlich gewesen
vnnd erschossen hett/aber niemandt mag wider Gott/ der die sünd der
tödtlichen menschen rechtlich strafft/vnd was wir mainen wolbetrach-
tet haben/kan er mit seinem klainsten willen ganz verkeren/ Darumb als
nach vil jaren/ten vatter König Wilhalm/auch jr Brüder/ste lebtag ge-
endet hetten/vnd das reych nach rechtem erbfall/auff sye nun alt gefallen
was/beschach das sich Tancredus Regulus/vnnd nach im sein sun Wil-
helm/des Reychs annamen/vnd kam darzū das grosse krieg vnd empö-
rung im lande von den herren vnnd dem adel erstünden/von neüwerung
der König/dermassen/das von feür vnd waffen das land vil nahet gar
verderbet worden/Darumb kame in etlicher gemüt/ vmb erbärmtd v-
ber das Königreych sollicher zūsal/das Constantia einem stattliche mäch-
tigen Fürsten zū weib gegeben wurd / durch dessen potestat vnnd macht
solliche vngestüme des lands gestillt wurd/das ward auch also volbracht
doch mit grosser arbeit vnd vergunst des Paps/ das Constantia darein
verwilliget/wann sy wolt stät beleiben/an dem das sy Got gelobt hett zū
halten/vnnd sonderlich inn ansehung/das sy nun alt was/aber da die sa-
chen so ferz gehandelt waren/das sie mit glimpff nit wol zū ruck geen mo-
chten ward sy vermähelt Keyser Heynrichen/der des ersten Kaiser Fri-
derichs sun gewesen was/vnnd also ward das gerumpffen alte weib auß
dem hailigen kloster genommen/vnd nach hingelegetem weylunn Keyser-
liche wot gekleidt/für menglich gefüret/vnd dem Kaiser zū gemahel ge-
ben/vnd gieng in den Fürstlichen sal/an das hochzeytlich bedt / vnd leget
hin(doch

halms/ etwann des
hochgelobtesten Kü-
nigs in Sicilia toch-
ter/ zū deren geburt
vngesfahrlich abt Jos-
achim vō Calabria/
kōmen was / ein se-
liger Gottes diener
der sprach zū dem kü-
nig Wilhalmē. Dise
geburt ist eyn gewis-
sezer störuk des Kü-
nigreychs Sicilie /

hin(doch
Christo
beschach
lich alt
pieng
für ein
won au
gedurt
die edel
derst in
auch vo
nast/ fr
nicht all
Calabr
de. We
für ein
gleich
hört w
auf Bef
ser vnd

L
ana d
Lelich
ferder
vnd m
bekom
frider
nachtr
beiffen
Graff
die L
fant h

hin (doch vnwilligklich ihre sunckfräwliche raitigkeit/die sy vor Ihesu Christo dem herzen geopffert/vnd ewigklich ergeben hette/darauf nun beschach/nit on grössers verwundern/allen deren die es hören/das ain sollich alt weib inn dem fünffundzweyngigsten jar ihres alters ein kind empfieng. Vnd das mengklichem etliche zeit/vnglaublich was/vnnd sonst für ain listigkeit geschätzt ward/fürsichtigklich betrachtet/wie der arckwon auf den leütenn möcht gebracht werdenn/vnnd als die zeyt dyser geburt nahend was/ward durch gebot des Kayfers geschafft/das alle die edelsten frauwen des Königreichs Sicilie berüfft wurden/die anderst lust hetten bey der selzamen geburt zusein/Also wurden vil frauwen auch von ferne dahin gesamlet/vor denen die alt Kaiserin des kunds genas/Friderich genennet/der darnach ein wundbarer man erwüchse/vnd nicht allain verderblichait des Königreichs Sicilie/auch Italien/vnnd Calabrien/nach aufweisung der Prophecey des Abts Constantie warde. Wer ist nun der/der das schwengern/vnd die geburt Constantie/nit für ain grof wunder schätzenn/so on dise/bey vnsern zeytenn sollichs nye geschehen ist/auch seyde Eneas von Troia inn Italiam kommenn nie erhört ward/aufgenommen Elizabeth/das weib Zacharie/vonn deren auf besonder Gotes wirckung Johanes geboren ist/defgleichē noch grösser vnder allen frauwen kinder niemer komien wirt.

Dise drey nachuolgende Capitel/ seind von dem hochgelerten

D. Henrico Steinhöwel nit verteütscht/sonder erst
jetzt inns Teütsch hinzügethon worden.

Von der Camiola/witfrauwen.

Das c. Capitel.

Camiola ist ein witfraw gewesen/schön von leib vnd gestalt/güter sitten vnd geberden/eerlich vnd hoch rümllich/züchtig vnd keüsch/erber vnd vernünfftig/von Senis jr vrsprung/ist ein tochter gewesen Laurentij von Coüngo Xiters/hat jr leben gefürt bey Messana der alten stat Sicilie/eerlich vnd redlich mit jren eltern/vnnd lieben Kelichen vnd eerlichen mann/den sie allain gehabt in seynem lebenn/do Fridericus der drit künig inn der Insel war/Do aber nun vatter/müter vnd man alles abgestorben/ist sy allain erb gewest/vnd künigliche schätz bekönnen/dauon sie sich nichts von stanthafftigkeit verkeret hat/Als aber Fridericus der drit/dauon gesagt/starbe/vnnd ihm Petrus im regiment nachtratte/hat sich begeben/das auf befehl des Messanischen künigs/vil heüffen schiff zü gerüstet/vñ vnd die verwaltung Johannis Clairmontis Graffen zur selben zeyt/des streitbarestenn herrens gethon wordenn/Als die Liparitanier belegert warē/vñ do sie vor hunger vnd abgang der profant hart gedrängt/hat sich die Camiola jr not angenommen/derhalben

Q sich zü

Boccatius von den

sich zu ir funden haben nicht allain knechte die fülle / sonder vil anstossende
 vnd vmbbligende völker / sampt iren tressenlichen grossen herren / Es het
 aber Gotfridus de Squilatio / der Roberti künigs zu Hierusalem vñ Si
 cilia oberster einer vber die schiff / die stat häfftig Belegert / vñ mit grossem
 bolwerck vmb ringet / also geschwecht / das nichts anders die in d stat ge
 dachten / dann das sie die stat mit wolten auffgeben / Do Gotfrid solchen
 rust sahe / vnd war gewar / das der hauffen schiff / volck / vñ rüstung / grös
 ser / mechtiger / vñ im zu gewaltig wolt sein / thet er sich mit den seine an ein
 gewar / vnd sicher ordte / wolt sehē wo die sach hinauf wolt / Die feind na
 men von stund an ein die ort vmb die stat / dann sie sahen das ihñ niemand
 Begeret ain widerstand zū thun / thäten der stat hilff / raichten der stat die
 trewen hand vnd retung / do sich die sach so wol schicket / vbernä sy sich des
 glücks / Johannes erfordert Gotfridum zum kampff vnd streit / der im von
 Gotfrido nicht ward abgschlagen / dan er auch ein kün / großmütig mann
 ware / der halben er zwü nächte sein leger / schiff / vnd ort wol bewaret / gütt
 hüt nach noturft het / vnd hült / vnd da der morgen anbrach / redet er seine
 knechten mütig zu / macht inenn ein hertz / gab ihñ ein kriegs kreidenn / stuf
 fen von stat vñnd land / vnd wendet sich auff die Sicilischen / Johannes
 aber het seine schiff gerichtet den Sicilischen nach zu jagen / sich nicht zum
 schlagen versehen / do er sahe den rust der feind ist im angst worden / hatt
 er sich geföcht / gelage ihm sein stolzer müt / gereüwet ihñ das er Gotfri
 dum zum kampff auffgefördert het / er ware gewar / das er do kein gewün
 nets het / gar klain laut / zaghasst vñ forchtsam / auf das mā aber im volck
 sein hasen hertz nit gewar wurde / mundert er sich auf / macht ein haufen
 zū samen / sonil er an der zeyt haben mocht / gab in auch ain kreiden zū streit
 die feind drungen auff in / machten ein geschray / haben all gemach ire schif
 an die Sicilische gestossen / lermen lermen / dran dran / Als aber die Sici
 lischen sahen / das sie sich redlich zur weer stelten vō worten / entsetzte sy sich
 gleich wol / fülen die Gotfridische drein miten vñnd die feind / vnd ire schiffe
 griffen zur weer vnd schwerdt / schlügen mit feüsten vñnd waffen dreyn /
 das es alles vor blüt flos / Die Siciliensischen verzagtenn an dem sig / ma
 chten sich mit hauffen schiff zur flucht / do stünd dem Gotfriden der sig zu
 haben an vil schiff der Sicilischen zū versencken vnd zū trencken / namen
 vil gefangen an / der weniger tail kam davon / in dem gedresch giengen vil
 zū grund / mer waren hart todt wund / vnd ware Johannes der oberst vñ
 ber der Sicilier schiff gefangen / vnd mit im schier die fürnemsten alle die
 sich willig mit im inn den streit begeben hetten / die rüder vñ kriegs knecht
 alles gefangen / auch ire panier / schiff zaichen vnd kriegsrüstung zum was
 ser / auch der künigliche seer grosse fane / dz er in des öbresten hauptmans
 schiffe gefüret warde / Vnd do sich die stat ergabe / feind sie also gefangen
 im meer hin vnd wider gestierdt / inn grossen sorgen gefaren / gestanden ge
 fangen arme leüt / zūletzt gen Neapolis gebunden mit ketten / vnd gefan
 gen

gen gebracht/vnnd inn die offne gefäncknus gelegt worden/vnder denen war auch ainer gefangē mit namen Rolandus/der des künigs Friderichs lediger son ware/ein schöner jüngling/fromm vnd auffrecht/vnnd da man die gefangen vmb gelt löset vñ ledigt/müß der Rolandus allain arm vñ traurig dahinden bleiben/dan der künig Petrus war im vnnd alle die bey im im schiff gewesen warenn treffenlich feind/Do er nun verzaget/das er sein lebenlang nicht ledig werden/vnnd kein andere hoffnung war/dann das er solt vnd müste in der gefencknus ersaulen/sterben vnd verderben/sehet do begab sich/das Camiola sich vber in erbarmet/dieweil sie sahe dz sein brüder noch niemandt sein annamen oder annemen züuerhoffen was bedacht die fromm/tugentsam vñ hochloblich Camiola/wie sie in mit füge ere/vnd auffrichten erledigen möchte/vnd da sy hin vnd her vil bedacht kundt sie nicht befinden das er ledig möcht werden/sie neme in dan zü Elichen manne/schicket heimlich herliche botschaft zü im/lief die sach an in bringē/schickt im ring/damit sie in ir vermähelt/Bald darnach schickt Camiola zwey tausent vnz silbers/Do man die sum für in erleget vnd bezalt ward er ledig/vnd kompt frey in die stat Messanam/zeucht bey Camiola ein/aber also/als hette er von dem handel der Ehe nichts gehört/Die Camiola hieß sich an zü verwundern do sie sahe das der Rolandus ein vnuerstandner dölpel/ein vndanckbarer mensch wolt sein/warde sie vngeschlacht vñ vnwürf/damit sie aber nichts auß zore oder gähe/fräuenlichs handelt/lief sie doch namhafft herzen an in bringenn/was er doch damit mainet/ob er solcher wolthat nicht inngedenck were/ob er sie nicht freien wolt/hab er antwort/Er wisse von sollicher handlung nichts/es wär sollichs nichts mit im gehandelt/Do bracht die Camiola vor dem Hecastico richter güte kundtschaft/brieff vnd sigel vnd ware zeügen herfür/vnd vberwand den Rolandum er wäre ir Elich mann/das er dann nachmals auß schand selbs bekandt hat/ist deshalb von seinen brüdern/frainde vñ andern hefftig ankomen vnd gestrafft worden/haben in dahin zübewege vermaint/das er sich vberkommen lief/vñ sie zum weib neme/aber wenn man einen Bauren bittet so grompt in der bauch/stadt auff seinem kopff/derhalben redt die Camiola vor meniglichen in an mit solchen folgende worten.Rolande ich dancke Got von himel/so es nit anderst sein will/dz ich mein volkommenheit mit meiner gütthait behaltē hab, aber Got wirt an dir dein trewlose mainaidigkait rechen/vnnd dein grosse lügen/do du noch gefangen lagest/hab ich dein gedacht/dich erledigen vñ erhöhen wöllen/du gibst mir den danck daruß/verachtest mein gütwilligkait/schlechst in wind alle trew die ich dir bewisen hab/Got hat mich angesehen vnnd sein gnad mitailt/das ich dein arglistigkait/Betrug/lüge/vnd mainaidigkait entdecken vnd mit warhait an den tag bringenn kan/Nun wolan ich hab das gelt verspilt vnd verloren/du aber dein güten namen/gerücht vñ leumadt/gnad vnd gunst aller höchsten/mein nam ist hoch erhaben/vnd

Q ij erkandt

Boccatius von den

erkannt/der dein schmechlich/häßlich vnd schedlich worden/ich bin betrogen/ich hab vermaindt ich hab ein jungen künig erlöset/so hab ich ein lotter buben/vndanckbaren vnd lügenhaffrige erlediget/Du darffst nit geducken das ich dich von deines krausen haars/schöne vnd jugent wegen erlöset vnd erkaufft hab/ich hab dir trew vnd wolthat/deiner ältern vnd vatters Friderici des künigs/die er ahn mir gethon züdanck/hiemit gedacht/vnd zum tail bezalen wollen/Schandt ist das du laur solt also so ainen frommen vatter mit deinen bösen stucken schenden/vnd im zü schanden leben/Es wäre mir wol angestanden/do ich ein witwe ein künig het haben mügen/ain küniglichs blüt zum mann/hie kan mich niemand verdencken/hab michs auch kosten lassen/Wo bleibt dein adel/ia hinder dem stadel/werdt werest du/das du die ketten inn gefäncknuß noch anhetest/vnd daran erfaultest/du hast wol geschwigen vnd leiden mügen/bis ich dich aufgebracht hab/zohest süsse saytten/wie man spricht/auff/war dye sach alle richtig/nun alles verkerdt vnd vergessen/du darffst jetz laugnē vñ vernainen das dich gar niemandt gehaissen hat/auch vberzeügen vnd schamtrot gmacht/du bist mein gewesen/das verleügnest/gib dir zü trefen vnd vor Got züuerantworten/Alu wolan ich wil fort an meiner wits weschafft genüigig sein/vnd was mir Got verlihen hat meinen erben ver lassen/sar hin du schalck vnd sag nit das du ein edel blüt seiest/ich setz ganz vnd gar von dir/ich will also ain gemachsams/rüwigs vñ fridsams lebe bis an mein end füren/mit solichen worten schied sie daruon/stünd Nolan dus wie buter an der sonnen/von meniglichen verachtet/stünd jederman sein müffig/hält niemandt nicht vonn ihm/müß sein lebenlang ein armer stimpler vnd betler beleiben/sterben vnd verderben mit einander.

Von Brumichilde der Künigin von Franckreich

Das cj. Capitel.

Wiewol ich allzeyt grossenn fleyß gehabt habe zü lernenn vonn meinem herren Preceptoren/so het ich doch jetz zümal mein sinn vnd hertz auff andere sachen gewendt/den selbenn nach zü sünden/vnd da ich in angrif vñ sahe traurig/als hette in der Keiser Phocas mit Weyb vnd kinden schon hingericht/welcher Phocas auch von Heraclio auß dem reich verjagt war/do ich mich also bedacht/sihe/trat Nachometes auff mit seinenn gesetzen/die ich gern erkundiget hett/Alber es kam ein weib zü mir/ich maint es wer der teuffel/rif mich hin von dannen/die het ihr haar zersträt/schrüzlich/häßtig/wainende/verlegt mir den weg vnd schrei/Ich laß es nicht geschähen das du allain wöllest geducken an den jamer der vergangen were/vnd das nicht gewar werde/der hie vor augen/dis weiß das du hie sibest mit zerstrewetem haar/vnd ir ziere außerden in der aschen ligē/sihe sy ebē an/sie ist Brumichildis ein künigin vñ Franckreich

Franckreich / stee eben still / hast du künden die Arsinde von Cyrene / dye
 Cleopatram von Aegypten, vnd zu lest Rosemundam / herlich beschribē
 vnd woltest mein also vergessenn / Da mich die vettel also hält / vnd vngē
 stüme anhielt / entsazte ich mich vor jr / Vñ da ich auff solche hefftige wort
 nichts antwurten kñdt / sagt ich / Brumichildis / wiewol ich mit anderē sa-
 chen beladen bin jezund / so kan ich deinem vorhabē mit stat thon / ist mir
 laid / dz dir so vbel geet / wie ich sihe deiner klag vnd gestalt nach / aber ich
 hab bis her nichts gehört deines handels nammens / vermügens vnd we-
 sens. Do saget sie / Du hast dein tag an niemant süßer vnd bitterer hendel
 erfahren als an mir / nimb dein feder in die hand / vnd schreibe an. Do saget
 ich / Ich glaub dir aber nicht / dann von iugent auf hab ich erfahren das dye
 weiber gern liegen / schwärzen / mit märten vñnd fäbten vmbgandt. Do
 sagt sie es ist ein sonderlich vnfall / das man disenn ain wenigsten gelaubt /
 den es am üblesten etwann gat / Doch will ich gleich als wol die warhait
 redenn als ain mann / ein König / dieweil ich se ein frauw ain künigin bin.
 Da sagt ich / Was mag dann mein schreibenn deinem hertzen layd vñnd
 künmernuß für trost vñnd frewdenn bringenn / du soltest vil lieber wöl-
 len / das alle Welt deyn vñnd deynes laids vergesse / dann das ich erst sol
 mit schreybenn deyn angst vñnd noth neüw machenn / vñnd frisch.
 Do saget sye zu im / Nith mir hat es nicht noth / ich will danoch das ehs
 auffgeschribenn werde zu ewigenn schandenn vñnd schmach / was ich
 für greüwliche / schandtliche / vñnd mörderische stücke / der ich Königs
 mütter war erlittenn habe. Do sprach ich / Obich mich woll gerenn
 aufzudrewenn begeret / vñnd sollichs zu entschüttenn / so will ich doch
 so hardt vñnd vnerpittlich nicht seyn / will den jamer beschreybenn / aber
 nith dem anhang / das du mir die warhait sagest / Vñnd do ich fleysig
 auffhöreñ woldt / mich rüstet / hūs sye inniglich hefftig an zu wainen /
 schläg ihre prüft mit feüstenn / bis sye plawwe mal het / zohet tieffe seuff-
 zenn / vñnd sprach also. Du hast wol jemals von einem altenn künige
 vonn Franckreich gehört / mit nammen Clodoneo / wie er habe Glo-
 tarios / eyn Son / vñnd äncclin auß dem Son gehabt / auß wellichem
 äncclin vier Süne geboreñ / die do regierrten nach abgann mit todt
 ihres vatters / habenn das Landt inn vier thayl gethaylet / Nun aber
 entstände ein grosser widerwill vnd kreyge zwischen meinem vatter Le-
 michildonem (der dazumal ein Künige inn Hispania war / vñnd seine
 adel vñnd geschlecht vonn dem grossen Alarico der Gotther Künige re-
 gieret) vñnd den oberranten Künigenn / Do sye auff beide seyten eyn-
 ander grossen schaden than hettenn / machtenn sye fryde mit einander /
 den selben fryden ewig zühaltenn / gab man mich noch seer jung Sigis-
 bereo dem Künig zum Weybe / aber der Teuffel hat mich zu dem heyrat
 gefierdt / das dan des ende wol aufweyset / Aber wie dem allem / do ich in
 grossen eeren / reichthumb / vñnd gewalt fasse / mir nicht manglet schöne / in-

Q u i j gent /

Boccatius von den

gent/zier/Königlicher schmuck/gold/silber/edelgstein/mit königlicher
würden erhaben/geehret/gepreiset/vñ schier mit lob bis in himel erhöhet
gleich für ein Gott gehalten/do gebar ich den Glotarium den dritten d̄
bresten/wolt Got ich het in nie empfangē noch geboren/od aber im ersten
bad ertrenckt/vñ vō leib zū grab getragē/Gleich do mich die sach gedacht
sie stünd am bestē/wer am höchstē in eere/Sihe da erhüb sich des Teüfels
namen/ein auffräre vñ den brüßn/darauf vō stund an heffriger krieg er
stände.Da fraget ich/Wz vrsach dises kriegs were? Sprach sie/dis/ das
die brüß das Reich vngleich mit einander zertailt hetten.Do sagt ich/
Künige/du sparest der warhait/vñ irrest dich/du bist schuldig dran/du
hast dein bösen samen darunder geseet.Sagt sie/Wie? Andere leüt ha
ben mich nie recht erkennen künden/vñ diser waist jertz was ich am schilt
fiere/Ich sage wie vor/das diser krieg auß brüderlichem neyd gegen ayn
ander entstanden sey/dz Chilpertus meus mañs brüß/vnder ainē schein
fride zū machen/geschlagen/vñ bald darnach inn gleichē vnfall auch mein
mann erwürgt ware. Sagt ich/Weib/weib/ das kann ich nicht mer
geduldenn/sage frey das du an disem allem schandlich schuldig bist/du
bist an ihm treüvlos/mainaid vñ verätherisch wordenn/du hast sie
auff die flaischbänck geben/dann du andere lieber gewonnen/zū den sel
benn dein trewe gewendt/du hast Landricum Palatij Comitum häfftig
anfahen lieben/ain gaile/fräche/vnzüchtige/sa mörderische vettel bist du/
das den obgenanten Landricum selbs geboren/vñ der vnsteet augemü
tet/mit im gehüret/Bist allzeit grob mit der sach vmbgangen/man hats
wol gemerckt/dein schalckhait ist wol jederman offenbar worden/vñnd
daß du möchtest bey eeren/vngeschediget vñ vngeschmächt bleiben/hast
du wider deinenn frommen vnschuldigenn herren vñnd mann Gots
mörderlich gehandelt/ihm nach gestellet/zügericht das er im walde
ermordet/auff dem gesäge mith einem jäger spieß erstochenn vñnd er
mordet wordenn ist. Do hübe die Lebrecherin/mörderin/vñ gaile
vettel an zütobenn vñnd wütten/sprechend. Sy wer ist diser mann
der sich nicht lanng hienor als vnwissendt aller hennedel gestellet/jertz
alle meyne gehaimnuß vñnd böse stuck vñnd dücke wayßt/mich so hart
vñnd häfftig antast/strafft/vñnd verleümbdet/ich mein frey er haß
es fürwar alles was er redet/vñnd ihm trawmet hienon/gleich als wiß
er baß/was/wann/wie sich alles verlossen haß/dan ich inn disem vnfall/
Du irrest dich lieber gesell(sagt sie)Es ist Fregiegundis geweest/die hatt
sollichs mit irem mann Chilperto gehandelt/daran bin ich wol so schellig
als du wider mich.Aber merck/wo hinnauf ich will/ich bin ein verlassne
witfraw/sampt meinen klainen kinder/sonne/zeytlich verlassen worden/
drang mich die not zū mir selbs zūsehen/versorget den hoff/vñnd regiert
wie ich mocht.Do saget ich auff/Du Brumchildis sparest die warhaytt
inn dem/das du oben gesagt hast/du habest allain auß Sigisberto den
Glotarium gehabt/Is doch wissendtluch dz du auch vō im Childebertū

gezeuget hast/zwen nicht einer allein Beliben/darzu Theobertū/vñ Theo-
 doricū āncklin/das solt glauben/das halt für die warheyt/das wil ich für
 gewis beschreiben/vnd nit vnderlassen. Sagt sie weiter/So ist Theo-
 doricus meins mannes āncklin/inn Burgundia vorzorn vñnd widerwilt-
 len gestorben/die er wider seinē brüder Theobertum künig Austrasie (der
 im nach leib vnd leben gestanden solt haben) getragen/da er sein son/sein
 Weib Obilliden ermordet. Da sagt ich/Das ist eben so wol mit vrlaub
 zureden/erlogen/als das oben gesagt von dir / Du bist die bübin/du hast
 solchen mord angerichtet vnd gestiftet/mich nimpt wunder das du solchs
 hast zū wegen künden bringen/Was soll ich aber sagen/die begir zū regier-
 ren/hatt dich so gar erblendt / das du vermaint hast/ du dörff est vnuer-
 schampt/vngestraft/böflich alles nach deinem mütwillen vñ frāuel han-
 deln/so seind auch hierin die weyber sonderlich geschickt/künden den män-
 nern bald ein haysses bade antragen / das man ihn scharpff vber die Ba-
 millen zwaget. Da sagt sie/Lasse deinen argtwon fallen/vnd mercke auf
 mich/Nicht lang nach disem/kam den Theodoricum der reuokauff an/Bes-
 dacht / was er gehandelt hette/wolt die schuld auff ander trechen/wirt
 mit giff getödt/vnd im vergeben/seine kinder fressen das schwerdt auch
 auff. Da sagt ich/Diē kan ich nicht leügnen/sagst recht darvon/ich wil a-
 ber mit schreiben erstatten/das du mit reden aussen laß/Theodoricus sa-
 get du habest im vergeben / also tödtet / vñnd seine kinder vmb leben ge-
 bracht. Sie aber habe an zū heülen vnd wainen/sprechen/Wie der wei-
 ber arth ist/Ich arme vnd vnglücksälige fraw/ das man mir so gar nicht
 glaubt/wol gilt mein reden so gar nicht/wol kompt vnfal so gar nicht al-
 lain/wie soll ich den sachen thün/Dieweyl sie also/bey vnd mit jr selbs wi-
 der mich also brüllet/vnd wider die warheyt vnverschāmbt strebet / vnd
 mich hiemit also zūstillen drāwet/fert sie mit iren reden fort / darein ich jr
 gefallen ware / sprechende / Nun wolan/ich sihe die sach will zū lauttmāt
 werden/die schalkheyt/mord vnd härerey will an tag kommen/ Gott will
 straffen das ich so vil seiner männer hab vmb leib vnd leben gepracht/vñ
 sonst auch souil vnglücks gestiftet/ich müß herhalten/vnd wird eben ge-
 richt werden vnd verurteylt von disen wie dise/die mich solten erledigen/
 aber ich hab vñ sie verschuldt/mir geschicht nach meinē verdienst/Mein
 son Glotarius so er ein wenig groß worden/wirdt mein richter sein müß-
 sen/ Ich bin dise die zwitracht vnder in allen angerichtet hat/ jertz geet das
 bad recht eben vber mich auf/auff mich truckt man alles/ich würd vor dē
 son verklagt/ich wird für gericht gefürt/ich müß antwort geben / nicht dē
 richterē entgegē/dē es gepürt die sach zūerhörn vñ richtē/sond dē anlage-
 rē/wer wolt sich hie nit förchtē/schweigē dan ich/die ich ein weibsbild bin/
 die ich nit allein vnder souil Frāgesische weibern/als ain hispanische fraw
 vñ vō mein aignē sone verlassen bin/sond vō meinē sone erst gefangē/wer
 kan vō solchē feindē ein recht bekomē/wz sol ich klage/ich wird gātz vñ gar
 überwunden/mich hilft kein zeügnus/truge/lüft noch anrichten mer hin

Q. iij. füran/mein

Boccatius von den

mein son ist junge/wirdt leichtlich vberredt/das er an mir eyn sollich la-
ster begeet/das er mich hinrichten last/vñ auf seinem befehl wird ich hin
geführt/vnd den obristen im regiment vberantwort meinen feindenn/da
kan ich nicht mer appellieren/promouieren/defendieren/Sie muß ich des
letzten vrteyls erwarten/nach gstat meiner missethat/laid vber laid/die
prüft die mein sun gesogen/der leib der ihn getragen hat/der eerlich müter-
lich namme/ia die zäher/die mir vber mein angesicht herab jämlich vnd
bitterlich fließen/weder klagen noch heülen/wöllen meinen sone zur gnad
barmherzigkeyt erwaichen noch bewegen/Er stehet fast auff seinem für-
nemen ernsthaft wie ein alt mann/ich hab nichts zü gewarten dann den
bittern tod/Sihe dieweyl ich nun also rede/wirt das vrtayl gefellet/vnd
würde den grewlichen henckers büben vberlüfert/wölche in ansehen des
ganzen volcks/die mich als die rechte künigin hoch vereheret/ia vor me-
nem ganzen adel/aller eere vergessen/hand an mich gelegt haben/gesch-
laypft/mir meine klayder aufgezogen/vnd entblößet haben. Es ist je
ein groß wunder/das sich das glück also vmbwenden kan/vñ so grewlich
gegen mir stellen/dieweilich mich vmb vnd vmb sich/finde ich niemandt
der sich mein erbarmet/mittleyden mit mir hette/sonder menigklich zeigt
mit finger auff mich/sprechen/Man künde nicht genüg pein/marter vnd
tod anthon/offt thet ich die augen zü/da man auff mich also deütet/das
ichs nicht sehe/kundt aber die oren nicht züthon/ich höret vnder der hen-
ckers büben henden/grewliche ding vber mich/vñ wider mich reden/das
mir mein schmerzen vnd tod noch saurer vnd bitterer macht. Was soll
ich vil sagen vnd klagen/da stünd ich halb plos/wurde hin geschleipft inn
den aller schantlichsten tod/dañ mit dem ainen füß/vnd der andern hand
vnd haar/wurde ich gepunden an die schwenz der sterckesten rosse/vnnd
also zerschleipft vnd zerrissen/gmartert/vnd da ich von den pferden also
hin vnd her gezogen/vnd zerflaischt warde/mit blüt alles befeuchtiget vñ
besprenget/gab ich den gaist in grossem qual auff vñ starb/plas den atem
auf/nach dem der leib gar zerferzet war/das saget sie mir also/das solt ich
auffschreiben/das hab ich gethan/hab ich etwas grewlicher thaten/die sy
begangen hat aufgelaßen/oder milder beschriben/so verzeicht es mir/sy
hat mich erbarmet da sie mich so traurig gebetten hat. Dise Histori
ist auß Französisch in verwohren Latein/vñ in güt Teütsch gepracht wor-
den/vileicht in des Boccatij büch gesetzt/von im nicht beschriben/wie der
anfang wol aufweist/dis hat der alt Lateinisch text nicht/auch dz teüt-
sche nicht gehabt/wie auch doben Tulliam re.

Von Johanna Künigin zü Hierusalem vnd Sicilia.

Das cii. Capitel.

Johanna Künigin zü Hierusalem vñ Sicilia/sür ander erbar Wey-
bern/ist sie von altē herkommen vñ geschlecht/reichtum/macht vñ güt
sitten vñ leben gewesen/vnd wañ man vns mitverdächt/als wöltē
wir sie



wir sie nit beschreiben auß vngunst/so wöltē wir vil lieber gar nichts schrei-
ben von ir/dann das wir nur wenig ir tugend vnd regiment anrüren/vñ
andeütē fürnemē/Dise ist des durchleüchtigsten vnd hochgepornen fürsten
vnd herren Carol Herzogen auß Calabrien/Roberti des künigs zu Hie-
rusalem vnd Sicilia angepornen son/vñ Marie künigs von Franckreichs
Philippi Schwester erste tochter gewesen/welcher eltern/altes herkommen/
so ichs hinder sich wolt erzelen/durch alle künige/grosse fürsten vnd her-
ren/wurde ich bis auff Dardanū der die stat Troya aufferbawē/des vat-
ter Juppiter/der oberst Gott gewesen /kommen/auff welchem geschlecht
sage ich/seind sonil fürsten geporen vnd herkommen / das kein künige inn
der Christenheit ist/der nit ihr blütfraind/oder aber schwager were/der
halben kein edler geschlächet dann diß darauf sy geporen ist/diser ist ir vat-
ter Caro

Boccatius von den

ter Carolus/do sie noch seer jung w3/allhie frū mit tod abgange/vñ do se
 ane Robertus kain kind mer herr das regieren mocht/ist jr gleich auch das
 reich zū regieren haimgefallen/vnd auff sie erblich gerathen/hatt fürwar
 ein grosse regierung verwaltet/vil land vñ volck vernünfftiglich/gewal
 tiglich/glückfälliglich regiert/vnder jr gehabt was zwischen dem Adria
 tischen vnd Tirrhemischen mör gelegen/von Umbria an/Picen vnd Vol
 seis/bis ans Sicilisch meer/an disen grenzē seind jr auch vñ iren gewalt
 gehorsam gewesen/die alten Capani/Lucani/Brutij/Salētini/Calabri
 Danni/Peligni/Marsi etc Vñnd ander vil mer/als das Hierosolymisch
 Reich/die Insel Sicilia/vñ jensidt des gepürgs Bimont/Also gehorchē jr
 die in 8 sibenden prouinz zwischen Narbonensi/Gallia am Rodano vñ
 gepürg sitzen vnd wonen/Vñ wienil seind nur stet/gwaltiger bürge/wie
 vil port vñnd anschiffung des meers/wienil see vnd teüch/wie vil wald/
 forst/waid/selder/acker/wisen/wienil herlicher völkter/groß herrn/vor
 radt was von nöten zür narung an allen orten vnder irer hand/dauon
 nicht genügsam zūsagen/ta des dzgrössest ist/vnbreüchlich/das solchs von
 ainē weib beherscht/geregieret/vnd in wesen erhalten solte werden/ist ge
 leich ein wundwerck/Vñ dz noch mer zū wundern/zū sollichē reich vnd re
 giment hat sie an irem gemüt genügen gehabt/den der jarē nach wol süg
 aber der dapfferkait geleich standthafft ware/Vñnd do sie das regiment
 annam/dar zū erkieset vnd gekrönt/ist sie in irer tugendt/sterck/vnd groß
 mütigkait also gewachsen/das sie als bald das land/strasse/vnd vnicher
 ort also geseübert vnd gestäubert hat/das nit allein stat/dörfer vñ flecken
 sonder gepürg/forst/wald/vnd alles in reinē frid vnd sicherhait gestandē
 ist/alles müste fliehen w3 schadē begert zürhū/hat sich auff ein feste purg
 vnd schloß gesezt/allzeit ein hauffen wol gerüster vnd gewapneter meñer
 sampt irem hauptman aufgeschickt/dise zū greiffen die vñrat im land an
 zürichten fürgenommen/nicht abgelassen/bis sie solchen bösen buben ire
 recht angethon het/das künige vor ihr nicht gethon/odder nicht zürthon
 haben vermöcht/Hat auch jr land in kurzer zeit also befrid/das nicht al
 lain ain atmer mann sein gewerb in frid hat mügen aufrichten/sond auch
 der reich frey on sorgen durch wilde weld vnd sicher hat mügen raisen/sin
 gen vnd werben/hat auch jr herren am hoff vnd fürnämsten im land mit
 solcher beschaidenheit wissen zū regiern/das sie sich alle bessert/andere sit
 tigere mores vnd wesen an sich genommen/sie mer dan zūuor grosse künig
 mit jr hoffart geförcht haben/ist auch so geschwind geweest das sie kainer
 hat mügen vberfortaylen oder teüschē/Sie ist langmütig vnd bstendig
 gewesen in iren anschlegen/hat sie niemandt leichtlich ab irem fürnemenn
 bringen mügen/das dann ire redliche thaten wol anzaigen/inn vil vnfal
 vñnd vngemachs des jr begegnet ist/alzeit sich weiflich heraufgewickelt/
 dann sie hat vil auffstöß der brüder/die in dem reych waren erlitten/auch
 eüsserlich kriege/die da zū nachtail irer vnderthanen vnd reich sich haben
strecken wöllen

strecken wöllen / fürkommen / gestilt vñ befridet / hat auch mit künem müt
veracht vnd vberwundē / der aller bösten leüt affterreden / heimlichē neyd
des adels / der Bapst drāwen vñnd der gleichenn / die warlich nicht einem
weib / sonder starcken künig gnüg zū schaffen gebenn hetenn / Sie hat ein
schöne liebliche gestalt gehabt / ein senffte red / wol beredt / ein Künigliche
Maestat vnd dapferkait gepraucht / wo es von nöten gewesen ist / sonst ge
gen aller menig fraintlich / gütig / senfftmütig / das man sie nicht für ein kün
igin / sonder für ein güt fraindin hatte mügen halten vnd haben / Wz solt
man in ainem aller weifesten künig erfordern / dz dise künigin nicht het ge
habt / wann einer vō jr volkommenhait tres gemüts schreibe wöllen / möcht
einer wol ein groß büch darvon machen / derhalbē halt ich sie nit allain für
herlich vnd hochtrümlich / sonder ain besonder zierd des ganzen Welchs
lands inn ewig zeit / daselbst nit gesehen dermassen.

Beschluß.

Nun wolan wir wöllens gleich also alhie beleibe lassen / vnd dieweil 8
redlichen vnd edeln weyber so ein klein anzal ist / ist besser wir beschliessens
mit so ainer herlichen künigin / dann das wir forter schreibenn / vnd mer
böse mit vnder mengten / dise Johana sol das büch beschliessen / gleich wie
Eua vnser aller mütter angefangen hat / Ich weiß aber hie nebē gleich wol
das leüte sein werden / die da sagē ich hab vil aussen gelassen / dis vnd jens
von diser vñ jener geschriben / nun wolan ich las geschē / ich bekenē es / ha
vil seind von mir nicht beschriben worden / die wol wert weren das man
jr nicht verges / wer kan aber sie alle ordenlich nach einander beschreiben /
vil seind mir zū frū gestorben / vor vil jaren / so kenne ich der auch nicht al
ler die noch leben / so waif ich der auch nicht alles thon vnd lassen / so ganz
die ich beschribenn hab / das man aber mich danocht nicht so vnbedächtg
acht / so hab ich danocht eben vil außlendischer Griechischer / Lateinischer
auch Kayser vnd Künigs weiber / leben / sitten vnd wesen beschribenn / so
vil mir bewüßt / hab aber danocht noch vil vnder handenn gehabt / mein
fürnemen aber nicht gewesen / aller zherzelen vnd beschreiben / sonder / wie
ich im anfang gesagt hab / auß grossen hauffen vnd menge / nu die fürne
mesten namien / vnd dieweil ich dis gethon / verhoff hab meinem ampt vñ
zūsagen genüg gethon / mag sein / das ich etwan möcht angestossen habē /
dann ichs auch nicht alles waif / ist es geschehen / ist es mir layd / bit menig
klich wöl mir sollichs zū güt haben / vnd was hie her möchte weiters gese
zet / oder abgethon werden / wöllet sollichs bessern vnd zū recht bringen /
auff das den leütten vil mer ein ganzes / güttes / gerechts werck zūnutz ver
füget / dann also zerrissenn / zū schanden vberlüfert werde. Damit Got
befolhen / Amen.

Gedruckt vnd vollendet inn der Kayserlichen statt Augspurg / durch Heinrich Stayner
am iij. tag februarij / des M. D. xxxij. Jars.

Faint, illegible text, likely bleed-through from the reverse side of the page.



A-Q⁶ = 6 nn, 90 Bc.,
82 Holzschnitte, incl. einige
Wiederholungen. 51/68 KVK

Ann.

Boccaccio, G.: Ein schöne Cronica oder Hystori buch von den fürnämlichen Weybern / so von Adams Zeyten an geweszt / Was güttes oder böses je durch sy geübt / Auch was nachmaln güttes oder böses darauß entstanden... durch **D. Henricum Steinhöwel in das Teütsch gebracht** / ... Mit schönen Figuren durch auß geziert / Ganz nützlich / lustig und kurtzweilig zu lesen. Mit Titelholzschnitt und 81 Textholzschnitten (einige wiederh.) von **Jörg Breu, Leonhard Beck u. Hans Schäuufflein. Augsburg: Heinr. Steiner 1543. 2°. 6 nn, 90 Bl. HPgt d. frühen 19. Jh.**

Dodgson II, 113, 19. Goed. I, 369 Nr. 3, 5; Graesse I, 447; Muther 930, 1118. — „Steinhöwels Übersetzungen sind nicht wörtliche Übertragungen, sondern dem Leserkreis angepaßte, sinnvolle Bearbeitungen in flüssigem Stil“. — „Vor allem

offenbart sich seine humanist. Gesinnung in der Stellung zur Frau. Schon die Wahl von Boccaccios Werk ist da bemerkenswert“ (Stammler). Die Holzschnitte sind zum größten Teil (77) freie Nachschöpfungen Jörg Breus auf Grund der Illustrationen zur Sorgschen Originalausg. von 1479. Die beste Beschreibung dieser Ausgabe findet sich bei Davies, German Books in the Library of C. Fairfax Murray, Bd I Nr. 80. Dort auch folgender Hinweis: „This edition contains three more biographies than the 1479 ed. ... These are headed on fol. 85: „Dise drey nachfolgende Capitel seind von ... Steinhöwel nit verteutsch, sonder erst jetzt inns Teütsch hinzügethon worden.“

Im ganzen l. gebräunt, stellenweise weitere Altersflecken. Besonders am unteren weißen Rand u. im Falz — vorwieg. anfangs — Reparaturen. Titel aufgezogen wegen 2 unauffälliger kleiner Fehlstellen u. am weißen Rand verstärkt. Im ganzen gutes Exemplar, die Holzschn. durchweg kräftig u. klar im Druck. 2000.—

